







# শ্রীশ্রীচৈতন্য-উপদেশ

( প্রথম খণ্ড )

শ্রীজ্ঞানেন্দ্র নাথ চৌধুরী ~~বিশ্বনাথ~~  
সংকলিত ।

প্রকাশক  
শ্রীবিনয়েন্দ্রনাথ বসু, বি.এল.  
কমলা প্রেস, ধুলনা ।  
১৩২৬ ।

মূল্য আট আনা মাত্র ।



গুলনা কমলা প্রেসে  
শ্রী অনন্তকুমার বসু দ্বারা মুদ্রিত ।

# উৎসর্গ পাত্র

পূরমারাধা

শ্রী শ্রী গুরু দে বো র

শ্রী ক র ক ম লে

অ পি ত

হইল ।





সন্ন্যাসগ্রহণানন্তর শ্রীশ্রীচৈতন্য মহাপ্রভু শ্রীকৃন্দাবন যাইবার উদ্দেশ্যে  
কৃষ্ণপ্রেমে বিহ্বল হইয়া বাটদেশে ভ্রমণ করিতেছেন। সম্মুখে  
শ্রীশ্রীনিত্যানন্দ প্রভু এবং পশ্চাতে গোপশিষ্টগণ 'হরিবোল' বলিতেছে।



## সূচী পত্র ।

পত্রাঙ্ক

১।	ভক্ত-বাক্যই শ্রীকৃষ্ণের বাক্য	১
২।	শ্রীকৃষ্ণ-পাদ-পদ্মে চিত্তবৃত্তিই বিজ্ঞার ফল	৩
৩।	অতিথি-সেবা—গৃহস্থের মূলধর্ম	৬
৪।	শুগধর্ম সম্বন্ধে উপদেশ	৮
৫।	সংসার অনিত্য—মৃত্যু অবশ্যজ্ঞাবী	১০
৬।	ব্রাহ্মণের প্রতি তিলক-ধারণের উপদেশ	১৫
৭।	বিপ্র-পাদোদক-মাহাত্ম্য	১৭
৮।	গুরুকে ভগবৎ-চক্ষে দর্শন ও তাঁহার চরণে আত্ম-নিবেদন করিতে হয়	১৯
৯।	সর্বশাস্ত্রেরই উপদেশ—‘কৃষ্ণভক্তি’	২১
১০।	কৃষ্ণভক্তিই প্রকৃত বিজ্ঞা	২৫
১১।	সেইশাস্ত্রইমত্যা যাহাতে কৃষ্ণভক্তি- উপদেশ আছে	২৬
১২।	কোন অবস্থায় তীর্থপর্যাটনে ফল হয়	২৮

১৩।	কৃষ্ণভক্তির প্রভাব ও জীবের প্রতিবর্ণন	৩০
১৪।	‘ধাতু’ শব্দের ব্যাখ্যা	৩৮
১৫।	সকীর্্তন-শিক্ষা দান	৪০
১৬।	কৃষ্ণভক্তিব্যতিরিক্ত আর বর নাই	৪২
১৭।	ভক্তকে আত্মক্রম করিয়া ভগবৎ- পূজার কৃফল	৪৫
১৮।	ভাগবত-তত্ত্ব কখন	৪৭
১৯।	ভক্তিটি আবশ্যিক—কেবল মাত্র শুদ্ধাচারে ভগবানকে পাওয়া যায় না	৫০
২০।	কৃষ্ণনাম-মহামন্ত্র উপদেশ ও কীর্্তন- শিক্ষাদান	৫৫
২১।	ভক্ত-মাগাওয়া	৫৮
২২।	শ্রীবাসের মৃতপুত্রের মুখ চাইতে তত্ত্ব- কখন	৫৯
২৩।	সকলের প্রাপ্ত নিরন্তর কৃষ্ণনাম	
২৪।	শ্রীমদ্ভগবৎ উপদেশ	৬৪

- ২৪। সমস্তই ঈশ্বরাদীন—কাহারও স্বতন্ত্র  
হইবার শক্তি নাই ৬৭
- ২৫। ভোক্তব্য অদৃষ্টে থাকিলে অবশ্যই  
মিলিবে ৬৮
- ২৬। বৈষ্ণব-নিন্দার প্রায়শ্চিত্ত কি? ৭০
- ২৭। বৈষ্ণব-মাহাত্ম্য—বৈষ্ণব-নিন্দায় মহাপাপ  
—এই পাপ হইতে উদ্ধারের উপায় ৭২
- ২৮। অল্প কামনা পরিত্যাগ পূর্বক ভগবৎ-  
ভজনের প্রভাব ৭৬
- ২৯। কৃষ্ণ কার্য্য যাতীত আর কিছুই করিও না ৮০
- ৩০। মহাস্তোর আচরণে দোষদৃষ্টি করিতে  
নাই ৮১
- ৩১। তুলসীর প্রতি ভক্তি ৮৫
- ৩২। 'লক্ষ্মেশ্বর' কাণকে বলে? ৮৮
- ৩৩। নিত্য কুশল-মঙ্গল কাহার? ১০০
- ৩৪। ভাস্কর ও জ্ঞান—এই দুই এর মধ্যে বড়  
কি? ১০১



৩৫।	দাঁক্ষাশুর জীবিত থাকা কালে মন্ত্র বিশ্মৃত হইলে অস্ত্রের নিকট মন্ত্রগ্রহণ নিষিদ্ধ	১০৬
৩৬।	পরান্ননিষ্ঠা	১০৮
৩৭।	শ্রীবাসুদেব সার্বভৌমের প্রতি তত্ত্বোপদেশ	১১০
৩৮।	‘মুক্তিপদ’—ইহার অর্থ কি?	১৩৭
৩৯।	কৃষ্ণৈকশরণ উপদেশ	১৩৯
৪০।	গৃহে থাকিয়া নিরন্তর কৃষ্ণনাম গ্রহণ- উপদেশ	১৪১
৪১।	নিরন্তর কৃষ্ণনাম লইলে মনে অহঙ্কার ও অভিমান স্থান পায় না	১৪২
৪১ক।	মহাভাগবত স্থাবর ও জঙ্গমের ভিতর শ্রীভগবানকে দেখেন	১৪৫
৪২।	শ্রীবেঙ্কট ভট্টের প্রতি শ্রীকৃষ্ণ ও শ্রীনারায়ণ তত্ত্বোপদেশ	১৪৮

৪৩।	অপ্রাকৃত বস্তু প্রাকৃত ইন্দ্রিয়-গোচর নহে	১৫৭
৪৪।	সাদ্য সার্থন তত্ত্ব বিচার	১৬০
৪৫।	ঈশ্বর শাস্ত্র-নিয়মাবধীন নহেন	১৬৪
৪৬।	সন্ন্যাসীর পক্ষে রাজ-দর্শন নিষিদ্ধ	১৬৭
৪৭।	নিরন্তর কৃষ্ণ-নাম কীর্তনের ফল	১৭০
৪৮।	গৃহস্থবিষয়ী লোকের সাধন-উপদেশ ও বৈষ্ণবের ক্রম নির্ণয়	১৭২
৪৯।	মর্কট বৈরাগ্য বর্জনীয়	১৭৯
৫০।	উত্তম হইয়াও আপনাকে হীন মনে- করিবার ফল	১৮১
৫১।	মায়াবাদী কৃষ্ণ-অপরাধী	১৮২
৫২।	মহাজনাবলম্বিত পথ	১৮৬
৫৩।	মুসলমান শাস্ত্রোক্ত গুট তত্ত্ব কথন	১৮৮



## শুদ্ধি পত্র ।

ক্রাঃ	পংক্তি	অশুদ্ধ	শুদ্ধ
২০	২	তরেবে	তরে
২২	৯	অঘ-বক	অজ ভব
২৬	৪	শাস্ত্র	শাস্ত্রই
৩১	১৫	অজ-	অঙ্গ
৩২	৭	সত্তারয়া	সত্তারিয়া
৩৪	১	যজ্ঞেশ	যজ্ঞেশ-
৩৪	১৫	উচিং	উচিত
৩৫	৪	দাসী নন্দন	দাসী-নন্দন
৪২	১৬	ভাগবৎ	ভাগবত
৪৫	৩	ভগবত	ভগবদ্
৫৩	১	ভক্তি	ভক্তিই
৫৪	১৪	মোহো	মোহোর
১০৪	১৫	কম্মভিভ্রাম্য	কম্মভিভ্রাম্য
১০৬	৫	নিষেদ	নিষিদ্ধ
১১৮	৯	ব্রহ্ম	ব্রহ্ম

୧୨୧	୧୦	ବ୍ରହ୍ମ	" ବ୍ରହ୍ମ
୧୧୭	୧	ଚିତ୍-ଶକ୍ତି	" ଚିତ୍-ଶକ୍ତି
୧୨୬	୨	ଈଶ୍ବର	" ଈଶ୍ବର
୧୨୭	୨	ଈଶ୍ବରର	" ଈଶ୍ବରର
୧୨୮	୨	ଜୀବ	" ଜୀବ
୧୩୭	୨	'ସଦ୍ବକ୍ତ'	" 'ସଦ୍ବକ୍ତ'
୧୩୬	୨	ଭଗବାନେ	" ଭଗବାନେ
୧୩୬	୫	ଆୟାସ	ଆରାମ
୧୪୫	୧	୫୧	୫୧ କ
୧୪୬	୬	ଭଗବତ୍ପ୍ରାଣେବ	ଭଗବତ୍ପ୍ରାଣେବ
୧୪୭	୧୦	ମଜ୍ଜିମେଛୁ	ମଜ୍ଜିମେଛୁ
୧୭୧	୧	ହରିଦାସ ଓ	ହରିଦାସ ଓ
୧୭୩	୧୨	ମେହି	ମେ-ହି
୧୮୦	୨	ଅନ୍ତନିଷ୍ଠା	ଅନ୍ତନିଷ୍ଠା
୧୮୦	୧୬	ବହିର୍ବେରାଗ୍ୟ	ବହିର୍ବେରାଗ୍ୟ



"গোৱা বিজ নট-ৰাজে,      বান্ধহ হৃদয়-মাঝে,  
কি কৰিবে সংসাৰ শমন ।  
নরোত্তম দাসে কহে,      গোৱী-সম কেহ নহে,  
না ভজিতে দেয় প্ৰেমধন ।"

## শ্রীশ্রীচৈতন্য-উপদেশ ।

### ১। ভক্ত-বাক্যই শ্রীকৃষ্ণের বাক্য ।

শ্রীধাম নবদ্বীপে শ্রীচৈতন্য মহাপ্রভুর সঙ্গিত  
শ্রীঈশ্বর পুরীর মিশন হইলে শ্রীঈশ্বর পুরী তাঁহাব  
রচিত “কৃষ্ণলীলামৃত” নামক পুঁথি সমালোচনা  
করিতে মহাপ্রভুকে অমুরোধ করিলে মহাপ্রভু  
বলিলেন “আপনি একজন পরম ভক্ত । ভক্ত-  
বাক্যই কৃষ্ণবাক্য । ভক্তবাক্যে যে দোষ দেখে সে  
নিশ্চয়ই পাপী । ভক্তের কবিত্ব যেরূপই ইউক না  
কেন, তাহাতে কৃষ্ণের প্রীতি হয় ।”

প্রভু বোলে “ভক্তবাক্য কৃষ্ণের বর্ণন ।  
 ইহাতে যে দেখে দোষ সে-ই পাপীজ্ঞন ॥  
 ভক্তের কবিত্তে যে-তে-মতে কেনে নয় ।  
 সর্বদা কৃষ্ণের প্রীতি তাহাতে নিশ্চয় ॥  
 মূর্থ বোলে ‘বিষায়’ ‘বিষবে’ বোলে ধীর ।  
 দুই বাক্য পরিগ্রহ করে কৃষ্ণ বীর ॥  
 ‘মূর্খো বদতি বিষায় ধীরো বদতি বিষবে ।  
 উভয়োস্তু সমং পুণ্যং ভাবগ্রাহী জনার্দনঃ ॥’ (১)  
 ইহাতে যে দোষ দেখে তাহাতে সে দোষ ।  
 ভক্তের বর্ণন মাত্র কৃষ্ণের সন্তোষ ॥” (২)

(১) শ্রীবিষ্ণুকে প্রণাম করিবার সময়ে মূর্থ ব্যক্তি ‘বিষায়’  
 , নমো বলে এবং জ্ঞানীলোক ‘বিষবে’ নমো বলে । কিন্তু  
 উভয়েরই সমান পুণ্য হয়, কারণ জনার্দন ভাবগ্রাহী ।

(২) শ্রীচৈতন্য ভাগবত—আদি । ৭ম ।

যে-তে-মতে কেনে নয় = যে কোনও প্রকারেরই হটক  
 কা কেন

## ২। শ্রীকৃষ্ণ-পাদ-পদ্মে চিত্তবৃত্তিই বিচার ফল ।

কাশ্মীর দেশীয় কেশব পণ্ডিত ‘দিগ্বিজয়ী পণ্ডিত’ নামে খ্যাত । কেশব, ভারতের নানাস্থানে দিগ্বিজয় করিয়াছেন । বহু সংখ্যক গণ্যমান্য পণ্ডিতকে তর্কযুদ্ধে পরাস্ত করিয়া অবশেষে নবদ্বীপে আসিয়া উপস্থিত হইলেন । ইহার চলাফেরা ঠিক বড় মানুষের ন্যায় । ইহার সঙ্গে সর্বদা বিস্তর লোকজন ও হাতীঘোড়া থাকে । নবদ্বীপে আসিয়া ইনি সগর্বে বলিলেন “এই নবদ্বীপে যত বড়ই পণ্ডিত থাকুন না কেন তিনি আমার নিকট আসিয়া আমার সহিত তর্ক ও বিচার করিয়া আমাকে পরাস্ত করুন, নতুবা আমাকে জয়পদ্ম লিখিয়া দিউন । যদি তিনি আমাকে পরাস্ত করিতে পারেন তবে নবদ্বীপবাসীগণ তাঁহাকে উপযুক্ত উপহার দিউন এবং আমিও নবদ্বীপবাসীগণকে আমার সমস্ত সম্পত্তি দিয়া যাইব।”



কেশব পণ্ডিতের সহিত বালক অধ্যাপক শ্রীনিমাই পণ্ডিতের বাগ্‌যুদ্ধ আরম্ভ হইল। কেশব গঙ্গা-স্তব আরম্ভ করিলেন। অনর্গল শ্লোকের উপর শ্লোক রচনা করিয়া বলিতে লাগিলেন। শেষ শ্লোকটির দোষ গুণ বিচার হইল। শ্রীনিমাই পণ্ডিত ঐ শ্লোকের বিস্তর আলঙ্কারিক দোষ দেখাইলেন। দিগ্বিজয়ী উহা কিছুতেই খণ্ডন করিতে পারিলেন না এবং অবশেষে বহু বাগ্‌বিতণ্ডার পর শ্রীনিমাইএর নিকট পরাজয় স্বীকার করিলেন। রাত্রিতে স্বপ্ন-যোগে সরস্বতী নিমাই পণ্ডিতের প্রকৃত তত্ত্ব দিগ্বিজয়ীকে বলিলেন এবং বলিয়া দিলেন “তুমি কল্যা অতি প্রত্যাশে যাইয়া নিমাই পণ্ডিতের নিকট আত্ম-সমর্পণ কর। দিগ্বিজয়ী তাহাই করিলেন এবং নিমাইএর নিকট স্বীয় বিদ্যা-মদের অসারতা স্বীকার পূর্ব্বক তাঁহার চরণ ধরিয়া তত্বোপদেশ প্রার্থনা করিলে নিমাই দিগ্বিজয়ীকে এই উপদেশ করিলেন :—

“জন বিপ্রবর ! তুমি মহা ভাগ্যবান ।  
 সরস্বতী ঘাহার জিহ্বায় অধিষ্ঠান ॥  
 ‘দিগ্বিজয় করিব’ বিজ্ঞার কার্য্য নহে ।  
 ঈশ্বরে ভজিলে, সে বিজ্ঞায় সভে কহে ॥  
 মন দিয়া বুঝ, দেহ ছাড়িয়া চলিলে ।  
 ধন বা পৌরুষ সঙ্গে কেহ নাহি চলে ॥  
 এতেকে মহাস্তম্ভ সব সর্ব্ব পরিহরি ।  
 করেন ঈশ্বর-সেবা দৃঢ় চিত্ত করি ॥  
 এতেকে ছাড়িয়া বিপ্র ! সকল জঞ্জাল ।  
 শ্রীকৃষ্ণ চরণ গিয়া ভজহ সকাল ॥  
 যাবত মরণ নাহি উপসন্ন হয় ।  
 তাবত সেবহ কৃষ্ণ করিয়া নিশ্চয় ॥  
 সে-ই সে বিজ্ঞার ফল জানিহ নিশ্চয় ।  
 ‘কৃষ্ণ পাদ-পদ্মে যদি চিত্তবৃত্তি হয় ।’  
 মহা উপদেশ এই কহিলুঁ তোমায়ে ।  
 ‘সবে বিমুণ্ডস্তি সত্য অনন্ত সঙ্গসারে’ ॥”

## শ্রীশ্রীচৈতন্য-উপদেশ ।

\* \* \* \*

প্রভু বোলে, “বিপ্র ! সব দণ্ড পরিহরি ।  
ভজ গিয়া কৃষ্ণ, সর্বভূতে দয়া করি ॥  
যে কিছু তোমাতে কহিলেন সরস্বতী ।  
তাহা পাছে বিপ্র ! আর কহ কাহা প্রতি ॥  
বেদ-গুহ্য কহিলে হয় পরমায়ু ক্ষয় ।  
পরলোকে তার মন্দ জানিহ নিশ্চয় ॥(৩) •

### ৩। অতিথি সেবা—গৃহস্থের মূলকর্ম

- গৃহস্থেরে মহাপ্রভুঃশিখায়েন ধর্ম ।  
“অতিথির সেবা গৃহস্থের মূলকর্ম ॥

---

(৩) শ্রীচৈতন্য ভাগবত—আদি । ৯ম ।

সম্ভে = সকলে । এতেকে = অতএব, এই নিমিত্ত ।

গৃহস্থ হইয়া যদি অতিথি না করে ।  
 পশুপক্ষী হইতেও অধম বলি তারে ॥  
 যা'র বা না থাকে কিছু পূর্বাদৃষ্ট দোষে ।  
 সেহো তণ জল ভূমি দিবেক সন্তোষে ॥  
 'তৃণানি ভূমিকৃদকং বাক্ চতুর্থী চ স্মৃত্য ।  
 'এতানপি সতাং গেহে নোচ্ছিন্তে কদাচন ॥'(৪)  
 সত্যবাক্য কহিবেক করি পরিহার ।  
 তথাপি অতিথি<sup>শ্রু</sup> না হয় তাহার ॥  
 অকৈতবে চিত্ত-স্থখে যার যেন শক্তি ।  
 তাহা করিলেই বলি অতিথির ভক্তি ॥'(৫)

(৪) (গৃহস্থ অতিথিকে অন্নদান করিতে অসমর্থ হইতে  
 পারেন কিংবা তাহার শয়ন ও উপবেশনের জন্ত) তৃণ ও ভূমি  
 হস্তপদ প্রক্ষালনের ও পানের জন্ত জল ও চতুর্থ জ্রবা অর্থাৎ  
 প্রিয়বাক্য, এই সমস্ত বিষয়ের, (সাধু গৃহস্থের আশ্রমে) কখনও  
 উদ্বেদ বা অভাব হয় না । (মনুসংহিতা—৩।১০১)

(৫) শ্রীচৈতন্য ভাগবত—আদি । ১০ম ।

## ৪ । যুগধর্ম সম্বন্ধে উপদেশ ।

শ্রীচৈতন্যদেব যৌবনারম্ভে একবার পূর্বাঞ্চলে যান । তথায় তাঁহার অবস্থিতিকালে তপন মিশ্র নামক জনৈক সাধু ব্রাহ্মণ আসিয়া তাঁহার চরণ বন্দনা করিয়া তাঁহার সম্মুখে ঘোড়হস্তে দাঁড়াইলেন, এবং তাঁহার নিকট তত্ত্বোপদেশ প্রার্থনা করিলেন ও কিসে তাঁহার ( সেই ব্রাহ্মণের ) প্রাণ জুড়াইবে তৎসম্বন্ধে জিজ্ঞাসা করিলেন ।

বিশ্র বোলে “আমি অতি দীন হীন জন ।

কৃপা-দৃষ্টো কর মোর সংসার মোচন ॥

• সাধা-সাধন তত্ব কিছুই না জানি ।

কৃপা করি আমা’ প্রাতি কহিবা আপনি ॥

অতিথি না করে = অতিথি সংকার না করে ।

পরিহার = দোষাপনয়ন । অটেকতবে = কলকামবাপ্ত

হইয়া । ঘেন = ঘেমল ।

বিষয়াদি স্থখ মোর চিন্তে নাহি ভায় ।  
 কিসে জুড়াইবে প্রাণ কহ দয়াময় ॥”  
 প্রভু বোলে “বিপ্র ! তোমার ভাগ্যের কি কথা ।  
 কৃষ্ণ ভজিবারে চাহ সেই সে সর্বথা ॥  
 ঈশ্বর ভজন অতি দুর্গম অপার  
 যুগধর্ম স্থাপিয়াছেন করি পরচার ॥  
 চারি যুগে চারি ধর্ম রাখি ক্ষীণতলে ।  
 অধর্ম স্থাপিয়া প্রভু নিজস্থানে চলে ॥  
 ‘পরিত্রাণায় সাধুনাং বিনাশায় চ দুষ্কৃতাম্ ।  
 ধর্মসংস্থাপনার্থায় সম্ভবামি যুগে যুগে ॥’(৬)  
 আসন্ বর্ণাজয়োহস্য গৃহতেহনুযুগং তনুঃ ।  
 শুক্লোরক্তস্তথা পীত ইদানীং কৃষ্ণতাং গতঃ ॥”(৭)

(৬) শ্রীকৃষ্ণ অর্জুনকে বলিতেছেন—সাধুদিগের পরিত্রাণের  
 জন্ত, দুষ্কর্মপরায়ণ জনগণের বিনাশের জন্ত এবং ধর্মসংস্থাপনের  
 জন্ত আমি যুগে যুগে অবতীর্ণ হইয়া থাকি । গীতা—৪।৮

(৭) গর্গমুনি নন্দ মহারাজকে বলিতেছেন—আপনার এই

কলিযুগ ধর্ম হ্রস্ব নাম সঙ্কীর্ণন ।

চারি যুগে চারি ধর্ম জীবের কারণ ॥

‘কৃতে যৎধ্যায়তো বিষ্ণুঃ ত্রেতায়াং যজ্ঞতোমধৈঃ ।

দ্বাপরে পরিচর্য্যয়াং কলৌ তদ্বিকীর্ণনাং ॥’ (৮)

ইহ প্রতিযুগে দেহ ধারণ করেন এবং ইহার তিনটি বর্ণ ইষ্টয়া থাকে, যথা—শুক্র, রক্ত ও পীতবর্ণ ; সম্প্রতি ইনি কৃষ্ণবর্ণ ধারণ করিয়াছেন । ‘শুক্র’ অর্থাৎ সত্যযুগে হংসাবতারাে দেতবর্ণ । ‘রক্ত’ অর্থাৎ ত্রেতাযুগে হরগ্রীবাবতারাে রক্তবর্ণ । ‘পীত’ অর্থাৎ কলিযুগে গৌরবর্ণ (শ্রীকৃষ্ণচৈতন্ত মহাপ্রভু) । ভাগবত—১০।৮।৯

“শুক্র, রক্ত, পীতবর্ণ এই তিন ছাতি ।

সত্য, ত্রেতা, কলিকালে ধরেন শ্রীপতি ॥

• ইদানী দ্বাপরে তিহো হৈল কৃষ্ণবর্ণ ।

এই সব শাস্ত্রাগম পুরাণের মর্ম ॥”

(ত্রিষ্টোতন্ত্রচরিতামৃত—আদি । ৩য়)

(৮) সত্যযুগে ধ্যানদ্বারা, ত্রেতাযুগে যজ্ঞাদিদ্বারা, দ্বাপরে পরিচর্যা (অর্চনা) দ্বারা এবং কলিযুগে কীর্ত্তনাদিদ্বারা ভগবানের আরাধনা হয়—

অতএব কলিযুগ নাম-যজ্ঞ সার ।  
 আর কোম কৰ্ম কৈলে না হয় পার ॥  
 রাত্রি দিন নাম লয় খাইতে শুইতে ।  
 তাহার মহিমা কেদে নাহি পারে দিতে ॥  
 শুন বিপ্র ! কলিযুগে নাহি তপ যজ্ঞ ।  
 যেই জন শুভে কৃষ্ণ তার মহাভাগ্য ॥  
 • অতএব গৃহে তুমি কৃষ্ণ ভজ গিয়া ।  
 কুটিনাটি প'রহার একান্ত হইয়া ॥  
 সাধাসাধন তত্ব যে কিছু সকল ।  
 হরিনাম সঙ্কীৰ্ত্তনে মিলিবে সকল ॥  
 'হরেনাম হরেনাম হরেনাটমব কেবলম্ ।  
 কলৌ নাশ্ত্যেব নাশ্ত্যেব নাশ্ত্যেব গতিরশ্রুখা ॥'(১)  
 'হরেকৃষ্ণ হরেকৃষ্ণ কৃষ্ণ কৃষ্ণ হরে হরে ।  
 হরেরাম হরেরাম রাম রাম হরে হরে ॥'

(১) ( বৃহন্নারদীয় পুরাণ ) কলিযুগে হরিনাম বাতীত জীবের  
 আর অন্য গতি নাই, নাই, নাই ।



এই শ্লোক নাম বলি লয় মহামন্ত্র ।  
 ষোল নাম বাক্তিশ অক্ষর এই তন্ত্র ॥  
 সাধিতে সাধিতে যবে প্রেমাস্কুর হ'বে ।  
 সাধ্যসাধন তত্ত্ব জানিবা সে তবে ॥(১০)

“কলিকালে নামকপে কৃষ্ণ অবতার ।  
 নাম হইতে হয় সর্ব জগত নিস্তার ॥  
 দাঁড়ালাগি হরেনাম উক্তি তিনবার ।  
 জড়লোক বুঝাইতে পুনরেকবার ॥  
 ‘কেবল’ শব্দ পুনরাগি নিশ্চয়-কারণ ।  
 জ্ঞান, যোগ, তপ আদি কৰ্ম্ম নিবারণ ॥  
 অল্পা যে মানেন তার নাহিক নিস্তার ।  
 নাহি, নাহি, নাহি তিন উক্তি এবকার ॥”

( শ্রীচৈতন্যচরিতামৃত—আদি । ১৭

(১০) শ্রীচৈতন্য ভাগবত—আদি । ১০ম । পরচার=প্রচার ।  
 দৃষ্টো=দৃষ্টিদ্বারা । সাধ্য=সাধনীয় অর্থাৎ ভগবৎপ্রেম ।  
 সাধন=ভগবদ্ভজন প্রণালী, যথা শ্রবণ, কীর্ত্তনাদি ।  
 নাহি ভায়=ভাল লাগে না । কাটনাটি=ছলনা, চাতুরী ।  
 সাধিতে=সাধন করিতে ।

## ৫ । সংসার অনিত্য—মৃত্যু অবশ্যস্তাবী ।

শ্রীনিমাই পণ্ডিত পূৰ্ব্বাঞ্চল হইতে গৃহে প্রত্যা-  
 স্বৰ্ত্তন করিয়া জানিলেন যে তাঁহার পত্নী লক্ষ্মীদেবী  
 পরলোক-গমন করিয়াছেন । শ্রীনিমাইকে দেখিয়া  
 তাঁহার জননী শচীদেবী অশ্রু বিসৰ্জ্জন করিতে  
 লাগিলেন । শ্রীনিমাই তাঁহাকে এইরূপ প্রবোধ-  
 বাক্য বলিলেন :—

“যার যে নিরীক আছে ঘুচাইবে কেহ ।

সকল সংসার মিথ্যা সব দেহ গেহ ॥

তোমাতে কে বুঝাইব তুমি সব জান ।

জানিয়া শুনিয়া কেনে প্রবোধ না মান ॥

শরীর ধরিয়া কেহ মৃত্যু না এড়ায় ।

ব্রহ্মাদি দেবতা যত তারা মৃত্যু পায় ॥

কেহ আগে কেহ পাছে মরণ সভার ।

জন্ম মরণ মাত্র সভার ব্যবহার ॥” (১১)

‘কন্তু কে পতিপুত্রাত্মা মোহ এব হি কারণং’ । (১২)

প্রভু বোলে “মাতা ! দুঃখ ভাব কি কারণে ।

ভবিতব্য যে আছে সে ঘুচিব কেমনে ॥

এই মত কাল গতি,—কেহ কারো নহে ।

(১১) শ্রীচৈতন্যমঙ্গল ( শ্রীলোচন দাস কৃত ) । আদি ।

ঘুচাইবে কেহ=কেহই ঘুচাইতে অর্থাৎ দূর করিতে

পারে না। গেহ=গৃহ। সভার ব্যবহার=সকলের রীতি।

(১২) ভাগবত—৮। ১৬। ১২। অদিতির প্রতি কন্তুপের

উক্তি। সম্পূর্ণ শ্লোকটি এই:—

“কদেহো ভৌতিকোহনাত্মা কচাত্মা প্রকৃতেঃ পরঃ ।

• কন্তু কে পতিপুত্রাত্মা মোহ এব হি কারণং ॥”

অর্থাৎ ভৌতিক অনাত্ম দেহ কোথায়, আর প্রকৃতির পর (অতীত) আত্মাই বা কোথায়? পতি পুত্রাদিই বা কে? পতি-পুত্রাদি কাহার? ভাবিয়া দেখিলে, মোহই ঐ সকল প্রতীতির কারণ ।

অতএব ‘সংসার অনিত্য’ বেদে কহে ॥  
 ঈশ্বরের ইচ্ছাধীন যে, সকল সংসার ।  
 সংযোগ বিয়োগ কে করিতে পারে আর ॥  
 অতএব যে হইল ঈশ্বর ইচ্ছায় ।  
 হইল সে কার্য্য আর দুঃখ কেনে তায় ॥  
 স্বামীর অগ্রেতে গঙ্গা পায় যে স্কৃতি ।  
 তারে বড় আর কেঁবা আছে ভাগ্যবতী ॥’(১৩)

## ৬। ব্রাহ্মণের প্রতি তিলক-ধারণের উপদেশ ।

শ্রীনবদ্বীপ নিবাসী মুকুন্দ সঙ্কয়ের পুত্র পুরুষো-  
 ত্তম দাসের বাটীর চণ্ডীমণ্ডপে অধ্যাপক শ্রীনিমাই  
 শিষ্যগণকে পড়াইয়া থাকেন । যদি কোনও শিষ্য

---

(১৩) শ্রীচৈতন্য ভাগবত—আদি । ১০ম ।

কোনদিন ভ্রমবশতঃ কপালে তিলক না দিয়া আসে  
তবে তাকে তিলক ধারণ সম্বন্ধে উপদেশ দিয়া  
শ্রীনিমাই এমন লজ্জা দেন যে সে পুনরায় বিনা  
তিলকে তাঁহার নিকট আসে না ।

•

প্রভু বোলে “কেনে ভাই কপালে তোমার ।

তিলক না দেখি কেনে কি যুক্তি ইহার ॥

তিলক না থাকে যদি বিপ্রে'র কপালে ।

তবে তারে ‘শ্রীশান সদৃশ’ বেদে বলে ॥

বুঝিলাও আজি তুমি নাহি কর’ সঙ্ক্যা ।

আজি ভাই ! তোমার হইল সঙ্ক্যা বঙ্ক্যা ॥

চল, সঙ্ক্যা কর গিয়া গৃহে পুনর্বার ।

সঙ্ক্যা করি তবে সে আসিহ পড়িবার ॥”(১৪)

(১৪) ঐ । বঙ্ক্যা = বিফল । পড়িবার = পাঠ করিবার ।

## ৭ । বিপ্র-পাদোদক-মাহাত্ম্য ।

শ্রীনিমাই তাঁহার মেসো চন্দ্রশেখর ও অনেক শিষ্যকে সঙ্গে লইয়া শ্রীগয়াধামে পদব্রজে যাত্রা করিলেন । পথিমধ্যে মন্দারে আসিয়া তাঁহার প্রবল জ্বর হইল । সকলেই অত্যন্ত চিন্তিত হইলেন । বিশেষ চেষ্টা করিয়াও তাঁহারা জ্বর নিবারণ করিতে পারিলেন না । অবশেষে শ্রীনিমাই তাঁহাদিগকে বলিলেন “আমাকে ব্রাহ্মণের পাদোদক আনিয়া দাও । উহা পান করিলেই আমার জ্বর ছাড়িবে ।” শিষ্যগণ তাহাই করিলেন । পাদোদক পান করা মাত্র শ্রীনিমাই পূর্ববৎ সুস্থ হইলেন । বিপ্রপাদোদক মাহাত্ম্য দেখাইবার নিমিত্তই তিনি ঐরূপ কৃত্রিম জ্বরের সৃষ্টি করিলেন ।

প্রাকৃত লোকের প্রায় বৈকুণ্ঠ-ঈশ্বর ।

লোক শিক্ষা দেখাইতে ধরিলেন জ্বর ॥

মধ্য পথে জ্বর প্রকাশিলেন ঈশ্বরে ।  
 শিষ্যগণ হইলেন চিস্তিত অন্তরে ॥  
 পথে রহি করিলেন বহু প্রতিকার ।  
 তথাপি না ছাড়ে জ্বর, হেন ইচ্ছা তাঁর ॥  
 তবে প্রভু ব্যবস্থিলা ঔষধ আপনে ।  
 ‘সর্বদুঃখ খণ্ডে বিপ্র-পাদোদক পানে ॥’  
 বিপ্র-পাদোদকের মহিমা বুঝাইতে ।  
 পান করিলেন প্রভু আপনে সাক্ষাতে ॥  
 বিপ্র-পাদোদক পান করিয়া ঈশ্বর ।  
 সেই ক্ষণে সুস্থ হৈলা, আর নাহি জ্বর ॥  
 ঈশ্বর সে করে বিপ্র-পাদোদক-পানে ॥  
 • এ তান স্বভাব বেদ-পুরাণ-প্রমাণে ॥  
 যে তাহান দাস্ত-পদ ভাবে নিরন্তর ।  
 তাহারো অবশ্য দাস্ত করেন ঈশ্বর ॥  
 অতএব নাম তান ‘সেবক-বৎসল ।’  
 আপনে হারিয়া বাঢ়ায়েন ভৃত্য-বল ॥(১৫)

৮। গুরুকে ভগবৎ-চক্ষে দর্শন ও তাঁহার

চরণে আত্ম নিবেদন করিতে হয় ।

“শ্রীগয়াক্ষেত্রে শ্রীগদাধরের পাদপদ্ম দর্শন করিয়া।  
শ্রীশ্রীমহাপ্রভুর কৃষ্ণপ্রেম সমুদিত হইয়াছিল । এই  
প্রেমের গাঢ় অবস্থায় তিনি শ্রীঈশ্বর পুরীর নিকট  
আত্মনিবেদন করিয়া দীক্ষা গ্রহণ করেন এবং শ্রীঈশ্বর  
পুরীকে কি প্রকার ভগবৎ চক্ষে দেখিয়াছিলেন এবং  
তাঁহাকে কি প্রকার আত্মনিবেদন করিয়া দেহ পর্য্যন্ত  
দান করিয়াছিলেন তাহা শ্রীশ্রীমহাপ্রভুর নিম্নোক্ত  
বাক্যে প্রতীয়মান হইতেছে । এস্থলে গুরুকে ভগবৎ-  
চক্ষে দেখার উপদেশ দেওয়া হইতেছে ।”

প্রভু বোলে, “গয়া যাত্রা সফল আমার ।

যতক্ষণে দেখিলাঙ চরণ তোমার ॥

---

তান = তাঁহার । তাহান = তাঁহার । বাঢ়ায়েন = বাড়াইয়া  
ধাকেন ।



তীর্থে পিণ্ড দিলে সে নিস্তরে পিতৃগণ ।  
 সেহো যারে পিণ্ড দিয়ে, তরেরে' সেই জন ।  
 তোমা' দেখিলেই মাত্র কোটি পিতৃগণ ।  
 সেই ক্ষণে সর্ব বন্ধ পায় বিমোচন ॥  
 অতএব তীর্থ নহে তোমার সমান ।  
 তীর্থেরো পরম তুমি মঙ্গল-প্রধান ।  
 সংসার সমুদ্র হৈতে উদ্ধারো আমারে ।  
 এই আমি দেহ সমর্পিলাও তোমারে ॥  
 কৃষ্ণ-পাদপদ্মের অমৃত-রস-পান ।  
 আমারে করাও তুমি এই চাহি দান ॥”(১৬)

(১৬) শ্রীচৈতন্য ভাগবত—আদি । ১২শ । দিয়ৈ=দিই ।

শ্রীকৃষ্ণ উদ্ধবকে বলিতেছেন :—

“আচার্য্য মাং বীজানীয়ান্নাবমন্যত কহিঁচিৎ ।

ন মর্ত্যবুদ্ধ্যাস্থ্যেত সর্বদেবময়ো গুরু ॥”

অর্থাৎ আচার্য্যকে (গুরুকে) আমার স্বরূপ জ্ঞান করা কর্তব্য,  
 কখনও তাঁহাকে অবমাননা করা কি তাঁহাকে মনুষ্যজ্ঞানে

## ৯ । সর্বশাস্ত্রেরই উপদেশ—‘কৃষ্ণভক্তি’ ।

শ্রীগয়াধাম হইতে গৃহে প্রত্যাবর্তন করা অবধি শ্রীনিমাই প্রায় সর্বদাই কৃষ্ণপ্রেমে বিভোর থাকেন অধ্যাপনা কার্য্য করিতে তাঁহার আর ইচ্ছা বা সামর্থ্য নাই । এখন তাঁহার মুখে ‘কৃষ্ণ’ এই কথা ব্যতীত আর কিছুই নাই । একদিন শিষ্যবর্গের ও গুরুজনাতির অমুরোধে শ্রীনিমাই পণ্ডিত পড়াইতে বসিলেন । শিষ্যগণ ‘হরি’ বলিয়া পুঁথি খুলিলেন ।

তাঁহার গুণের দোষারোপ করা কর্তব্য নহে, যেহেতু গুরু সর্বদেবময় । ( ভাগবৎ—১১ । ১৭ । ২৫ )

“গুরু কৃষ্ণরূপ হন শাস্ত্রের প্রমাণে ।

গুরুরূপে কৃষ্ণ কৃপা করেন ভক্তগণে ।

\*

\*

\*

শিক্ষাগুরুকে ত জানি কৃষ্ণের স্বরূপ ।

অম্বৰ্য্যামী ভক্তশ্রেষ্ঠ এই দুইরূপ ।”

( শ্রীচৈতন্যচরিতামৃত—আদি । ১৫ )

ইহা শুনিয়া শ্রীনিমাইএর আনন্দ হইল । তিনি  
আবিষ্ট হইয়া শাস্ত্র ব্যাখ্যা আরম্ভ করিলেন এবং  
ইহাই সিদ্ধান্ত করিলেন যে, সৰ্ব্বশাস্ত্রই কৃষ্ণভক্তি  
উপদেশ দিতেছেন, কৃষ্ণপাদপদ্মে ভক্তিই সকল  
শাস্ত্রের গূঢ় মৰ্ম্ম ।

প্রভু বোলে “সৰ্বকাল সত্য কৃষ্ণনাম ।  
সৰ্ব শাস্ত্রে ‘কৃষ্ণ’ বই না বোলয়ে আন ॥  
কর্ত্তা হৰ্ত্তা পালয়িতা কৃষ্ণ সে ঈশ্বর ।  
অজ-ভব-আদি যত কৃষ্ণের কিঙ্কর ॥  
কৃষ্ণের চরণ ছাড়ি’ যে আর বাখানেে ।  
বার্থ জন্ম যায় তার অকথা কথনে ॥  
আগম বেদান্ত-আদি যত দরশন ।  
সৰ্বশাস্ত্রে কহে ‘কৃষ্ণ-পদে ভক্তিধন ॥’  
মুগ্ধ সব অধ্যাপক কৃষ্ণের মায়ায় ।  
ছাড়িয়া কৃষ্ণের ভক্তি অগ্র পথে যায় ॥

করুণা-সাগর কৃষ্ণ জগত-জীবন ।  
 সেবক-বৎসল নন্দ-গোপের নন্দন ॥  
 হেন কৃষ্ণনামে যার নাহি রতি মতি ।  
 পড়িয়া ও সৰ্ব্বশাস্ত্র তাহার দুর্গতি ॥  
 দরিদ্র অধম যদি লয় কৃষ্ণনাম ।  
 সৰ্ব্বদোষ থাকিলেও যায় কৃষ্ণধাম ॥  
 এই মত সকল শাস্ত্রের অভিপ্রায় ।  
 ইহাতে সন্দেহ যার, সে-ই দুঃখ পায় ॥  
 কৃষ্ণের ভজন ছাড়ি যে শাস্ত্র বাথানে !  
 সে অধম কতু শাস্ত্র-মৰ্ম নাহি জানে ॥  
 শাস্ত্রের না জানে মৰ্ম, অধ্যাপনা করে ।  
 গর্দভের প্রায় মাত্র শাস্ত্র বহি' মরে ॥ -  
 পড়িয়া শুনিয়া লোক গেল ছারখারে ।  
 কৃষ্ণ মহামহোৎসবে বঞ্চিল তাহারে ॥  
 পূতনারে যে প্রভু করিলা মুক্তিদান ।  
 হেন কৃষ্ণ ছাড়ি লোক করে অশ্রু ধ্যান ॥

অমাস্বর-হেন পাপী যে কৈল মোচন ।  
 কোন্ স্থখে ছুড়ে লোক তাঁহার কীর্তন ॥  
 যে কৃষ্ণের নামে হয় জগত পবিত্র ।  
 না বোলে দুঃখিত জীব তাঁহার চরিত্র ॥  
 যে কৃষ্ণের মহোৎসবে ব্রহ্মাদি বিহ্বল ।  
 তাহা ছাড়ি' নৃত্য নীত করয়ে মঙ্গল ॥  
 অজামিল উদ্ধারিল যে কৃষ্ণের নামে ।  
 ধন-কুল-বিদ্যা-মদে তাহা নাহি জানে ॥  
 শুন ভাই সব ! সত্য আমার বচন ।  
 ভজহ অমূল্য কৃষ্ণ-পাদপদ্ম-ধন ॥  
 যে চরণ সেবিতেন লক্ষ্মীর অভিলাষ ।  
 যে চরণ সেবিয়া শঙ্কর শুদ্ধ দাস ॥  
 যে চরণ হইতে জাহ্নবী-পরকাশ ।  
 হেন পাদপদ্মে ভাই ! সবে হই দাস ॥”(১৭)

(১৭) শ্রীচৈতন্য ভাগবত—মধ্য । ১ম ।

আন = অন্য । বাথানে = ব্যাখ্যা করে । মঙ্গল = মঙ্গলিক  
 ক্রিয়াদি । পরকাশ = প্রকাশ । ~ 1. 1. 1. 1.

## ১০। কৃষ্ণভক্তিই প্রকৃত বিদ্যা।

অধ্যাপক শ্রীনিমাই, শিষ্যগণকে উপদেশ  
দিতেছেন :—(১৮)

‘পড়’ এক সত্য বস্তু কৃষ্ণের চরণ।  
সে-ই বিদ্যা, যা’তে হরিভক্তির লক্ষণ।  
তাহা বিমু অবিদ্যা সকল শাস্ত্রে কহে।  
রাধাকৃষ্ণ-ভক্তি বিনা কেহ সঙ্গী নহে ॥  
বিদ্যা-কুল-ধন-মদে কৃষ্ণ নাহি পায়।  
ভক্তিতে সে অনায়াসে গাই যতুরায় ॥  
ভক্তিরসে বশ কৃষ্ণ দেখহ বিচারি।  
এত কহি শ্লোক পড়ে শাস্ত্র অমুসরি ॥  
‘ব্যাধস্তাচরণং ঋবস্ত বয়ো বিদ্যা গজেন্দ্রস্ত কা  
বংশঃ কো বিহরস্ত যাদবপতেকুগ্রস্ত কিং পৌরুষং

---

(১৮) শ্রীচৈতন্য মঙ্গল (শ্রীলোচন দাস কৃত) — আদি।

কুজায়া: কিম্ব নাম রূপমধিকং কিম্বা হৃদায়ো ধনং  
ভক্ত্যা তুষ্যতি কেবলং নচগুনৈ: ভক্তি-

প্রিয়মাধব: ॥<sup>১১</sup>(১২)

১১ । সেই শাস্ত্র সত্য, যাহাতে কৃষ্ণ-ভক্তি  
উপদেশ আছে ।

শচীদেবী শ্রীনিমাইকে জিজ্ঞাসা করিলেন,  
“বাপ ! আজি কি পুঁথি পড়িলে ?” তদুত্তরে  
শ্রীনিমাই বলিলেন :—

---

• (১২) “ব্যাধের কি আচার ছিল, যাদবপতি উগ্রসেনের কি  
পৌরুষ ছিল ( কারণ নিজপুত্র কংস তাঁহার রাজ্য আত্মসাৎ  
করিয়া তাঁহাকে কারারুদ্ধ করিয়াছিল), কুজার কি রূপ ছিল  
( সে ত ত্রিবক্র ) এবং ( ধন থাকিলেই যদি ভগবৎ-প্রীতি হইত,  
তবে দরিদ্র ) হৃদায়া বিধের কি ধন ছিল ? কেবল ভক্তিতেই  
ভগবান তুষ্ট হইলেন, অপর কোনও গুণেই তুষ্ট হইলেন না ।”

প্রভু বোলে “আজি পঢ়িলাঙ কৃষ্ণনাম ।  
 সত্য কৃষ্ণ-চরণ-কমল গুণধাম ॥  
 সত্য-কৃষ্ণ-নাম-গুণ শ্রবণ কীর্তন ।  
 সত্য কৃষ্ণচন্দ্রের সেবক যে যে জন ॥  
 সেই শাস্ত্র সত্য—কৃষ্ণভক্তি কহে যায় ।  
 অল্পথা হইলে শাস্ত্র পাষণ্ডত্ব পায় ॥  
 ‘যস্মিন্ শাস্ত্রে পুরাণে বা হরিভক্তি ন দৃশ্যতে ।  
 শ্রোতব্যং নৈব তৎশাস্ত্রং যদি ব্রহ্মা  
 স্বয়ং বদেৎ’ ॥(২০)

চণ্ডাল চণ্ডাল নহে, যদি কৃষ্ণ বোলে ।  
 বিপ্র নহে বিপ্র যদি অসৎ পথে চলে ॥”(২১)

(২০) যে শাস্ত্রে বা পুরাণে হরিভক্তি দেখা যায় না (অর্থাৎ উপদেশ দেয় না), তাহা যদি ব্রহ্মা স্বয়ং বলেন, তথাপি তাহা শ্রোতব্য নহে। (জৈমিনি ভারত)

(২১) শ্রীচৈতন্য ভাগবত—মধ্য। ১ম।



১২। কোন্ অবস্থায় তীর্থ-পর্যটনে ফল হয় ।

শুক্লাধর ব্রহ্মচারির প্রতি মহাপ্রভুর উক্তি :—(২২)

“হৃদয়ে যাবৎ কৃষ্ণ উদয় না করে ।

তাবৎ তীর্থের অহুগত নাহি তারে ॥

কৃষ্ণ-প্রেম বিহু ধর্ম কেহ কিছু নহে ।

পড়িয়া দেখহ ইহা শাস্ত্রে সব কহে ॥

‘মীনঃ স্নানপরঃ ফণী পবনতুঙ্ মেঘোহপি

পর্ণাশ্বনঃ

শব্দভ্রাম্যতি চাক্রগৌরপি বকো ধ্যানে

সদা তিষ্ঠতি ॥

গর্তে তিষ্ঠতি মুষিকোহপি গহনে সিংহঃ

সদা বর্ত্তত-

এতেষাং ফলমস্তি হস্ত তপসা সন্তাবসিদ্ধিঃ

বিনা ॥’(২৩)

(২২) শ্রীচৈতন্য মঙ্গল ( শ্রীলোচন দাস কৃত )—মধ্য ।

‘আরাধিতো যদি হরিস্তপসা ততঃ কিং  
 নারাধিতো যদি হরিস্তপসা ততঃ কিং ।  
 অন্তর্বহির্দি হরিস্তপসা ততঃ কিং  
 নান্তর্বহির্দি হরিস্তপসা ততঃ কিং’ ॥”(২৪)

(২৩) “মৎস্ত নিত্য স্নানকারী, সর্প পবন-ভক্ষক, মেঘ পত্র-  
 ভক্ষক, কলুর বলদ নিত্য ভ্রমণশীল, (মৎস্ত গ্রহণার্থে) বক  
 মততই ধানমগ্ন অর্থাৎ সুস্থির, মূষিক নিত্যই গর্তে বাস করে,  
 এবং সিংহ বনবাসী ; ইহাদের ঐ সকল আচরণকে কি তপস্তা  
 বলিতে হইবে ? অর্থাৎ ভাবগুদ্ধি ব্যতিরেকে কিছুতেই ফললাভ  
 হইতে পারে না ।”

(২৪) যিনি শ্রীহরির আরাধনা-পরায়ণ তাঁহার আর  
 তপস্তায় কি প্রয়োজন ? যিনি শ্রীহরির আরাধনা কখনও  
 করেন না তাঁহার তপস্তার প্রয়োজন কি ? যাহার অন্তরে ও  
 বাহিরে সর্বস্থানেই হরি বিद्यমান, তাঁহার তপস্তার প্রয়োজন  
 কি ? যাহার অন্তরে কি বাহিরে কোন স্থানেই হরি নাই  
 তাঁহারও তপস্তায় প্রয়োজন কি ?

## ১৩ । কৃষ্ণভক্তির প্রভাব ও জীবের গতি বর্ণন ।

মহাপ্রভু স্বীয় জননী-সমীপে কৃষ্ণভক্তির প্রভাব  
বর্ণন প্রসঙ্গে জীবের গতির বর্ণনা করিতেছেন :—(২৫)

“শ্রীহরির আরাধন করে যেইজন ।  
তপস্তায় কিবা তার আছে প্রয়োজন ॥  
শ্রীহরির আরাধন না করে যে জন ।  
তপস্তায় বল তার কিবা প্রয়োজন ।  
অন্তরে বাহিরে করে শ্রীহরি ভজন ।  
তপস্তায় বল তার কিবা প্রয়োজন ।  
অন্তরে বাহিরে হরি না করে ভজন ।  
তপস্তায় বল তার কিবা প্রয়োজন ॥”

---

(২৫) শ্রীচৈতন্য ভাগবত—মধ্য । ১ম । মহাপ্রভুর এই উপদেশ  
কপিলদেব কর্তৃক জীব-গতি সম্বন্ধে তাঁহার জননী  
দেবহুতীর প্রতি উপদেশের অনুরূপ ।  
(ভাগবত—৩ । ৩১ ) ।

“শুন শুন মাতা ! কৃষ্ণ-ভক্তির প্রভাব ।  
 সর্বভাবে কর মাতা কৃষ্ণে অতুরাগ ॥  
 কৃষ্ণের সেবক মাতা ! কতু নহে নাশ ।  
 কাল-চক্র ডরায়েন দেখি কৃষ্ণদাস ॥  
 গর্ত্বাসে যত দুঃখ জন্মে বা মরণে ।  
 কৃষ্ণের সেবক মাতা ! কিছুই না জানে ॥  
 জগতের পিতা কৃষ্ণ, যেনা ভঞ্জে বাপ ।  
 পিতৃদ্রোহী পাতকীর জন্ম জন্ম তাপ ॥  
 চিত্ত দিয়া শুন মাতা ! জীবের যে গতি ।  
 কৃষ্ণ না ভজিলে পায় যতেক দুর্গতি ॥  
 মরিয়া মরিয়া পুন পায় গর্ত্বাস ।  
 সর্ব অঙ্গে অমেধ্য পঙ্কের পরকাশ ॥  
 কটু অম্ল লবণ,—জননী যত খায় ।  
 অঙ্গে গিয়া লাগে তার, মহা মোহ পায় ॥  
 মাংসময় অঙ্গ-কুমিকূলে বেড়ি খায় ।  
 ঘুচাইতে নাহি শক্তি, মরয়ে জালায় ॥

- নড়িতে না পারে তপ্ত পঙ্করের মাঝে ।  
 তবে প্রাণ রহে ভবিতব্যতার কাজে ॥  
 কোন অতি পাতকীর জন্ম নাহি হয় ।  
 গর্তে গর্তে হয় পুন উৎপত্তি প্রলয় ॥  
 শুন শুন মাতা ! জীব-তত্ত্বের সংস্থান ।  
 সাত মাসেতে জীবের গর্তেতে হয় জ্ঞান ॥  
 তখন সে সঙারিয়া করে অনুতাপ ।  
 স্তুতি করে কৃষ্ণেরে ছাড়িয়া ঘনশ্বাস ॥  
 'রক্ষ কৃষ্ণ জগত-জীবন প্রাণ-নাথ ।  
 তোমা বই জীব-দুঃখ নিবেদিব কা'ত ॥  
 • যে করয়ে বন্দী, প্রভু ! ছাড়ায়ে সেই-সে ।  
 সহজ-মৃত্যুতে প্রভু ! মায়া কর কিসে ॥  
 মিথ্যা ধন-পুত্র-রসে বঞ্চিলু জনম ।  
 না ভজিলু তোর দুই অমূল্য চরণ ॥  
 যে পুত্র পোষণ কৈলু অশেষ বিধর্মে ।  
 কোথা বা সে সব গেল মোর এই কর্মে ॥

এখন এ দুঃখে মোরে কে করিবে পার ।  
 তুমি সে এখন বন্ধু করিবা উদ্ধার ॥  
 এতেকে জানিলুঁ সত্য তোমার চরণ ।  
 রক্ষ প্রভু রক্ষ ! তোর লইলুঁ শরণ ॥  
 তুমি-হেন কল্পতরু ঠাকুর ছাড়িয়া ।  
 ভুলিলাও অসৎপথে প্রমত্ত হইয়া ॥  
 উচিত তাহার এই শাস্তি যোগ্য হয় ।  
 করিলা ত এবে কৃপা কর মহাশয় ॥  
 এই কর আর যেন তোমা না পাসরি ।  
 যেখানে সেখানে কেনে না জন্মি না মরি ॥  
 যেখানে তোমার নাঞ্চি যশের প্রচার ।  
 যথা নাঞ্চি বৈষ্ণবগণেয় অবতাব ॥  
 যেখানে তোমার মহাগহোৎসব নাই ।  
 ইন্দ্রলোক হইলেও তাহা নাহি চাই ॥  
 'ন যত্র বৈকুণ্ঠ-কথাসুধাপগা  
 ন সাধবো ভাগবতা তদাশ্রয়াঃ ।

ন যত্র যজ্ঞেশ মখা-মহোৎসবাঃ  
 সুরেশলোকোহপি ন বৈ স সেব্যাতাম্ ॥ (২৬)  
 ‘গর্ত্বাস-দুঃখ প্রভু ! এহো মোর ভাল ।  
 যদি তোর স্মৃতি মোর রহে সর্বকাল ॥  
 তোর পাদপদ্মের স্মরণ নাহি যথা ।  
 হেন কৃপা কর প্রভু ! না ফেলিবা তথা ॥  
 এই মত দুঃখ প্রভু ! কোটি কোটি জন্ম ।  
 পাইলুঁ বিস্তর প্রভু ! সব মোর কৰ্ম্ম ॥

(২৬) ভাগবত—৫ । ১২ । ২৪

হনুমান শ্রীরামচন্দ্রের পরম কল্যাণকর চরিত্র গান করিতে-  
 ছেন এবং তদুপলক্ষে নারদ কর্তৃক ভগবানের স্তুতিগান বর্ণনা  
 করিতেছেন—যে স্থানে শ্রীহরির কথারূপ অমৃতময়ী নদী নাই  
 এবং যেখানে ভগবৎ-কথা-আশ্রয়কারী (ভগবৎ-কথা-প্রিয়)  
 সাধুগণ নাই, যে স্থানে ভগবানের অর্চনা ও মহোৎসবাদি না  
 হয়, এবম্বিধ স্থান ব্রহ্মলোক হইলেও তাহার সেবা করা উচিত  
 নহে ।

সে দুঃখ-বিপদ রহু বারে বার ।  
 যদি তোর স্মৃতি থাকে সর্ববেদ সার ॥  
 হেন কর কৃষ্ণ ! এবে দাস্ত-যোগ দিয়া ।  
 চরণে রাখহ দাসী-নন্দন করিয়া ॥  
 বারেক করহ যদি এ দুঃখের পার ।  
 তোমা বই তবে প্রভু ! না গাইমু আর, ॥  
 এই মত গর্ত্তবাসে পোড়ে অম্লক্ষণ ।  
 তাহো ভালবাসে কৃষ্ণ-স্মৃতির কারণ ॥  
 স্তবের প্রভাবে গর্ত্তে দুঃখ নাহি পায় ।  
 কালে পড়ে ভূমিতে আপন-অনিচ্ছায় ॥  
 শুন শুন মাতা ! জীব-তত্ত্বের সংস্থান ।  
 ভূমিতে পড়িলে মাত্র হয় অগেয়ান ॥  
 মূর্ছাগত হয় ক্ষণে ক্ষণে কান্দে হাসে ।  
 কহিতে না পারে, দুঃখ-সাগরেতে ভাসে ॥  
 কৃষ্ণের সেবক জীব কৃষ্ণের মায়ায় ।  
 কৃষ্ণ না ভিজিলে এই মত দুঃখ পায় ॥



কথোদিনে কালবশে হয় বুদ্ধি জ্ঞান ।  
 ইথে যে ভজয়ে কৃষ্ণ সেই- ভাগ্যবান ॥  
 অতথা না ভজে কৃষ্ণ, দুষ্টসঙ্গ করে ।  
 পুন সেই মত মায়া-পাশে ডুবি মরে ॥  
 'যত্তসান্তঃ পথি পুনঃ শিশ্নোদরকৃতোত্তমৈঃ ।  
 আস্থিতো রমতে জন্তুস্তমো বিশপতে পূর্ববৎ ॥'(২৭)  
 'অনায়াসেন মরণং বিনা দৈন্তেন জীবনম্ ।  
 অনাৱাধিত-গোবিন্দচরণশ্চ কথং ভবেৎ ॥'(২৮)

(২৭) ভাগবত—৩। ৩১। ৩২।

দেবহুতীর প্রতি তাহার পুত্র কপিলদেব বলিতেছেন—  
 আমার ঐ জীব যদি ইন্দ্রিয় ও উদরবৃত্তি চরিতার্থতার জন্য  
 নরকদা ব্যস্ত অসং ব্যক্তিদিগের সহিত মিলিত হইয়া তাহাদিগের  
 অনুষ্ঠিত পথে বিচরণ করে, তবে পূর্ববৎ যাতনাময় দেহকে  
 অবলম্বন পূর্বক ঘোর নরকে প্রবেশ করে।

(২৮) যে ব্যক্তি কখনও গোবিন্দের চরণ আরাধনা করেন  
 নাই—তাঁহার পক্ষে দারিদ্র্য ব্যতিরেকে জীবন-ধারণ এবং  
 খিনাক্লেশে মৃত্যু কিরূপে সম্ভবে ?

অনায়াসে মরণ জীবন দুঃখ বিনে ।  
 কৃষ্ণ ভজিলে সে হয় কৃষ্ণের স্মরণে ॥  
 এতেকে ভজহ কৃষ্ণ সাধু-সঙ্গ করি ।  
 মনে চিন্ত কৃষ্ণ মাতা ! মুখে বোল হরি ॥  
 ভক্তিহীন কস্মে কোন ফল নাহি পায় ।  
 সেই কর্ম ভক্তিহীন—পরহিংসা যায় ॥”(২২)

(২২) শ্রীচৈতন্য ভাগবত—মধ্য । ১ম ।

অমেধা = অপবিত্র, মলিন । পরকাশ = প্রকাশ ।

বেড়ি = বেড়ন করিয়া । পঞ্জর = পাঁজড়া ।

ভবিতব্যতার কাজে = অদৃষ্টের ফলে ।

কা'ত = কাহার নিকট, কোথায় ।

সহজ-মৃতেরে = যাহার জন্মের সঙ্গে মৃত্যুও জন্মিয়াছে।

“মৃত্যুর্জন্মবতাংবীর দেহেন সহ জায়তে ।” (বহুদেব  
 কংসকে বলিতেছেন, হে বীর ! যখন দেহী অর্থাৎ জীব জন্ম-  
 গ্রহণ করে তখন তাহার জন্মের সহিতই মৃত্যু জন্ম গ্রহণ করে) ।

ভাগবত—১০ । ১ । ৩৮ ।

মায়া কর' কিসে = তাহার উপর আর মায়াবিস্তার কর কেন ।

## ১৪ । ‘ধাতু’ শব্দের ব্যাখ্যা ।

পড়ুয়াগণের নিকট মহাপ্রভু ‘ধাতু’ শব্দের ব্যাখ্যা  
করিতেছেন :—

“যত যত রাজা—দিব্য দিব্য কলেবর ।

কনক-ভূষিত—গন্ধ-চন্দনে স্তম্ভর ॥

‘যমলক্ষ্মী বাহার বচনে’ লোক কহে ।

ধাতু বিনে শুন তা’র যে অবস্থা হয়ে ॥

কোথা যায় সর্ব্বাঙ্গের সৌন্দর্য্য চলিয়া ।

কেহো ভস্মাকার, কা’রে এড়েন পুঁতিয়া ॥

সর্ব্বদেহে ধাতুরূপে বৈসে কৃষ্ণশক্তি ।

তাহা সনে করে স্নেহ, তাহানে সে ভক্তি ॥

ভ্রমবশে অধ্যাপক না বুঝে ইহা ।

‘হয় নয়’ ভাই সব ! বুঝ গন দিয়া ॥

বঞ্চিলু = কাটাইলাম ।      অগেয়ান = অজ্ঞান ।

ইথে = ইহাতে ।      এতেকে = গাতএব ।

এবে যারে নমস্করি, করি মান্ত-জ্ঞান ।  
 ধাতু গেলে তা'রে পরশিলে করি জ্ঞান ॥  
 যে বাপের কোলে পুত্র থাকে মহাস্বখে ।  
 ধাতু গেলে সেই পুত্র অগ্নি দেই মুখে ॥  
 ধাতু-সংজ্ঞা কৃষ্ণ-শক্তি বল্লভ সভার ।  
 দেখি ইহা দুষ্ক, আছয়ে শক্তি কার ॥  
 এই মত পবিত্র পূজ্য যে কৃষ্ণের শক্তি ।  
 হেন কৃষ্ণে ভাই সব ! কর দৃঢ় ভক্তি ॥  
 বোল কৃষ্ণ, ভজ কৃষ্ণ, শুন কৃষ্ণনাম ।  
 অহ্নিষি কৃষ্ণের চরণ কর ধ্যান ।  
 যাহার চরণে দুর্কা-জল দিলে মাত্র ।  
 কভু যম তান্ অধিকারে নহে পাত্র ॥  
 অঘ-বক-পুতনারে যে কৈল মোচন ।  
 ভজ ভজ সেই নন্দ-নন্দন-চরণ ।  
 পুত্র-বুদ্ধ্যে অজামিল যাহার স্মরণে ।  
 চলিল বৈকুণ্ঠপুরী কৃষ্ণের চরণে ॥

যাহার চরণ রসে শিব দিগ্ধর ।  
 যে চরণ সেবিষারে লক্ষ্মীর আদর ॥  
 যে চরণ-মহিমা অনন্ত গুণ গায় ।  
 দন্তে তৃণ করি ভজ হেন কৃষ্ণ-পায় ॥  
 যাবত আছে প্রাণ দেহে আছে শক্তি ।  
 তাবত কৃষ্ণের পাদ-পদ্মে কর ভক্তি ॥  
 কৃষ্ণ মাতা, কৃষ্ণ পিতা, কৃষ্ণ প্রাণধন ।  
 চরণে ধরিয়া বোলো 'কৃষ্ণে দেহ' মন' ॥ (৩০)

### ১৫ । সঙ্কীৰ্ত্তন-শিক্ষাদান ।

অধ্যাপক শ্রীনিমাই শিষ্যগণকে বলিতেছেন

(৩০) শ্রীচৈতন্য ভাগবৎ—মধ্য । ১ম ।

ধাতু = জীবনী শক্তি । তাহানে = তাহারে । এবে = এখন ।

সভার = সবার, সকলের । ছবুক = দোষ দিউক ।

তান্ন = তাহার । চরণ রসে = চরণে আসক্তি বশতঃ ।

“আমরা এতদিন ত বিজ্ঞানভ্যাস করিলাম । আজি  
তোমরা কৃষ্ণ-কীর্তন কর । কৃষ্ণ-কীর্তন করিয়া  
আইস সকলে মিলিয়া সেই বিজ্ঞান পরিপূর্তি-সাধন  
বা সফলতা বিধান করি ।”

“পট্টলাঙ ভুলিলাঙ এতকাল ধরি ।

কৃষ্ণের কীর্তন কর পরিপূর্ণ করি” ॥

শিষ্যগণ বোলেন ‘কেমন-সকীর্তন ।’

আপনে শিখায় প্রভু শ্রীশচী-নন্দন ॥

“হরয়ে নমঃ কৃষ্ণ যাদবায় নমঃ ।

গোপাল গোবিন্দ রাম শ্রীমধুসূদন ॥” (৩১)

(৩১) শ্রীচৈতন্য ভাগবত—মধ্য । ১৯ ।

শ্রীকৃষ্ণ উদ্ধবকে বলিতেছেন :—

“শব্দ-ব্রহ্মণি নিষ্কাতো ন নিষ্কান্নাং পরে যদি ।

শ্রমস্তস্ত শ্রমফলো হৃদেধুমিব ব্রহ্মতঃ ॥”

অর্থাৎ যে ব্যক্তি শব্দব্রহ্মে (বেদে) পারদর্শী হইয়াও  
পরব্রহ্মের ধ্যানাদি করে না, তাহার শাস্ত্র-পাঠাদি অধেনুর

১৬ । কৃষ্ণ-ভক্তি ব্যতিরিক্ত আর বর নাই ।

শ্রীচৈতন্য মহাপ্রভু শ্রীনিত্যানন্দ প্রভুর সহিত শান্তিপুরে শ্রীঅদ্বৈত-ভবনে যাত্রা করিলেন । পথিমধ্যে ললিতপুর গ্রামে এক বামাচারী সন্ন্যাসীর আশ্রমে তাঁহার উপস্থিত হইলেন । মহাপ্রভু

(দুষ্কহীনা গাভীর) পালনকারী ব্যক্তির জ্ঞায় কেবল পরিশ্রম-জনক হইয়া থাকে । পরিশ্রমই তাহার শ্রমফল । সেই পরিশ্রমের অন্ত কোনও ফল নাই । ( ভাগবৎ—১১।১১।১৭ )

মৃত ঋষি শৌনকাদি ঋষিদিগকে বলিতেছেন :—

“ধর্মঃ স্ননুষ্ঠিতঃ পুংসা বিশ্বক্সেন কথাস্থ যঃ ।

নোৎপাদয়েদ্ যদি রতিং শ্রম এব হি কেবলম্ ॥”

অর্থাৎ লোকে ধর্মের সম্যক অনুষ্ঠান করিলেও যদি তাহা দ্বারা বিশ্বক্সেনের ( বিশ্বক্স অর্থাৎ সকল দিকেই ঘাঁহার সেনা ও পরিকর, তাঁহার ) অর্থাৎ শ্রীহরির কথায় যদি রতি না জন্মে তবে সেই ধর্মাচরণ করিতে যে পরিশ্রম হয় তাহা বৃথা শ্রম মাত্র । ( ভাগবৎ—১১।১৮ )

সন্ন্যাসীকে প্রণাম করিলে, “তোমার ধন বংশ সুবিবাহ ও বিজালাভ হউক” এই বলিয়া সন্ন্যাসী আশীর্বাদ করিলেন । তাহাতে মহাপ্রভু বলিলেন, “গোসাঞি ! ইহা আশীর্বাদ নহে । আমার যাহাতে বিষ্ণু-ভক্তি হয় আপনি আমাকে এইরূপ আশীর্বাদ করুন ।” সন্ন্যাসীকে শিক্ষাদান উপলক্ষে মহাপ্রভু সর্বলোককে শিক্ষা দিতেছেন :—

প্রভু বোলে “গোসাঞি ! এ নহে আশীর্বাদ ।

হেন বোল ‘তোরে হউ কৃষ্ণের প্রসাদ’ ॥

বিষ্ণু-ভক্তি-আশীর্বাদ অক্ষয় অব্যয় ।

যে বলিলা গোসাঞি ! তোমার যোগ্য নয় ॥”

\* \* \* \*

ব্যপদেশে মহাপ্রভু সভারে শিখায় ।

‘ভক্তি বিনে কেহো যেন কিছুই না চায়’ ॥

“শুন শুন গোসাঞি সন্ন্যাসি ! যে খাইব ।

নিজকর্মে যে আছে, সে আপনে মিলিব ॥



ধন-বংশ নিমিত্ত সংসারে কার্য্য করে ।  
 বোল তার ধন বংশ তবে কেনে মরে ॥  
 জরের লাগিয়া কেহো কামনা না করে ।  
 তবে কেন জর আসি পীড়য়ে শরীরে ॥  
 শুন শুন গোসাঞি ! ইহার হেতু, কর্ম্ম !  
 কোন্ মহাজনে সে ইহার জানে মর্ম্ম ॥  
 বেদেও বুঝায় স্বর্গ, বোলে জনা জনা ।  
 মূর্খ প্রাতি সে কেবল বেদের করুণা ॥  
 বিষয় স্থখেতে বড় লোকের সন্তোষ ।  
 চিন্তা বুঝি' কহে বেদ, বেদের কি দোষ ॥  
 'ধন-পুত্র পাই গঙ্গাস্নান হরি নামে' ।  
 শুনিলো চলয়ে সব বেদের কারণে ॥  
 যে-তে-মতে গঙ্গাস্নান হরি নাম লৈলে ।  
 দ্রব্যের প্রভাবে 'ভক্তি' হইবেক হেলে ॥  
 এই বেদ-অভিপ্রায় মূর্খ নাহি বুঝে ।  
 কৃষ্ণ ভক্তি ছাড়িয়া, বিষয়-স্থখে মজে ॥

ভাল মন্দ বিচারিয়া বুঝহ গোপাঞ ।  
কৃষ্ণ-ভক্তি ব্যতিরিক্ত আর বর নাঞ ॥” (৩২)

১৭ । ভক্তকে অতিক্রম করিয়া ভগবত-  
পূজার কুফল ।

শ্রীঅদ্বৈত প্রভুর শান্তিপুৰ-ভবনে শ্রীচৈতন্য  
মহাপ্রভু হুঙ্কার করিয়া শ্রীঅদ্বৈত ও অন্যান্য ব্যক্তিকে  
লক্ষ্য করিয়া বলিতেছেন :—

---

(৩২) শ্রীচৈতন্য ভাগবত—মধ্য । ১৯শ ।

হউ=হউক । যে-তে-মতে=যে কোন প্রকারে ।

হেলে=অনায়াসে, বিনাক্লেশে ।

“মোর এই কথা সভে শুন মন দিয়া ।  
 যেই মোরে পূজে মোর সেবক লজিয়া ॥  
 সে অধমজনে মোরে খণ্ড খণ্ড করে ।  
 তা’র পূজা মোর গায়ে অগ্নি-হেন পড়ে ॥  
 যে-ই মোর দাসের সঙ্কট নিন্দা করে ।  
 মোর নাম-কল্লতরু তাহারে সংহারে ॥  
 অনন্ত ব্রহ্মাণ্ড যত—সব মোর দাস ।  
 এতেকে যে পর-হিংসে সে-ই যায় নাশ ॥  
 তুমিত আমার নিজ দেহ হৈতে বড় ।  
 তোমাতে লজিয়া দৈবে নাশ হয় দঢ় ।  
 সম্মাসৌও যদি অনিন্দক-নিন্দা করে ।  
 অধঃপাতে যায়, সর্ব ধর্ম ঘুচে তারে ॥”  
 বাহু তুলি জগতেরে বোলে গৌরধাম ।  
 “অনিন্দক হই সভে বোল কৃষ্ণনাম ॥  
 অনিন্দক হই’ যে সঙ্কত ‘কৃষ্ণ’ বোলে ।  
 সত্য সত্য মুঞি তা’রে উদ্ধারি মু হেলে ॥”(৩৩)

## ১৮ । ভাগবত-তত্ত্ব কথন ।

( ১ )

শ্রীনবদ্বীপধামে দেবানন্দ পণ্ডিত নামক জ্ঞানৈক  
ব্রাহ্মণ বাস করিতেন । ইনি সুশাস্ত্র, জ্ঞানবান্,  
তপস্বী, মোক্ষাভিলাষী ও আজন্ম-উদাসীন ছিলেন ।  
যদিও তিনি ভাগবত পড়াইতেন তথাপি ভক্তিহীন  
ছিলেন । একদা ভক্তগণ সঙ্গে মহাপ্রভু দেবানন্দের  
বাড়ীর নিকট দিয়া যাইবার সময়ে তাঁহার ভাগবত-  
ব্যাখ্যা শুনিতে পাইলেন । ভক্তিহীন ব্যাখ্যা শুনিবা-  
মাত্র মহাপ্রভু ক্রুদ্ধ হইয়া দেবানন্দকে লক্ষ্য করিয়া  
বলিতে লাগিলেন :—

---

(৩৩) শ্রীচৈতন্য ভাগবত—মধ্য । ১২শ ।

সভে = সকলে । দঢ় = দৃঢ় । এতেকে = অতএব ।  
অনিন্দক-নিন্দা = যে কখনও কাহারও নিন্দা করে না,  
এমন ব্যক্তির নিন্দা । ঘূচে তারে = তাহাকে ত্যাগ করে ।  
ধান = কান্তি ।

কোপে বোলে প্রভু “বেটা কি অর্থ বাখানে ।

ভাগবত-অর্থ কোন জন্মেও না জানে ॥

এ বেটারি ভাগবতে কোন্ অধিকার ।

গ্রন্থরূপে ভাগবত কৃষ্ণ-অবতার ॥

সবে পুরুষার্থ ‘ভক্তি’ ভাগবতে হয় ।

‘প্রেমরূপ ভাগবত’ চারিবেদে কয় ॥

চারিবেদ ‘দধি’—ভাগবত ‘নবনীত’ ।

মথিলেন শুক—থাইলেন পরীক্ষিত ॥

মোর প্রিয় শুক সে জানেন ভাগবত ।

ভাগবতে কহে মোর তত্ত্ব অভিমত ॥”

\* \* \* \*

“ভক্তি বিনে ভাগবতে যে আর বাখানে” ।

প্রভু বোলে “সে অধম কিছুই না জানে” ॥(৩৪)

(৩৪) শ্রীচৈতন্য ভাগবত—মধ্য । ২১শ ।

বাখানে=ব্যাখ্যা করে ।    সবে=কেবল মাত্র ।

মথিলেন=মস্থন করিলেন ।

( ২ )

মহাপ্রভু নীলাচল হইতে নবদ্বীপে আগমন করিয়া কুলিয়ায় সার্কভৌমের ভ্রাতা বিদ্যাবাচস্পতির গৃহে অবস্থিতি করিতেছেন। ঐ সময়ে দেবানন্দ পণ্ডিত তাঁহার নিকট আসিয়া দণ্ডবৎ প্রণাম পূর্বক তাঁহাকে বলিলেন “প্রভো! আপনি কৃপাময়। লোক-উদ্ধারের জন্ত আপনি নবদ্বীপে উদয় হইয়াছেন। আমি পাপী বলিয়াই আপনার মহাত্ম্য জানিলাম না। সর্বভূতে দয়া করাই আপনার স্বভাব। আমি এই প্রার্থনা করি যে আপনার প্রতি আমার অনুরাগ হউক। আপনার চরণে আমার আর একটি নিবেদন আছে। আমি জ্ঞানহীন ও অভক্ত কিন্তু তথাপি ভাগবত গ্রন্থ পড়াইয়া থাকি। ইহার বিরূপ ব্যাখ্যা করিব এবং ইহা কি ভাবে পড়াইব তাহা আপনি আমাকে আশ্রয় করুন।” এই কথা শুনিয়া ভগবান শ্রীগৌরচন্দ্র তাঁহাকে লক্ষ্য

করিয়া সকলকেই ভাগবত-মাহাত্ম্য সম্বন্ধে এইরূপ  
বলিলেন :—

‘শুন বিপ্র ! ভাগবতে এই বাখানিবা ।

‘ভক্তি’ বিহু আর কিছু মুখে না আনিবা ॥

আত্ম-মধ্য-অন্তে ভাগবতে এই কয়’ ।

বিষ্ণুভক্তি নিত্য-সিদ্ধ অক্ষয় অব্যয় ॥

অনন্ত ব্রহ্মাণ্ডে সবে সত্য বিষ্ণুভক্তি ।

মহাপ্রলয়েও যা’র থাকে পূর্ণশক্তি ॥

মোক্ষ দিয়া ভক্তি গোপ্য করে নারায়ণে ।

হেন ভক্তি না জানি কৃষ্ণের রূপা বিনে ॥

ভাগবতশাস্ত্রে সে ভক্তির তত্ত্ব কহে ।

তেঞি ভাগবতসম কোন শাস্ত্র নহে ।

যেনরূপ মৎস্য-কুর্শ্ব-আদি অবতার ।

আবির্ভাব তিরোভাব যেন তা’ সবার ॥

এই মত ভাগবত কারো কৃত নয় ।

আবির্ভাব তিরোভাব আপনেই হয় ॥

ভক্তিস্থোমে ভাগবত ব্যাসের জিহ্বায় ।  
 ক্ষুণ্ণি সে হইল মাত্র কৃষ্ণের রূপায় ॥  
 ঈশ্বরের তত্ত্ব যেন বুঝেন না যায় ।  
 এই মত ভাগবত—সর্বশাস্ত্রে গায় ॥  
 ‘ভাগবত বুঝি’ হেন যার আছে জ্ঞান ।  
 সে-ই নাহি বুঝে ভাগবতের প্রমাণ ॥  
 অজ্ঞ হই’ ভাগবতে যে লয় শরণ ।  
 ভাগবত-অর্থ তা’র হয় দরশন ॥  
 প্রেমময় ভাগবত—কৃষ্ণের শ্রীঅঙ্গ ।  
 যাহাতে কহেন যত গোপ্য কৃষ্ণ-রঙ্গ ॥  
 বেদ শাস্ত্র পুরাণ কহিয়া বেদব্যাস ।  
 তথাপি চিত্তের নাহি পাইলা প্রকাশ ॥  
 যখনে শ্রীভাগবত জিহ্বায় ক্ষুণ্ণিল ।  
 ততক্ষণে চিত্তবৃত্তি প্রসন্ন হইল ॥  
 হেন গ্রন্থ পড়ি’ কেহ পড়য়ে সঙ্কটে ।  
 শুন বিপ্র ! তোমারে কহিয়ে অকপটে ॥



আত্ম-মধ্য-অবসানে তুমি ভাগবতে ।  
 ভক্তিয়োগ মাত্র বাখানিহ সর্ব মতে ।  
 তবে আর তোমার নহিব অপরাধ ।  
 সেইক্ষণে চিত্তবৃত্তো পাইব প্রসাদ ॥  
 সকল শাস্ত্রেই মাত্র ‘কৃষ্ণভক্তি’ কর’ ।  
 বিশেষত ভাগবত—ভক্তি-রসময় ॥  
 চল তুমি যাহ অধ্যাপনা কর’ গিয়া ।  
 কৃষ্ণভক্তি-অমৃত সভারে বুঝাইয়া ॥ (৩৫)

(৩৫) শ্রীচৈতন্য ভাগবত—অন্ত । ৩য় ।

বাখানিবা = ব্যাখ্যা করিবা । তেঞি = হুতরাং ।

যেন = বেক্লপ । ততক্ষণে = তৎকালে । পদয়ে = পড়িয়া

ধাকে । বাখানিহ = ব্যাখ্যা করিও । প্রসাদ = প্রসন্নতা ।

সভারে = সকলকে ।

ভাগবত-মহাত্ম্য সম্বন্ধে শ্রীকৃষ্ণাবনদাস ঠাকুর বলিতেছেন :—

“ভক্তিয়োগ” মাত্র ভাগবতের ব্যাখ্যান ।

আত্ম-মধ্য-অন্ত্যে কভু না বুঝায়ে আন ॥

১৯। ভক্তি আবশ্যক—কেবলমাত্র  
শুদ্ধাচারে ভগবানকে পাওয়া যায় না।  
শ্রীচৈতন্য শ্রীবাস গৃহে ভক্তগণের সঙ্গে নৃত্য-

না বাথানে ভক্তি ভাগবত যে পড়ায়।

বার্থ বাক্য ব্যয় করে, অপরাধ পায় ॥

মূর্ত্তিমন্ত ভাগবত—ভক্তিরস মাত্র।

ইহা বুঝে যে হয় কৃষ্ণের কুপাপাত্র ॥

ভাগবত পুস্তকো থাকয়ে যা'র ঘরে।

কোন অমঙ্গল নাহি যায় তথাকারে ॥

ভাগবত পুঞ্জিলে কৃষ্ণের পূজা হয়।

ভাগবত-শ্রবণে ভক্তি পায় ॥

দুই স্থানে 'ভাগবত' নাম শুনি মাত্র।

গ্রন্থ ভাগবত, আর কৃষ্ণ কুপা পাত্র ॥

নিত্য পূজে পড়ে শুনে চাহে ভাগবত।

সত্য সত্য সেহো হইবেক সেই মত ॥”

( শ্রীচৈ-ভা। অন্ত। ৩য় )

জান=অন্ত কিছু। চাহে=দেখে।

কীৰ্ত্তনাদি করেন । সেস্থানে বহিরঙ্গ লোকের যাই-  
 বার অধিকার নাই । জনৈক ব্রহ্মচারী মহাপ্রভুর  
 আনন্দ-নৃত্য দেখিতে ইচ্ছুক হইয়া শ্রীবাসের অমু-  
 মতিক্রমে তাঁহার বাটীর এককোণে লুকায়িতভাবে  
 নৃত্যাদি দেখিতেছেন । কিছুক্ষণ নৃত্যের পর মহা-  
 প্রভু সকলকে জিজ্ঞাসা করিলেন “আজি আমার  
 আনন্দ হইতেছে না কেন ?” তখন শ্রীবাস ভয়  
 পাইয়া প্রকৃত ঘটনা ব্যক্ত করিলেন । শ্রীবাস বলি-  
 লেন “প্রভো ! যিনি লুকায়িত আছেন তিনি একজন  
 ব্রহ্মচারী । ইনি কেবলমাত্র জল পান করিয়া জীবন  
 ধারণ করেন ।” এই কথা শুনিয়া—

দুই ভুজ তুলি’ প্রভু অঙ্গুলী দেখায় ।

“পয়ঃপানে কত মোরে কেহো নাহি পায় ॥

চণ্ডালেহো মোহো শরণ যদি লয় ।

সেহো মোর, মুঞি তা’র, জানিহ নিশ্চয় ॥

সন্ন্যাসীও যদি মোর না লয় শরণ ।  
 সেহো মোর নহে, সত্য বলিলুঁ বচন ॥  
 গজেন্দ্রবানর গোপ কি তপ করিল ।  
 বোল দেখি তারা মোরে কেমনে পাইল ॥  
 অস্ত্রেও তপ করে, কি হয় তাহার ।  
 বিনে মোর শরণ লইলে নাহি পার ॥”  
 \* \* \* \* \*  
 প্রভু বোলে “‘তপ’ করি না করিহ বল ।  
 বিষ্ণুভক্তি সর্বশ্রেষ্ঠ জানিহ কেবল ॥” (৩৬)

২০ । কৃষ্ণনাগ-মহামন্ত্র উপদেশ ও  
 কীর্তন-শিক্ষা দান ।

মহাপ্রভুর সন্ন্যাস গ্রহণের পূর্বে নগরিয়াগণ

(৩৬) শ্রীচৈতন্য ভাগবত—মধ্য । ২৩শ ।

মোহো=আমার । সেহো=সেও ।

না করিহ

বল=দর্প বা গর্ভ করিও না ।

তঁাহাকে দর্শন করিতে যান । কেহ বা নূতন দ্রব্য,  
কেহ কদলী, কেহ ঘৃত, কেহ দধি, কেহ দিব্য মালা  
লইয়া চলিলেন । প্রভু ইহাদিগকে লক্ষ্য করিয়া  
এই মহামন্ত্র সর্বক্ষণ উচ্চারণ করিতে উপদেশ এবং  
শ্রীকৃষ্ণ-কীর্তন শিক্ষা দিলেন :— (৩৭)

প্রভু বোলে “কৃষ্ণ-ভক্তি হউক সভার ।

কৃষ্ণ-গুণ-নাম বই না বলিহ আর ॥”

• আপনে সভারে প্রভু করে উপদেশ ।

“কৃষ্ণনাম মহামন্ত্র শুনহ বিশেষ— ॥

‘হরে কৃষ্ণ হরে কৃষ্ণ কৃষ্ণ কৃষ্ণ হরে হরে ।

• হরে রাম হরে রাম রাম রাম হরে হরে’ ॥” (৩৮)

(৩৭) শ্রীচৈতন্য ভাগবত—মধ্য । ২৩শ ।

সভে = সকলে । নিকর্ষ = নিয়ম । সভার = সকলের ।

ইথে = ইহাতে । বিধি নাহি আর = অন্য কোন মন্ত্র

উচ্চারণ সম্বন্ধে শাস্ত্রে যেরূপ দেশ কাল পাত্রের ব্যবস্থা

আছে এবং হৃফল লাভ করিতে হইলে সেই সমস্ত শাস্ত্র

প্রভু বোলে “কহিলাঙ এই মহামন্ত্র ।  
 ইহা গিয়া জপ’ সভে করিয়া নিরঙ্ক ॥  
 ইহা হৈত সর্বসিদ্ধি হইব সভার ।  
 সর্বক্ষণ বোল, ইথে বিধি নাহি আর ॥  
 দশ-পাঁচে মিলি’ নিজ ছুয়ারে বসিয়া ।  
 কীর্তন করিহ সভে হাথে তালি দিয়া ॥  
 ‘হরয়ে নমঃ কৃষ্ণ যাদবায় নমঃ ।  
 গোপাল গোবিন্দ রাম শ্রীমধুসূদন’ ॥  
 কীর্তন কহিলু’ এই তোমা, সভাকারে ।  
 জীয়ে পুন্নে বাপে মিলি’ কর গিয়া ঘরে ॥”

বিধি মানিয়া চলিতে হয়, এই মহামন্ত্র উচ্চারণ সম্বন্ধে  
 সেরূপ কোনও বিধি ব্যবস্থা নাই । কাজেই এই মন্ত্রের  
 উচ্চারণ অতি সহজ ব্যাপার ।

আর—অন্য । ছুয়ারে—বহির্বাটিতে । হাথে—হাতে,  
 হস্তে ।

## ২১ । ভক্ত-মাহাত্ম্য ।

শ্রীচৈতন্য মহাপ্রভু নাগরিকদিগের সুহিত নদীয়ায়  
কীৰ্ত্তন করিতে করিতে শ্রীধরের বাড়ীতে আসিলেন ।  
শ্রীধরের মাত্র একখানা ভাঙ্গা ঘর । মহাপ্রভু সেই ঘরের  
ছুয়ারে যাইয়া এক ভাঙ্গা লৌহপাত্র হইতে জলপান  
করিলেন । সকলে ইহা দেখিয়া একেবারে অবাক  
হইলেন । জল পান করিয়া প্রভু ইহা বলিলেন :—

প্রভু বোলে “শুদ্ধ মোর আজি কলেবর ॥

আজি মোর ভক্তি হইল কৃষ্ণের চরণে ।

শ্রীধরের জল পান করিলো” যখনে ॥

এখনে সে বিষ্ণুভক্তি হইল আমার” ।

কহিতে কহিতে পড়ে নয়নে স্তম্ভধার ॥

‘বৈষ্ণবের জল পানে বিষ্ণুভক্তি হয় ।’

সুভারে বুঝায় প্রভু গৌরাঙ্গ সদয় ॥ (৩৯)

---

(৩৮) “অষ্টোত্তর শত উপনিষদের অন্তর্গত কলিসম্ভারণ উপ-

‘প্রার্থয়েদ্ বৈষ্ণবসাম্মলং প্রযত্নেন বিচক্ষণঃ ।

সৰ্বপাপবিশুদ্ধার্থঃ তদভাবে জলং পিবেৎ’ ॥ (৪০)

২২ । শ্রীবাসের মৃতপুল্লের মুখ হইতে  
তত্ত্বকথন ।

শ্রীবাসের বাড়িতে তিনি অন্যান্য ভক্তগণকে  
লইয়া কীর্ত্তন করিতেছেন এবং মহাপ্রভু তন্মধ্যে  
নৃত্য করিতেছেন । তাঁহার বাহুজ্ঞান নাই । এমন  
সময়ে শ্রীবাসের পুল্লের হঠাৎ মৃত্যু হইল । শ্রীবাসের

---

নিষদে অভিহিত আছে যে দেবর্ষি নারদ ব্রহ্মার সমীপে  
জিজ্ঞাসা করিলেন—ভগবন ! আমি কিরূপে কলিকে  
অতিক্রম করিতে সমর্থ হইব ? তখন ব্রহ্মা নারদকে এই  
মহামন্ত্র উপদেশ প্রদান করেন ।”

(৩৯) শ্রীচৈতন্য ভাগবত—মধ্য । ২৩ ।



ঘরে মহাক্রন্দনের রোল উঠিল । তিনি ইহা জানিতে পারিয়া অন্তঃপুরে গেলেন এবং স্ত্রীলোকদিগকে প্রবোধবাক্য বলিতে লাগিলেন । মহাপ্রভুর নৃত্যানন্দ ভঙ্গ হইবার আশঙ্কা থাকায় শ্রীবাস তাঁহার পরিবারবর্গকে ক্রন্দন করিতে নিষেধ করিলেন এবং বলিলেন “তোমরা ত সকলেই কৃষ্ণের মহিমা জান, অতএব চিত্ত স্থির কর । অন্তিমকালে একবারমাত্র যাহার নাম শুনিলে অতি মহাপাতকীও বৈকুণ্ঠে যায় এবং ব্রহ্মাদি যাহার গুণগান করেন, সেই প্রভু আজি তোমাদের সাক্ষাতে নৃত্য করিতেছেন । এ সময়ে কাহারও পরলোক হইলে, কি আর শোক করা উচিত ? যদি কোন কালে আমি এই শিশুর ভাগ্য পাই, তবে আপনাকে কৃতার্থ মনে করিব । যাহা হউক যদি সংসার-ধর্ম বশতঃ শোক সম্বরণ করিতে না পার, তবে বিলম্বে কান্দিও । অগ্নি কেহ যেন এই আখ্যান না শুনে, পাছে প্রভুর নৃত্যস্থ ভঙ্গ হয় ।

যদি তোমাদের কলরব শুনিয়া প্রভু বাহুজ্ঞান পান  
তবে আজি আমি নিশ্চয়ই গদায় আপনার জীবন  
বিসর্জন দিব।” সকলেই শ্রীবাসের কথায় স্থির  
হইলেন। শ্রীবাস সঙ্কীৰ্ত্তনে পূৰ্ব্ববৎ যোগদান করি-  
লেন এবং পরমানন্দে কীৰ্ত্তন করিতে লাগিলেন।  
ক্রমশঃ তাঁহার চিত্তের উল্লাস বাড়িতে লাগিল।  
কিছুক্ষণ পরে ভক্তগণ একে একে সকলেই দুর্ঘটনার  
বিষয় জানিতে পারিলেন, কিন্তু কেহই কিছু ব্যক্ত  
করিলেন না। সকলেই অন্তরে বড় দুঃখ পাইলেন।  
সৰ্ব্বজ্ঞের চুড়ামণি শ্রীগৌরসুন্দর বলিলেন “আমার চিত্ত  
স্থির হইতেছে না কেন?” শ্রীবাস পণ্ডিতের ঘরে কি  
কোন দুঃখের কারণ হইয়াছে?” শ্রীবাস বলিলেন,  
“যাহার ঘরে আপনার শ্রীমুখ সুপ্রসন্ন, তাহার আবার

---

(৪০) বিচক্ষণ লোক সকল পাপ হইতে বিমুক্ত হইবার উদ্দেশ্যে  
বৈষ্ণবায় প্রার্থনা করিবেন। তদভাবে বৈষ্ণবের জলপান  
করিলেন। (পদ্ম-পুরাণ—আদি খণ্ড। ৩১। ১১২)

কিসের দুঃখ ?” শেষে সকলে সমস্ত ঘটনা মহাপ্রভুকে বলিলেন। তিনি জিজ্ঞাসা করিলেন “শ্রীবাস-পুত্র কতক্ষণ গত হইয়াছে ?” সকলে বলিলেন “চারি দণ্ড রাত্রি সময়ে। আড়াই প্রহর হইল পরলোক হইয়াছে, কিন্তু আপনার আনন্দ-ভঙ্গ-ভয়ে শ্রীবাস কাহারও নিকট ইহা প্রকাশ করেন নাই। প্রভো ! এক্ষণে মৃত-দেহের সৎকার করিতে অমুমতি করুন।” শ্রীবাসের এই অদ্ভুত আচরণের কথা শুনিয়া মহাপ্রভু অবাক হইলেন এবং কান্দিতে লাগিলেন। কিছুক্ষণ পরে যখন প্রভু স্থির হইলেন তখন সকলে মৃতশিশুকে লইয়া সৎকার করিতে যাত্রা করিতেছেন এমন সময়ে—

মৃতশিশু প্রতি প্রভু জিজ্ঞাসে আপনে ।

“শ্রীবাসের ঘর ছাড়ি বাহ কি কারণে ॥”

শিশু বোলে “এ প্রভু ! যেন নির্বন্ধ তোমার

অনুথা করিতে শক্তি আছে কাহার” ॥

বৃতপুত্র উত্তর করয়ে প্রভু সনে ।  
 পরম অদ্ভুত শুনে সর্ব ভক্তগণে ॥  
 শিশু বোলে এ “দেহেতে যতেক দিবস ।  
 নির্বন্ধ আছিল ভুঞ্জিলাম সেই রস ॥  
 নির্বন্ধ ঘুচিল আর রহিতে না পারি ।  
 এবে চলিলাঙ অণু নির্বন্ধিত পুরী ॥  
 কেবা কা’র বাপ প্রভু ! কে কা’র নন্দন ।  
 সবে আপনার কৰ্ম করয়ে ভুঞ্জন ॥  
 যতদিন ভাগ্য ছিল পণ্ডিতের ঘরে ।  
 আছিল, এবে চলিলাঙ অণু পুরে ॥  
 সপার্ষদে তোমার চরণে নমস্কার ।  
 অপরাধ না লইহ’ বিদায় আমার ॥”  
 এত বলি’ নীরব হইল শিশু-কায় ।  
 এমত কোতুক করে শ্রীগোরাঙ্গ রায় ॥ (৪১)

২৩। সকলের প্রতি নিরন্তর কৃষ্ণ-নাম  
লওয়ার উপদেশ ।

( ১ )

কাটোয়া নগরে কেশব ভারতীর নিকট সম্মান  
গ্রহণ করিতে যাইবার পূর্বদিবসে মহাপ্রভু ভক্ত-  
গণকে ( যাহারা বিবিধ উপহার লইয়া মহাপ্রভুর  
গৃহে তাঁহাকে দর্শন করিতে গমন করেন ) এই  
উপদেশ দিতেছেন :—

আপন গলার মাগা সভাকারে দিয়া ।

আজ্ঞা করে প্রভু সতে “কৃষ্ণ গাও গিয়া ॥

যেন=যেদ্বারা । নির্বন্ধ=নিয়ম, যেন নির্বন্ধ তোমার =  
তোমার যে প্রকার নিয়ম । ভুঞ্জিলাম=ভোগ করিলাম ।  
রস=আসক্তি । নির্বন্ধ ঘুচিল=সংযোগ (বন্ধন) দূর  
হইল । এবে=এক্ষণে । অল্প নির্বন্ধিত পুরী=অল্প  
নির্বন্ধিত দেশ বা স্থানে । কর্ম=কর্মফল । ভুঞ্জন=  
ভোগ । পুরে=দেশে, স্থানে ।

বোল কৃষ্ণ, ভজ কৃষ্ণ, গাও কৃষ্ণনাম ।  
 কৃষ্ণ বিহু কেহ কিছু না ভাবিহ আন ॥  
 যদি আমা' প্রতি স্নেহ থাকে সভাকার ।  
 তবে কৃষ্ণ ব্যতিরিক্ত না গাইবা আর ॥  
 কি শয়নে কি ভোজনে কিবা জাগরণে ।  
 অহর্নিশ চিন্ত কৃষ্ণ বোলহ বদনে" ॥ (৪২)

( ২ )

মহাপ্রভু মখন কাটোয়াভিমুখে চলিলেন তখন  
 অসংখ্য লোক ক্রন্দন করিতে করিতে তাঁহার  
 পশ্চাতে গমন করিতে লাগিল । তাহাদিগকে লক্ষ্য  
 করিয়া তিনি এই উপদেশ বাক্য বলিতেছেন :—

“সভে ঘর যাহ, লহ গিয়া হরিনাম ।

সভার হউক কৃষ্ণচন্দ্র ধন-প্রাণ ॥

(৪২) শ্রীচৈতন্য ভাগবত—মধ্য । ২৩শ ।

আন=অন্য । গাই=গাহিয়া, গান করিয়া ।

বোলহ=বল ।

ব্রহ্মা-শিব-শুকাদি যে রস বাছা করে ।  
 হেন রস হউ তোমা' সভার শরীরে ॥" (৪৩)

( ৩ )

মহাপ্রভু নীলাচল হইতে নবদ্বীপে আসিয়া কুলিয়া গ্রামে বিজ্ঞাবাচস্পতির গৃহে অবস্থিতি করিতেছেন । তাঁহাকে দর্শন করিবার জন্য নদীয়াবাসিগণ তথায় গমন করিল । তাহারা বলিতে লাগিল “প্রভো ! আমরা পাপিষ্ঠ । আপনি আমাদের উদ্ধার করুন ।” এই কথা বলিয়া সকলে দুই বাহু তুলিয়া তাঁহার স্তুতি করিতে লাগিল ।

ঈশ্বর হাসিয়া প্রভু সর্বলোক প্রতি ।  
 আশীর্বাদ করেন, কৃষ্ণেতে হউ' মতি ॥

(৪৩) শ্রীচৈতন্য ভাগবত—অন্য । ১ম ।

রস = আনন্দ, অনুরাগ । হউ = হউক । সভার = সকলের ।

বোল কৃষ্ণ, ভজ কৃষ্ণ, লহ কৃষ্ণনাম ।  
কৃষ্ণ হউ' সভার জীবন-ধনপ্রাণ ॥ (৪৪)

২৪ । সমস্তই ঈশ্বরাদীন—কাহারও  
স্বতন্ত্র হইবার শক্তি নাই ।

সন্ন্যাস গ্রহণের জন্ত বিদায়কালে মহাপ্রভু স্বীয়  
জননীকে বলিতেছেন :—

“শুন মাতা ! ঈশ্বরের অধীন সংসার ।

স্বতন্ত্র হইতে শক্তি নাহিক কাহার ॥

সংযোগ বিয়োগ যত করে সেই নাথ ।

তান ইচ্ছা বুঝিবার শক্তি আছে কাত ॥ (৪৫)

(৪৪) শ্রীচৈতন্য ভাগবত—অস্ত্য । ৩য় ।

(৪৫) শ্রীচৈতন্য ভাগবত—মধ্য । ২৬ ।

নাথ = প্রভু । তান = তাঁহার ।



২৫। ভোক্তব্য অদৃষ্টে থাকিলে  
অবশ্যই মিলিবে।

সন্ন্যাস গ্রহণের পরে শাস্তিপুরে অষ্টমত-গৃহে  
কয়েক দিন যাপন করিয়া শ্রীশ্রীমহাপ্রভু নীলাচল  
যাত্রা করিলেন। শ্রীনিত্যানন্দ, গদাধর, মুকুন্দ প্রভৃতি  
পার্বদগণ সঙ্গে চলিলেন। পথিমধ্যে মহাপ্রভু  
ঠাঁহাদিগকে জিজ্ঞাসা করিলেন “তোমাদের কাহার  
কাছে কি সম্বল আছে নিরুপটে আমার নিকট  
ব্যক্ত কর।” সকলে বলিলেন “প্রভো! আপনার  
আজ্ঞা বিনা আমরা কি কোন দ্রব্য সঙ্গে লইতে  
পারি?” মহাপ্রভু এই কথা শুনিয়া সম্ভষ্ট হইয়া  
বলিলেন:—

প্রভু বোলে “কাহারো যে কিছু না লইলা।

ইহাতে আমার বড় সন্তোষ করিলা ॥

ভোক্তব্য অদৃষ্টে থাকে যে দিনে লিখন ।  
 অরণোও আসি' মিলে অবশ্য তখন ॥  
 প্রভু যারে যেদিনে বা না লিখে আহার ।  
 রাজপুত্র হউ' তভো উপবাস তা'র ॥  
 থাকিলেও খাইতে না পারে আজ্ঞা বিনে ।  
 অকস্মাৎ কন্দল করয়ে কারো সনে ॥  
 ক্রোধ করি' কোলে 'মুই না খাইমু ভাত' ।  
 দিব্য করি' রহে নিজ শিরে দিগ্নে হাথ ॥  
 অথবা সকল জব্য হৈল বিজ্ঞমান ।  
 আচক্ষিতে দেহে জ্বর হৈল অধিষ্ঠান ॥  
 জ্বর বেদনায় কোথা থাকিল ভক্ষণ ।  
 অতএব ঈশ্বরের ইচ্ছা সে কারণ ॥  
 ত্রিভুবনে কৃষ্ণ দিয়াছেন অন্নসত্ত্ব ।  
 ঈশ্বরের ইচ্ছা থাকে মিলিব সর্বত্র ॥ (৪৬)

(৪৬) শ্রীচৈতন্য ভাগবত—অন্য। ২য়।

কাহারো=কেহই। হউ=হউক। তভো=তবু।

২৬ । বৈষ্ণব-নিন্দার প্রায়শ্চিত্ত কি ?

নীলাচল হইতে নবদ্বীপে আসিয়া কুলিয়ার সার্কভোগের সহোদর বিজ্ঞাচাম্পতির গৃহে অবস্থিতি কালে মহাপ্রভুর নিকট জটনৈক বৈষ্ণব-নিন্দক ব্রাহ্মণ তাঁহার চরণ ধরিয়া তাঁহাকে বলিলেন “পাপিষ্ঠ আমি, ভক্তির প্রভাব না জানিয়া ‘কলি-যুগে কিসের বৈষ্ণব এবং কিসের কীৰ্ত্তন’ এইরূপ তাচ্ছিল্য-বাক্য অনুক্ষণ বলিয়াছি। এক্ষণে সেই কুক্ষ্ম স্বরণ করিলে আমার চিত্ত দগ্ধ হইতে থাকে। প্রভো! অনুগ্রহপূৰ্ব্বক আমাকে বলুন, কিসে আমার এই পাপ খণ্ডিবে।” তদুত্তরে মহাপ্রভু এই উপায় বলিলেন :—

কন্দল=কলহ। সনে=সঙ্গে। দিব্য=শপথ।

আচব্বিতে=অকস্মাৎ।

“শুন বিপ্র ! বিষ করি যে মুখে ভক্ষণ ।  
 সেই মুখে করি যদি অমৃত গ্রহণ ॥  
 বিষো হয় জীর্ণ ’ দেহ হয়ত অমর ।  
 অমৃত প্রভাবে ; এবে শুনহ উত্তর ॥  
 না জানিঞা যত তুমি করিলে নিন্দন ।  
 সে কেবল বিষ তুমি করিলে ভোজন ॥  
 পরম অমৃত এবে কৃষ্ণ-গুণ-নাম ।  
 নিরবধি সেই মুখে কর’ তুমি পান ॥  
 যে মুখে করিলে তুমি বৈষ্ণব-নিন্দন ।  
 সেইমুখে কর’ তুমি বৈষ্ণব-বন্দন ॥  
 সভা হৈতে ভক্তির মীমা বাঢ়াইয়া ।  
 গীত কবিত্ব বিপ্র ! কর তুমি গিয়া ॥  
 কৃষ্ণ-ষণ-পরানন্দ-অমৃতে তোমার ।  
 নিন্দা-বিষ যত সব করিব সংহার ॥  
 এই কহি’ সভারে, তোমায়ে না কেবল ।  
 না জানিঞা নিন্দা করিলেক যে সকল ॥

আর যদি নিন্দা-কর্ম করু না আচরে ।  
 নিরবধি বিষ্ণু-বৈষ্ণবের স্তুতি করে ॥  
 এ সকল পাপ ঘূচে এই সে উপায়ে ।  
 কোটি প্রায়শ্চিত্তেও অন্তথা নাহি যায়ে ॥  
 চল বিপ্র ! কর' গিয়া ভক্তির বর্ণন ।  
 তবে সে তোমার সর্ব পাপ বিমোচন ॥” (৪৭)

২৭। বৈষ্ণব-মাহাত্ম্য—বৈষ্ণব-নিন্দায়  
 মহাপাপ—এই পাপ হইতে উদ্ধারের  
 উপায়।

মহাপ্রভু নবদ্বীপ হইতে রামকেলি গ্রামে গমন

(৪৭) শ্রীচৈতন্য-ভাগবত—অষ্টা। ৩য়।

বিষা=বিষ ও। মহারে=সকলকে। আচরে=  
 আচরণ করে। ঘূচে=দূর হয়। ‘ভক্তির বর্ণন’=  
 পাষণ্ডের ‘ভক্তের বর্ণন’।

করিলেন এবং তথা হইতে প্রত্যাবর্তনপূর্ব্বক শাস্তি-  
পুরে শ্রীঅষ্টৈত-ভবনে উপস্থিত হইলেন । তথায়  
অবস্থান কালে জটনৈক বৈষ্ণব-নিন্দক বুষ্ঠরোগী মহা-  
প্রভুর সমীপে আসিয়া দণ্ডবৎ হইয়া আৰ্ত্তনাদ করিতে  
লাগিল । ঐ ব্যক্তি বলিল “জীব-উদ্ধারের জন্ত  
আপনি অবতীর্ণ হইয়াছেন । পরহুঃখ দেখিলে  
স্বভাবতঃ আপনি কাতর হয়েন । এইজন্যই আপ-  
নার নিকটে আসিলাম । বুষ্ঠরোগে আমি বড়ই  
যাতনা পাইতেছি । প্রভো ! দয়া করিয়া আমার  
নিকৃতির উপায় বলিয়া দিন ।” ইহার উত্তরে মহা-  
প্রভু বলিলেন :—

“যে বৈষ্ণব নামে হয় সংসার পবিত্র ।

অক্ষাদি গায়েন যে বৈষ্ণবচরিত্র ॥

যে বৈষ্ণব ভজিলে অচিন্ত্য কৃষ্ণ পাঁই ॥

যে বৈষ্ণব-পূজা হৈতে বড় আর নাই ॥

'শেষ রমা অজ্ঞ' ভব নিজ দেহ হৈতে ।  
 বৈষ্ণব কৃষ্ণের প্রিয়' কহে ভাগবতে ॥  
 'ন তথা মে প্রিয়তম আত্মযোনি ন শঙ্করঃ ।  
 ন চ সৰ্ব্বণো ন শ্রী নৈবাত্মা চ যথাভবান্ ॥'(৪৭ক)  
 হেন বৈষ্ণবের নিন্দা করে যেই জন ।  
 সে-ই পায় দুঃখ—জন্ম জীবন মরণ ॥  
 বিছাকুল তপ—সব বিফল তাহার ।  
 বৈষ্ণব নিন্দয়ে যে যে পাপী দুরাচার ॥  
 পূজাও তাহার কৃষ্ণ না করে গ্রহণ ।  
 বৈষ্ণবের নিন্দা করে যে পাপিষ্ঠ জন ॥  
 যে বৈষ্ণব নাচিতে পৃথিবী ধস্ত হয় ।  
 যা'র দৃষ্টিমাত্র দশ-দিগে পাপক্ষয় ॥

(৪৭ক) ভাগবত—১১ । ১৪ । ১৫ ।

শ্রীকৃষ্ণ উদ্ধবকে বলিতেছেন—তুমি আমার বেল্লপ প্রিয়  
 আত্মযোনি ব্রহ্মী কি শঙ্কর কি সৰ্ব্বণ (বলরাম) কি লক্ষ্মী কি  
 আমার শ্রীবিগ্রহ সেরূপ নহে ।

যে বৈষ্ণব জন বাহু তুলিয়া নাচিতে ।  
স্বর্গেরো সকল বিষ ঘুচে ভাল মতে ॥”

\* \* \* \*

প্রভু বোলে “বৈষ্ণব নিন্দয়ে যেই জন ।  
কুষ্ঠরোগ কোন্ তার শাস্তির লিখন ॥  
আপাতত কিছু দুঃখ পাইয়াছ মাত্র ।  
আর কে বা আছে যম-যাতনার পাত্র ॥  
চৌরাশি-সহস্র যম-যাতনা পরলোকে ।  
পুনঃ পুনঃ করি ভুঞ্জে বৈষ্ণব-নিন্দকে ॥  
চল কুষ্ঠরোগি ! তুমি শ্রীবাসের স্থানে ।  
সত্বরে পড়হ গিয়া তাহার চরণে ॥  
তাঁর ঠাই তুমি করিয়াছ অপরাধ ।  
নিষ্কৃতি তোমার, তিঁহো করিলে প্রসাদ ।  
কাঁটা ফুটে যে মুখে, সে-ই সে মুখে যায় ।  
পায়ে কাঁটা ফুটিলে কি কান্ধে বাহিরায় ॥



‘শেষ রমা অজ্ঞ ভব নিজ দেহ হৈতে ।  
 বৈষ্ণব কৃষ্ণের প্রিয়’ কহে ভাগবতে ॥  
 ‘ন তথা মে প্রিয়তম আত্মাযোনি ন শঙ্করঃ ।  
 ন চ সঙ্কৰ্শণো ন শ্রীর্নৈবাত্মা চ যথাভবান্ ॥’ (৪৭ক)  
 হেন বৈষ্ণবের নিন্দা করে যেই জন ।  
 সে-ই পায় দুঃখ—জন্ম জীবন মরণ ॥  
 বিজ্ঞাকুল তপ—সব বিফল তাহার ।  
 বৈষ্ণব নিন্দয়ে যে যে পাপী দুরাচার ॥  
 পূজাও তাহার কৃষ্ণ না করে গ্রহণ ।  
 বৈষ্ণবের নিন্দা করে যে পাপিষ্ঠ জন ॥  
 যে বৈষ্ণব নাচিতে পৃথিবী ধস্ত হয় ।  
 যা’র দৃষ্টিমাত্র দশ-দিগে পাপক্ষয় ॥

(৪৭ক) ভাগবত—১১ । ১৪ । ১৫ ।

শ্রীকৃষ্ণ উদ্ধবকে বলিতেছেন—তুমি আমার ঘেরূপ প্রিয়  
 আত্মাযোনি ব্রহ্মী কি শঙ্কর কি সঙ্কৰ্শণ (বলরাম) কি লক্ষ্মী কি  
 আমার জীবগ্রহ সেরূপ নহে ।

যে বৈষ্ণব জন বাহু তুলিয়া নাচিতে ।  
স্বর্গেরো সকল বিষ ঘুচে ভাল মতে ॥”

• • • • •

প্রভু বোলে “বৈষ্ণব নিন্দয়ে যেই জন ।  
কুষ্ঠরোগ কোন্ তার শাস্তির লিখন ॥  
আপাতত কিছু দুঃখ পাইয়াছ মাত্র ।  
আর কে বা আছে যম-ঘাতনার পাত্র ॥  
চৌরাশি-সহস্র যম-ঘাতনা পরলোকে ।  
পুনঃ পুনঃ করি ভুঞ্জে বৈষ্ণব-নিন্দকে ॥  
চল কুষ্ঠরোগি ! তুমি শ্রীবাসের স্থানে ।  
সত্বরে পড়হ গিয়া তাহার চরণে ॥  
তাঁর ঠাই তুমি করিয়াছ অপরাধ ।  
নিষ্কৃতি তোমার, তিঁহো করিলে প্রসাদ ।  
কাঁটা ফুটে যে মুখে, সে-ই সে মুখে যায় ।  
পায়ে কাঁটা ফুটিলে কি কান্ধে বাহিরায় ॥

এই কহিলাঙ আমি নিস্তার-উপায় ।

শ্রীবাস পণ্ডিত ক্ষমিলে সে দুঃখ যায় ॥

মহা শুদ্ধবুদ্ধি তিঁহো, তাঁ'র স্থানে গেলৈ ।

ক্ষমিবেন সৰ্বদোষ, নিস্তারিবে হেলৈ ॥ (৪৮)

## ২৮ । অন্ত কামনা পরিত্যাগ পূর্বক ভগবদ্ভজনের প্রভাব ।

শান্তিপুত্র হইতে মহাপ্রভু কুমারহটে শ্রীবাসের  
বাটীতে গেলেন এবং তথায় কয়েকদিন যাপন করি-  
লেন । প্রভু একদিন শ্রীবাসকে বলিলেন “তুমি ত

(৪৮) শ্রীচৈতন্য ভাগবত--অন্য । ৪র্থ ।

অচিন্তা = অচিন্তনীয়, চিন্তাশক্তির অতীত । আর = অন্য ।

চল = যাও । প্রসাদ = অনুগ্রহ । নিস্তারিবে হেলৈ =

অনায়াসে নিস্তার পাইবে ।

বাড়ির বাহিরে যাও না, তবে কিরূপে তোমার সংসার চলে ? শ্রীবাস বলিলেন “প্রভো ! যাহার আদৃষ্টে যাহা থাকে তাহা অবশ্যই মিলিবে।” প্রভু বলিলেন “তুমি তবে সন্ন্যাস গ্রহণ কর।” শ্রীবাস উত্তর করিলেন “প্রভো ! আমি তাহা পারিব না।” প্রভু বলিলেন “তুমি সন্ন্যাসও গ্রহণ করিবে না, ভিক্ষা করিতেও কাহারও দ্বারে যাইবে না। কেমন করিয়া পরিবার পোষণ করিবে ? একালে ত বাটীর বাহিরে না গেলে কিছুই মিলে না।” শ্রীবাস হাতে তিন তালি দিয়া বলিলেন “এক, দুই, তিন ; আপনাকে এই ভাঙ্গিয়া বলিলাম।” প্রভু বলিলেন “শ্রীবাস ! তোমার এই সঙ্কেতের অর্থ আমি কিছুই বুঝিতে পারিলাম না।” শ্রীবাস বলিলেন “প্রভো ! তিন উপবাসেও যদি আহার না মিলে তবে,—আপনাকে সত্য সত্যই বলিতেছি—আমি গলায় কলসী বাঁধিয়া গলায় ডুবিয়া মরিব।” এই কথা শুনিয়া মহাপ্রভু

হুকার করিয়া উঠিলেন ও বলিলেন “শ্রীবাস !  
তোমাকে কি কখনও অন্নভাবে উপবাস করিতে  
হইবে ? যদি লক্ষ্মীও কদাচিত্ ভিক্ষা করেন, তথাপি  
তোমার কখনও অভাব কি দারিদ্র্য হইবে না, কারণ  
যে ব্যক্তি অন্ন কামনা পরিত্যাগ করিয়া কেবল  
আমারই ভজনা করে আমি তাহার ভক্ষ্য দ্রব্য মাথায়  
বহিয়া তাহাকে দিয়া থাকি ।”

প্রভু বোলে “কি বলিলি পণ্ডিত শ্রীবাস ।  
তোমার কি অন্নের দুঃখে হইব উপাস ।  
যদি কদাচিত্ বা লক্ষ্মীও ভিক্ষা করে ।  
তথাপি দারিদ্র্য নহিব তোমার ঘরে ।  
আপনে যে গীতাশাস্ত্রে বলিয়াছোঁ মুঞি ।  
তাহো কি শ্রীবাস ! এবে পাসরিলি তুঞি ।”

‘অনন্তাশ্চিস্তয়ন্তো মাং যে জনাঃ পৰ্য্যুপাসতে ।

তেষাং নিত্যাভিযুক্তানাং যোগক্ষেমং

বহাম্যহম্ ॥’ (৪২)

যে যে জনে চিস্তে’ মোরে অনন্য হইয়া ।

তারে ভক্ষ্য দেঙ মুঞি মাথায় বহিয়া ॥

যেই মোর চিস্তে’ নাহি যায় কারো দ্বারে ।

আপনে আসিয়া সৰ্ব্বসিদ্ধি মিলে তা’রে ॥

ধর্ম অর্থ কাম মোক্ষ—আপনে আইসে ।

তথাপিহ না চায় না লয় মোর দাসে ॥

মোর হৃদর্শনচক্রে রাখে মোর দাস ।

মহাপ্রলয়েও যা’র নাহিক বিনাশ ॥

(৪২) গীতা—২।২২।

অন্ত কামনা পরিত্যাগ করিয়া যীহার আমাকে ধ্যান করতঃ আমাকে সর্বতোভাবে উপাসনা করেন, আমি নিরন্ত যৎপরায়ণ সেই সকল ব্যক্তির যোগক্ষেম (যোগ অর্থাৎ অন্নাদি অপ্রাপ্ত বস্তু আহরণ এবং ক্ষেম অর্থাৎ তাহার সংরক্ষণ) বহন করি ।

## শ্রীশ্রীচৈতন্য-উপদেশ ।

যে মোহোর দাসেরও করয়ে স্মরণ ।  
তাহারেও করৌ মুঞি পোষণ পালন ॥  
সেবকের দাস সে মোহোর প্রিয় বড় ।  
অনায়াসে সে-ই সে মোহরে পায় দড় ॥  
কোন্ চিন্তা মোর সেবকের 'ভক্ষ্য' করি ।  
মুঞি যা'র পোষ্টা আছেঁ। সকল উপরি ॥  
স্থখে শ্রীনিবাস ! তুমি বসি' থাক ঘরে ।  
আপনি আসিব সব তোমার দুয়ারে ॥" (৫০)

২৯ । কৃষ্ণ-কার্য্য বাতীত আর কিছুই  
করিও না ।

রাজা প্রতাপরুদ্রের প্রতি উপদেশ :—

(৫০) শ্রীচৈতন্য ভাগবত—অষ্টা । ৫ম ।

প্রভু বোলে “কৃষ্ণ-ভক্তি হউক তোমার ।  
কৃষ্ণ-কাৰ্য্য বিনে তুমি না করিহ আর ।  
নিরন্তর গিয়া কর কৃষ্ণ-সঙ্কীৰ্ত্তন ।  
তোমার রক্ষিতা—বিষ্ণু-চক্র স্বদর্শন ॥” (৫১)

৩০ । মহান্তের আচরণে দোষদৃষ্টি  
করিতে নাই ।

শ্রীমন্নৃপ-প্রভুর সহাধ্যায়ী নবদ্বীপ-বাসী অনেকে  
ব্রাহ্মণের মহাপ্রভুর প্রতিদৃষ্ট ভক্তি ছিল কিন্তু তিনি  
শ্রীনিত্যানন্দ-স্বরূপের শক্তি সম্বন্ধে সম্পূর্ণ অজ্ঞাত

---

এবে পাসরিলা = এক্ষণে ভুলিয়া গেলি । অনন্ত হইয়া =  
অন্য কামনা পরিত্যাগ করিয়া । আপনে = আপনা  
হইতেই । পোষ্টা = পোষক, পালনিতা ।

(৫১) শ্রীচৈতন্য ভাগবত—অন্য । ৫ম ।



ছিলেন। শ্রীনিত্যানন্দ, মহাপ্রভু কর্তৃক নীলাচল হইতে জীব-উদ্ধারের জন্ত গোড়দেশে প্রেরিত হইলেন। তিনি নানাবিধ অলঙ্কার ও বিচিত্র বসনে সুসজ্জিত হইয়া নবদ্বীপের মধ্যে ও অন্যান্য স্থানে নাম বিতরণের জন্ত সর্বদা ভ্রমণ করিতেন। অবধূতের অনুপযুক্ত তাঁহার এই বেশভূষা দর্শন করিয়া ঐ ব্রাহ্মণের তাঁহার প্রতি সন্দেহ জন্মে। দৈবযোগে ব্রাহ্মণ কিছুদিন পরে নীলাচলে যান; তথায় কিছুদিন অবস্থিতি করিলেন এবং প্রতিদিন মহাপ্রভুকে দর্শন করিতে আসিতেন। একদিন ব্রাহ্মণ মহাপ্রভুকে বলিলেন “প্রভো! আপনার নিকট আমার এক নিবেদন আছে। নবদ্বীপে শ্রীনিত্যানন্দ অবধূতের আচার ব্যবহার বেশভূষাদি দেখিয়া আমি কিছুই বুঝিতে পারি না। লোকে তাঁহাকে সন্ন্যাসাশ্রমী বলে কিন্তু তিনি সর্বদাই কর্পূর তাহুল ভক্ষণ করেন। সন্ন্যাসীর পক্ষে ধাতু-দ্রব্য-স্পর্শ নিষেধ

কিন্তু তিনি স্বর্ণ-রৌপ্যাদি নির্মিত অলঙ্কার সর্বদা  
অঙ্গে ধারণ করেন। সম্রাসীর পরিধেয় গৈরিকবসন  
বা কোপীনের পরিবর্তে তিনি দিব্য পট্টবস্ত্র পরিধান  
করেন। সম্রাসীর কোনও বিলাসের দ্রব্য ব্যবহার  
করা নিষিদ্ধ। কিন্তু তিনি মালা চন্দন ধারণ করেন।  
সম্রাসীরা বংশদণ্ড ব্যবহার করেন কিন্তু তিনি তাঁহার  
পরিবর্তে লৌহদণ্ড ধারণ করেন। সম্রাসীর কাহা-  
রও আশ্রমে থাকিতে নাই, কিন্তু তিনি বর্ণাধম শূত্রের  
আশ্রমে অমুক্ণ কালযাপন করেন। তাঁহার  
আচার ব্যবহার শাস্ত্রসঙ্গত, বলিয়া আমার মনে না  
হওয়ায় তাঁহার সম্বন্ধে আমার মনে সন্দেহের উদয়  
হইয়াছে। লোকে তাঁহাকে ‘বড় লোক’ বলে,  
তথাপি তিনি স্বীয় আশ্রমোচিত আচার অবলম্বন  
করেন না কেন ? প্রভো ! ‘আমি আপনার ভৃত্য’ যদি  
আমা সম্বন্ধে আপনার এইরূপ জ্ঞান থাকে তবে ইহার  
মর্ম্য রূপাপূর্বক আমাকে বলুন”। সেই স্মৃতিশালী

ব্রাহ্মণ শুভক্ষণে এই প্রসন্ন করিলেন এবং তাঁহাকে  
মহাপ্রভু অমায়ায় এতৎসম্বন্ধে সব তত্ত্ব বলিলেন ।  
শ্রীগোরাঙ্গসুন্দর ব্রাহ্মণের বাক্য শুনিয়া হাসিয়া  
তাহার এই উত্তর করিলেন :— (৫২)

“শুন বিপ্র ! যদি মহা অধিকারী হয় ।

তবে তান গুণদোষ কিছু না জন্মায় ॥

‘ন মঘোকাস্তত্ত্বজ্ঞানাং গুণদোষান্তবা গুণাঃ ।

সাধুনাং সর্মাচিন্তানাং বুদ্ধেঃ পরমুপেযুষাম্’ ॥

পদ্মপত্রে কতু যেন না লাগয়ে জল ।

এই মত নিত্যানন্দস্বরূপ নির্মল ॥

পরমর্থে কৃষ্ণচন্দ্র তাহান শরীরে ।

নিশ্চয় জানিহ বিপ্র ! সর্বদা বিহরে ॥

অধিকারী বই করে তাহান আচার ।

দুঃখ পায় সেই জন পাপ জন্মে তার ॥

(৫২) শ্রীচৈতন্য ভাগবত—অষ্টা । ৭ম । তান—তাহার ।

গুণ দোষ—বিধি নিষেধ জনিত পুণ্যপাপাদি ।

কৃত্র বিনে অস্ত্রে যদি করে বিষ পান ।  
 সর্বধায় মরে সর্বপুরাণ প্রমাণ ॥ (৫৪)  
 'নৈতৎ সমাচরেচ্ছাত্ত্ব মনসাপি হনৌশ্বরঃ ।  
 বিনশ্যত্যাচরন্মোঢ়াদ্ যথাহক্ৰদ্রোদ্ধিঞ্জং  
 বিষম্' ॥ (৫৫)

(৫৩) ভাগবত—১১।২০।৩৬।

যাঁহাদিগের বিষয়াশুরাগ গত হইয়াছে—অতএব যাঁহারা  
 সমচিন্ত ( সকলকেই সমানভাবে দেখিতে পারেন ) অতএব  
 যাঁহারা প্রকৃতিস্বরূপ ( প্রাকৃত বুদ্ধির ) পর ( অতীত ) ঈশ্বরকে  
 প্রাপ্ত হইয়াছেন, আমার এই প্রকার একান্ত-ভক্তাদিগের বিধি  
 নিষেধ হইতে উৎপন্ন পুণ্যপাপাদি সম্ভব নহে ।

(৫৪) যেন=যেমন । তাহান=তাহার । বই=ব্যতীত ।  
 সর্বধায়=একেবারেই ।

(৫৫) ভাগবত—১০।৩৩।৩২।

গোপীদিগের সহিত শ্রীকৃষ্ণের রাসলীলাদি ও ক্রীড়া  
 কলা শ্রবণ করিয়া রাজা পরাক্ষিৎ শ্রুতদেবকে জিজ্ঞাসা করিলেন

‘ধর্মব্যতিক্রমো দৃষ্ট ঈশ্বরানাঞ্চ সাহসম্।

তেজীয়সাং ন দোষায় বহুঃ সর্বভূজোযথা’॥”(৫৬)

“হে সর্বজ্ঞ গুরে! ধর্ম সংস্থাপনের জন্ত ও অধর্মের লোপ করণার্থে যে সর্বশক্তিমান ভগবান অবতীর্ণ হইলেন এবং যিনি ধর্মসেতুর অর্থাৎ ধর্ম মধ্যাদার উপদেষ্টা, কর্তা ও পালক হইয়া কি প্রকারে পরস্পর-সঙ্কোচরূপ ধর্মবিরুদ্ধ কর্ম করিলেন? যদিও পূর্ণকাম, তথাপি তিনি কি জন্য এইরূপ নিম্ননীর কাণ্ড করিলেন। এতৎসম্বন্ধে আপনি আমাদের মনের সংশয় দূর করুন”। শুকদেব বলিলেন “ঈশ্বর বাতীত অন্য কেহ এমন কি মন ছাড়াও এইরূপ আচরণ করিবে না। ঋত বাতীত অন্য কেহ যেমন সমুদ্রোপ্তি বিধ পান করিলেই নষ্ট হইবে সেইরূপ ঈশ্বর বাতীত অন্য কেহ মোহবশতঃ এইরূপ আচরণ করিতে গেলে নিশ্চয়ই অধঃপতিত হইবে”।

(৫৬) ভাগবত—১০। ৩৩। ৩১।

(শুকদেব পরীক্ষিতকে বলিতেছেন) ‘শক্তিমান মহদ্ব্যক্তি-দিগের যে ধর্মবিরুদ্ধ আচরণ ও সাহস দেখা যায় তাহা জাহাদিগের দোষের হয় না। অগ্নি যেমন পবিত্র অগ্নিবিত্ত

এতেকে যে না জানিঞা নিন্দে' তান কয় ।  
 নিজ দোষে সে-ই দুঃখ পায় জন্ম জন্ম ॥  
 গর্হিতো করয়ে যদি মহা-অধিকারী ।  
 নিন্দার কি দায়, তাঁ'রে হাসিলেই মরি ॥  
 ভাগবত হইতে এ সব তত্ত্ব জানি ।  
 তাহো যদি বৈষ্ণব-গুরুর মুখে শুনি ॥  
 মহাস্তোর আচরণে হাসিলে যে হয় ।  
 চিত্ত দিয়া শুন ভাগবতে যেই কয় ॥ (৫৭)

“রাম-কৃষ্ণ গুরুর আশ্রমে থাকিয়া বিজ্ঞাত্যাস  
 করিলেন । গুরুর নিকট 'হইতে বিদায় লইবার  
 সময়ে তাঁহারা গুরুকে জিজ্ঞাসা করিলেন 'প্রভো !

এইরূপ বিচার না করিয়া সকল জব্যই উদরসাৎ করেন তাহাতে  
 তাহার দোষ হয় না, তেজস্বীদিগেরও সেইরূপ কোন কার্যে বা  
 আচরণে তাহাদিগকে দোষ স্পর্শ করে না ।

ଆମରା আপନାକେ କି ନିଶ୍ଚିନ୍ତା ଦିବ ?' এই কথা  
 ଶୁଣିয়া ଶୁକ୍ର ତଦୀୟ ପତ୍ନୀ ସହ ରାମ-କୃଷ୍ଣଙ୍କ ନିକଟ ଡାହା-  
 ନିଗେର ଯୁତ ପୁତ୍ରାକେ ପୁନରାୟ ପାଇବାର ପ୍ରାର୍ଥନା କରି-  
 ଲେନ । ତଦନନ୍ତର ରାମ-କୃଷ୍ଣ ଯମାଳୟେ ଗଲେନ  
 ଏବଂ ତଥା ହୈତେ ଶୁକ୍ର-ପୁତ୍ରାକେ ଆନିଆ ତାହାର ଯାତା-  
 ପିତାର ନିକଟ ଦିଲେନ । এই ପରମ ଅଦ୍ଭୁତ ଆଧ୍ୟାତ୍ମ  
 ଶୁଣିଆ ଦେବକୀ ରାମ-କୃଷ୍ଣଙ୍କ ନିକଟ ଡାହାରି ଯୁତ ଛଅ  
 ପୁତ୍ରାକେ ଚାହିଲେନ । ଡାହାରି ଜନନୀର କଥା ଶୁଣିଆ  
 ମହାରାଜ ବଳୀର ଭବନେ ଚାଲିଆ ଗଲେନ । ବଳୀ ଶ୍ରୀକୃଷ୍ଣ  
 ଇଷ୍ଟଦେବେର ଦର୍ଶନ ପାଇଆ ଅତ୍ୟନ୍ତ ଆନନ୍ଦିତ ହୈଲେନ  
 ଏବଂ କୃଷ୍ଣେବ ପାଦ-ପଦ୍ମ ଧରିଆ ବହୁ ସ୍ତୁତି କରিলେନ ।  
 ତିନି ଯେନ ପ୍ରେମାନନ୍ଦସିନ୍ଧୁ ଯାଏଁ ଯଗ୍ନ ହୈଲେନ ।  
 ଶ୍ରୀକୃଷ୍ଣ ବାଲିଲେନ 'ମହାରାଜ ! ଆମି ସେ ଜନ୍ମ ଆପନାର  
 ନିକଟ ଆସିଆଛି ତାହା ବାଲିତେଛି । ପାପୀ କଂସ  
 ଆମାର ଜନନୀର ଛଅ ପୁତ୍ର ବଧ କରିଆଛେ ଏବଂ ସେହି  
 ପାପେହି ସେ ମରିଆଛେ । ଦେବକୀ ଦେବୀ ନିରବଧି ପୁତ୍ରାକେ

স্মরণ করিয়া ক্রন্দন করেন। সেই ছয় জন আপনার নিকট আছে। জননীর সন্তোষার্থে তাহা-  
দিগকে জননীর নিকট লইয়া যাইব। ইহারা ব্রহ্মার  
পৌত্র ( সিন্ধু দেবগণ )। ইহাদিগের দুঃখের কারণ  
বলিতেছি। ব্রহ্মার পুত্র প্রজাপতি মরীচির ঔরসে এই  
ছয় পুত্র জন্ম গ্রহণ করে। দৈবক্রমে ব্রহ্মা কামাঙ্ক  
হইয়া লঙ্কা ত্যাগপূর্বক তাঁহার স্বীয় কন্যার প্রতি  
লোভ করিলেন। তাহা দেখিয়া এই ছয় জন হাস্ত  
করে। সেই দোষে ইহারা তৎক্ষণাৎ অধঃপতিত  
হইল। মহাস্তের কন্ঠেতে উপহাস করায় উহারা  
অস্থরযোনিতে গর্ভবাস প্রাপ্ত হইল। সমগ্র জগতের,  
দ্রোহকারী হিরণ্যকশিপুর ঘরে উহারা জন্মগ্রহণ  
করিল। তথায়ও ইজের বজ্রাঘাতে অতীব দুঃখ-  
যন্ত্রণা পাইয়া উহারা দেহত্যাগ করিল। তদনন্তর  
যোগমায়া কষ্টক দেবকীর গর্ভে এই ছয় জন সঞ্চারিত  
হয়। ব্রহ্মাকে দেখিয়া হাস্ত করার পাপের ফলে উহারা



সে জন্মেও অশেষ দুঃখ পাইল। উহারা কংসের  
ভাগিনেয় হইয়াও তাঁহার হস্তে পঞ্চদশ প্রাপ্ত হইল।  
জননী দেবকী এ সব গুপ্ত রহস্য জানেন না এবং  
একারণ উহাদিগকে স্বীয় পুত্র মনে করিয়া ক্রন্দন  
করেন। জননীকে এই ছয় পুত্র দান করিব বলিয়া  
আপনার নিকট আসিলাম। উহারা দেবকীর স্তন-  
পানে পাপ হইতে মুক্ত হইবে।

প্রভু বোলে 'শুন শুন বলি মহাশয়।  
বৈষ্ণবের কর্ম্মেতে হাসিলে হেন হয় ॥  
সিদ্ধ-সবো পাইলেন এতেক যাতনা।  
অসিদ্ধ জনের দুঃখ কি কহিব সীমা ॥  
যে দুষ্কৃতি-জন বৈষ্ণবের নিন্দা করে।  
জন্ম জন্ম নিরবধি সে-ই দুঃখে মরে ॥  
শুন বলি। এই শিক্ষা করাই তোমাতে।  
কহু জানি' নিন্দা হান্ত কর বৈষ্ণবেরে ॥

মোর পূজা মোর নামগ্রহণ যে করে ।  
 মোর ভক্ত নিন্দে, যদি, তারো বিষ ধরে ॥  
 মোর ভক্তপ্রতি প্রেমভক্তি করে যে ।  
 নিঃসংশয় নিঃসংশয় মোরে পায় সে ॥” (৫৭ক)

‘সিদ্ধির্ভবতি বা নেতি সংশয়োহচ্যাত সেবিনাম্ ।  
 নিঃসংশয়স্ত তন্তুপরিচর্যারতাত্মনাম্’ ॥ (৫৮)

মোর ভক্ত না পূজে, মোহোরে পূজে মাত্র ।  
 সে দাস্তিক নহে মোর প্রসাদের পাত্র ॥

(৫৭ক) কভু জানি=যদি কখনও । তারো বিষ ধরে=তাঁহারও  
 বিষ ঘটে ।

(৫৮) ভগবান অচ্যুতের সেবকদিগের সিদ্ধিলাভ হইতেও পারে  
 কি না হইতেও পারে কিন্তু তাঁহার ভক্তের পরিচর্যারত  
 ব্যক্তিদিগের সিদ্ধিলাভ অবশ্যস্থানী । (বরাহ পুরাণ)

‘অভ্যর্চয়িত্বা গোবিন্দং তদীয়ান্নার্চয়ন্তি যে ।  
 ন তে বিষ্ণুপ্রসাদস্ত ভাজনং দাস্তিকা জনাঃ’ ॥(৫২)  
 ‘তুমি বলি ! মোর প্রিয় সেবক সর্বথা ।  
 অতএব তোমারে कहিনু গোপা-কথা ॥’

“শ্রীকৃষ্ণের এই শিক্ষা-বচন শুনিয়া বলী মহারাজ  
 অত্যন্ত আনন্দিত হইয়া সেই ছয় শিশুকে শ্রীকৃষ্ণের  
 সমীপে আনয়ন করিলেন । তদনন্তর রাম-কৃষ্ণ  
 ইহাদিগকে আনিয়া জননীকে দিলেন । দেবকী  
 তাঁহাদিগকে দেখিয়া হর্ষযুক্তা হইলেন এবং স্নেহে  
 তাঁহাদিগকে স্তন দিলেন । ঈশ্বরের অবশেষ-স্তন পান  
 করা মাত্র ইহাদের দিব্যজ্ঞান হইল । ইহারা সকলে  
 দণ্ডবৎ হইয়া শ্রীকৃষ্ণ-চরণে পড়িলেন । তখন শ্রীকৃষ্ণ

---

(৫২) বাঁহারা শ্রীগোবিন্দের অর্চনা করিয়া তাঁহার ভক্তদিগের  
 অর্চনা করেন না তাঁহারা শ্রীবিষ্ণুর অনুগ্রহ পাত্র নহেন ।  
 তাঁহারা দাস্তিক । (শ্রীহরিভক্তিহৃদোদয়)

ইহাদের প্রতি কৃপাদৃষ্টি করিলেন এবং সদয় হইয়া  
ইহাদিগকে এই শিক্ষা দিলেন :—

‘চল চল দেবগণ ! যাহ নিজ-বাস ।  
মহাস্তরে আর পাছে কর’ উপহাস ॥  
ঈশ্বরের শক্তি ব্রহ্মা—ঈশ্বর সমান ।  
মন্দ কর্ম করিলেও মন্দ নহে তান ॥  
তাহানে হাসিয়া এত পাইলে যাতনা ।  
হেন বুদ্ধি আর না করিহ কামনা ॥  
ব্রহ্মাস্থানে যাই’ মাগি’ লহ অপরাধ ।  
তবে সতে চিত্তে পুন পাইবে প্রসাদ’ ॥ (৬০)

“এই দেবগণ ঈশ্বরের আজ্ঞা শুনিয়া তাহা পরম  
আদরে গ্রহণ করিলেন এবং পিতা মাতার ও রাম-  
কৃষ্ণের চরণে প্রণতিপূর্ব্বক নিজ স্থানে ‘প্রস্থান

(৬০) মন্দ নহে তান = তাঁহার পক্ষে মন্দ কার্য্য নহে ।

প্রসাদ = প্রসাদ । মাগি’ লহ অপরাধ = অপরাধের  
জন্য ক্ষমা মাগিয়া লও ।

করিলেন ।

“বিশ্ব ! তোমাকে আমি এই ভাগবত-  
কথা বলিলাম । তুমি সর্বভাবে শ্রীনিত্যানন্দের  
প্রতি সংশয় ত্যাগ কর । ইনি পরম অধিকারী ।  
অল্প ভাগ্যে ইহঁকে জানা যায় না । পতিতের ত্রাণের  
জগৎ ইহঁার অবতার । ইহঁা হইতে সর্বজীব উদ্ধার  
পাইবে । ইহঁার আচার ব্যবহার বিধি-নিষেধের  
অতীত । ইহঁাকে বুঝবার শক্তি কাহার আছে ?  
যে না বুঝিয়া ইহঁার অগাধ চরিত্রের নিন্দা করে সে  
বিশুদ্ধক্তি পাইয়াও তাহাতে বঞ্চিত হয় ।”

শ্রীকৃষ্ণদাস ঠাকুর বলিতেছেন :—

বিশুদ্ধ যেন অবিজ্ঞাত বেদ-বাণী ।  
এই মত বৈষ্ণবেরো তত্ত্ব নাহি জানি ।  
সিদ্ধ বৈষ্ণবের অতি বিষম ব্যভার ।  
না বুঝি’ নিন্দিয়া মরে সকল সংসার ।  
সিদ্ধ বৈষ্ণবের যেন বিষম ব্যভার ।  
সাক্ষাতে দেখহ ভাগবত-কথা-সার ।

## ৩১ । তুলসীর প্রতি ভক্তি ।

মঠাপ্রভুর নীলাচল বাসকালে তাঁহার আশ্রমে  
একটা ক্ষুদ্র ভাণ্ডে তুলসীবৃক্ষ থাকিত । তিনি  
সর্বদা উহা দেখিতেন । যখন সংখ্যা-নাম গ্রহণ  
করিতে করিতে তিনি পথে চলিতেন তখন তাঁহার

বৈষ্ণবপ্রধান ভৃগু—ব্রহ্মার নন্দন ।

অহর্নিশ মনে ভাবে' যা'র শ্রীচরণ ।

সে প্রভুর বক্ষে করিলেন পদাঘাত ।

ভথাপি বৈষ্ণবশ্রেষ্ঠ দেখে সাঙ্কাত ।

\* \* \* \*

সিদ্ধ বৈষ্ণবের ঘেন বিঘ্ন ব্যস্তার ।

কহিলাঙ, ইহা বুঝিবার শক্তি কা'র ।

পরীক্ষিতে' কর্ম কি না ছিল কিছু আর ।

তা'র লাগি করিলেন চরণ-প্রহার ।

হৃষ্টকর্তা ভৃগুদেব বা'র অনুগ্রহে ।

কি সাহসে চরণ দিলেন সে হৃদয়ে ।

অগ্রে একজন তুলসী-ভাণ্ড লইয়া চলিতেন। প্রভু তুলসী দেখিতে দেখিতে পথে চলিতেন এবং ঐ সময়ে তাঁহার সর্ব্বাঙ্গ দিক্ত করিয়া আনন্দধারা প্রবাহিত হইত। সংখ্যা-নাম লইতে লইতে পথে চলিবার সময়ে যদি প্রভু কোনও স্থানে বসিতেন,

‘অবোধ অগম্য অধিকারীর বাভাব’।  
 ইহা বই সিদ্ধান্ত না দেখি কিছু আর ।  
 মূলে কৃষ্ণ প্রবেশিয়া ভৃগু-হৃদয়েতে ।  
 করাইলা, ভক্তির মহিমা প্রকাশিতে ।  
 জ্ঞানপূৰ্ণ ভৃগুর এ কৰ্ম্ম কভু নয় ।  
 কৃষ্ণ বাঢ়ায়েন অধিকারি-ভক্ত-জয় ।  
 বিরিকি শব্দর বাঢ়াইতে কৃষ্ণজয় ।  
 ভৃগুরে হইলা ক্রুদ্ধ দেখাইয়া ভয় ।  
 ভক্তসব বেন গায় নিত্য কৃষ্ণজয় ।  
 কৃষ্ণ বাঢ়ায়েন ভক্তজয় অতিশয় ।  
 অধিকারী বৈষ্ণবের না বুঝি’ ব্যাভার ।  
 যে জন নিন্দরে, তা’র নাহিক নিস্তার ।

তাহা হইলে তাঁহার সম্মুখে তুলসী-ভাণ্ড রাখা হইত ।  
 প্রভু তুলসীকে দেখিতেন আর সংখ্যা-নাম লইতেন ।  
 ঐ স্থানে সংখ্যা নাম সম্পূর্ণ করিয়া প্রভু  
 পুনরায় তুলসী দেখিতে দেখিতে পথে চলিতেন ।

অধম জনের যে আচার ঘেন ধর্ম ।  
 অধিকারী বৈষ্ণবেও করে সেই কর্ম ॥  
 কৃষ্ণ-কৃপায়ে সে ইহা জানিবারে পারে ।  
 এ সব সঙ্কটে কেহো মরে' কেহ তরে' ॥  
 সবে ইথে দেখি এক মহাপ্রতিকার ।  
 সন্ভারে করিব স্তুতি বিনয়-ব্যভার ॥  
 অজ্ঞ হই' লইবেক কৃষ্ণের শরণ ।  
 সাবধানে গুণিবেক মহাস্ত-বচন ॥  
 তবে কৃষ্ণ তা'রে দেন হেন দিব্য মতি ।  
 সর্বত্র নিস্তার পায়, না ঠেকয়ে কতি ॥

( শ্রীচৈতন্য ভাগবত—অষ্টা । ১১শ )

বেন—যেমন । ইথে—ইহাতে ।



তুলসী না দেখিয়া তিনি এক মুহূর্ত্তও থাকিতে পারি-  
তেন না।

প্রভু বোলে “মুঞি তুলসীয়ে না দেখিলে।

ভাল নাহি বাসে। যেন মৎস্ত বিনে জলে॥” (৬১)

৩২। ‘লক্ষেশ্বর’ কাহাকে বলে ?

নৌলাচলে শ্রীমন্নমহাপ্রভুকে যদি কেহ ভিক্ষা-  
নিমন্ত্রণ করিতে আসেন তবে তাঁহাকে প্রভু বলেন  
“তুমি আগে যাইয়া লক্ষেশ্বর হও, শেষে আমাকে  
নিমন্ত্রণ করিও। যিনি লক্ষেশ্বর আমি তাঁহারই ভিক্ষা

(৬১) শ্রীচৈতন্য ভাগবত—অষ্টা। ৯ম।

ভাল নাহি বাসে।—আমি ভালবাসি না, আমার ভাল  
লাগে না।

গ্রহণ করি” । একদা এক ব্রাহ্মণ প্রভুকে নিমন্ত্ৰণ করিতে আসিলে প্রভু তাঁহাকে ঐরূপ বলিলেন । বিপ্র উত্তর করিলেন “গৌসাই ! লক্ষের কথা কি বলেন ? আমার সহস্র মুদ্রাই নাই । যদি আপনি আমার গৃহে ভিক্ষা না করেন তবে উহা পুড়িয়া ছারখার হইয়া যাউক ।” প্রভু বলিলেন “বিপ্র ! আমি ‘লক্ষেশ্বর’ কাহাকে বলি তাহা কি তুমি জান ? যিনি প্রতিদিন লক্ষ নাম গ্রহণ করেন আমি তাঁহাকেই লক্ষেশ্বর বলি । আমি এইরূপ ব্যক্তির গৃহ ব্যতীত অন্য কোথায়ও ভিক্ষা গ্রহণ করি না” । প্রভুর এই কৃপা-বাক্য শুনিয়া ব্রাহ্মণ মহানন্দ লাভ করিলেন এবং বলিলেন “প্রভো ! আমি এখন হইতে প্রতিদিন লক্ষ নাম লইব । আপনি কৃপাপূর্বক আমার গৃহে ভিক্ষা গ্রহণ করুন । আমরাদিগের মহাভাগ্য যে আপনি আমাদেরকে এইরূপ শিক্ষা দান করিলেন ।” ঐ দিন হইতে সেই বিপ্র তাঁহার সঙ্গীগণ সহ

প্রতিদিন লক্ষ নাম প্রভুর ভিক্ষার কারণে লইতে  
আরম্ভ করিলেন। (৬২)

৩৩। নিত্য কুশল—গঙ্গল কাহার ?

প্রভু বোলে “যে জনের কৃষ্ণভক্তি আছে।

কুশল মঙ্গল তা’র নিত্য থাকে কাছে।” (৬৩)

(৬২) শ্রীচৈতন্য ভাগবত—অন্য। ১০ম।

(৬৩) শ্রীচৈতন্য ভাগবত—অন্য। ১০ম।

শ্রীবৃন্দাবন দাস ঠাকুর বলিতেছেন :—

“ভক্তিযোগ থাকে তবে সকল কুশল।

ভক্তি বিনে রাজ্য হইলেও অমঙ্গল।

ধন জন ভোগ যা’র আছয়ে সকল।

ভক্তি যা’র নাহি তা’র সবার অমঙ্গল।

## ৩৪ । ভক্তি ও জ্ঞান—এই দুইএর মধ্যে বড় কি ?

একদিন মহাপ্রভু স্বীয় গুরু শ্রীকেশব ভারতীকে জিজ্ঞাসা করিলেন “জ্ঞান ও ভক্তির মধ্যে বড় কে ? গোলাঞি ! ইহা বিচার করিয়া দৃঢ় ভাবে আমাকে বলুন ।” ভারতী কিছুক্ষণ মনে বিচার করিয়া বলিলেন “আমি মনে মনে উভয় তত্ত্বই বিচার করিয়া দেখিলাম, ভক্তিই শ্রেষ্ঠ ।” প্রভু বলিলেন “জ্ঞান হইতে ভক্তি বড় কেন ? সন্ন্যাসীরা জ্ঞানকেই স্ত বড় বলেন ।”

---

অন্ত-খাত্ত নাহি যার দরিদ্রের অন্ত ।

বিকৃতভক্তি থাকিলে সে-ই সে ধনবন্ত ।

ভিক্ষা-নিমন্ত্রণ-হলে প্রভু সভা' স্থানে ।

স্বাক্ষর করি' ইহা কহিয়াছেন আপনে ।”

শ্রীচৈতন্য ভাগবত—অষ্টা । ১০ম ।

ভারতী বলিলেন “সন্ন্যাসীরা বিচার না বুঝিয়া মহাজন-পথেই সকলে গমন করেন। বেদে শাস্ত্রে মহাজন-পথে গমনের যে উপদেশ দেন তাহা ত্যাগ করিয়া অবোধ ব্যক্তি অগ্র পথে যায়। ব্রহ্মা, শিব, নারদ, প্রহ্লাদ, ব্যাস, শুক, সনক, সনাতন, সনন্দ, সনৎকুমার, যুধিষ্ঠিরাদি পঞ্চ ভ্রাতা, প্রিয়ব্রত, পৃথু, ধ্রুব, অক্রুর, উদ্ধবাদি মহাজনেরা ঈশ্বর-চরণে ভক্তি মাগিয়া থাকেন। জ্ঞান বড় হইলে ইহারা ভক্তি শিক্ষা করেন কেন? এই সব মহাজন কি বিনা বিচারে মুক্তি (জ্ঞানের উদ্দেশ্য ও ফল) ছাড়িয়া অমুক্ষণ ভাক্ত শিক্ষা করেন। ইহা পুরাণ হইতেই প্রমাণিত হইতেছে। ব্রহ্মা ঈশ্বরের নিকট কি বর প্রার্থনা করেন? ব্রহ্মা ভগবানকে বলিতেছেন ‘যেহেতু আপনাতে ভক্তি বিনা আপনার তত্ত্ব জানা যায় না, হে প্রভো! আমি এই প্রার্থনা করি যে আমার এই জন্মে কি অগ্র কোন জন্মে কিম্বা পশু

পক্ষী প্রভৃতি নিকৃষ্ট জন্মে, আপনার ভক্তদিগের  
মধ্যে একজন ভক্ত হইয়া আপনার পাদপদ্মের সেবা  
করিতে পারি যেন আমার এইরূপ সৌভাগ্যের উদয়  
হয়' । (৬৪)

“কিবা ব্রহ্মজন্ম, কিবা হউ’ যথা তথা ।

দাস হই’ যেন তোমা’ সেবিযে সক্ষমা ॥

এই মত যত মহাজন-সম্প্রদায় ।

সভেই সকল ছাড়া’ ভক্তি মাত্র চায় ॥

“প্রহ্লাদ ভগবানকে বলিতেছেন ‘নাথ! সহস্র  
সহস্র যোনির মধ্যে আমি যে যে যোনিতেই ভ্রমণ  
করি না কেন, হে অচ্যুত ! সেই সেই যোনিতে যেন

(৬৪) “তদন্ত মে নাথ ! স ভুরিভাগো

ভবেহত্র বান্যত্র তু বা তিরশ্চাম্ ।

যেনাহমেকোহপি ভবজ্জনানাং

ভূত্বা নিষেবে তব পাদপদ্মম্ ॥”

(ভাগবত—১০ । ২৪ । ৩০ )

আপনার প্রতি আমার সর্বদা চ্যুতি-রহিত ভক্তি থাকে' । (৬৫)

“নন্দ প্রভৃতি গোপগণ উদ্ধবকে বলিতেছেন ‘আমাদের মনোবৃত্তিসকল কৃষ্ণপাদ-পদ্যকে আশ্রয় করুক, বাক্যসমূহ শ্রীকৃষ্ণের নাম-কীর্তনেই নিযুক্ত থাকুক এবং দেহ কৃষ্ণের বন্দনাকার্য্যেই নিযুক্ত থাকুক । আগরা যে কোন যোনিতেই জন্মগ্রহণ করি না কেন, ঈশ্বরেচ্ছায় মঙ্গল আচরণ ও দানাদি দ্বারা যেন আমরা শ্রীকৃষ্ণেই অনুরক্ত হই’ । (৬৬)

(৬৫) “নাথ ! যোনিসহস্রেষু যেষু যেষু ব্রজামাহু ।

তেষু তেষচ্যুতা ভক্তিরচ্যুতান্তু সদা ভূয়ি ।”

(বিশ্বপুরাণ—১ । ২০ । ১৮)

(৬৬) “মনসো বৃত্তয়ো নঃ স্য্যঃ কৃষ্ণপাদযুজ্যশ্রয়াঃ ।

বাচোহভিধায়িনী নীমাং কায়ন্তং গ্রহণাদিষু ।

কন্তুভিত্রাম্যমাণানাং যত্র কাপীষরেচ্ছয়া ।

মঙ্গলাচরিতৈর্দীর্ঘৈন রতিনঃ কৃষ্ণ ঈশ্বরে ।”

(ভাগবত—১০ । ৪৭ । ৬৬ ও ৬৭)

“অতএব সর্বমতে ভক্তি সে প্রধান ।

মহাজন পথ সর্ব শাস্ত্রের প্রমাণ ॥”

শ্রীমন্নহাপ্রভু শ্রীভারতীর মুখে ‘ভক্তি বড়’ এই কথা শ্রবণপূর্বক ‘হরি’ বলিয়া পূর্ণ স্থখে গজ্জিয়া উঠিলেন এবং বলিলেন “আমি আরও কতিপয় দিবস পৃথিবীতে থাকিলাম । আপনাকে আমি সত্য সত্যই বলিতেছি যে যদি আপনি ‘জ্ঞান বড়’ বলিতেন তাহা হইলে আমি আজি সমুদ্রজলে জীবন-বিসর্জন করিতাম । প্রভু সন্তুষ্টচিত্তে স্বীয় গুরু ভারতীর চরণ ধরিলেন এবং ভারতী মহোদয় প্রীতমনে প্রভুকে নমস্কার করিলেন । (৬৭)



(৬৭) শ্রীমন্নহাপ্রভু জগদগুরু । তাঁহার আবার গুরু কে হইতে পারে ? কেবলমাত্র লোকশিক্ষার জন্ত তিনি সন্ন্যাস গ্রহণের সময়ে শ্রীকেশব ভারতীর নিকট শিষ্যত্ব গ্রহণ করেন কিন্তু ভারতী ঠাকুর যে মন্ত্র প্রভুকে শিখান তাহা প্রভু নিজেই ভারতীর “কানে কানে” বলিয়া দিলেন । প্রকারান্তরে তিনিই



প্রভু বোলে যা'র মুখে নাহি ভক্তি-কথা ।

তপ-শিখা-সূত্র-ত্যাগ তা'র সব বৃথা" ॥ (৬৮)

৩৫ । দীক্ষা-গুরু জীবিত থাকা কালে  
মন্ত্র বিস্মৃত হইলে, অন্যের নিকট মন্ত্র-  
গ্রহণ নিষেধ ।

শ্রীগদাধর পণ্ডিত শ্রীপুণ্ডরীক বিজ্ঞানিধির মন্ত্র-  
শিষ্য । শ্রীমন্মহাপ্রভুর সঙ্গে শ্রীগদাধর নীলাচলে  
ভারতীর গুরু হইলেন । মহাপ্রভুর প্রকৃত তত্ত্ব ভারতী জ্ঞাত  
ছিলেন, ভারতী মনে মনে প্রভুকে তাঁহার নিজের গুরু বলিয়া  
মনে করিতেন । এই জন্ত প্রভু যখন তাঁহার চরণে অভি-  
বাদন করিলেন, তখন তিনি প্রভুকে নমস্কার করিলেন ।

(৬৮) শ্রীচৈতন্য ভাগবত—অষ্টা । ১০ম ।

শিখা-সূত্র-ত্যাগ = সন্ন্যাস গ্রহণ ।

গমন করেন এবং ক্ষেত্র-সন্ন্যাস গ্রহণপূর্বক তথায় বাস করেন। একদিন শ্রীগদাধর মহাপ্রভুকে বলিলেন “প্রভু! আমি যেদিন ইষ্টমন্ত্র অপর এক ব্যক্তির নিকট ব্যক্ত করিয়াছি সেই দিন হইতেই উগা প্রায় বিস্মৃত হইয়াছি। সেই মন্ত্র আপনি আমাকে শিখাইয়া দিউন। আপনি এইরূপ করিলে আমার মন প্রসন্ন হইবে।” প্রভু বলিলেন “গদাধর! তোমার গুরু বিজ্ঞানিধি ত জীবিত আছেন। দীক্ষাগুরু বর্তমান থাকিতে মন্ত্র বিস্মৃত হইলে অশ্রদ্ধা-কাহারও নিকট মন্ত্রগ্রহণ করিতে নাই। অশ্রদ্ধা ব্যক্তির নিকট মন্ত্রগ্রহণ করিলে গুরু-স্থানে অপরাধ করা হয়।” গদাধর বলিলেন “গুরুদেব ত এখানে বর্তমান নহেন।” প্রভু বলিলেন “গদাধর! ভগবান তোমার গুরুদেবকে এখানে সস্বরই আনিতেছেন। দিন-দশের মধ্যেই তুমি তাঁহাকে এখানে দেখিতে পাইবে। আমি বেশ বুঝিতেছি, তুমি তাঁহাকে আকর্ষণ করিয়া

এখানে আনিতেছি।” এইরূপ কথোপকথনের অল্প  
কয়েকদিন পরেই পুণ্ডরীক বিজ্ঞানিদি নীলাচলে  
আসিয়া উপস্থিত হইলেন । (৬৯)

---

### ৩৬। পরাভ্রুনিষ্ঠা ।

কাটোয়ানগরে শ্রীকেশব ভারতীর নিকট সম্মাস  
গ্রহণ করিয়া শ্রীমন্মহাপ্রভু শ্রীবৃন্দাবন যাইবার  
উদ্দেশ্যে তিন দিবস রাত্ৰ দেশে ভ্রমণ করিতেছেন  
এবং ভাবাবিষ্ট হইয়া ভাগবতের এই শ্লোক পড়িতে-  
ছেন :—

(৬৯) শ্রীচৈতন্য ভাগবত—অষ্টা । ১১শ ।

(৭০) শ্রীচৈতন্য চরিতামৃত—মধ্য । ৩য় ।

“এতাং সমাছায় পরাঅনিষ্ঠা  
 মধ্যাসিতাং পূৰ্ব্বতমৈর্মহিষ্টিঃ ।  
 অহন্তুরিষ্ট্যামি দুৰন্তপারং  
 তমো মুকুন্দাঃপ্রিনিষেবয়ৈব ॥” (৭১)  
 প্রভু কহে ‘মাধু এই ভিক্ষুক বচন ।  
 মুকুন্দ-সেবন-ব্রত কৈল নির্দ্ধাবণ ॥  
 পরাঅনিষ্ঠা এই সার বেশ-ধারণ ।  
 মুকুন্দ-সেবায় হয় সংসার-তাড়ণ’ ॥” (৭২)

(৭১) অবন্তীনগরের ভিক্ষুকের স্বগভোক্তি শ্রীকৃষ্ণ উদ্ধবকে বলিতেছেন—আমি পূর্বতম মহাঅগণের অবলম্বিত এই পরাঅনিষ্ঠা (ব্রহ্মনিষ্ঠা!) আশ্রয় করিয়া মুকুন্দের চরণ সেবা দ্বারা দুঃসংসার-মাগর উত্তীর্ণ হইব ।

(৭২) পরাঅনিষ্ঠা এই বেশ ধারণ = পরাঅনিষ্ঠা বা ব্রহ্মনিষ্ঠারূপ বেশ ধারণই—মকল ধর্মের সার ।”

পাঠান্তর—‘পর্যঅনিষ্ঠা মাত্র বেশধারণ ।’

এহলে ‘বেশ’ = আবেশ অর্থাৎ আস্থা ।

## ৩৭ । বাসুদেব সার্বভৌমের প্রতি তত্ত্বোপদেশ । (৭৩)

মহাপ্রভু সন্ন্যাসগ্রহণ করিয়া নীলাচলে যাইয়া  
বাস করিতে লাগিলেন । একদিন তিনি বাসুদেব

“পর (শুদ্ধ) যে আত্মা (জীব) তাহার নিষ্ঠা । আত্মা  
ব্রহ্মের অংশ হুতরাং দেহাভ্যতিরিক্ত, অতএব তাহার মুখ  
দুঃখ নাই । এইরূপ বিচারিত লক্ষণ স্বরূপ যে আত্মা  
তাহাতে আমার আত্মা মাত্র, কিন্তু মুকুন্দ সেবার সংসার  
ভরিব । অজ্ঞতস্বজ্ঞানে সংসার তরে না, কেবল শ্রীকৃষ্ণ  
চরণ সেবনেই সংসার তরে ।”

(শ্রীচৈ-চ-মধ্য । ৩৫ ।

শ্রীবিদ্যনাথ চক্রবর্তী ও মাখনলাল কুন্ত লীক ।)

(৭৩) শ্রীচৈতন্য চরিতামৃত—মধ্য । ৩৬ ।

শ্লোক—“শ্রীবেদব্যাস কৃত ব্রহ্মসূত্র

বা বেদান্তসূত্র ।”

সার্কভোমের সহিত শ্রীশ্রীজন্মাধদেব দর্শন করিলেন এবং তথা হইতে সার্কভোমের আশ্রমে আসিলেন। মহাপ্রভুকে আসন দিয়া সার্কভোম বসিলেন এবং শিষ্যগণকে বেদান্ত পড়াইতে আরম্ভ করিলেন। সার্কভোম স্নেহ ও ভক্তি সহকারে মহাপ্রভুকে বলিলেন “বেদান্ত শ্রবণ সন্ন্যাসীর ধর্ম। অতএব আপনি নিরন্তর উহা শ্রবণ করুন।” মহাপ্রভু বলিলেন “আমার প্রতি আপনার অহুগ্রহ আছে। আপনি আমাকে যে উপদেশ দিবেন তাহাই আমার পালন করা কর্তব্য”। ক্রমান্বয়ে সাত দিন মহাপ্রভু সার্কভোমের নিকট বেদান্তব্যাখ্যা শ্রবণ করিলেন।

---

মুখ্যার্থ—“শব্দোচ্চারণের প্রথমেই যে অর্থ বোধ হয় সেইটী তাহার মুখ্য অর্থ, যেমন ‘গঙ্গা’ শব্দের অর্থ—জল-প্রবাহময়।”

( শ্রীচৈ-চ-মধ্য । ৬ষ্ঠ ।

শ্রীবিদ্যনাথ চক্রবর্তী ও মাখনলাল কৃত টীকা )

সার্বভৌম শঙ্করাচার্যের ভাস্কর্যমতে ব্যাখ্যা করেন।  
অষ্টম দিবসে সার্বভৌম মহাপ্রভুকে জিজ্ঞাসা করি-  
লেন “আপনি সাত দিন ধরিয়া বেদান্ত শ্রবণ  
করিলেন কিন্তু ভালমন্দ কিছুই বলিলেন না।  
আপনি বেদান্ত ব্যাখ্যা বুঝেন কি না বুঝেন কিছুই  
বলেন না এবং আমিও তাহা জানিতে পারিলাম  
না।” প্রভু বলিলেন “আমি মূর্থ। আমার বেদান্ত  
অধ্যয়ন নাই। আমি আপনার আজ্ঞায় উহা শ্রবণ  
করিয়া থাকি। বেদান্ত শ্রবণ সম্যাসীর ধর্ম

“সর্ব বেদমূত্রে করে কৃষ্ণের অভিধান।

মুখ্যবৃত্তি ছাড়ি কৈল লক্ষণা ব্যাখ্যান।

স্বতঃ প্রমাণ বেদ প্রমাণ শিরোমণি।

লক্ষণা করিলে স্বতঃপ্রমাণতা হানি।

এই মত প্রতিমূত্রে সহজার্থ ছাড়িয়া।

গৌণার্থ ব্যাখ্যা করে সব কল্পনা করিয়া।”

-চ-আদি। ৭ম। প্রকাশানন্দের প্রতি মহাপ্রভুর উক্তি ৯

বলিয়াই উহা শ্রবণ করি। কিন্তু আপনি বেদান্ত-  
সূত্রের যে অর্থ করেন তাহা আমি বুঝিতে পারি না।”  
সার্বভৌম বলিলেন ‘বুঝি না এমন যা’র জ্ঞান’ বুঝি-  
বার জন্ত তাহার জিজ্ঞাসা করা কর্তব্য। আপনি  
আগার ব্যাখ্যা শুনিয়া নীরবে বসিয়া থাকেন। আপ-  
নার মনে কি আছে কিছুই বুঝি না।”

প্রভু উত্তর করিলেন “সূত্রের অর্থ আমি বেশ  
বুঝি কিন্তু আপনার ব্যাখ্যা শুনিয়া আগার মন বিকল  
হইতেছে। সূত্রের অর্থ যাহা দ্বারা প্রকাশিত হয়  
তাহাকেই ভাষ্য বলে। কিন্তু আশ্চর্যের বিষয়  
এই যে আপনি সূত্রের যে ভাষ্য করিতেছেন  
তাহাতে সূত্রের অর্থ প্রকাশিত না হইয়া আচ্ছন্ন  
হইতেছে। সূত্রের মুখ্য অর্থ ব্যাখ্যা না করিয়া আপনি  
শব্দরভাষ্যানুযায়ী কল্পিতার্থ দ্বারা তাহা আচ্ছাদন  
করিলেন। উপনিষদসমূহে যে মুখ্য অর্থ আছে  
ব্রাহ্মদেব তাহার রূপ সূত্রে (বেদান্তসূত্রে) ঠিক



তাহাই প্রকাশ করিয়াছেন। কিন্তু আপনি সেই সূত্রের মুখ্যার্থ ছাড়িয়া গৌণার্থ কল্পনা করিতেছেন। আপনি শব্দের অভিধান সম্বত প্রসিদ্ধার্থ ছাড়িয়া দিয়া উহার লক্ষণা করিতেছেন (অর্থাৎ কল্পনা দ্বারা শব্দের উপর গৌণার্থ আরোপ করিতেছেন।)

“স্মৃতি প্রভৃতি সকল শাস্ত্রপ্রমাণের মধ্যে ঋতি প্রমাণই সর্বশ্রেষ্ঠ। ঋতি ব্যতিরিক্ত অন্যান্য শাস্ত্রে ঋতি-প্রমাণানুযায়ী যে মুখ্যার্থ কহে সেইটীও প্রমাণ। দৃষ্টান্তস্বরূপ দেখুন, যদিও জীবের অস্থি ও বিষ্ঠা উভয়ই অপবিত্র, কিন্তু ঋতিবাক্যানুসারে অস্থি (শব্দ) ও বিষ্ঠা (গোময়) মহা পবিত্র বস্তু। বেদ (ঋতি) যে সত্য তত্ত্ব প্রকাশ করিতেছেন তাহা স্বতঃপ্রমাণ অর্থাৎ তাহা অন্য কোন প্রমাণের অপেক্ষা করে না। ঋতি যাহা বলেন তাহাই সত্য। বেদ অর্থাৎ ঋতি-বাক্যের লক্ষণা করিতে গেলে (অর্থাৎ লক্ষণারূপ অন্য প্রমাণের অপেক্ষা করিলে) তাহার স্বতঃপ্রামাণ্য

নষ্ট হয় ।

“যেমন সূর্য্য-কিরণ প্রকাশিত হইতে অল্প বস্তুর  
সহায়তা আবশ্যক হয় না, সেইরূপ ব্যাসসূত্রের অর্থ  
অতুল্য ও স্বয়মপ্রকাশ । ঐ সূত্রকিরণকে মায়া-  
বাদিগণ নিষ্কৃত গোণার্থসূচক ভাষ্যরূপ মেঘদ্বারা  
আচ্ছাদন করিয়াছেন ।

ব্রহ্মের স্বরূপ ।

“বেদ ও পুরাণ যে ব্রহ্মকে নিরূপণ করিয়াছেন  
সেই ব্রহ্ম বৃহদ্বস্ত ।\* সমুদ্র আকাশাদি বস্তু যদিও\*

---

\*বৃহদ্বস্ত ব্রহ্ম কহি শ্রীভগবান ।

ষড়বিধৈশ্বর্য্যপূর্ণ পরতত্ত্বধাম ।

স্বরূপ ঐশ্বর্য্য তাঁর নাহি মায়াগন্ধ ।

সকল বেদেব হয় ভগবান সে সম্বন্ধ ।

বৃহৎ কিন্তু তাহারা প্রাকৃত অর্থাৎ জড়। ব্রহ্ম অপ্রাকৃত এবং ঐশ্বর-লক্ষণযুক্ত অর্থাৎ তিনি সর্বৈশ্বর্য-পরিপূর্ণ স্বয়ং ভগবান। ব্রহ্ম শব্দের মূখ্যার্থ এই যে তিনি সর্বব্যাপক কিন্তু সাকার স্বয়ং ভগবান। বাস-সূত্রের মূখ্যার্থ সাকার (সবিশেষ) ব্রহ্মকে আপনি নিরাকার (নির্বিশেষ) বলিয়া ব্যাখ্যা করিতেছেন। যে যে শ্রুতি ব্রহ্মের নির্বিশেষ অর্থাৎ রূপ-গুণাদি শূন্য নিরাকার ভাব (সত্ত্ব) প্রকাশ করিয়াছেন, সেই সেই শ্রুতিই আবার ব্রহ্মের সবিশেষ অর্থাৎ নাম-গুণ-লীলাদিবিশিষ্ট সাকার ভাব প্রতিপাদন করিয়াছেন। ‘ব্রহ্মের ‘নির্বিশেষ’ ও ‘সবিশেষ’ এই দুইটি গুণ লইয়া বিচার করিলে দেখা

ভাঁরে নির্বিশেষ কহি চিহ্নস্তি না মানি।

অর্ক স্বরূপ না মানিলে পূর্ণতা হয় হানি।

( শ্রীচৈ-৫-আদি। ৭ম।

প্রকাশানন্দের প্রতি মহাপ্রভুর উক্তি )

যায় ‘সবিশেষ’ গুণই প্রবল । যে সকল শ্রুতি  
ব্রহ্মকে নির্বিশেষ বলিয়াছেন, তাঁহারা কেবলমাত্র  
ব্রহ্মের প্রাকৃত অর্থাৎ জড় বা ভৌতিক ভাব খণ্ডন  
করিয়া ব্রহ্মের অপ্রাকৃত বা চিন্ময় ভাব স্থাপন  
করিয়াছেন ।

“ব্রহ্ম হইতে বিশ্বের উৎপত্তি হয়, ব্রহ্মে বিশ্ব  
অবস্থিতি করে এবং ব্রহ্মেই বিশ্ব লয়প্রাপ্ত হয় ।  
অপাদান, করণ ও অধিকরণ, এই তিন কারকের  
চিহ্ন দ্বারা ব্রহ্মের সবিশেষত্ব চিহ্নিত হইতেছে, যথা  
অপাদান অর্থাৎ ব্রহ্ম হইতে বিশ্বের উৎপত্তি, করণ  
অর্থাৎ ব্রহ্মদ্বারা বিশ্ব অবস্থিত ( অর্থাৎ অন্তর্যামীরূপে  
ব্রহ্মে বিশ্ব বাস করায় তদ্বারা বিশ্বের স্থিতি ) এবং  
অধিকরণ অর্থাৎ ব্রহ্মে বিশ্বের আবার লয় হয় ।  
যেমন সাকার বস্তুতেই ঐ সকল কারক দেখা যায়,  
সেইরূপ ব্রহ্মে ঐ সকল কারক থাকায় তিনি সাকার ।

পূর্বে ভগবানের যখন বহু হইতে মন

হইল তখন তিনি প্রকৃতির প্রতি ইক্ষণ করিলেন, তৎপরে সেই প্রকৃতি হইতেই সৃষ্টি হয়। ভগবানের এই ইচ্ছা ও দর্শন প্রাকৃত মন ও নয়নের কার্য্য নহে, কারণ ঐ ইচ্ছা ও দর্শনের পর প্রাকৃত সৃষ্টি। ঐ প্রাকৃত সৃষ্টির পূর্ব্ব হইতেই ভগবানের মন ও নয়ন থাকায় উহা অপ্রাকৃত। ব্রহ্ম সাকার কিন্তু অপ্রাকৃত সাকার।

‘ব্রহ্ম’ শব্দে কাহাকে বুঝায়।

ব্রহ্ম অপ্রাকৃত সাকার বলিয়া নিরূপিত হইতেছেন। এক্ষণে দেখা যাউক, ব্রহ্ম শব্দ দ্বারা কাহাকে বুঝায়। ব্রহ্ম এই শব্দে পূর্ণ স্বয়ং ভগবানকেই

বুঝায় । (৭৩ক) বেদাদি শাস্ত্রের প্রমাণানুসারে শ্রীকৃষ্ণই স্বয়ং ভগবান । বেদে স্বয়ং ভগবান শ্রীকৃষ্ণই ব্রহ্ম এ কথা বলিলেও, বেদের নিগূঢ় অর্থ সহজে বুঝা যায় না । একারণ বেদের এই অর্থ ( অর্থাৎ ব্রহ্ম অর্থে স্বয়ং ভগবান শ্রীকৃষ্ণ ) শ্রীমদ্ভাগবত পুরাণ নিশ্চয়রূপে বুঝাইতেছেন । ইহার প্রমাণ, শ্রীমদ্ভাগবতের এই শ্লোক :—

(৭৩ক) “ব্রহ্ম শব্দে মুখ্য অর্থে কহে ভগবান ।

চিদৈখর্য্য পরিপূর্ণ অনূর্দ্ধ সমান ।

ভাঁহার বিভূতি দেখ সব চিদাকার ।

চিহ্নিভূতি আচ্ছাদিয়া কহে নিরাকার ।

চিদানন্দ দেহ তাঁর স্থান পরিকর ।

তাঁরে কহে প্রাকৃত সত্ত্বের বিকার ।

বিষ্ণুনিন্দা আর নাহি ইহার উপর ।

প্রাকৃত করিয়া মানে বিষ্ণু কলেবর ।

( শ্রীচৈ-চ-আদি । ৭ম । প্রকাশানন্দের প্রতি মহাপ্রভুর উক্তি )

‘অহো ভাগ্যমহো ভাগ্যং নন্দগোপব্রজৌকমাং ।

যন্নিব্রং পরগানন্দং পূর্ণং ব্রহ্ম সনাতনং ॥’

অর্থাৎ ‘(ব্রহ্মা বলিতেছেন, পবগানন্দ পূর্ণব্রহ্ম সনাতন বাসুদেব যখন নন্দ গোপ প্রভৃতি ব্রজবাসিদিগের মিত্ররূপে আবিভূত হইয়াছেন তখন ইহাদের কি সৌভাগ্য, (৭৩খ) । এই শ্লোকদ্বারা বুঝা গেল যে ব্রহ্ম বলিতে নন্দ-নন্দন শ্রীকৃষ্ণকেই বুঝায় । ‘অপানি পাদ’ ইত্যাদি শ্রুতিবাক্য ব্রহ্ম প্রাকৃত হস্ত ও চরণ বজ্জিত এইরূপ বলিতেছেন, কিন্তু ‘জবনো গৃহীতা’ ইত্যাদি শ্রুতিবাক্য বলিতেছেন যে ব্রহ্ম শীঘ্র চলেন ও সকল বস্তু গ্রহণ করেন । অতএব শ্রুতি, ব্রহ্মের হস্তপদাদি ইন্দ্রিয় আছে বলিয়া ব্রহ্মকে সর্বিশেষ বলেন কিন্তু এই হস্তপদাদি প্রাকৃত নহে, ইহা অপ্রাকৃত । মায়াবাদিগণ শ্রুতির মুখ্যার্থ ( অর্থাৎ ব্রহ্ম

লবিশেষ) ছাড়িয়া ( কারণ, সবিশেষ বস্তু মাত্রই জড়  
অতএব উৎপত্তি বিনাশ বিশিষ্ট ) লক্ষণা বৃত্তি দ্বারা  
( অর্থাৎ কল্পনার সাহায্যে গোণার্থ কারিয়া ) ব্রহ্মকে  
নিবিশেষ বলিয়া মনে করেন, এবং তাঁহারা, যে  
ভগবানের বিগ্রহ ( দেহ ) ষড়ৈশ্বর্য ও পূর্ণানন্দ,  
তাঁহাকে নিরাকার বলেন এবং যে ব্রহ্মের স্বাভাবিক  
তিন শক্তি রহিয়াছে, তাঁহাকে নিঃশক্তি বলিয়া  
মনে করেন ।

### ব্রহ্মের শক্তি ।

ব্রহ্মে স্বাভাবিক তিন শক্তি আছে, যথা—(১)  
পর্য্যায় স্বরূপশক্তি বা চিৎশক্তি । (২) অপরা  
পর্য্যায় ক্ষেত্রজ্ঞাশক্তি বা তটস্থশক্তি বা জীবশক্তি,



(৩) মায়াশক্তি । চিৎশক্তি তিন অংশে তিন রূপ হয়, যথা—আনন্দাংশে ‘হ্লাদিনী’ শক্তি, সৎ-অংশে ‘সঙ্কিনী’ শক্তি এবং চিৎ-অংশে ‘সম্বিং’ শক্তি প্রকটিত হয় । (৭৪)

(৭৪) “সচ্চিদানন্দপূর্ণ কৃষ্ণের স্বরূপ ।

একই চিচ্ছক্তি তাঁর ধরে তিন রূপ ।

আনন্দাংশে হ্লাদিনী, সদংশে সঙ্কিনী ।

চিদংশে সম্বিং, যারে জ্ঞান করি মানি ।”

( শ্রীচৈ-৫—আদি । ৪র্থ । )

“ভগবানের স্বরূপ সচ্চিদানন্দ—তাঁহাতে কোন বিকার নাই, কিন্তু লীলার জন্ত তাঁহার সৃষ্টির ইচ্ছা হইলে তাঁহার অনন্ত শক্তির মধ্যে তিনটি প্রধান শক্তি স্ফূর্তি পায় । প্রথমে তাঁহার ‘সৎ’ স্বরূপ হইতে ‘সঙ্কিনী’ শক্তি প্রকটিত হইয়া জগৎ সৃষ্টি করে ও তাহার মূলে আশ্রয়শক্তিরূপে অবস্থিতি করে । এই সঙ্কিনীশক্তির বিকারের নাম ‘প্রকৃতি’ । দ্বিতীয়, তাঁহার ‘চিৎ’ স্বরূপ হইতে ‘সম্বিং’ শক্তি প্রকটিত হইয়া জ্ঞান ও চৈতন্য বিস্তার করে ; ইহার বিকার ‘মায়া’ । তৃতীয়, তাঁহার ‘আনন্দ’ স্বরূপ হইতে ‘হ্লাদিনী’

চিৎ-শক্তি ঈশ্বরের অন্তরঙ্গ। অর্থাৎ স্বরূপশক্তি,  
অর্থাৎ এই শক্তি ভগবানে সর্বদাই বিদ্যমান আছে।

শক্তি প্রকটিত রইয়া 'প্রেমাদি' প্রকাশ করে। এই আনন্দাংশ  
বিকৃত হইলে রাধাভাব উৎপন্ন হয়।"

(শ্রীচৈ-চ-মধ্য-৬ষ্ঠ। জগদীশ্বর গুপ্ত কৃত টীকা।)

'সৎ' অর্থাৎ সন্ধিনী শক্তি--

"সন্ধিনীর সার অংশ শুদ্ধ সত্ত্বনাম।

ভগবানের সত্ত্বা হয় বাহাতে বিশ্রাম।

মাতা পিতা স্থান গৃহ শয্যাসন আর।

এ সব কৃষ্ণের শুদ্ধ সত্ত্বের বিকার।" (শ্রীচৈ-চ—আদি। ৪র্থ)

অর্থাৎ "অন্ধিনীর সার অংশ ভগবানের বিশুদ্ধ সত্ত্বা, এবং ঐ  
সত্ত্বা অবলম্বন করিয়াই 'সন্ধিনী' প্রতিষ্ঠিতা আছে। চরাচরস্থ  
ঘাবতীয় পদার্থ অর্থাৎ 'প্রকৃতি' সন্ধিনী শক্তির বিকার বা পরিণাম,  
মাত্র।"

'চিৎ' অর্থাৎ সন্ধিৎ শক্তি--

"কৃষ্ণভগবত্ত্বা জ্ঞান সন্ধিতে সার।

ব্রহ্মজ্ঞানাদিক সব, তার পরিবার।"

(শ্রীচৈ-চ-আদি। ৪র্থ)

যদি ইহা না থাকে তবে ঈশ্বরের সত্ত্বা অসম্ভব হইয়া  
পড়ে। এখানে সং, চিং ও আনন্দ, এই তিন শক্তিকেই

অর্থাৎ ভগবদ্ভক্তি জ্ঞান 'সম্বিং' শক্তির সার অংশ, এবং ব্রহ্ম-  
জ্ঞানাদি সমস্তই ইহার অন্তর্ভুক্ত।

'আনন্দ' অর্থাৎ হ্লাদিনী শক্তি—

“হ্লাদিনীর সার প্রেমসার ভাব।

ভাবের পরমাকাষ্ঠা নাম মহাভাব।

মহাভাব স্বরূপা শ্রীরাধাঠাকুরাণী।

সর্বগুণ-খণি কৃষ্ণকান্তা-শিরোমণি।

কৃষ্ণ-প্রেম-ভাবিত যার চিত্তেন্দ্রিয় কার।

কৃষ্ণ-নিজ শক্তি, ক্রীড়ার সহায়।”

৪

(শ্রীচৈ-চ-আদি। ৪র্থ।)

অর্থাৎ “হ্লাদিনী” বা ভগবানের আনন্দশক্তি হইতে প্রেম,  
প্রেমের পর ভাব পর পর উৎপন্ন হয়। ভাব চরম সীমায়  
পরিণত হইলে তাহার নাম মহাভাব হয়। শ্রীরাধিকা এই  
মহাভাবের মূর্তিরূপ। ইহার চিত্ত ইন্দ্রিয় ও শরীর কৃষ্ণপ্রেমে  
গঠিত বা কৃষ্ণপ্রেমের সহিত মিশ্রিত। রাধা, কৃষ্ণের নিজশক্তি  
এবং লীলা প্রকাশের সহায়।”

চিৎশক্তি বলা হইতেছে। জীবশক্তি তটস্থ।  
এই শক্তি কখনও ঈশ্বর-সদ্বায় বর্ত্তমান থাকে এবং  
কখনও থাকে না। মায়াশক্তি বহিরঙ্গা অর্থাৎ  
ঈশ্বর হইতে প্রকটিত হইয়া, এই শক্তি ঈশ্বরকে  
স্পর্শ না করিয়া অর্থাৎ ভগবৎসদ্বায় অবস্থিতি না  
করিয়া, সৃষ্টির অগ্ৰাণু বস্তুকে অভিভূত করতঃ অব-  
স্থিতি করিতেছে। (৭৫) চিৎশক্তি, জীবশক্তি ও  
মায়াশক্তি ( অর্থাৎ প্রত্যেক শক্তির অধিষ্ঠাত্রী দেবী )  
স্বীয় প্রভু ভগবানকে ভক্তি করে।

“সন্ধিনীর সার বাহুদেবত্ব, সন্ধিতের সার ভগবত্তাজ্ঞান ও  
জ্ঞানিনীর সার রামাস্তাব।”

( শ্রীচৈ-৫-আদি। ৪র্থ। জগদীশ গুপ্ত কৃত টীকা। )

(৭৫) শ্রীচৈ-৫-মধ্য। ৬ষ্ঠ ( জগদীশ্বর গুপ্ত কৃত টীকা )

## ঈশ্বর ও জীব ভিন্ন ।

ঈশ্বর মায়াধীশ অর্থাৎ মায়ার অধীশ্বর বা কর্তা । জীব মায়াবশ অর্থাৎ মায়ার বশীভূত বা মায়ার দাস । ইহা দ্বারাই প্রতীয়মান হইতেছে যে ঈশ্বর ও জীব ভিন্ন । মায়াবাদিগণ মায়াদাস জীবকে মায়া-কর্তা ঈশ্বরের সহিত অভেদ মনে করেন, ইহা তাঁহাদের বিষম ভ্রম । গীতা-শাস্ত্র বলিতেছেন যে জীব ঈশ্বরের একটী শক্তি । যে জীবের শক্তি স্বরূপতঃ ঈশ্বরের শক্তি হইতে বিভিন্ন, সেই জীবকে ঈশ্বরের সহিত অভেদ মনে করা ভ্রান্তিমূলক । (৭৬)

(৭৬) শ্রীচৈ-চ-মধ্য । ৬ষ্ঠ ( শ্রীবিষ্ণুনাথ চক্রবর্তী ও মাখনলাল কৃত টীকা দেখুন )

“জীবতত্ত্ব শক্তি কৃষ্ণতত্ত্ব শক্তিমান ।

গীতা বিষ্ণু পুরাণাদি তাহাতে প্রমাণ ।”

(শ্রীচৈ-চ-আদি । ৭ম । প্রকাশানন্দের প্রতি মহাপ্রভুর উক্তি )

শ্রীবিগ্রহ সত্ত্বগুণের বিকার নহে।

ঈশ্বরের বিগ্রহ অর্থাৎ দেহ চিদানন্দাকার অর্থাৎ সচ্চিদানন্দময়, নিকরিকার ও নিগুণ (অর্থাৎ সত্ত্বরজঃতমোগুণাতীত)। এইরূপ অপ্রাকৃত অর্থাৎ চিৎস্বরূপ দেহকে সত্ত্বগুণের বিকার অর্থাৎ সগুণ সবিকার ও জড় বলিয়া নির্দেশ করা ভ্রমাত্মক। এই শ্রীবিগ্রহ যে না মানে সে পাষাণাদিগের মধ্যে একজন। সে দর্শনের ও স্পর্শের অযোগ্য ও যমদণ্ডার্ত।

“অপরেয়মিতস্তৃতাং প্রকৃতিং বিধি মে পরাং।

জীবভূতাং মহাবাহো যয়েদং ধার্ষাতে জগৎ।”

(গীতা—৭।৫)

অর্থাৎ শ্রীকৃষ্ণ অর্জুনকে বলিতেছেন—হে মহাবাহো! (ক্ষিতি, অপ, তেজ, মরুৎ, ব্যোম, মন, বুদ্ধি ও অহঙ্কার এই অষ্টবিধ প্রকৃতির ব্যাখ্যা বলিয়াছি) উহা অপরা (জড় অতএব নিকৃষ্ট)। ইহা অপেক্ষা আমার জীবভূতা (জীবস্বরূপা অর্থাৎ চিন্ময়ী) একটি পরা (উৎকৃষ্ট বা শ্রেষ্ঠ) প্রকৃতি আছে তাহা

## পরিণামবাদ ও বিবর্তবাদ।

জীব-নিষ্কারের উদ্দেশ্যে শ্রীব্যাসবেদ ব্রহ্মসূত্র বা বেদান্তসূত্র করিলেন। ঐ সূত্রের শাকরভাষ্যমতে, ব্রহ্ম সর্বব্যং, মিথ্যা জগৎ অজ্ঞানতাবশতঃ ব্রহ্মে আরোপ মাত্র, ব্রহ্মই একমাত্র সত্য, এই বিবর্তবাদ প্রবণে, ‘আমি সেই ব্রহ্ম’ এই বোধে সাধনাদি কোন কার্য না করাতে সৰ্বনাশ হয়। পরিণামবাদ অর্থাৎ ঈশ্বর জগদ্রূপে পরিণত হওয়াতে জগৎ সত্য, মিথ্যা নহে, এই তত্ত্ব ব্যাস-সূত্রসম্মত। ঈশ্বর জগদ্রূপে পরিণত হইলেও তাঁহার অচিন্ত্যশক্তিপ্রভাবে তিনি বিকারপ্রাপ্ত হয়েন না। দৃষ্টান্ত যথা— স্তম্ভক মণি প্রতিদিন অষ্ট ভার (অষ্ট তোলা) এক পল, শত পলে এক তুলা, বিংশতি তুলাতে তুমি অবগত হও। এই চিহ্নী প্রকৃতি জগৎকে রক্ষা করিতেছে।

এক ভাব) স্বর্ণ প্রসব করে। এতৎসঙ্গেও ঐ মণি  
বিকারপ্রাপ্ত হয় না। (৭৭) শঙ্করাচার্য্যের মত এই  
যে ঈশ্বর বিকার বা মায়াযুক্ত হইতে পারেন না।  
পরিণাম বাদ মতে ঈশ্বর বিকারযুক্ত হইয়া জগৎ  
সৃষ্টি করিয়াছেন। শঙ্কর এই মতকে ভ্রান্ত বলিয়া-  
ছেন এবং বিবর্তবাদ স্থাপন করিয়াছেন। পরিণাম-  
বাদ অর্থাৎ যে মতে এক বস্তু অল্প বস্তুতে এরূপভাবে  
পরিণত হইয়া যায় যে তাহা আর পূর্বাবস্থা পাইতে  
পারে না। বিবর্তবাদ অর্থাৎ যে মতে এক বস্তুর  
অল্প বস্তুতে পরিণত হইয়াও তাহার পূর্ব স্বরূপ  
ক্ষয় হয় না, যথা—মৃত্তিকা 'মৃগ্ময়ী মৃতিতে পরিণত  
হইলেও তাহার স্বরূপ অর্থাৎ প্রকৃতি ক্ষয় হয় না।'  
পরিণামবাদ সম্বন্ধে শঙ্করের আপত্তি এই যে, 'যদি

---

(৭৭) শ্রীচৈ-চ-মধ্য। ৬ষ্ঠ। শ্রীবিখনাথ চক্রবর্তী ও মাখনলাল  
কৃত টীকানুসারে।)



ঈশ্বর বিকারযুক্ত হইয়া বিশ্বে পরিণত হয়েন তাহা হইলে তাঁহার ঐশী সত্ত্বা ক্রমশঃ লোপ পাঠিত, ইহা অসম্ভব । অতএব ঈশ্বর জগদ্রূপে পরিণত হয়েন নাই । শঙ্করের এই মত ভ্রান্ত, কারণ ঈশ্বরের শক্তি অচিন্তনীয় । তাঁহার ইচ্ছার পরিণামে (ফলে) জগৎ উৎপন্ন হইলেও তাঁহার সত্ত্বা জগৎ হইতে সম্পূর্ণরূপে অক্ষুণ্ণ ও স্বাধীন । যেমন, চিন্তামণির সংস্পর্শে অম্ল বস্তু সূবর্ণে পরিণত হইলেও তাহার (চিন্তামণির) গুণের বিপর্যয় ঘটে না । (৭৮)

(৭৮) শ্রীচৈ-চ-আদি । ৭ম (জগদীশ্বর গুপ্তকৃত টীকা দেখুন ।)

“বাসের সূত্রেতে কহে পরিণাম বাদ ।

বাস ভ্রান্ত বলি উঠাইল বিবাদ ॥

পরিণামবাদে ঈশ্বর হয়েন বিকারী ।

এত কহি বিবর্তবাদ স্থাপনা যৈ করি ॥

বস্তুস্ত পরিণামবাদ সেই ত প্রমাণ ।

দেহে আত্মবুদ্ধি হয় বিবর্তের স্থান ॥

বিবর্তবাদমতে জগৎ মিথ্যা। বস্তুতঃ জগৎ মিথ্যা  
নহে, ইহা সত্য কিন্তু নশ্বর। বিবর্তবাদ মতে  
জীবের যে আত্মবুদ্ধি, অর্থাৎ 'আমি ব্রহ্ম' এইরূপ  
বুদ্ধি বা ধারণা মিথ্যা। প্রণব মহাবাক্য, ইহা  
ঈশ্বরের মূর্তি অর্থাৎ নামবিগ্রহ। প্রণব হইতে সর্ব  
বেদের উৎপত্তি হইয়াছে। বেদের "তত্ত্বমসি"  
বাক্য মহাবাক্য নহে। প্রণব বেদের মূল; এই বাক্য  
উহার একাংশ মাত্র। অজ্ঞ জীবকে চিণ্ময় সত্ত্ব।

অবিচিন্ত্য শক্তিমুক্ত শ্রীভগবান।

ইচ্ছায় জগৎরূপে পায় পরিণাম।

তথাপি অচিন্ত্যশক্তো হয় অধিকারী।

প্রাকৃত চিন্তামণি তাহে দৃষ্টান্ত ধরি।

নানা রত্নরাশি হয় চিন্তামণি হৈতে।

তথাপিহ মণি রহে স্বরূপ অবিকৃতে।

প্রাকৃত বস্তুতে যদি অচিন্ত্য শক্তি হয়।

ঈশ্বরের অচিন্ত্যশক্তি, ইথে কি বিস্ময়।

( শ্রীচৈত-আদি। ৭ম। প্রকাশানন্দেব গ্রন্থি মহাপ্রভুর উক্তি )

বুঝাইবার নিমিত্ত উহা বেদের এক প্রদেশে অবস্থিত ।  
 ভাস্কর্য্যলোকে মহাবাক্য প্রণবকে আচ্ছাদন করিয়া  
 ও না মানিয়া এই ‘তত্ত্বমসি’ বাক্যকে মহাবাক্য  
 বলে । (৭৯)

(৭৯) শ্রীচৈ-চ-মধ্য । ৩৪ ( শ্রীবিষ্ণুনাথ চক্রবর্তী ও মাখনলালের  
 টীকা দেখুন )

প্রণব “= ঐকার বা ঐ তৎসং অর্থাৎ তিনিই সত্য ।

“প্রণব সে মহাবাক্য বেদের নিদান ।

ঈশ্বর স্বরূপ প্রণব সর্ববিষয়ধাম ।

সর্বপ্রায় ঈশ্বরের করে প্রণব উদ্দেশ ।

‘তত্ত্বমসি’ বাক্য হয় বেদের এক দেশ ।

প্রণব মহাবাক্য, করি আচ্ছাদন ।

মহাবাক্যে করি তত্ত্বমসির স্থাপন ।”

(শ্রীচৈ-চ-আদি । ৭ম । প্রকাশানন্দের প্রতি মহাপ্রভুর উক্তি)  
 তত্ত্বমসি = গুরু শিষ্যকে বলিতেছেন—“হে শিষ্য ! তুমিই সেই ।  
 ( অর্থাৎ তুমিই ইশ্বর ) ।”

সম্বন্ধ, অভিধেয়, প্রয়োজন।

‘সম্বন্ধ’ অর্থাৎ ভগবানের সহিত জীবের নিত্য  
সম্বন্ধ। ‘অভিধেয়’ অর্থাৎ শ্রবণ কীর্ত্তনাদি ভগবৎ-  
প্রাপ্তির উপায় ( ইহাকে সাধন ভক্তি বলে ) এবং  
‘প্রয়োজন’ অর্থাৎ প্রেম ( সাধন ভক্তির ফল ) এই  
তিন বস্তু বেদে বলে। ঐ তিনটি বাস্তবীক-  
ণের আর যাহা বলেন তাহা কল্পনাপ্রসূত,  
বেহেতু, স্বতঃ-প্রমাণ বেদবাক্য ‘তত্ত্বমসি’ ইত্যাদি  
স্থানে তিনি লক্ষণা-কল্পনা করিয়াছেন। ইহাতে  
শঙ্করাচার্যের দোষ নাই। ইনি মহাদেবের অবতার।  
শ্রীকৃষ্ণ মহাদেবকে নাস্তিঞ্চ শাস্ত্র ( অর্থাৎ ব্রহ্মের  
আকার নাই, শক্তি নাই ইত্যাদিরূপ শাস্ত্র ) প্রণয়ন  
করিতে আজ্ঞা করায়, তিনি শঙ্করাচার্য্যরূপে অবতীর্ণ  
হইয়া ঐরূপ করিয়াছেন। (৮০) শ্রীকৃষ্ণ বলিতেছেন।

(৮০) সম্বন্ধ, অভিধেয় ও প্রয়োজন সম্বন্ধে “শ্রীসনাতনেন  
প্রতি তদ্ব্যাপদেশ” দেখুন।

‘হে শঙ্কর ! তুমি কল্লিত আগম ( অর্থাৎ বেদার্থ ) দ্বারা  
লোক সকলকে মদ্যক্তিবিহীন কর এবং আমাকেও

---

“সকল বেদের হয় ভগবান সে সৎস্বক ।

\* \* \* \*

ভগবান প্রাপ্তি হেতু যে করি উপায় ।

শ্রবণাদি ভক্তি কৃষ্ণপ্রাপ্তোর সহায় ॥

সেই সর্ববেদের অভিধেয় নাম ।

সাধন ভক্তি হৈতে হয় প্রেমের উদ্যম ॥

কৃষ্ণের চরণে যদি হয় অনুরাগ ।

কৃষ্ণবিনু অন্তর তার নাহি রহে রাগ ॥

পঞ্চম পুরুষার্থ সেই প্রেম মহাধন ।

কৃষ্ণের ন্যায়্যাস করায় আশ্বাদন ॥

প্রেমা হৈতে কৃষ্ণ হয় নিজভক্ত বশ ।

প্রেমা হৈতে পায় কৃষ্ণের সেবা-সুখরস ॥

সৎস্বক অভিধেয় প্রয়োজন নাম ।

এই তিন অর্থ সর্বসূত্রে পর্য্যাবসান ॥”

শ্রীচৈ-চ-আদি । ৭ম । প্রকাশানন্দের প্রতি মহাপ্রভুর উক্তি ।)

গোপন কর। এইরূপ গোপন করিলে, এই সৃষ্টি উত্তরোত্তর বৃদ্ধি প্রাপ্ত হইবে অর্থাৎ ভক্তিশূন্য অবস্থায় কেহই সংসার হইতে উদ্ধার পাইবে না ইহার ফলে সৃষ্টি বৃদ্ধি হইবে।’ (৮১) মহাদেব পার্বতীকে বলিতেছেন ‘হে দেবি! কলিযুগে ব্রাহ্মণমূর্তি ধারণ করিয়া আমি মায়াবাদরূপ অসং শাস্ত্র রচনা করিয়াছি। ইহাকেই প্রচ্ছন্ন বৌদ্ধ শাস্ত্র বলে। (৮২)

(৮১) “স্বাগমৈঃ কলিতৈস্বক জনান্ মদ্বিমুখান্ কুরু ।

মাঞ্চ গোপয় যেন স্ত্রাং সৃষ্টিরেষোত্তরোত্তরা ॥”

( পদ্মপুরাণ )

(৮২) “মায়াবাদমসাম্প্রদায়ং প্রচ্ছন্নং বৌদ্ধমুচ্যতে ।

ময়ৈব বিহিতং দেবি কলৌ ব্রাহ্মণমূর্তিনা ॥”

( পদ্মপুরাণ )

প্রচ্ছন্ন বৌদ্ধ শাস্ত্র = প্রচ্ছন্ন ( বৈদিক প্রমাণে আচ্ছাদিত থাকায় ইহাৎ এই শাস্ত্রকে অবৈদিক বলিয়া ধরা যায় না ) বৌদ্ধ ( ভক্তি বিরোধী ‘সোহং’ অর্থাৎ আমিই সেই অথবা জীব ও ঈশ্বর অভিন্ন ) মতপ্রকাশক শাস্ত্র।

## পরম পুরুষার্থ কি ?

\* ভগবানে ভক্তিই পরম পুরুষার্থ । ভগবানের এইরূপ অচিন্তনীয় গুণসকল আছে যে সেই গুণে আকৃষ্ট হইয়া আত্মারামণ্ড ( অর্থাৎ বিষয়বাসনা বঞ্চিত হইয়া আত্মাতেই যিনি আয়াস বা আনন্দ পান ) ঈশ্বর ভজন করেন । যিনি আত্মারাম, তিনি সংসারমুক্ত । অতএব তিনি যে ঈশ্বর ভজন করেন, ইহার উদ্দেশ্য সংসারবন্ধন ছেদন নহে । ভগবানের গুণেই আকৃষ্ট হইয়া ঐরূপ করেন । (৮৩)

(৮৩) শ্রীচৈ-চ-মধ্য । ৬ষ্ঠ ।

প্রকাশানন্দ সরস্বতীর প্রতি তত্ত্বোপদেশ, আদি খণ্ডের ৭ম অধ্যায়ে বর্ণিত হইয়াছে । উহা সাক্ষভোমের প্রতি তত্ত্বোপদেশের ৬ মধ্য খণ্ডের ২শে অধ্যায়ের অনুরূপ ।

৩৮ । মুক্তিপদ—ইহার অর্থ কি ?

একদিন লার্কভৌম ভট্টাচার্য্য মহাপ্রভুর আশ্রমে আসিয়া তাঁহাকে প্রণাম করিয়া শ্রীমদ্ভাগবতোক্ত শ্রীকৃষ্ণের প্রতি ব্রহ্মাকৃত স্তবের শ্লোক পড়িতে লাগিলেন এবং নিম্নলিখিত শ্লোকের ‘মুক্তিপদে’ স্থলে ‘ভক্তিপদে’ এই পাঠ বলিলেন ।

“তত্তেহ্নু কম্পাং স্নসমীক্ষ্যমাণে

ভূজান এবান্নকৃতং বিপাকং ।

হৃদাগবপুর্ভিবিদধন্নমস্তে জীবন্ত

যো মুক্তিপদে স দায়ভাক্ ॥” (৮৪)

(৮৪) ভাগবৎ—১০ । ১৪ । ১৮ ।

(ব্রহ্মা শ্রীকৃষ্ণকে স্তব করিতেছেন—“যিনি আদর পূর্বক, তোমার অমুগ্রহ প্রতীক্ষা করিয়া আন্বকৃত কর্মফল উপভোগ-পূর্বক অন্তঃকরণ, বাক্য ও দেহদ্বারা তোমাকে নমস্কার করতঃ জীবিত থাকেন, তিনিই মুক্তিপদ পাইতে অধিকারী হইতে পারেন ।”



প্রভু বলিলেন “‘মুক্তিপদে’ পাঠই যথার্থ । আপনি ‘ভক্তিপদে’ কেন পড়েন ?” ভট্টাচার্য্য বলিলেন “ভক্তির সহিত মুক্তি-ফলের তুলনা হইতে পারে না । মুক্তি ভগবদ্ভক্তিবিমুখ পুরুষের কেবল দণ্ডেরই কারণ হয় ।”

প্রভু কহে “মুক্তিপদের আর অর্থ হয় ।  
‘মুক্তিপদ’ শব্দে সাক্ষাৎ ঈশ্বর, কহয় ॥  
মুক্তি পদে যা’র, সেই মুক্তিপদ হয় ।  
নবম পদার্থ মুক্তির কিম্বা সমাশ্রয় ॥”

প্রভু বলিলেন “‘মুক্তিপদ’ শব্দের আর এক অর্থ হয় । ‘মুক্তিপদ’ শব্দে ‘সাক্ষাৎ ঈশ্বর’ বুঝায় । মুক্তি পদে যার, তিনিই মুক্তিপদ, কিম্বা নবম পদার্থ ( মুক্তি ) যাঁহাকে ( শ্রীকৃষ্ণকে ) সম্যাকরূপে আশ্রয় করিয়া রহিয়াছে, এই দুই অর্থেই ‘মুক্তিপদ’ শব্দে

শ্রীকৃষ্ণকে বুঝায়। অতএব এই শ্লোকের পাঠ  
পরিবর্তনের আবশ্যকতা কি ?” (৮৫)

### ৩৯ । কৃষ্ণৈকশরণ উপদেশ ।

নীলাচল হইতে মহাপ্রভু দক্ষিণ যাত্রা করিলেন ।  
কেবল মাত্র তাঁহার জলপাত্র ও বস্ত্র বহনের জন্য  
কৃষ্ণদাস নামক ব্যক্তিকে সঙ্গে লইলেন । শ্রীনিত্যা-  
নন্দ প্রভৃতি কতিপয় ভক্ত আলালনাথ পর্য্যন্ত প্রভুর  
সহিত গমন করেন । তথায় সমস্ত দিন নৃত্যগীতে  
অতিবাহিত করিয়া পর দিন প্রাতে প্রভু সমস্ত  
ভক্তগণকে আলিঙ্গন করতঃ বিদায় দিলেন এবং

---

(৮৫) শ্রীটো-৮-মধ্য । ৬৪ ।

কেবল মাত্র কাল কৃষ্ণদাসকে সঙ্গে লইয়া দক্ষিণ  
যাত্রা করিলেন এবং এই প্রকার নাম-সংকীৰ্ত্তন  
করিতে করিতে পথে চলিলেন । বলা বাহুল্য,  
লোকশিক্ষাই ইহার মুখ্য উদ্দেশ্য ।

কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ হে ।  
কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ হে ।  
কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! রক্ষ মাং ।  
কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! পাহি মাং ।  
রাম ! রাঘব ! রাম ! রাঘব ! রাম ! রাঘব ! রক্ষ মাং ।  
কৃষ্ণ ! কেশব ! কৃষ্ণ ! কেশব ! কৃষ্ণ ! কেশব ! পাহিমাং ।  
(৮৬)

(৮৬) শ্রীচৈ-৫-মধ্য । ৭ম ।

পাহি মাং = আমাকে রক্ষা কর ।

রক্ষ মাং = আমাকে রক্ষা কর ।

## ৪০। গৃহে থাকিয়া নিরন্তর কৃষ্ণনাম গ্রহণ উপদেশ।

মহাপ্রভু কৃষ্ণস্থানে উপস্থিত হইলে কৃষ্ণ নামক  
জনৈক ব্রাহ্মণ তাঁহাকে বহু শ্রদ্ধা করিয়া নিমন্ত্রণ  
করিলেন এবং তাঁহাকে নিজগৃহে আনিয়া বিশেষ  
ভক্তি সহকারে তাঁহার ভিক্ষা করাইলেন এবং  
তাঁহার প্রসাদান্ন সপরিবারে গ্রহণ করিলেন। ব্রাহ্মণ  
মহাপ্রভুকে বলিলেন :—

“কৃপা কর প্রভু মোরে যাই তোমার সঙ্গ ।

সহিতে নারিমু তোমার বিরহ তরঙ্গে” ॥

প্রভু কহে “এছে বাৎ কভু না কহিবা ।

গৃহে রহি কৃষ্ণনাম অমুক্ষণ লৈবা ॥

যা’রে দেগ তা’রে কর কৃষ্ণ উপদেশ ।

আমার আজ্ঞায়, গুরু হইয়া তার’ এই দেশ ॥

কভো না বাধিবে তোমার বিষয় তরঙ্গ ।  
পুনরপি পাবে আমার এই স্থানে সঙ্গ” ॥ (৮৭)

৪১ । নিরন্তর কৃষ্ণনাম লইলে মনে  
অহঙ্কার ও অভিমান স্থান পায় না ।

কৃষ্ণস্থানে বাসুদেব নামে এক গলিতকুষ্ঠ বৈষ্ণব  
ব্রাহ্মণ বাস করিতেন । তাঁহার অঙ্গ হইতে যে কীট  
খসিয়া পড়িত তাহাকে ঠিক আবার সেই ক্ষত  
স্থানে উঠাইয়া রাখিতেন । রাত্রিতে তিনি মহাপ্রভুর  
আগমন বৃত্তান্ত অবগত হইয়া প্রত্যুষে কুম্ভের আশ্রমে

---

(৮৭) শ্রীচৈ-চ-মধ্য । ৭ম ।

তার’=উদ্ধার কর । কভো=কভু । ঐছে বাৎ=ঐরূপ  
কথা । না বাধিবে=বাধ দিবে না । ভিক্ষা=ভোজন ।

আসিলেন, কিন্তু তথায় মহাপ্রভুকে না পাইয়া  
ভূমিতে মুচ্ছিত হইয়া পড়িলেন। সেই ক্ষণে প্রভু  
আগিয়া তাঁহাকে আলিঙ্গন করিলেন। প্রভুর স্পর্শে  
বান্ধদেবের মনোদুঃখের সহিত তাঁহার কুষ্ঠ অন্তহিত  
হইল। তাঁহার মন আনন্দে পরিপূর্ণ ও অঙ্গ সুন্দর  
হইল। প্রভুর এইরূপ কৃপা দেখিয়া বান্ধদেবের  
বিস্ময় জন্মিল। তিনি এইরূপ বলিতে লাগিলেন—  
'কাতং দরিদ্র পাपीষান্ ক কৃষ্ণঃ শ্রীনিকেতন।  
ব্রহ্মবন্ধুবিাত স্মাহং বাহুভ্যাং পরিরস্তিতঃ ॥' (৮৮)

(৮৮) ভাগবত—১০। ৮১। ১৪।

কৃষ্ণিণী প্রেরিত সুনামা বিপ্র স্বগতঃ বলিতেছেন—এই  
দরিদ্র ও পাপাত্মা আমিই বা কোথায় আর লক্ষ্মীর আবাসস্থল  
শ্রীকৃষ্ণই বা কোথায়? উভয়ের মধ্যে বিস্তর প্রভেদ। আমি  
ব্রাহ্মণ বলিয়া তিনি স্রী বান্ধদেবদ্বারা আমাকে আলিঙ্গন করি-  
লেন।

বহু স্তুতি করি' কহে "শুন দয়াময় ।  
 জীবে এই গুণ নাহি তোমাতে এই হয় ।  
 মোরে দোষি মোর গন্ধে পলায় পামর ।  
 সেই মোরে স্পর্শ' তুমি স্বতন্ত্র ঈশ্বর ।  
 কিন্তু আছিলাও ভাল অদম হইয়া ।  
 এবে অহংকার মোর জন্মিলে আসিয়া ॥"  
 প্রভু কহে "কভু তোমার না হ'বে অভিমান ।  
 নিরন্তর লহ তুমি কৃষ্ণ কৃষ্ণ নাম ॥  
 কৃষ্ণ উপদেশ কর জীবের নিস্তার ।  
 অচিরাতে কৃষ্ণ তোমা' করিবেন অঙ্গীকার ॥"  
 মহাপ্রভু এই উপদেশ দিতেছেন যে নিরন্তর  
 কৃষ্ণনাম লইলে অহংকার কি অভিমান কখনও মনে  
 স্থান পায় না । (৮২)

(৮৩) শ্রীচৈ-চ-মধ্য । ৭ম ।

আছিলাও = ছিলাম ।    এবে = এক্ষণে ।    তুমি স্বতন্ত্র  
 ঈশ্বর = যেহেতু তুমি সকলনিরন্তর অগ্ৰধামী ভগবান ।

৪১। মহাভাগবত স্থাবর ও জঙ্গমের  
ভিতর শ্রীভগবানকে দেখেন।

রামানন্দ শ্রীগৌরাজকে বলিতেছেন “প্রথমে আপনাকে সন্ন্যাসীর আশ্রয় দেখিয়াছি কিন্তু এক্ষণে আপনাকে শ্রাম গোপরূপ দেখিতেছি এবং আপনার সম্মুখে একটা কাঞ্চন পুস্তলিকা দেখিতেছি। তাহার গৌরকান্তিদ্বারা আপনার সর্ব অঙ্গ আবৃত দেখিতেছি এবং আপনার সবংশীবদনও দেখিতে পাইতেছি। আপনাকে এইরূপ দেখিয়া আমি অত্যন্ত চমৎকৃত হইতেছি। প্রভো! ইহার কারণ আমাকে অকপটে বলুন।” মহাপ্রভু বলিলেন “রামানন্দ! কৃষ্ণ তোমার গাঢ় প্রেম জন্মিয়াছে; সেই জন্তই তুমি সর্ব বস্তুতে শ্রীকৃষ্ণ-দর্শন করিয়া থাক। ইহা গাঢ় প্রেমেরই স্বভাব।”



“মহাভাগবত দেখে স্থাবর জঙ্গম ।  
 তাঁহা তাঁহা হয় তা’র শ্রীকৃষ্ণ স্মরণ ॥  
 স্থাবর জঙ্গম দেখে না দেখে তা’র মূর্তি ।  
 সৰ্ব্বত্রো ঠয় নিজ ইষ্টদেব স্মৃতি ॥”  
 ‘সৰ্বভূতেষু যঃ পশ্যেৎ ভগবন্তাবসাননঃ ।  
 ভূতানি ভগবন্ত্যন্তেষ ভাগবতোত্তমঃ ॥’ (৯০)  
 ‘বনগতাস্তরব আত্মনি বিষ্ণুঃ  
 বাজগন্ত্য ইব পুষ্পাফলাঢ্যাঃ ।

(৯০) ভাগবত—১১।২৪৩।

ঋষভের পুত্র এবং ভারত রাজার সহোদর নবযোগেন্দ্র অর্থাৎ  
 ‘নয় জন ঋষিরা যথা—কলি, হবি, অন্তরীক, প্রবুদ্ধ, পিঙ্কলায়ন,  
 আবির্হোত্র, ত্রিবিড়, চমস ও করভাজন । হবি, রাজা নিমিকে  
 বলিতেছেন—সৰ্বভূতে যিনি আত্মস্বরূপ ভগবানের ভাব ( অর্থাৎ  
 স্বীয় ইষ্টদেবের অধিষ্ঠান ) দর্শন করেন এবং সৰ্বভূতকে আত্ম-  
 স্বরূপ ভগবানে দর্শন করেন, তিনিই ভাগবতোত্তম অর্থাৎ  
 ভগবন্তকৃষ্ণেষ্ঠ ।

প্রণতভারবিটপা মধুধারাঃ

প্রেমহৃষ্টনবো বরষুঃ স্ম ॥ (২০ ক)

শ্রীরাধা-কৃষ্ণে তোমার গাঢ় প্রেম হয় ।

যাঁহা তাঁহা রাধা-কৃষ্ণ তোমারে স্মরয় ॥” (২০ খ)

(২০ ক) ভাগবত—১০।৩৫।৫।

শ্রীকৃষ্ণকে লক্ষ্য করিয়া গোপীগণ বলিতেছেন—পুষ্প-কলবৃক্ষ  
অতএব অবনত শাখাবিশিষ্ট বনের তরুলতাসকল আপনাদিগের  
মধ্যে বিষ্ণু বিরাজ করিতেছেন ইহা প্রকাশ করিয়াছাই যেন প্রেম-  
পুলকিতদেহে মধুধারা বর্ষণ করিতে লাগিল ।

(২০ খ) শ্রীচৈ-চ-মধ্য।৮ম। তাঁহা তাঁহা=সেই সকল স্থাবর,  
জঙ্গমে। সর্বত্র=সকল বস্তুতে। যাঁহা তাঁহা রাধা-  
কৃষ্ণ তোমারে স্মরয়=রাধাকৃষ্ণে তোমার গাঢ় প্রেম  
হওয়ার যেখানে সেখানে রাধাকৃষ্ণ মূর্ত্তি তোমাতে  
স্মৃতি পায় অর্থাৎ তুমি দর্শন কর ।

## ৪২। শ্রীবৈষ্ণব ভট্টের প্রতি শ্রীকৃষ্ণ ও শ্রীনারায়ণ তত্ত্বোপদেশ।

শ্রীশ্রীমহাপ্রভু শ্রীরঙ্গক্ষেত্রে যাইয়া শ্রীবৈষ্ণব ভট্ট নামক জনৈক শ্রীমদ্ভক্তদায়ী বৈষ্ণব ব্রাহ্মণের নিমন্ত্রণ ক্রমে তাঁহার আশ্রমে গেলেন এবং তথায় বর্ষার চারি মাস কৃষ্ণ কথায় যাপন করিলেন। সেই ব্রাহ্মণ মহাপ্রভুর বড় ভক্ত হইলেন। ভট্ট লক্ষ্মীনারায়ণ সেবা করেন। তাঁহার নিষ্ঠাভক্তি দেখিয়া প্রভু অত্যন্ত সন্তুষ্ট হইলেন। সর্বদা একসঙ্গে বাস করায় উভয়ের মধ্যে বিশেষ সখ্যভাব জন্মিল এবং তদ্ব্যতীত তাঁহাদের মধ্যে পরিহাসাদি হইত।

একদিন প্রভু বলিলেন “ভট্ট! আপনাব লক্ষ্মী ঠাকুরাণী নারায়ণ-বক্ষঃস্থিতা এবং পতিব্রতা-শিরো-

---

(২১) শ্রীচৈ চ—মধ্য। ২য়। বৈদগ্ধ্যাদি=চাতুর্ঘ্যাদি।

অগ্নি, কিন্তু আমার ঠাকুর গোচারণকারী গোপবালক  
কৃষ্ণ লক্ষ্মীদেবী সতী সাধবী হইয়া কৃষ্ণসঙ্গের ইচ্ছা  
তঁাহার হওয়ার কারণ কি ? তিনি এই সঙ্গমলাভেচ্ছায়  
বহুকাল যাবত সুখভোগ ত্যাগ করিয়া ব্রতনিয়মাদি  
পালন করতঃ তপ করিলেন । (৯১ক) পতিব্রতা  
লক্ষ্মীর এ কিরূপ আচরণ ?”

ভট্ট বলিলেন “প্রভো ! কৃষ্ণ ও নারায়ণ স্বরূপতঃ  
একই অর্থাৎ এক অভেদতত্ত্ব, কেবল কৃষ্ণেতে লীলা  
বৈদিক্যাদি\* অধিক পরিমাণে আছে সুতরাং নারায়ণ-  
পত্নী লক্ষ্মী কৃষ্ণের সঙ্গমনেচ্ছু হওয়ায় তঁাহার  
পতিব্রতা ধর্ম নষ্ট হয় নাই । রাসাদিতে আমোদ করি-  
বার ইচ্ছায় লক্ষ্মীর কৃষ্ণসঙ্গম করিবার অভিলাষ ।  
ইহাতে কোনও দোষ দেখা যায় না ।”

প্রভু বলিলেন “কোনও দোষ নাই ইহা আমি

জানি কিছু লক্ষ্মীদেবী ত রাস পান নাই ( অর্থাৎ রাসলীলায় যোগদান করিবার অধিকার পান নাই) ।\*  
 লক্ষ্মী বহুদিন ধরিয়া তপ করিয়াও শ্রীকৃষ্ণকে পাইলেন না, কিছু ক্রতিগণ ( অর্থাৎ ক্রতিসকলের অধিষ্ঠাত্রী দেবীগণ ) তপ না করিয়াও তাঁহাকে পাইলেন, ইহার কারণ কি ?†

ভট্ট উত্তর করিলেন “প্রভো ! আপনার এই প্রশ্নে উত্তর দিতে আমি সমর্থ নহি। কোথায় আমি ক্ষুদ্রবুদ্ধিবিশিষ্ট অস্থিরচিত্ত জীব, আর কোথায় কোটি সমুদ্র-গম্ভীর-ঈশ্বরের লীলা ! লক্ষ্মীদেবী যাহাকে পাইতে, অভিলাষিনী, আপনিই সেই শ্রীকৃষ্ণ । আপনিই আপনার মর্ম্ম অবগত আছেন এবং আপনি কৃপাপূর্ব্বক যাহাকে আপনার লীলামর্ম্ম জানান, কেবল সে-ই তাহা জানে ।”

---

\* ভাগবত—১০ । ৪৭ । ৫৩ ।

† ভাগবত—১০ । ৮৭ । ১৯ ।

প্রভু বলিলেন “শ্রীকৃষ্ণের একটি অসাধারণ  
 স্বভাব বা প্রকৃতি আছে ; তাহা এই যে, তিনি,  
 অমাপূৰ্ণ্যশক্তিহারা সকলের চিত্ত আকর্ষণ করিতে  
 পারেন। দৃষ্টান্ত, যথা—শ্রীকৃষ্ণ লক্ষ্মীর মন আকর্ষণ  
 করেন, কিন্তু শ্রীনারায়ণ ব্রজগোপীদিগের মন কিছু-  
 তেই আকর্ষণ করিতে পারেন না। ব্রজবাসীগণ  
 শ্রীকৃষ্ণকে ঈশ্বর বলিয়া মনে করেন না। তাঁহারা  
 সখ্য বাৎসল্যাদি ভাবে ভজনা করিয়া তাঁহাকে নিজ-  
 জন ( অর্থাৎ সখা পুত্রাদি ) ভাবেপ্রাপ্ত হইলেন । তাঁহারা  
 শ্রীকৃষ্ণকে ব্রজেন্দ্রনন্দন বলিয়াই জানেন। ভগবন্তুজনের  
 মধ্যে ঐশ্বৰ্য্যজ্ঞান থাকিলে ভগবানের সহিত সখা-  
 পুত্রাদি সম্বন্ধ স্থাপন করা অসম্ভব। যে ভক্ত সখা-  
 পুত্রাদি ভাবে তাঁহার ভজনা করেন কেবল তিনিই  
 ব্রজেন্দ্রনন্দন শ্রীকৃষ্ণকে প্রাপ্ত হইবেন। অগ্র ভাবে

ভজনায় তাঁহাকে পাওয়া যায় না ।\* শ্রুতিগণ (অর্থাৎ তাহাদিগের অধিষ্ঠাতা দেবীগণ ) গোপী-অনুগত ভাবে শ্রীকৃষ্ণ ভজনপূর্বক। দেহান্তরে গোপীদেহ প্রাপ্ত হইয়া রাসলীলার অধিকারিণী হয়েন । কৃষ্ণ গোপ-জাতি, গোপীগণ তাঁহার প্রেমসী । দেবী বা অন্য স্ত্রী তিনি অঙ্গীকার করেন না ; কিন্তু লক্ষ্মী তাঁহার দেবী-দেহেতেই কৃষ্ণসঙ্গ করিতে অভিলাষ করিলেন এবং গোপীরাগানুগা অর্থাৎ গোপীভাবের অনুগত। হইয়া শ্রীকৃষ্ণভজন করিলেন না, একারণ তিনি শ্রীকৃষ্ণকে পাইলেন না । গোপী ব্যতীত অন্য দেহে রাসবিলাসের অধিকার হয় না । লক্ষ্মীদেবী যদি গোপী-অনুগত ভজনদ্বারা 'গোপীদেহ' লাভ করিতেন, তাহা হইলে তিনি নিশ্চয়ই, ব্রজেন্দ্রনন্দন শ্রীকৃষ্ণের সঙ্গলাভ করিতে পারিতেন এবং রাস-কৌড়ার অধিকারিণী হইতেন ।"

\* মহাপ্রভু, প্রথমতঃ '।কি।' ভাবে ভজন করিলে শ্রীকৃষ্ণকে পাওয়া যায়। তাহা বলিয়া 'পরে রাসাদি প্রাপ্তির উপায় বলিতেছেন ।

বহুদিন হইতে ভট্টের মনে এক গৰ্ব ছিল যে শ্রীনারায়ণই স্বয়ং ভগবান এবং তাঁহারই ভজন অগ্ন্যাগ্ন ( অর্থাৎ শ্রীকৃষ্ণাদির ) ভজন হইতে শ্রেষ্ঠ । বলা বাহুল্য, যে ভক্ত ভগবানের যে স্বরূপের ভজন করেন, তাঁহাকেই স্বয়ং ভগবান জ্ঞান করা এবং তাঁহাতেই সম্পূর্ণ নিষ্ঠা স্থাপন করাই তাঁহার একান্ত কর্তব্য । কিন্তু তাহা করিতে হইবে বলিয়া ভগবানের অগ্ন স্বরূপের ভজনকে অবজ্ঞা করা কি স্বীয় ভজন-প্রণালীই সর্বোত্তম এইরূপ গৰ্ব করা কর্তব্য নহে । ভট্টের মনে এইরূপ চিন্তা ও গৰ্ব বহুদিন হইতে স্থান পাইতেছিল বলিয়াই সর্বজ্ঞ-চুড়ামণি শ্রীগোরাঙ্গ-সুন্দর তাঁহার (ভট্টের) মঙ্গলের জগ্গাই উক্ত গৰ্ব দূরীকরণার্থে পরিহাসচ্ছলে এই কথার উত্থাপন করিলেন ।

প্রভু বলিলেন “ভট্ট ! শ্রীনারায়ণ-পত্নী লক্ষ্মী-দেবী শ্রীকৃষ্ণের সঙ্গ কাশন। করেন, ইহাতে



আপনি কোনও সন্দেহ করিবেন না। এইরূপ  
কামনা দোষের নহে, কারণ শ্রীকৃষ্ণ স্বয়ং ভগবান  
এবং শ্রীনারায়ণ তাঁহার বিলাস-ঐশ্বর্য্য-মূর্ত্তি। শ্রীকৃষ্ণ  
স্বয়ং ভগবান বলিয়া লক্ষ্মী প্রভৃতি সকলের মন  
আকর্ষণ করেন। এইরূপ আকর্ষণের আরও একটি  
কারণ এই যে, শ্রীকৃষ্ণের অসামান্য গুণ আছে।  
এই গুণ চারিটা, যথা—লীলা, প্রেমদ্বারা প্রিয়াধিক্য,  
বেণুমাধুর্য্য ও রূপমাধুর্য্য। এই গুণ শ্রীনারায়ণে নাই।  
শ্রীকৃষ্ণে এই সকল গুণ থাকায়, তাঁহার প্রতি লক্ষ্মীর  
আসক্তি। স্বয়ং ভগবান বলিয়া শ্রীকৃষ্ণ লক্ষ্মীর মন  
হরণ করেন, কিন্তু শ্রীনারায়ণ (স্বয়ং ভগবান নহেন  
বলিয়া) গোপিকাদিগের মন হরণ করিতে সমর্থ  
হয়েন নাই। শ্রীনারায়ণের কি কথা, স্বয়ং শ্রীকৃষ্ণ  
গোপীগণের প্রতি হস্তাকৌতুক করিতে শ্রীনারায়ণ-  
রূপ ধারণ করতঃ তাহাদিগকে চতুর্ভুজ মূর্ত্তি দেখাই-

লেন, কিন্তু শ্রীকৃষ্ণের এই নাবায়ণ বিগ্রহে গোপী-  
দিগের আদৌ অনুরাগ জন্মিল না ।”

এই কথা বলিয়া প্রভু, ভট্টের গর্ব চূর্ণ করতঃ  
তাঁহার মনে সুখ দিবার উদ্দেশ্যে উপরি-বর্ণিত  
স্বরূপ সিদ্ধান্ত ফিরাইয়া কহিলেন “ভট্ট! আপনি  
দুঃখিত হইবেন না । আমি পরিহাস করিয়া এই  
সব কহিয়াছি । আপনি শাস্ত্র সিদ্ধান্ত শ্রবণ করুন ।  
ইহাতে বৈষ্ণবদিগের বিশ্বাস আছে । এই বিশ্বাস  
মতে শ্রীকৃষ্ণ ও শ্রীনারায়ণ স্বরূপতঃ একই এবং  
গোপী (রাধা) ও লক্ষ্মীতে ভেদ নাই, ইহারা  
একরূপ । লক্ষ্মী তাঁহার অশিনী গোপীদ্বারা কৃষ্ণ-  
মঙ্গল আশ্বাদন করেন । ঈশ্বরতত্ত্ব হিসাবে শ্রীকৃষ্ণ ও  
শ্রীনারায়ণে কোন ভেদ নাই । ভেদ মানিলে  
অপরাধ হয় । একই ঈশ্বর তাঁহার একই বিগ্রহে

---

; কিন্তু গোপী কখনও লক্ষ্মীদ্বারা শ্রীনারায়ণের মঙ্গল  
আশ্বাদন করেন না ।

ভক্তের ধ্যানাত্মসারে নানা আকার ও নানা রূপ  
প্রকাশ করেন। (৯১খ)

‘মণির্যথা বিভাগেন নীলপীতাদিভিযুতঃ।  
রূপভেদে মবাপ্নোতি ধ্যানভেদাত্তথাত্ম্যতঃ’ ॥”(৯১গ)

(৯১খ) স্বসিদ্ধান্ত খণ্ডিত হইল দেখিয়া ভট্ট অতীব দুঃখিত  
হইলেন। মহাপ্রভু ভট্টের চিন্তাপ্রসন্নতা জন্মাইবার জন্য  
উপরোক্ত স্বসিদ্ধান্ত প্রচ্ছন্ন রাখিয়া সাধারণ লোকের  
মধ্যে প্রচলিত সিদ্ধান্তের অবতারণা করিলেন।

(৯১গ) যেমন একই মণি নানাবর্ণবিশিষ্ট বস্তুদ্বারা বিভাগবশতঃ  
নীল-পীতাদি ভিন্ন ভিন্ন বর্ণবিশিষ্ট বলিয়া প্রতীয়মান  
হয়, সেইরূপ অচ্যুত (শ্রীকৃষ্ণ)-(ভক্তের) ধ্যানভেদ-  
বশতঃ রূপভেদ প্রাপ্ত হয়েন অর্থাৎ ভিন্ন ভিন্ন রূপে  
প্রকাশিত হয়েন। (নারদপঞ্চরাত্র)

## ৪৩ । অপ্রাকৃত বস্তু প্রাকৃত ইন্দ্রিয় গোচর নহে ।

সেতুবন্ধ যাইবার সময়ে পশ্চিমধ্যে দক্ষিণ  
মথুরায় জ্ঞানৈক সংসার-বিরক্ত রামভক্ত ব্রাহ্মণের  
সহিত মহাপ্রভুর সাক্ষাৎ হয়। সেই বিপ্র মহা-  
প্রভুকে নিমন্ত্ৰণ করিলেন, কিন্তু আশ্চর্য্যের বিষয়,  
তিনি পাক করিলেন না। মহাপ্রভু জিজ্ঞাসা  
করিলেন “মহাশয়! মধ্যাহ্ন হইল, এখনও পাক  
করিলেন না কেন?” বিপ্র বলিলেন “আমার  
অরণ্যে বসতি, পাকের সামগ্রী সম্প্রতি এ স্থানে  
মিলে না। লক্ষ্মণ বন্য শাক ফল মূল আনিবেন,  
তবে সীতাদেবী পাক করিবেন।” শ্রীরামচন্দ্র বনে  
বাস করিতেছেন, এই আবেশে বিপ্রেব উপাসনা।  
তাহার এই কথা শ্রবণ করিয়া মহাপ্রভু অত্যন্ত

সমুদ্র হইলেন। ব্রাহ্মণ, তাঁহার ঐ আবেশ ভঙ্গ  
 হইলে, তাড়াতাড়ি পাক করিলেন এবং বেলা তৃতীয়  
 প্রহরের সময় মহাপ্রভুকে ভোজন করাইলেন।  
 কিন্তু নিজে উপবাস করিয়া রহিলেন। প্রভু বলি-  
 লেন “বিপ্র! আপনি কেন উপবাস করিলেন,  
 আপনার কিসের এত দুঃখ এবং আপনি কেন  
 ‘হা ছতাশ’ করিতেছেন?” বিপ্র বলিলেন “আমার  
 জীবনে কোনও প্রয়োজন নাই। অগ্নিতে অথবা জলে  
 প্রবেশ করিয়া আমি জীবন ত্যাগ করিব। দুঃখের  
 কথা আর কি বলিব, জগন্নাথ মহালক্ষ্মী সীতা  
 ঠাকুরাণীকে কিনা রাক্ষসে স্পর্শ করিল, ইহাও  
 আমার কর্ণে শুনিতে হইল। এই দুঃখে আমার  
 দেহ প্রাণ দিবারাত্রি জলিতেছে। অতএব আর  
 এ শরীর ধারণ করা আমার কোন মতেই কর্তব্য  
 নহে।”

প্রভু কহে “এ ভাবনা না করিহ আর ।  
 পাণ্ডিত হঞা কেনে না কর বিচার ॥  
 ঈশ্বর প্রেমসী সীতা চিদানন্দ মূর্তি ।  
 প্রাকৃতোজ্জ্বলিত ত্বারে দেখিতে নাহি শক্তি ॥  
 আশিবার কাজ আছুক, কেহো না পায় দর্শনে ।  
 সীতার আকৃতি মায়া হরিলা রাবণে ॥  
 রাবণ আসিতে সীতা অন্তর্দ্বান কৈল ।  
 রাবণের আগে মায়া-সীতা আনি’ দিল ॥  
 অপ্রাকৃত বস্তু নহে প্রাকৃত গোচর ।  
 বেদ-পুরাণেতে কহে এই নিরন্তর ॥  
 বিশ্বাস করিহ তুমি আমার বচনে ।  
 পুনরাপি কুভাবনা না করিহ মনে ॥”  
 প্রভুর বচনে বিপ্রেয় হইল বিশ্বাস ।  
 ভোজন করিল, হৈল জীবনের আশ ॥ (৯২)

(৯২) শ্রীচৈ-চ—মধ্য । ২ম ।

আকৃতি মায়া=মায়ামূর্তি। প্রাকৃত গোচর=প্রাকৃত

(৭ড়) ইন্দ্রিয়ের গোচর ।

## ১৪। সাধ্য-সাধন-তত্ত্ব বিচার।

শ্রীমদ্ব্যাসপ্রভু শ্রীমদ্বাচায্যের লীলাস্থল উড়ুপীতে আসিয়া উপস্থিত হইলেন। তথায় তত্ববাদিগণ বাস করেন। তাঁহারা মহাপ্রভুকে প্রথম দর্শনে মায়াবাদী সন্ন্যাসী মনে করিয়া তাঁহার সাদর সম্ভাষণ করিলেন না। কিন্তু পরে তাঁহার প্রেমাবেশ দেখিয়া তাঁহারা সকলেই চমৎকৃত হইলেন এবং তাঁহাকে পরম বৈষ্ণব জ্ঞানে তাঁহার প্রতি প্রভূত সম্মান প্রদর্শন করিলেন। ইহাদের অন্তরে বৈষ্ণব-তার গর্ভ আছে বুঝিতে পারিয়া মহাপ্রভু ঈশ্বর হাসিয়া ইহাদিগের সহিত ইষ্টগোষ্ঠী\* করিতে প্রবৃত্ত হইলেন এবং অতি দীনভাবে (যেহেতু তিনি নিজেই মাধব সম্প্রদায়ভূক্ত) তত্ববাদী আচার্য্যাকে বলিলেন “আপনি শ্রেষ্ঠ সাধ্য-সাধন-তত্ত্ব আমাকে বলুন।” আচার্য্য বলিলেন “বর্ণাশ্রমধর্ম ক্রমে সমর্পণ করাই

---

\*ইষ্টগোষ্ঠী = কৃষ্ণকপ।

কৃষ্ণ-ভক্তের শ্রেষ্ঠ সাধন এবং এই সাধন দ্বারা পঞ্চবিধ মুক্তির মধ্যে কোন একটা পাইয়া বৈকুণ্ঠে গমনই শ্রেষ্ঠ সাধ্য বলিয়া শাস্ত্রে নিরূপিত হইয়াছে।” মহাপ্রভু বলিলেন “শ্রবণ কীর্ত্তনকেই শাস্ত্রে কৃষ্ণপ্রেম-রূপ সাধ্যবস্তু লাভের পরম সাধন বলিয়াছেন। শ্রবণ কীর্ত্তন শ্রেষ্ঠ সাধন এবং কৃষ্ণপ্রেম শ্রেষ্ঠ সাধ্য অর্থাৎ সাধনীয় বস্তু। শ্রবণ কীর্ত্তন হইতে কৃষ্ণে প্রেম জন্মে। কৃষ্ণপ্রেম পঞ্চম পুরুষার্থ এবং সর্ব-শ্রেষ্ঠ। সর্বশাস্ত্রেই কৰ্ম্মনিন্দা ও কৰ্ম্মত্যাগ উপদেশ দিতেছেন, কারণ কৰ্ম্ম হইতে কখনও কৃষ্ণে প্রেম-ভক্তি হয় না। ভক্তগণ পঞ্চবিধ মুক্তিকে নরকবৎ অতি তুচ্ছবোধে ত্যাগ করিয়া থাকেন। তাঁহারা মুক্তি ও কৰ্ম্ম (বর্ণাশ্রমধৰ্ম্ম) এই উভয় বস্তুই ত্যাগ করেন। অতএব মুক্তি কখনও সাধ্য (পুরুষার্থ) হইতে পারে না। কিন্তু এই দুই বস্তুই আপনি সাধ্য সাধন বলিয়া স্থাপনা করিলেন ! আমাকে সন্ন্যাসী দেখিয়া



বন্ধনা করিতেছেন এবং আমার নিকট প্রকৃত সাধ্য সাধন লক্ষণ ব্যক্ত করিলেন না ।” এই কথা শুনিয়া ভট্টাচার্য্য অন্তরে অত্যন্ত লজ্জিত হইলেন এবং প্রভুর বৈষ্ণবতা দেখিয়া বিস্মিত হইলেন এবং প্রভুকে বলিলেন “আপনি যাহা বলিলেন তাহাই সত্য । আপনি যাহা বলিলেন ইহাই বৈষ্ণবের শ্রেষ্ঠ সাধ্য ও সাধন ।”

ভট্টাবাদী আচার্য্য সব শাস্ত্রেতে প্রবীণ ।  
 তাঁ’রে প্রশ্ন কৈল প্রভু হঞা যেন দীন ॥  
 “সাধ্য সাধন আমি না জানি ভালমতে ।  
 সাধ্য সাধন শ্রেষ্ঠ জানাহ আমাতে ॥”  
 আচার্য্য কহে “বর্ণাশ্রমধর্ম কৃষ্ণে সমর্পণ ।  
 এই হয় কৃষ্ণভক্তের শ্রেষ্ঠ সাধন ॥  
 পঞ্চবিধ মুক্তি পাঞা বৈকুণ্ঠে গমন ।  
 সাধ্য শ্রেষ্ঠ হয় এই শাস্ত্র নিরূপণ ॥”

শ্রীকৃষ্ণ কহে “শাস্ত্রে কহে শ্রবণ কীর্ত্তন ।  
 কৃষ্ণপ্রেম-সেবা ফলের পরম সাধন ॥  
 শ্রবণ কীর্ত্তন হৈতে কৃষ্ণে হয় প্রেমা ।  
 সেট পঞ্চম পুরুষার্থ পুরুষার্থেব সীমা ॥  
 কৰ্ম্মনিন্দা কৰ্ম্মত্যাগ মৰ্ম্মশাস্ত্রে কহে ।  
 কৰ্ম্ম হৈতে প্রেমভক্তি কৃষ্ণে কভু নহে ॥  
 পঞ্চবিধ মুক্তি ভাগ করে ভক্তগণ ।  
 ফল্য করি মুক্তি দেখে নরকের সম ॥  
 কৰ্ম্ম মুক্তি ছই বস্তু ভাঙ্গে ভক্তগণ ।  
 সেট ছই স্থাপ তুমি সাধ্য সাধন ॥  
 সম্যাসী দেখিয়া গোরে কলহ বঞ্চন ।  
 না কহিলা তেঞি সাধ্য সাধন লক্ষণ ॥”  
 শুনি তথাচার্য্য হৈলা অস্তবে লজ্জিত ।  
 শ্রীকৃষ্ণ বৈষ্ণবতা দেখি হৈলা বিস্মিত ॥

আচার্য্য কহে “তুমি যেই কহ সেই সত্য হয় ।  
সর্বশাস্ত্রে বৈষ্ণবের এই স্থনিশ্চয় ॥” (৯৩)

৪৫ । ঈশ্বর শাস্ত্র-নিয়মাধীন নহেন ।

দক্ষিণাঞ্চল হইতে নীলাচল প্রত্যাবর্তন করিয়া

(৯৩) শ্রীচৈ-চ—মধ্য । ৯ম ।

তত্ত্ববাদী = তত্ত্ব (যাথার্থ্য) বাদ (কথন) বাহার , বিশ্ব  
সকল পদার্থ সত্য, ইহাই বাহারের মত, তাঁহাদিগকে  
তত্ত্ববাদী বলে । কহ—তুচ্ছ ।

কর্ম = বর্ণাশ্রম । মারাবাদী = বাহার। ভগৎকে (ব্রহ্ম  
সর্বব্য) মিথ্যা বলেন তাঁহাদিগকে মারাবাদী বলে ।

করহ বকনা = আচার্য্যের সম্মান রক্ষার্থে প্রভু বলিলেন  
“আপনি প্রকৃত তত্ত্ব জানেন কিন্তু তাহা অসম্মত  
বলিলেন না ।” ইষ্টগোষ্ঠী = কৃষ্ণকথ

মহাপ্রভু কালী মিশ্রের আশ্রমে বাস করিতেছেন । এমন সময়ে একদিন গোবিন্দদাস নামক এক ব্যক্তি আসিয়া মহাপ্রভুর সমীপে দণ্ডবৎ হইয়া তাঁহাকে বলিলেন “আমি ঈশ্বর পুরীর ভৃত্য, আমার নাম গোবিন্দ । পুরী গোসাইএর আজ্ঞায় আমি আপনার নিকট আসিয়াছি । সিদ্ধিপ্রাপ্তিকালে গোসাই আমার প্রতি এই আজ্ঞা করিলেন যে আমি যেন আপনার নিকট যাইয়া আপনার সেবা করিতে থাকি । তাই প্রভুর আজ্ঞায় আপনার নিকট আসিলাম ।” মহাপ্রভু বলিলেন “পুরীশ্বর আমাকে বাৎসল্য করিতেন এবং সেই জন্তই আমার প্রতি রূপা করিয়া তিনি তোমাকে আমার নিকট পাঠাইয়াছেন ।” এই কথা শুনিয়া রায় রামানন্দ প্রভুকে জিজ্ঞাসা করিলেন “ঈশ্বর পুরী গোসাই কিরূপে শূদ্র-সেবক গোবিন্দকে রাখিয়াছিলেন ?” শাস্ত্রমতে গুরুকে ঈশ্বর জ্ঞান করিতে হয় । মহাপ্রভু বলিলেন

“আমার গুরুদেব ( অর্থাৎ ঈশ্বর—যেহেতু শাস্ত্রমতে গুরুতে ও ঈশ্বরে কোনও ভেদ নাই ) লোক বিধি হইতে স্বতন্ত্র। তিনি শাস্ত্রের নিয়মাদীন নহেন, এবং তাঁহার কৃপা জ্ঞাতিকুল মানে না। ইহার দৃষ্টান্ত দেখ, ভগবান বিদুরের গৃহে ভোজন করিয়াছিলেন। ভগবানের কৃপা কেবল মাত্র স্নেহ-সেবার অপেক্ষা করে। ভগবান স্নেহের বশ-বর্তী হইয়াই শাস্ত্রবিধির বাহির্ভূত আচরণ করিয়া থাকেন। বেদবিধির মৰ্যাদা রক্ষা অপেক্ষা স্নেহ-সেবায় ভগবান কোটী গুণ সুখ পান।” প্রভু, রামানন্দের প্রশ্নের এই উত্তর করিলেন যে গোবিন্দ শূদ্র হইলেও তাহার ভক্তিতে আকৃষ্ট হইয়া তাঁহার গুরুদেব (ঈশ্বর পুরী) কৃপা করিয়া তাহাকে সেবক করিলেন। (২৪)

---

(২৪) শ্রীচৈ-চ—মধা। ১০ম।

মহাপ্রভু ঐ কথা বলিয়া গোবিন্দকে আলিঙ্গন করিলেন

৪৬ । সম্যাসীর পক্ষে রাজ-দর্শন নিষিদ্ধ ।

একদিন সার্কভোম মহাপ্রভুকে বলিলেন  
“পভো! যদি অভয় দেন তবে একটি বিষয়  
নিবেদন করি ।” প্রভু বলিলেন “কোনও ভয় নাই,  
আপনি বলুন । যোগ্য হইলে উহা পালন করিব

---

এবং সার্কভোমকে বলিলেন “আপনি বিচার করুন । আমার  
গুরুর কিঙ্কর আমার মাতা । অতএব তাহাকে আমার নিজের  
সেবায় কি প্রকারে নিযুক্ত করিতে পারি? এদিকে আমার  
গুরুদেব যে আদেশ করিয়াছেন, তাহাও বা কি প্রকারে লঙ্ঘন  
করি?” আমি এখন কি উপায় করি বলুন ।” শুট্টাচাষা  
বলিলেন “গুরু-আজ্ঞা বলবান । শাস্ত্রানুসারে গুরু আজ্ঞা কখনও  
লঙ্ঘন করিতে নাই ।”

ঈশ্বর—শাস্ত্রমতে গুরুতে ও ঈশ্বরে ভেদ নাই । একারণ  
মহাপ্রভু তাঁহার গুরুদেব ঈশ্বর পুরীকে ঈশ্বর স্থানীয় মনে  
করিয়া স্ব-শাস্ত্র-নিয়মের অধীন নহেন, তিনি কেবল  
ঈশ্বরই অধীন ইহাই বলিহেঁছেন ।

এবং অযোগ্য হইলে পালন করিব না ।” সার্বভৌম বলিলেন “রাজা প্রতাপরুদ্র রায় আপনার সহিত মিলিত হইবার জন্য অত্যন্ত উৎকণ্ঠিত হইয়াছেন ।” প্রভু কর্ণে হস্ত দিয়া বলিলেন “নারায়ণ, নারায়ণ, সার্বভৌম ! আপনি এরূপ অযোগ্য বচন কেন বলিলেন ? আমি সংসার-বিরক্ত সন্ন্যাসী, আমার পক্ষে শ্রী-দর্শন (অর্থাৎ সংলাপাদি পূর্বক দর্শন) যেরূপ দৃষ্যীয়, রাজ-দর্শনও তদ্রূপ ।” (২৫)

“সন্ন্যাসী বিরক্ত আমার রাজ-দর্শন ।

• শ্রী-দর্শন সম বিষের ভক্ষণ ।

‘নিষ্ক্রিয়নস্ত ভগবন্তু জনোন্মুখস্ত

পারং পর জিগমিষোর্ভবসাগরস্ত ।

সন্দর্শনং বিষয়িণামথ যোষিতাঞ্চ

হা হস্ত হস্ত বিষভক্ষণতোহুপাসাধুঃ ॥” (২৬)

সার্বভৌম বলিলেন “প্রভো! আপনি যাহা বলিতেছেন তাহা সত্য কিন্তু রাজা বিষয়ী হইলেও তিনি শ্রীজগন্নাথদেবের সেবক ও একজন উত্তম ভক্ত। একরূপ ভক্তকে দর্শন করিলে কোনও দোষ হইতে পারে না।” প্রভু উত্তর করিলেন “রাজা জগন্নাথ সেবক ও ভক্ত হইলেও সম্যাসীর পক্ষে কালসর্পাকার। কাষ্ঠের নারীমূর্তি স্পর্শ করিলেও যেরূপ চিত্তবিকার উপস্থিত হয় সেইরূপ সম্যাসী হইয়া রাজ-দর্শন করিলে বিশেষ কনিষ্ঠ ঘটে।

(২৬) শ্রীচৈতন্যচন্দ্রোদয় নাটক—সার্বভৌমের প্রতি মহাপ্রভুর বাক্য। ৮। ২৪

সংসার সাগরের পর পারে যাইতে ইচ্ছুক নিকাম (সমস্ত বিসর্জনকারী) কৃষ্ণসেবাপরায়ণ ব্যক্তিদিগের পক্ষে কৃষ্ণেতর বিষয়সেবাপরায়ণ ব্যক্তি ও স্ত্রীদর্শন, বিষভক্ষণ অপেক্ষাও অকলাগকর। (খেদের সহিত মহাপ্রভু এই উক্তি করিলেন।)



‘আকারাদপি ভেতব্যঃ স্ত্রীণাং বিষয়িণামপি ।  
 যথাহেমনসঃ কোভস্তথা তস্মাকৃতেরপি’ ॥(২৭)॥

---

৪৭ । নিরন্তর কৃষ্ণনাম-কীর্তনের ফল ।

গৌড়দেশ হইতে রথযাত্রা উপলক্ষে বহু ভক্তগণ  
 নীলাচলে আসিলেন । রাজা প্রতাপরুদ্র সমাগত  
 বৈষ্ণবদিগের বাসাবাটীর ও প্রসাদায়ের উপযুক্ত  
 ব্যবস্থা করিয়া দিলেন । গোপীনাথ আচার্য্য (সার্বভৌম-  
 ভোমের ভগিনীপতি) সকলকে বাসা দেখাইয়া

(২৭) শ্রীচৈতন্যচন্দ্রোদয় নাটক—৮। ২৫ ।

(সার্বভৌমের প্রতি মহাপ্রভুর উক্তি) বেমন সর্প ও  
 তাহার আকৃতি দেখিলেও মনে কোভ অর্থাৎ ভয় ভঞ্জে সেইরূপ  
 স্ত্রী ও বিষমী লোকের কৃত্রিম আকার দেখিলেও ভয় হয়

দিলেন । ঐ সমস্ত ভক্তগণের সহিত হরিদাস ও  
আসিয়াছেন । মহাপ্রভুকে দেখিয়া হরিদাস দণ্ডবৎ  
হইয়া পড়িলেন । প্রভু তাঁহাকে উঠাইয়া আলিঙ্গন  
করিলেন । হরিদাস বলিলেন “আমি নীচ জাতি  
অস্পৃশ্য ও পামর । আপনি আমাকে স্পর্শ করিবেন  
না ।” প্রভু বলিলেন “হরিদাস ! আমি নিজে  
পবিত্র হইবার জন্মই তোমাকে স্পর্শ করিলাম ।  
তোমার পবিত্রতা আমাতে নাই । তুমি নিরন্তর  
কৃষ্ণনাম করিতেছ বলিয়া তুমি প্রতিফলিত করি-  
তীর্থে স্নান যজ্ঞ তপ দান ও বেদ অধ্যয়নের ফললাভ  
করিতেছ এবং তুমি ব্রাহ্মণ ও শূদ্রাসমী হইতে  
পরম পবিত্র । (২৮)

‘অহোবত শপচোহতো গরীয়ানু,  
যজ্ঞহরাগ্রে বর্জ্যতে নাম তুভ্যং ।

তেপুস্তপস্তে জুহবুঃ সম্মুখায়া  
ব্রহ্মানুচূর্ণাম গৃণন্তি যে তে' ॥" (২২)

৪৮। গৃহস্থ বিষয়ী লোকের সাধন-উপদেশ  
ও বৈষ্ণবের ক্রম নির্ণয় ।

রথযাত্রা উপলক্ষে গোড়দেশ হইতে বৈষ্ণবগণ

(৯৯) ভাগবত—৩। ৩৩। ৮

মাতা দেবহৃতি পুত্র কপিলকে বলিতেছেন—বাহার  
জিহ্বাগ্রে আপনার নাম বর্ত্তমান সেই ব্যক্তি নীচ কুলোদ্ভূত  
হইলেও শ্রেষ্ঠ । যাঁহারা আপনার নাম উচ্চারণ করেন তাঁহারা  
তপস্তা করিয়াছেন, যজ্ঞ করিয়াছেন, সৎকর্ত্তার্থে শ্রান করিয়াছেন-  
তাঁহারা আৰ্য্য বলিয়া পরিগণিত ও এবং বেদ অধ্যয়ন করিয়া-  
ছেন ।

নীলাচলে আসিয়া রথযাত্রার পর আরও কিছুদিন তথায় বাস করিবার পর মহাপ্রভু তাঁহাদিগকে গোড়দেশে প্রত্যাবর্তন করিতে আজ্ঞা দিলেন । বৈষ্ণবগণ একে একে প্রভুব সহিত সাক্ষাৎ করিয়া তাঁহার অনুমতি লইয়া রওনা হইতেছেন । ঐ সময়ে গৃহস্থ বৈষ্ণব রামানন্দ ও তাঁহার পিতা সত্যরাজ প্রভুকে জিজ্ঞাসা করিলেন “প্রভো! গৃহস্থ-বিষয়ীর সাধন সম্বন্ধে উপদেশ প্রার্থনা করি ।” প্রভু বলিলেন “কৃষ্ণসেবা, বৈষ্ণবসেবা এবং নিরন্তর কৃষ্ণনাম সংকীৰ্ত্তন কর” । সত্যরাজ জিজ্ঞাসা করিলেন “প্রকৃত বৈষ্ণব কিরূপে চিনিব ?” প্রভু বলিলেন “যার মুখে একবার কৃষ্ণনাম শুনা যায় সেই বৈষ্ণব এবং সকলের পূজ্য ও শ্রেষ্ঠ” । গোড়দেশস্থ বৈষ্ণবগণ তৃতীয় বৎসর নীলাচলে রথযাত্রা উপলক্ষে গমন করিলেন । তাঁহারা তথায় চাতুৰ্ম্মাস্ত্র সমাপন করিয়া স্বদেশাভিমুখে ফিরিবার আয়োজন করিলেন । ঐ

সময়ে কুলীনগ্রামবাসী সত্যরাজ ও রামানন্দ পূর্ববৎ মহাপ্রভুকে বলিলেন “প্রভো ! আমাদের কৰ্ত্তব্য সাধন সম্বন্ধে আজ্ঞা করুন।” প্রভু উত্তর করিলেন “বৈষ্ণবসেবা ও নাম-সঙ্কীৰ্ত্তন কর। এই দুই কার্য করিলে শীঘ্রই শ্রীকৃষ্ণ-চরণ পাইবে।” তাঁহারা জিজ্ঞাসা করিলেন “বৈষ্ণব কে এবং তাঁহার লক্ষণ কি?” তবে প্রভু তাঁহাদিগের মনোভাব বুঝিতে পারিয়া দ্বিষৎ হস্ত করতঃ বলিলেন “যাহার মুখে নিরন্তর কৃষ্ণনাম, সেই বৈষ্ণবশ্রেষ্ঠ।” পর বৎসরে তাঁহারা প্রভুকে ঐরূপ প্রশ্ন করিলে মহাপ্রভু উত্তর করিলেন “যাহার দর্শন মাত্রেই দর্শকের মুখে আপনা হইতেই কৃষ্ণনাম আইসে তাঁহাকে বৈষ্ণব-প্রধান বলিয়া জানিও।” মহাপ্রভুর ক্রমান্বয়ে তিন বৎসরের উপদেশ বিচার করিলে দেখা যায় ঐ উপদেশ বাক্যে বৈষ্ণব (একবার কৃষ্ণনামে) বৈষ্ণবতর (নিরন্তর কৃষ্ণনামে) এবং বৈষ্ণবতত্ব

( ষাঁড়ার দর্শনে মুখে আপনা হইতেই কৃষ্ণনাম  
আহসে ) এই তিন প্রকার বৈষ্ণবের ক্রম ও শ্রেণী  
বিভাগ পাওয়া যায় । ”

তবে রামানন্দ আর সত্যরাজ খান ।  
প্রভুর চরণে কিছু করে নিবেদন ॥  
“গৃহস্থ বিষয়ী আমি কি মোর সাধনে ।  
শ্রীমুখে আজ্ঞা করেন নিবেদি চরণে ॥”  
প্রভু কহে “বৈষ্ণবসেবা কৃষ্ণের সেবন ।  
নিরন্তর কর কৃষ্ণনাম সঙ্গীর্তন ॥”  
সত্যরাজ কহে “বৈষ্ণব চিনিব কেমনে ।  
কে বৈষ্ণব বহু তার সামান্য লক্ষণে ॥”  
প্রভু কহে “যা’ব মুখে শুনি একবাব ।  
কৃষ্ণনাম, সেই পূজা শ্রেষ্ঠ সবাকার ॥  
এক কৃষ্ণনামে করে সর্ব পাপক্ষয় ।  
নববিধ ভক্তিপূর্ণ নাম হইতে হয় ॥

দীক্ষা পুরশ্চর্যা বিধি অপেক্ষা না করে ।

জিহ্বাস্পর্শে আচণ্ডালে সভারে উদ্ধারে ॥

অনুমঙ্গ ফলে করে সংসারের ক্ষয় ।

চিত্ত আকর্ষণ করে কৃষ্ণ-প্রেমোদয় ॥

‘আকৃষ্টিঃ কৃতচেতসাং স্তমনসামুচ্চাটনং চাংহসা

মাচণ্ডালমমুকলোকস্থলভো বশ্যশ্চ মুক্তিপ্রিয়ঃ ।

নো দীক্ষাং ন চ সংক্রিয়াং ন চ

পুরশ্চর্য্যাবিধিমনাগীকৃতে

মদ্রোহয়ং রসনাস্পৃগেব ফলতি

শ্রীকৃষ্ণনামাত্মকঃ ॥’ (১০০)

(১০০) শ্রীচৈ-চ—মধ্য। ১১শ।

• • শ্রীকৃষ্ণনামাত্মক এই মন্ত্র জিহ্বা স্পর্শ মাত্রেই ফলদান করে। ইহা দীক্ষা সংক্রিয়া কি পুরশ্চর্য্যার কিঞ্চিৎপ্রাপ্তও অপেক্ষা করে না। ইহা মহৎ ও মনস্বী ব্যক্তিগণের চিত্তকে আকর্ষণ করে। ইহাতে পাপ বিনষ্ট হয়। ইহা চণ্ডাল হইতে আরম্ভ করিয়া সমস্ত অমুক (বাকলজিশালী) লোকের পক্ষে স্থূলভ এবং ইহা মুক্তিরূপ শ্রীশ্রীচৈতন্যের বশীকারক। (পদ্মাবলী)

অতএব যার মুখে এক কৃষ্ণনাম।  
সেই ত বৈষ্ণব, কর তা'র পরম সম্মান ॥” (১)

\* \* \* \*

কুলীনগ্রামী পূর্ববৎ কৈল নিবেদন।  
“প্রভু আজ্ঞা কর আমার কর্তব্য সাধন ॥”  
প্রভু কহে “বৈষ্ণবসেবা নাম সঙ্কীৰ্ত্তন।  
দুই করি’ শীঘ্র পা’বে শ্রীকৃষ্ণচরণ ॥”  
তিঁহো কহে “কে বৈষ্ণব কি তা’র লক্ষণ।”  
তবে হাসি কহে প্রভু জানি তা’র মন ॥  
“কৃষ্ণনাম নিরন্তর যাহার বদনে।  
সেই বৈষ্ণবশ্রেষ্ঠ, ভজ তাঁহার চরণে ॥”

(১) শ্রীচৈ-চ—মধ্য। ১৫৭।

অনুষ্ঙ্গ ফল—এক উদ্দেশ্যে কাৰ্য্য করিতে যাইয়া  
তাঁহার সহিত সহজেই অল্প ফল পাওয়ার নামই অনুষ্ঙ্গ ফল।  
কৃষ্ণনামের মুখ্য ফল—চিত্ত আকর্ষণ করতঃ শ্রীকৃষ্ণের প্রেমোদয়  
অর্থাৎ প্রেমের উৎপত্তি ইহার অনুষ্ঙ্গ ফল—সংসার-ক্ষয়।



বর্ষান্তরে পুনঃ তা'রা এছে প্রথ কৈল ।

বৈষ্ণবের তারতম্য প্রভু শিখাইল ॥

“যাঁহার দর্শনে মুখে আইসে কৃষ্ণনাম ।

তাঁহারে জানিহ তুমি বৈষ্ণব-প্রধান ॥”

ক্রম করি, কহে প্রভু বৈষ্ণব লক্ষণ ।

বৈষ্ণব, বৈষ্ণবতর, আর বৈষ্ণবতম ॥ (২)

(২) শ্রীচৈ-চ—মধ্য । ১৬শ ।

কুলীনগ্রামী = রামানন্দ ও সত্যরাজ ।

হাসি, প্রভু কহে = প্রভু পূর্ব বারে যে বৈষ্ণবলক্ষণ বলিয়াছিলেন সেইরূপ লক্ষণের বৈষ্ণব পাওয়া এবং তাঁহার সেবাদি করা অসম্ভব বিবেচনা করিয়াই যে ইহারা বৈষ্ণবের বিশেষ লক্ষণ জানিতে ইচ্ছুক হইয়া প্রভুকে জিজ্ঞাসা করিতেছেন, প্রভু ইহা বেশ বুঝিতে পারিয়া হান্ত করিলেন ।

বর্ষান্তরে পুনঃ তারা এছে প্রথ কৈল = প্রভুর দ্বিতীয় বারের উপদেশ অনুসারে বৈষ্ণব চিনিয়া লওয়া অসম্ভব বোধে (কারণ নিরন্তর কৃষ্ণনাম লয় এরূপ লোক অসংখ্য দেখা যায়, ইহাদের সেবা অসম্ভব ) ইহারা পুনরায় প্রশ্ন করিলেন ।

## ৪৯। মর্কট-বৈরাগ্য বর্জজনীয়।

মহাপ্রভু গোড়দেশের মধ্য দিয়া গঙ্গাতীরের  
পথে শ্রীবৃন্দাবন যাইবেন মনস্থ করিয়া নীলাচল  
হইতে রওনা হইয়া রামকেলি গ্রাম পর্য্যন্ত যাইয়া  
তথায় রূপ ও সনাতনের সহিত সাক্ষাৎ করিয়া তথা  
হইতে প্রত্যাবর্তনপূর্ব্বক শাস্তিপুরে অদ্বৈত-ভবনে  
উপস্থিত হইলেন। ঐ সময়ে বালক রঘুনাথ দাস  
আসিয়া প্রভুর সহিত মিলিত হইলেন এবং তথায়  
সাত দিন প্রভুর সঙ্গে বাস করিলেন। রঘুনাথের  
পিতা গোবর্দ্ধন বহু লোক ও দ্রব্য রঘুনাথের সঙ্গে  
দিয়াছিলেন। গোবর্দ্ধন ও তাঁহার সহোদর হিরণ্যর  
ভূসম্পত্তিতে বাৎসরিক তের লক্ষ টাকা লাভ হইত।  
রঘুনাথের সহিত প্রেরিত লোকসমূহের মধ্যে রক্ষকও  
অনেক ছিল। রক্ষকের হস্ত হইতে কিরূপে নিষ্কৃতি  
পাইবেন এবং প্রভুর সহিত নীলাচলে যাইবেন

শাস্তিপুরে অবস্থিতকালে রঘুনাথ দিবারাত্রি কেবল  
ইতাই চিন্তা করিতেন। সৰ্ব্বজ্ঞ শ্রীগোরাঙ্গ তাঁহার  
মনের ভাব জানিতে পারিয়া শিক্ষারূপে তাঁহাকে  
এই আশ্বাস-বচন বলিলেন :—

“স্থির হৈয়া ঘরে যাও না হও বাতুল ।

ক্রমে ক্রমে পায় লোক ভবসিন্ধুকূল ॥

মৰ্কট-বৈরাগ্য না করিহ লোক দেখাইয়া ।

যথাযোগ্য বিষয় ভুঞ্জ অনাসক্ত হৈয়া ॥

অন্তনিষ্ঠা কর, বাছে লোক ব্যবহার ।

অচিরাতে কৃষ্ণ তোমায় করিবেন উদ্ধার ॥

বৃন্দাবন দেখি যবে আসিব নীলাচলে ।

তবে তুমি আমা পাশ আসিহ কোন ছলে ॥

সেকালে সে ছল কৃষ্ণ ক্ষুরাবে তোমায়ে ।

কৃষ্ণ কৃপা যারে, তা'রে কে রাগিতে পারে ॥” (৩)

(৩) শ্রীচৈ-চ—মধ্য। ১৬শ।

মৰ্কট বৈরাগ্য = বহিবৈরাগ্য।

৫০। উত্তম হইয়াও আপনাকে হীন  
মনে কারবার ফল।

মহাপ্রভু গোড়দেশ হইতে নীলাচলে প্রত্যাবর্তন পূর্বক রামানন্দ প্রভৃতি ভক্তগণকে বলিলেন “আমি রামকেলি গ্রামে উপস্থিত হইলে, রূপ ও সনাতন দুই ভাই আমার সহিত মিলিত হইলেন। ইহারা ভক্তশ্রেষ্ঠ, অতএব কৃষ্ণের রূপাপাত্র। ইহারা যদিও রাজমন্ত্রী এবং বিদ্যা ভক্তি ও বুদ্ধিবলে পরম প্রবীণ তথাপি আপনাদিগকে তূণ হইতে হীন মনে করেন। ইহাদের দৈন্ত্য দেখিয়া ও অনিয়া পাষণ্ড বিদীর্ণ হয়। আমি ইহাদিগের ব্যবহারে ও আচরণে তুষ্ট হইয়া ইহাদিগকে বলিলাম :—

“উত্তম হঞা হীন করি মান আপনারে।

অচিরে করিবে কৃষ্ণ তোমার উদ্ধারে ॥” (৪)

## ৫১। মায়াবাদী কৃষ্ণ-অপরাধী ।

নীলাচল হইতে বনপথে বৃন্দাবনে যাইবার জন্ত মহাপ্রভু যাত্রা করিলেন । এবং কয়েক দিবস পরে বরাণসীধামে আসিয়া উপস্থিত হইলেন । জৈনিক ব্রাহ্মণ প্রভুর অলৌকিক ব্যবহার দেখিয়া প্রকাশানন্দ সরস্বতীকে তাঁহার চরিত্র সম্বন্ধে বলিলে প্রকাশানন্দ অনেক হাস্য কোতুক ও প্রভুর অশেষ প্রকার নিন্দা করিলেন । ইহা শুনিয়া ব্রাহ্মণ অত্যন্ত দুঃখিত হইয়া প্রভুর নিকটে আসিয়া প্রকাশানন্দের কুৎসিত আচরণ সম্বন্ধে তাঁহাকে বলিলেন । ইহা শুনিয়া প্রভু ঈষৎ হাসিলেন । সেই ব্রাহ্মণ বলিলেন “যখন তাঁহার নিকট আমি আপনার (শ্রীকৃষ্ণচৈতন্য) নাম লইলাম, তিনিও আপনার নাম জানেন বলিলেন । আপনার দোষ কীৰ্ত্তন করিতে যাইয়া ‘চৈতন্য, চৈতন্য’ বলিয়া তিনবার আপনার নাম উচ্চারণ করেন কিন্তু

একবারও আপনার নামের প্রথমাংশ ‘শ্রীকৃষ্ণ’ তাঁহার মুখে আসিল না। প্রকাশানন্দ অবজ্ঞার সহিত আপনার নাম লইলেন, ইহা শুনিয়া দুঃখিত হইলাম। ঐ ব্যক্তির এবস্থিধ আচরণের কারণ কৃপাপূর্বক আমাকে বলুন। আপনাকে দেখিয়া আমার মুখ কৃষ্ণনাম উচ্চারণ করিতেছে।”

প্রভু বলিলেন “প্রকাশানন্দ মায়াবাদী (যাঁহারা সমস্ত সৃষ্ট পদার্থ মায়িক অর্থাৎ মিথ্যা বলেন তাঁহাদিগকে মায়াবাদী বলে) অতএব কৃষ্ণ-অপরাধী। সচ্চিদানন্দ শ্রীকৃষ্ণ-বিগ্রহকে জগতাদির ন্যায় মিথ্যা বলায় মায়াবাদিগণ কৃষ্ণবিষয়ক অপরাধী (অর্থাৎ কৃষ্ণ সম্বন্ধে অপরাধযুক্ত) সুতরাং ইহাদের মুখে কখনই কৃষ্ণনাম উচ্চারিত হয় না। এইজন্য ইহারা ঈশ্বরকে ব্রহ্ম, আত্মা, চৈতন্যাদি বলিয়া থাকেন। কৃষ্ণের নাম ও স্বরূপ এই দুইটি সমান (অপ্রাকৃত বস্তু)। কৃষ্ণের স্বরূপ যেমন প্রাকৃত চক্ষুদ্বারা দৃষ্ট হয়

না, সেইরূপ কৃষ্ণনাম প্রাকৃত জিহ্বা দ্বারা উচ্চারণ করা যায় না, এইজন্যই মায়াবাদী প্রকাশানন্দের প্রাকৃত জিহ্বায় কৃষ্ণনাম আসে না । শ্রীকৃষ্ণের নাম, বিগ্রহ, স্বরূপ, এই তিনটাই চিদানন্দময় ( চিৎস্বরূপ ) বিদ্যায় এই তিনটির মধ্যে ভেদ নাই । কৃষ্ণের দেহ ও দেহীতে, নাম ও নামীতে ভেদ নাই, কারণ কৃষ্ণের দেহ, নাম ইত্যাদি সমস্তই চিৎস্বরূপ । কিন্তু জীবের তাহা নহে । জীবের নাম, দেহ ও স্বরূপ, পরস্পর বিভিন্ন । প্রাকৃতোদ্ভূত দ্বারা প্রাকৃত (কড়) বস্তুরই অনুভূতি হয় । উহা দ্বারা কৃষ্ণের অপ্রাকৃত (চিৎস্বরূপ) গুণ লীলাদি কখনও অনুভব করা যায় না কিংবা তাঁহার অপ্রাকৃত নাম প্রাকৃত জিহ্বা দ্বারা উচ্চারণ করা যায় না । কৃষ্ণনামাদি প্রাকৃতোদ্ভূত গ্রাহ্য নহে বটে কিন্তু ঐ নামাদি গ্রহণ করিতে অভ্যাস করিতে করিতে ক্রমশঃ আপনা ইহাতেই স্ফুর্তি পায়, কারণ ক্রমাগত নামোচ্চারণের ফলে প্রাকৃত জিহ্বা অপ্ৰা-

কৃত হইয়া যায় । কৃষ্ণের লীলাবস ব্রজজ্ঞানীকে আকর্ষণ করে একারণ ইহা ব্রজানন্দ হইতে অধিক আনন্দ দান করে । ব্রজানন্দ অপেক্ষা কৃষ্ণগুণ লীলাদি অধিকতর আনন্দ দেয়, অতএব ইহা আত্মারামেরও মন আকর্ষণ করে । যখন কৃষ্ণের চরণস্থিত তুলসীর গন্ধ আত্মারাম জ্ঞানীরও মন হরণ করে তখন কৃষ্ণের গুণ ও লীলার মহিমার বিষয় আর কি বলিব ? ব্রজানন্দ কৃষ্ণ অপরাধী বলিয়া তাঁহার প্রাকৃত মুখে কৃষ্ণনাম আইসে না । আত্মারাম জ্ঞানীগণ অপরাধী নহেন বলিয়া কৃষ্ণনামাদি তাঁহাদিগকে আকর্ষণ করিতে পারে, কিন্তু মারাবাদীগণ কৃষ্ণ সম্বন্ধে মহা অপরাধী বলিয়া কৃষ্ণের নামাদি তাঁহাদিগকে আকর্ষণ করিতে পারে না । একারণ তাঁহারা কৃষ্ণনামাদি গ্রহণে অসমর্থ । ৫)



## ৫২ । মহাজনাবলম্বিত পথ ।

মহাপ্রভু বারানসী ধাম হইতে এয়াগে এবং তথা হইতে মথুরায় গেলেন । তথায় শ্রীমাদ-  
বেদ্র পুরীর শিষ্য অনৈক মনোভিদ্ধা অথাৎ সুবর্ণ-  
বণিকের ব্রাহ্মণ তাঁহাকে নিদ্রাগমে লইয়া আনিলেন  
এবং তাঁহার সঙ্গী বলভদ্র ঙ্গটাচাখা দ্বারা রক্ষন  
করাইলেন । কিন্তু মহাপ্রভু হানিয়া এই ব্রাহ্মণকে  
বলিলেন “পুরী গোঁসাত্রে যখন আপনার ঘরে ভিক্ষা  
(ভোজন) করিয়াছেন তখন আনার আমাকে ভিক্ষা  
দিন । ইহাতে আমার শিক্ষা হইবে ।”

যদ্যদাচরতি শ্রেষ্ঠশ্রুতদেবেতরো জনঃ ।

স যঃ প্রমাণং কুরুতে লোকশ্রুতানুবর্ততে ॥ (৬)

(৬) গীতা—৩।২১। শ্রীকৃষ্ণ অঙ্গুনকে বলিতেছেন :—

শ্রেষ্ঠ ব্যক্তি যাহা যাহা করেন, অস্ত্রান্ত্র লোকেও তাহা  
তাহা করে । তিনি যাহা প্রমাণ্য বলিয়া মানেন, লোকেও  
তাহারই অনুবর্তন করে ।

মনোড়িয়া ব্রাহ্মণের ঘরে সন্ন্যাসীরা ভোজন করেন না বটে কিন্তু পুরী গোসাঞি তাঁহার বৈষ্ণবাচার দর্শনে তাঁতাকে শিষ্য করিলেন এবং তাঁহার ঘরে ভোজন করিলেন। ব্রাহ্মণ বলিলেন “আপনি আমার ঘরে ভিক্ষা করিবেন ইহা আমার বড় ভাগ্যের কথা। আপনি ঈশ্বর, আপনি লৌকিক বিধির অধীন নহেন। কিন্তু দুষ্ট ও মূর্থ লোকে আপনার নিন্দা করিবে। প্রভো! ইহা আমার পক্ষে অসহ্য হইবে।”

প্রভু কহে “শ্রুতি স্মৃতি যত ঋষিগণ।

সব একমত নহে ভিন্ন ভিন্ন ধর্ম ॥

ধর্ম স্থাপন হেতু সাধু ব্যবহার।

পুণী গোসাঞির আচরণ সেই ধর্ম সার ॥ (৭)

‘তর্কোহপ্রতিষ্ঠাঃ শ্রুতয়ো বিভিন্না  
 নাসাবৃষিষ্যন্ত মতং ন ভিন্নং ।  
 ধর্মস্য তত্ত্বং নিহিতং গুহায়াং  
 মহাজনো যেন গতঃ স পন্থাঃ ॥’

৫৩। মুসলমান শাস্ত্রোক্ত গুঢ় তত্ত্ব কথন।

মহাপ্রভু মথুরা হইতে প্রয়াগে যাত্রা করিলেন।

---

(৮) তর্ক অপ্রতিষ্ঠিত অর্থাৎ তর্ক করিয়া কখনও কর্তব্য-  
 কর্তব্য স্থিরীকৃত হয় না। শ্রুতিগণও বিভিন্ন অর্থাৎ অধিকার  
 ভেদে বিভিন্ন পথপ্রদর্শক। বাহ্যর একটী ভিন্ন মত নাই তিনি  
 ঋষিপদবাচ্যই নহেন। ধর্মের গুঢ়তত্ত্ব গিরিগুহায় নিহিত  
 অর্থাৎ অতীব প্রচ্ছন্ন। অতএব মহাজনগণ যে পথে গমন  
 করিয়াছেন সেই পথই সাধারণ লোকের অবলম্বনীয়।

তাহার সঙ্গীদিগের পথশ্রান্তি দেখিয়া তাঁহাদিগকে লইয়া তিনি এক বৃক্ষতলে বসিলেন। নিকটে অনেক গাভী চরিতেছে দেখিয়া তাঁহার মন উল্লসিত হইল। আর্চাষত এক গোপ বংশী বাজাইল। ইহা শুনিয়াই প্রভুর প্রেমাবেশ হইল এবং তিনি অচেতন হইয়া ভূমিতে পড়িলেন। তাঁহার মূখে ফণ উঠিল ও শ্বাসরুদ্ধ হইল। এই সময়ে কতিপয় অশ্বারোহী ঐ স্থানের নিকট দিয়া যাইতে-ছিলেন। মহাপ্রভুর এইরূপ অবস্থা দেখিয়া তাঁহার ধনাদি লইবার উদ্দেশ্যে তাঁহাকে তাঁহার সঙ্গীগণ (যাঁহাদিগকে এই স্নেহগণ' দৃশ্য বলিয়া মনে করিয়াছিলেন) ধৃত্বা খাওয়াইয়া মারিয়া ফেলিয়াছে ইহারা এইরূপ মনে করিয়া তাঁহাদিগকে বান্ধিয়া ফেলিলেন। কিছুক্ষণ পরে মহাপ্রভু সজাল'ভ করিলেন এবং প্রকৃত ঘটনা স্নেহদিগকে বলিলেন। উহারা মহাপ্রভুর প্রেমাবেশ দেখিয়া তাঁহার চরণ

বন্দনা করিলেন। উহাদিগের মধ্যে কাল বস্তু পরিধানকারী গম্ভীর প্রকৃতির (যাঁহাকে অপর সকলে পীর বলিয়া সম্বোধন করিতেছেন) জনৈক স্নেহের মহাপ্রভু দর্শনে চিত্ত আর্দ্র হইল। ঐ ব্যক্তি নিজ-শাস্ত্র (অর্থাৎ কোরাণ) আলোচনা করিয়া নিব্বিশেষ (অর্থাৎ অপ্রাকৃত চিহ্ন, আকারাদি বিহীন) ব্রহ্ম স্থাপনা করিলেন। তাঁহারই শাস্ত্রযুক্তি দ্বারা মহাপ্রভু ঐ মত খণ্ডন করিলেন। স্নেহ বাহা, বাহা বলেন প্রভু তাহা সমস্ত খণ্ডন করায় তাঁহার মুখে আর উত্তর আসিল না এবং তিনি একেবারে নিস্তক হইলেন।

মহাপ্রভু বলিলেন “আপনার শাস্ত্র প্রথমতঃ নিব্বিশেষ অপ্রাকৃত ব্রহ্মের কথা বলিয়া অবশেষে লবিশেষ (অর্থাৎ চিহ্ন আকারযুক্ত) ব্রহ্ম স্থাপনা করিয়াছেন। আপনার শাস্ত্রশেষে বলিয়াছেন ‘একই জীব, তিনি সর্বৈশ্বর্য, শ্রাম কলেবর, সচ্চিদানন্দদেহ,

পূর্ণব্রহ্মরূপ, সৰ্বাত্মা, সৰ্বজ্ঞ, নিত্য, সৰ্বাদিস্বরূপ।  
 তাঁহা হইতে সৃষ্টি স্থিতি প্রলয় হয়। তিনি জগতের  
 স্থূল সূক্ষ্ম সমস্ত বস্তুরই সমাপ্রিয়। তিনি সৰ্বাশ্ৰেষ্ঠ,  
 সৰ্বারাধা ও কারণের কারণ। তাঁহার ভক্তিতে  
 জীব সংসার হইতে উত্তীর্ণ হয়। তাঁহার চরণে  
 প্রীতি (অর্থাৎ অনুরাগ) পুরুষার্থসার। তাঁহার  
 চরণ সেবায় পূর্ণানন্দ প্রাপ্তি (মোক্ষাদি আনন্দ  
 যাঁহার এক কণাও নহে) হয়'। আপনার শাস্ত্র  
 প্রথমতঃ কৰ্ম, জ্ঞান ও যোগ স্থাপনা করিয়া অবশেষে  
 ঐ সমস্ত খণ্ডন করতঃ ঈশ্বরসেবা অর্থাৎ 'এবাদৎ'  
 (দিব্যরাত্রি পাঁচবার নমাজাদি দ্বারা ঈশ্বরসেবা)  
 স্থাপনা করিয়াছেন। আপনাদিগের মধ্যে যাঁহার  
 পণ্ডিত বলিয়া খ্যাত তাঁহাদিগের শাস্ত্রজ্ঞান নাই।  
 শাস্ত্রের পূর্ববিধি ও অপর (অর্থাৎ দ্বিতীয় বা শেষ)  
 বিধি মধ্যে অপর বিধিই বলবান। অতএব আপ-  
 নার শাস্ত্রে কৰ্ম জ্ঞান যোগাদি সম্বন্ধে যে পূর্ব বিধি

আছে তদপেক্ষা অপর অর্থাৎ ভক্তিবিধিই শ্রেষ্ঠ।  
আপনি নিজ শাস্ত্র বিচার করিয়া দেখুন উহাতে শেষে  
বিচার পূর্বক কি লিখিত হইয়াছে।\*

য়েচ্ছ বলিলেন “অতঃপনি যাচা বলিলেন তাহাই  
প্রকৃত। আমাদের শাস্ত্রের গূঢ় মর্ম গ্রহণ করিতে  
অসমর্থ হইয়া আমাদেয় পণ্ডিতগণ ঈশ্বরকে নিব্বিশেষ  
বলিয়া ব্যাখ্যা করিয়া থাকেন। ‘সাকার ( অর্থাৎ  
অপ্রাকৃত চিগ্ন-আকার বিশিষ্ট ) ঈশ্বরট সেব্য,  
এতৎসম্বন্ধে কাহারও জ্ঞান নাই।” \*

\* শ্রীচৈ-৫—মধ্য। ১৮শ।

কুলমান শাস্ত্রে লিখিত আছে যে মহানন্দ সপ্তম স্বর্গে ঈশ্বরের  
পূর্ণ বিগ্রহ দর্শন করেন।

নিব্বিশেষ ব্রহ্মের প্রতি ভক্তি করা কি তাহার সেবা  
করা অসম্ভব।

শ্রীশ্রীরামকৃষ্ণ উপদেশ ।

স্বামী ব্রহ্মানন্দ সংকলিত ।

( লক্ষ্মীনারায়ণ-স্মৃতি )

বৈশাখ, ১৩২০ ।

লক্ষ্মীনিবাস, বাগবাজার ।

কলিকাতা ।



কলিকাতা ।

১২, ১৩ নং গোপালচন্দ্র নিয়োগীর লেন,

উদ্বোধন কার্যালয় হইতে

ব্রহ্মচারী কপিল

কর্তৃক প্রকাশিত ।

All rights reserved.

কলিকাতা,

৬৪১১ ও ৬৪১২ নং হুন্সিয়া ষ্ট্রীট,

“লক্ষী প্রিন্টিং ওয়ার্কস্” হইতে

ত্রিভুজচন্দ্র ঘোষ দ্বারা মুদ্রিত ।

## শ্রী শ্রীরামকৃষ্ণ

জয়তি ।

অধুনাতন ধর্ম্মানুসন্ধিৎসু বঙ্গবাসীর নিকট ভগবান্  
শ্রীশ্রীরামকৃষ্ণদেবের অমৃতময় উপদেশসমূহ নিত্য-  
পাঠ্য বলিয়া পরিগণিত হইতেছে । সনাতন আর্ধ্য-  
ধর্ম্মের মূল সূত্রগুলি প্রথমে উপনিষদ, যোগবাশিষ্ঠ,  
গীতা প্রভৃতি শাস্ত্রে ও পরে নানা পৌরাণিক গ্রন্থে  
লিপিবদ্ধ পাওয়া যায়, কিন্তু নিরন্তর বঙ্গবাসীর  
অল্প-চিন্তায় দিন অতিবাহিত করিয়া শাস্ত্র পাঠ  
পূর্ব্বক জ্ঞান-লাভ করিবার অবসর বা অধ্যবসায়,  
হুয়েরই বিশেষ অভাব । আমাদের বিশ্বাস, ভগবান্  
শ্রীশ্রীরামকৃষ্ণদেবের অস্তরঙ্গ মহাশিষ্ট্য পরমারাধ্য  
স্বামী ব্রহ্মানন্দের নিকট হইতে প্রাপ্ত মানবকল্যাণকর  
এই উপদেশসমূহ সেই অভাব পূর্ণ করিবে ও

বাক্সালীর নীরস অবসাদপূর্ণ জীবনে ঈশ-প্রেমের  
 স্র-তরঙ্গিণী শতধারে প্রবাহিত করিয়া উহাকে  
 অমৃতময় করিয়া তুলিবে। সেই বিশ্বাসের বশবর্তী  
 হইয়াই আমাদের স্বর্গগত পরমারাধ্য ধর্মপ্রাণ  
 পিতৃদেব ৮লক্ষ্মীনারায়ণ দত্ত মহাশয়ের স্মৃতি-স্বরূপ  
 এই গ্রন্থ ত্রিতাপ-তাপিত কয়েকটি স্বজাতির হস্তে  
 নিত্য-পাঠের জন্য তদীয় অধম সন্তানদ্বয় কর্তৃক  
 প্রদত্ত হইল।

১৩২০	}	শ্রীশ্রীরামকৃষ্ণচরণে সতত প্রণত
বৈশাখী শুক্লা-ত্রয়োদশী		শ্রীহরিপদ দত্ত
লক্ষ্মী-নিবাস,		ও
বাগবাজার, কলিকাতা।		শ্রীকিরণচন্দ্র দত্ত।


# সূচীপত্র ।


বিষয় ।	পৃষ্ঠা ।
আত্মজ্ঞান ...	১
ঈশ্বর ...	৬
মায়ী ...	৯
অবতার ...	১৫
জীবের অবস্থাভেদ ...	১৬
গুরু ...	২৪
ধর্ম উপলব্ধির বস্তু, পাঠ বা বিচারের বস্তু নয় ...	২৯
সংসার ও সাধন ...	৩৫
সাধনের অধিকারী ...	৪৫
বিভিন্ন প্রকারের সাধক ...	৫০
সাধনের বিষয় ...	৫৩
সাধনের সহায় ...	৭৩
সাধনে অধ্যবসায় ...	৭৮

বিষয়			পৃষ্ঠা।
ব্যাকুলতা	...	...	৮৪
ভক্তি ও ভাব	...	...	৮৭
ধ্যান	...	...	৯০
সাধন ও আহার	...	...	৯১
ভগবৎকৃপা	...	...	৯২
সিদ্ধ অবস্থা	...	...	৯৩
সর্বধর্মসম্বন্ধ	...	...	১০৪
কর্মফল	...	...	১০৯
মুগ্ধধর্ম	...	...	১১০
ধর্মপ্রচার	...	...	১১৩

সূচীপত্র সমাপ্ত।











# শ্রী শ্রী রামকৃষ্ণ উপদেশ

## আত্মজ্ঞান ।

১। মানুষ আপনাকে চিন্তে পারলে ভগ-  
বানকে চিন্তে পারে। “আমি কে” ভাল রূপ  
বিচার করলে দেখতে পাওয়া যায়, আমি  
বলে কোন জিনিষ নাই। হাত, পা, রক্ত,  
মাংস ইত্যাদি, এর কোনটা আমি? যেমন  
প্যাণ্ডের খোসা ছাড়াতে ছাড়াতে কেবল  
খোসাই বেরোয়, তার কিছু থাকে না, সেই-  
রূপ বিচার করে আমি বলি কিছু পাইনে।

শেষে যা থাকে, সেই আত্মা—চৈতন্য। আমার  
আমিহু দূর হ'লে ভগবান্ দেখা দেন।

২। ছুই রকম আমি আছে ; একটা  
পাকা আমি, আর একটা কাঁচা। আমার  
বাড়ী, আমার ঘর, আমার ছেলে, এগুলো  
কাঁচা আমি ; আর পাকা আমি হচ্ছে, আমি  
তঁার দাস, আমি তঁার সন্তান, আর আমি সেই  
নিত্য-মুক্ত জ্ঞানস্বরূপ।

৩। এক ব্যক্তি তাঁকে বলেছিলেন, “আমার  
এক কথায় জ্ঞান হয়, এমত উপদেশ দিন।”  
তিনি বলিলেন,—“ব্রহ্ম সত্যং জগন্মিথ্যা।”  
এইটী ধারণা কর বলিয়া চুপ করিয়া রহিলেন।

৪। শরীর থাকতে আমার “আমিহু” একে-  
বারে যায় না, একটু না একটু থাকেই;

যেমন নারিকেল গাছের বালুতো খসে যায়,  
কিন্তু দাগ থাকে। কিন্তু এই সামান্য আমিষ  
মুক্তপুরুষকে আবদ্ধ কর্তে পারে না।

৫। নেংটা ভোতাপুরীকে পরমহংসদেব  
জিজ্ঞাসা করিয়াছিলেন যে, তোমার যে অবস্থা,  
তাহাতে রোজ ধ্যান করবার আবশ্যক কি ?  
ভোতাপুরী উত্তরে বলিয়াছিল, ঘটা যদি  
রোজ রোজ না মাজা যায়, তা হ'লে কলঙ্ক  
পড়ে। নিত্য ধ্যান না করলে চিত্ত অশুদ্ধ  
হয়। পরমহংসদেব উত্তরে বলিলেন, যদি  
সোণার ঘটা হয়, তা হ'লে পড়ে না। অর্থাৎ  
সচ্চিদানন্দ লাভ করিলে আর সাধনের  
দরকার নাই।

৬। বিচার দুই প্রকার জান্বে। অনুলোম

ও বিলোম। যেমন খেলেরই মাঝ ও  
মাঝেরই খোল।

৭। আমি বোধ থাক্লে তুমি বোধও থাক্বে।  
যেমন যার আলো জ্ঞান আছে, তার অন্ধ-  
কার জ্ঞানও আছে ;—যার পাপ জ্ঞান আছে,  
তার পুণ্য জ্ঞানও আছে ;—যার ভাল বোধ  
আছে, তার মন্দ বোধও আছে।

৮। যেমন পায়ে জুতা পরা থাক্লে লোকে  
স্বচ্ছন্দে কাঁটার উপর দিয়ে চলে যায়,  
তেমনি তত্ত্বজ্ঞানরূপ আবরণ পরে মন এই  
কণ্টকময় সংসারে বিচরণ করতে পারে।

৯। এক জন সাধু সর্বদা জ্ঞানোন্মাদ অব-  
স্থায় থাক্তেন, কাহারও সহিত বাক্যালাপ  
করুতেন না ; লোকেরা তাঁকে পাগল বলে

জানত । এক দিন লোকালয়ে এসে ভিক্ষা করে এনে একটা কুকুরের উপর বসে সেই ভিক্ষায় নিজে খেতে লাগলেন ও কুকুরকে খাওয়াতে লাগলেন । তাই দেখে অনেক লোক সেখানে এসে উপস্থিত হল, এবং তাদের মধ্যে কেহ কেহ তাঁহাকে পাগল বলে উপহাস করতে লাগল । এই দেখে সেই সাধু লোকদিগকে বলতে লাগলেন, তোমরা হাসিতেছ কেন ?

বিষ্ণুপরি স্থিতো বিষ্ণুঃ

বিষ্ণুঃ খাদতি বিষ্ণবে ।

কথং হাসসি রে বিষ্ণো

সৰ্ব্বং বিষ্ণুময়ং জগৎ ॥



## ঈশ্বর ।

১। ভগবান্ সকলকার ভিতর কিরূপে বিরাজ করেন জান ? যেমন চিকের ভিতর বড়-লোকের মেয়েরা থাকে। তারা সকলকে দেখতে পায়, কিন্তু তাদের কেউ দেখতে পায় না ; ভগবান্ ঠিক সেইরূপে বিরাজ করছেন।

২। প্রদীপের স্বভাব আলো দেয়, কেউ বা তাতে ভাত রাঁধছে, কেউ জাল করছে, কেউ তাতে ভাগবত পাঠ করছে ; সে কি আলোর দোষ অর্থাৎ কেউ ভগবানের নামে মুক্তি চেষ্টি করছে, কেউ চুরি করতে চেষ্টি করছে, সে কি ভগবানের দোষ ?

৩। যার যেমন ভাব, তার তেমনি লাভ।  
 ভগবান্ কল্পতরু ; তাঁর কাছে যে যা চায়, সে  
 তাই পায়। গরীবের ছেলে লেখাপড়া শিখে  
 হাইকোর্টের জজ হয়ে মনে করে, “আমি বেশ  
 আছি”—ভগবান্ও তখন বলেন, “তুমি বেশ  
 থাক।” তার পর যখন সে পেন্সন নিয়ে ঘরে  
 বসে, তখন সে বুঝতে পারে, এ জীবনে  
 কল্পুম কি ? ভগবান্ও তখন বলবেন, “তাই ত,  
 তুমি কল্পে কি ?”

৪। ব্রহ্ম ও শক্তিতে অভেদ ; ব্রহ্ম যখন  
 নিষ্ক্রিয় অবস্থায় থাকেন, তখন তাঁহাকে শুদ্ধ  
 ব্রহ্ম বলে, আর যখন সৃষ্টি স্থিতি প্রলয়  
 ইত্যাদি করেন, তখন তাঁহার শক্তির কাজ  
 বলে।



৫। সাকার এবং নিরাকার কিরূপ জান ?  
 যেমন জল আর বরফ। যখন জল জমাট  
 বেঁধে থাকে, তখনই সাকার ; আর যখন  
 গলে জল হয়, তখনই নিরাকার।

৬। যিনিই হয়েছেন সাকার, তিনিই  
 নিরাকার। ভক্তের কাছে তিনি সাকাররূপে  
 আবির্ভাব হয়ে দর্শন দেন। যেমন মহা-  
 সমুদ্র, কেবল অনন্ত জল রাশি, কুল কিনারা  
 কিছুই নাই, কেবল কোথাও কোথাও বেশী  
 ঠাণ্ডায় জমে গিয়ে বরফ হয়েছে দেখা যায়।  
 সেইরূপ ভক্তের ভক্তিহিমে সাকার রূপে দর্শন  
 হয়। আবার সূর্য উঠলে, যেমন বরফ  
 গলে যায়, ও পূর্বের আয় যেমন জল তেমনি  
 হয়ে থাকে, তেমনি জ্ঞানসূর্য উদয় হলে

সেই সাকাররূপ বরফ গলে জল হয়ে যায় ও  
সব নিরাকার হয়।

মাস্ত্রা ।

১। মায়ার স্বভাব কেমন জান? যেমন  
জলের পানা। ঢেইয়ে দিলে সব পানা সরে  
গেল। আবার একটু পরেই আপনা আপনি  
পুরে এল। তেমনি যতক্ষণ বিচার কর,  
সাধুসঙ্গ কর, যেন কিছুই নাই। একটু  
পরেই বিষয়বাসনা আবরণ করে।

২। সাপের মুখে বিষ আছে, সে যখন  
আপনি খায় তখন তার বিষ লাগে না, কিন্তু  
যখন অন্তকে খায়, তখন বিষ লাগে।

তেম্নি ভগবানে মায়া আছে বটে, কিন্তু তাঁকে মুক্ত করতে পারে না, অন্যকে সে মায়ায় মুক্ত করে।

৩। যাহাকে ভূতে পায়, সে যদি জানতে পারে যে, তাকে ভূতে পেয়েছে, তা হ'লে ভূত পালিয়ে যায়। মায়াচ্ছন্ন জীব যদি একবার ঠিক জানতে পারে যে, তাকে মায়ায় আচ্ছন্ন করেছে, তা হ'লে মায়া তার নিকট থেকে তখনই পালায়।

৪। জীবাশ্মা পরমাশ্মার মধ্যে এক মায়া আবরণ আছে। এই মায়া আবরণ না সরে গেলে পরম্পরের সাক্ষাৎ হয় না। যেমন অগ্নে রাম, মধ্যে সীতা, এবং পশ্চাতে লক্ষ্মণ। এস্থলে রাম পরমাশ্মা ও লক্ষ্মণ

জীবাত্মা স্বরূপ। মধ্যে জানকী মায়া আবরণ  
হয়ে রয়েছেন। যতক্ষণ মা জানকী মধ্যে  
থাকেন, ততক্ষণ লক্ষ্মণ রামকে দেখতে পান  
না। জানকী একটু সরে পাশ কাটালে  
তখন লক্ষ্মণ রামকে দেখতে পান।

৫। মায়া দুই প্রকার—বিজ্ঞা এবং অবিদ্যা।  
তাহার মধ্যে বিদ্যামায়া দুই প্রকার। বিবেক  
এবং বৈরাগ্য ; এই বিদ্যামায়া আশ্রয় করে  
জীব ভগবানের শরণাপন্ন হয়। আর অবিদ্যা-  
মায়া ছয় প্রকার—কাম, ক্রোধ, লোভ,  
মোহ, মদ এবং মাৎসর্য। অবিদ্যামায়া  
আমি ও আমার জ্ঞানে মনুষ্যদিগকে বদ্ধ  
করে রাখে। কিন্তু বিদ্যামায়ার প্রকাশে  
জীবের অবিদ্যা একেবারে নাশ হয়ে যায়।

৬। যেমন যতক্ষণ জল ঘোলা থাকে, ততক্ষণ চন্দ্র সূর্য্যের প্রতিবিম্ব তাহাতে ঠিক ঠিক দেখা যায় না ; তেমনি মায়া অর্থাৎ আমি এবং আমার এই জ্ঞান যতক্ষণ না যায়, ততক্ষণ আত্মার সাক্ষাৎকার ঠিক ঠিক হয় না।

৭। যেমন সূর্য্য পৃথিবীকে আলো ক'রে রেখেছেন, কিন্তু সামান্য এক খণ্ড মেঘ এসে যদি সম্মুখে আবরণ করে ফেলে, তা হলে আর সূর্য্য দৃষ্টিগোচর হয় না ; সেইরূপ সর্বব্যাপী ও সর্বসাক্ষিস্বরূপ সচ্চিদানন্দকে আমরা সামান্য মায়া আবরণ বশতঃ দেখিতে পাইতেছি না।

৮। পানাপুকুরে নেবে যদি পানাকে সরিয়ে

দাও আবার তখনি এসে যুটে ; সেই রকম  
 মায়াকে ঠেলে দিলেও আবার মায়া এসে  
 যুটে । তবে যদি পানাকে সরিয়ে দিয়ে বাঁশ  
 বেঁধে দেওয়া যায়, তা হলে আর বাঁশ ঠেলে  
 আসতে পারে না, সেই রকম মায়াকে সরিয়ে  
 দিয়ে জ্ঞান ভক্তির বেড়া দিতে পারলে আর  
 মায়া তাহার ভিতর আসতে পারে না ।  
 সচ্চিদানন্দই কেবল মাত্র প্রকাশ থাকেন ।

৯ । দক্ষিণেশ্বরের ঠাকুরবাড়ীর নহবত-  
 খানার উপর একটি সাধু আসিয়া কিছুদিন  
 বাস করিয়াছিলেন । সাধু সেই ঘরে কাহারও  
 সহিত বাক্যালাপ ইত্যাদি কিছু না করিয়া  
 সর্বদা ধ্যান ধারণা করিতেন । একদিন  
 হঠাৎ মেঘ উঠিয়া চারিদিক্ অন্ধকার করিয়া

ফেলিল। কিছুক্ষণ পরে একটা ঝড়ের মত খুব বাতাস এসে মেঘগুলিকে আবার সরাইয়া দিল। সাধু তাই দেখে ঘর থেকে বেরিয়ে এসে উক্ত নহবতখানার বারাণ্ডায় দাঁড়িয়ে খুব হাসি ও নৃত্য করিতে লাগিলেন। তাহা দেখিয়া ঠাকুর জিজ্ঞাসা করিলেন, “তুমি ত ঘরের মধ্যে চুপ চাপ করে বসে থাক, আজ এত আনন্দ নৃত্যাদি করিতেছ কেন?” সাধু বলিলেন, “সংসারকা মায়া এয়সাহি হয়”-। প্রথমে পরিষ্কার আকাশ হঠাৎ মেঘ আসিয়া অন্ধকার করিয়া ফেলিল, আবার কিছুক্ষণ পরেই যাহা ছিল, তাহাই রহিল।

## অবতার ।

১। বড় বড় বাহাছুরী কাঠ যখন ভেসে আসে, তখন কত লোক তার উপরে চড়ে চলে যায়। তাতে সে ডোবে না। সামান্য একখানা কাঠে একটা কাক বসলে অমনি ডুবে যায়। তেমনি যখন অবতারাди আসেন, কত শত লোকে তাঁকে আশ্রয় কোরে তবে যায়। সিদ্ধ লোক নিজে কষ্টে সৃষ্টে যায় মাত্র।

২। রেলের ইঞ্জিন আপনি চলে যায় ও কত মাল-বোঝাই গাড়ী টেনে নিয়ে যায় ; অবতারেরাও সেই রকম সহস্র সহস্র লোক-দের ঈশ্বরের নিকট নিয়ে যান।

---



## জীবের অবস্থানভেদ ।

১। মানুষ যেমন বালিসের খোল ;  
বালিসের উপরে দেখতে কোনটা লাল  
কোনটা কালো ; কিন্তু সকলের ভিতরে সেই  
একই তুলো । মানুষ দেখতে কেউ সুন্দর,  
কেউ কালো ; কেউ সাধু, কেউ অসাধু ;  
কিন্তু সকলের ভিতর সেই এক ঈশ্বরই  
বিরাজ করছেন ।

২। সৎ ও অসৎ লোকের স্বভাব কিরূপ  
জান ? যেমন কুলো ও চালুনী । কুলোর  
স্বভাব মন্দ ফেলে ভাল রাখা ; আর চালুনীর  
কায—ভাল ফেলে মন্দ রাখা । তেমনি সৎ

লোক মন্দ ফেলে ভাল ও অসৎ লোক ভাল  
ফেলে মন্দ গ্রহণ করে ।

৩। দু রকম মাছি আছে । এক রকম মধু-  
মাছি ; তারা মধু ভিন্ন আর কিছু খায় না ।  
আর এ মাছিগুলো মধুতেও বসে ; আর যদি  
পচা ঘা পায়, তখনি মধু ফেলে পচা ঘায়ে  
গিয়ে বসে । সেই রকম দুই প্রকৃতির লোক  
আছে ;—যারা ঈশ্বরানুরাগী, তারা ভগবানের  
কথা ছাড়া অন্য প্রসঙ্গ কর্তেই পারে না ।  
আর যারা সংসারাসক্ত জীব, তারা ঈশ্বরীয়  
কথা শুন্তে শুন্তে যদি কেহ কাম-কাঞ্চনের  
কথা কয়, তা হ'লে ঈশ্বরীয় কথা ফেলে  
তখনই তাহাতে মত্ত হয় ।

৪। বদ্ধ জীব হরিনাম আপনিও শোনে না,

পরকেও শুনতে দেয় না, ধর্ম ও ধার্মিকদের  
নিন্দা করতে থাকে ; কেহ ধ্যান ধারণা  
করলে তাকে নানা প্রকার ঠাট্টা করে ।

৫। যেমন কুমীরের গায়ে অস্ত্র মারলে অস্ত্র  
ঠিক্‌রে প'ড়ে যায়—তার গায়ে কিছুতেই  
লাগে না, তেমনি বদ্ধ জীবের কাছে ধর্মকথা  
যতই বল না কেন, কিছুতেই তাদের প্রাণে  
লাগাতে পারবে না ।

৬। সূর্য্যের কিরণ সব জায়গায় সমান  
পড়লেও জলের ভিতর, আর্শিতে ও সকল  
স্বচ্ছ জিনিসের ভিতর বেশী প্রকাশ দেখায় ।  
ভগবানের বিকাশ সকল হৃদয়ে সমান হ'লেও  
সাধুদের হৃদয়ে বেশী প্রকাশ দেখতে পাওয়া  
যায় ।

৭। সকল পিঠের এঠেল এক প্রকার হলেও পুরের যেমন প্রভেদ থাকে, কাহারও ভিতর নারকেলের পুর, কাহারও ভিতর ক্ষীরের পুর ইত্যাদি ; সেইরূপ মানুষ সব একজাতীয় হলেও গুণে স্বতন্ত্র হয়ে পড়ে ।

৮। জল সব নারায়ণ বটে, কিন্তু সকল জল পান করা যায় না। সকল স্থানে ঈশ্বর আছেন বটে, কিন্তু সকল জায়গায় যাওয়া যায় না। যেমন কোন জলে পা ধোওয়া যায়, কোন জলে মুখ ধোওয়া যায়, কোন জল বা খাওয়া যায়, আবার কোন কোন জল ছোঁয়া পর্য্যন্ত যায় না, তেমনি কোন কোন জায়গায় যাওয়া যায় ও কোন জায়গায় দূর থেকে গড় কোরে পালাতে হয় ।

৯। বাঘের ভিতরও ঈশ্বর আছেন সত্য বটে, কিন্তু বাঘের সমুখে যাওয়া উচিত নয়। কুলোকের মধ্যেও ঈশ্বর আছেন সত্য, কিন্তু কুলোকের সঙ্গ করা উচিত নয়।

১০। গুরু এক শিষ্যকে উপদেশ দিয়ে বল্লেন, সকল পদার্থই নারায়ণ, শিষ্যও তাই বুঝ্লেন। একদিন পথের মধ্যে একটা হাতী আসছিল, উপর হাতে মাহুত বল্লেন, “সরে যাও”। শিষ্য ভাবলে, আমি সরে যাব কেন? আমিও নারায়ণ, হাতীও নারায়ণ, নারায়ণের কাছে নারায়ণের ভয় কি? সে সরল না। শেষে হাতী শুঁড়ে ধরে তাকে দূরে ফেলে দিলে, তাতে তার বড় ব্যাথা লাগলো। পরে সে গুরুর কাছে এসে

সমস্ত ঘটনা জানালে। গুরু বলেন, ভাল বলেছ—তুমিও নারায়ণ, হাতীও নারায়ণ, কিন্তু উপর থেকে মাহুতরূপে নারায়ণ তোমাকে সাবধান হ'তে বলেছিল, তুমি মাহুত নারায়ণের কথা শুনলে না কেন ?

১১। সৎএর রাগ কি রকম জান ? যেমন জলের দাগ ; জলে একটা দাগ দিলে তখনই যেমন আবার মিলিয়ে যায় ; তেমনি সৎএর রাগ হয়, আর তখনি থেমে যায়।

১২। ব্রাহ্মণের ঘরে জন্মিলে সব ব্রাহ্মণ হয় বটে, কিন্তু কেউ খুব পণ্ডিত হয়, কেউ ঠাকুর পূজা করে, কেউ বা ভাত রাঁধে এবং কেউ বা বেশ্যার দ্বারে গড়াগড়ি যায়।

১৩। যেমন কষ্টি পাথরে সোণা কি পিতল

দাগ দেওয়া মাত্র ধরা যায়, তেমনি ভগবানের নিকট সরল কিংবা কপট পরীক্ষা হইয়া থাকে ।

১৪ । মানুষ দুই প্রকার ; মানুষ ও মানহুঁষ ।  
যাহারা ভগবানের জ্ঞান ব্যাকুল, তাঁদের মানহুঁষ বলে, আর যাহারা কামিনীকাঞ্চনরূপ বিষয় নিয়ে মত্ত, তাহারা সব সাধারণ মানুষ ।

১৫ । বদ্ধ সংসারী লোকের কিছুতেই আর হুঁষ হয় না । সংসারে নানা দুঃখ কষ্ট ও বিপদে পড়েও তবু তাদের চৈতন্য হয় না । যেমন উট কাঁটা ঘাস খেতে ভালবাসে, খেতে খেতে মুখ দিয়ে রক্ত দরদর করে পড়ে, তবুও সে কাঁটা ঘাস খেতে ছাড়বে না ।

তেমনি সংসারী লোকেরা কত যে শোক তাপ  
পায়, কিছুদিনের পরই আবার যেমন  
তেমনি ।

১৬। মুখহলসা, ভেতরবুঁদে, কানতুলসে,  
দীঘল-ঘোমটা নারী ।

(আর) পানাপুকুরের ঠাণ্ডা জল বড়  
মন্দকারী ।

এই রকম লক্ষণ যাদের আছে, সেই সব  
লোকের কাছ থেকে সাবধান থাকবে ।

### গুরু ।

১। গুরু এক, কিন্তু উপগুরু অনেক হ'তে  
পারে । যাঁর কাছে কিছু শিক্ষা পাওয়া যায়,



তঁাকেই উপগুরু বলা যেতে পারে। ভাগ-  
বতে আছে, অবধূত এইরূপে ২৪টি উপগুরু  
করেছিল।

২। একদিন মাঠের উপর দিয়ে যেতে  
যেতে অবধূত দেখতে পেল, সাম্নে ঢাক  
ঢোল বাজাতে বাজাতে খুব জাঁক জমক্  
কোরে একটা বর আসছে, আর এক দিকে  
এক ব্যাধ একমনে আপনার লক্ষ্যের দিকে  
চেয়ে আছে, এত জাঁক কোরে যে বর  
আসছে, সে দিকে একবার চেয়েও দেখছে  
না। অবধূত সেই ব্যাধকে নমস্কার কোরে  
বল্লে, তুমি আমার গুরু। যখন আমি ভগ-  
বানের ধ্যানে বস্ব, তখন যেন তঁার প্রতি  
ঐরূপ লক্ষ্য থাকে।

৩। একজন মাছ ধরছে, অবধূত তার কাছে গিয়ে জিজ্ঞাসা করলে, ভাই! অমুক জায়গা কোন্ পথ দিয়ে যাব? সে ব্যক্তির ফাৎনায় তখন মাছ খাচ্ছে, সে তার কথায় কোন উত্তর না দিয়ে এক মনে মাছের দিকে তাকিয়ে রইল। মাছ গেঁথে তখন পেছন ফিরে বললে, আপনি কি বলছেন? অবধূত প্রণাম কোরে বললে, আপনি আমার গুরু, আমি যখন আপনার ইস্টের ধ্যানে বস্বে, তখন যেন ঐরূপ কায শেষ না কোরে অন্তদিকে মন না দিই।

৪। একটা চিল একটা মাছ মুখে কোরে আসছে, ভাই দেখে শত শত কাক চিল তার পেছনে লাগলো, তাকে ঠুক্রে কামড়ে

বিরক্ত কোরে কেড়ে নেবার চেষ্টা কর্লে ।  
 সে যেখানে যায়, সব কাক চিলগুলো চাঁচাতে  
 চাঁচাতে তার পেছনে যেতে আরম্ভ কর্লে ;  
 শেষে সে বিরক্ত হয়ে মাছটা ফেলে দিলে ;  
 আর একটা চিল যেমন এসে নিলে, সব কাক  
 চিলগুলো প্রথম চিলটাকে ছেড়ে তার পেছনে  
 যেতে লাগলো । প্রথম চিলটা নিশ্চিন্ত হ'য়ে  
 এক গাছের ডালে চুপ কোরে বসে রইলো ।  
 অবধূত সেই চিলের নিরাপদ অবস্থা দেখে  
 প্রণাম কোরে বল্লে, এ সংসারে উপাধি ফেলে  
 দিতে পাচ্ছেই শান্তি, নতুবা মহা বিপদ ।

৫ । একটা জলাশয়ে এক বক আস্তে আস্তে  
 একটা মাছের দিকে লক্ষ্য কোরে ধরতে  
 যাচ্ছে, পেছনে এক ব্যাধ সেই বকটিকে লক্ষ্য

করছে, কিন্তু বক সে দিকে আক্ৰেপ করছে না। অবধূত সেই বককে নমস্কার কোরে বলে, আমি যখন ধ্যান কর্তে বস্ব, তখন যেন ঐ রকম পেছনে চেয়ে না দেখি।

৬। “গুরু মিলে লাক লাক, চেলা না মিলে এক।” উপদেষ্টা অনেক পাওয়া যায়, কিন্তু উপদেশ মত কার্য করে, এরূপ লোক অতি অল্প মিলে।

৭। যদি কাহারও ঠিক ঠিক অনুরাগ আসে ও সাধন ভজনের প্রয়োজন মনে করে, তা হলে নিশ্চয়ই তিনি তাহার সৎগুরু যুটিয়ে দেন। গুরুর জন্ত সাধকের চিন্তা করবার দরকার নাই।

৮। বৈষ্ণব তিন প্রকার; উত্তম, মধ্যম ও

অধম। যে বৈদ্য এসে কেবল নাড়ী টিপে  
 ঔষধ খেয়ো বলে চলে যায়, রোগী ঔষধ  
 খেলে কি না খেলে আর কোন খোঁজ খবর  
 না নেয়, সে অধম বৈদ্য। আর যে বৈদ্য  
 রোগী ঔষধ খাচ্ছে না দেখে অনেক মিষ্টি  
 কথায় বুঝায় ও ঔষধ খেলে ভাল হবে  
 ইত্যাদি বলে, সে মধ্যম বৈদ্য। আর যে  
 বৈদ্য রোগী কিছুতেই ঔষধ খাচ্ছে না দেখে  
 বুকে হাঁটু দিয়ে জোর করে ঔষধ খাওয়ায়,  
 সেই উত্তম বৈদ্য। সেইরূপ যে গুরু বা  
 আচার্য্য ধর্ম্ম শিক্ষা দিয়ে শিষ্যের কোন খোঁজ  
 খবর না নেন, সে গুরু বা আচার্য্য অধম ;  
 আর যিনি শিষ্যদের মঙ্গলের জন্য বার বার  
 বুঝাইতে থাকেন, যাতে তাঁর উপদেশ সব

ধারণা করতে পারে ও ভালবাসা দেখান,  
 তিনি মধ্যম গুরু। আর শিষ্যেরা ঠিক ঠিক  
 শুনছে না বা পালন করছে না দেখে যে  
 আচার্য্য খুব জোর জবরদস্তি পর্যাস্ত করেন,  
 তিনি উত্তম আচার্য্য।

ধর্ম উপলব্ধির বস্তু,

পাঠ বা বিচারের বস্তু নয়।

১। শাস্ত্র বিচার কতদিন দরকার জান?  
 যতদিন না সচ্চিদানন্দ সাক্ষাৎকার হন।  
 যেমন ভ্রমর, যতক্ষণ না ফুলে বসে ততক্ষণ  
 গুণগুণ করতে থাকে, আর যখন ফুলের

উপর বসে মধুপান করতে থাকে তখন একে-  
বারে চুপ, কোনও শব্দ করে না।

২। একদিন স্বর্গীয় মহাত্মা কেশবচন্দ্র সেন  
দক্ষিণেশ্বরে পরমহংসদেবের নিকট গিয়া  
জিজ্ঞাসা করিলেন, অনেক পণ্ডিত লোক  
বিস্তর শাস্ত্রাদি পাঠ করেন, কিন্তু তাঁদের  
জ্ঞানলাভ হয় না কেন? পরমহংসদেব উত্তরে  
বলিলেন, যেমন চিল, শুকুনি অনেক উঁচুতে  
উড়ে, কিন্তু তাদের দৃষ্টি থাকে গোভাগাড়ে,  
তেমনি অনেক শাস্ত্র পাঠ করলে কি হবে?  
তাহাদের মন সর্বদা কাম-কাঞ্ছনে আসক্ত  
থাক্বার দরুণ জ্ঞানলাভ করতে পারে না।

৩। ঠাকুর বলিতেন,—গ্রন্থ নয় গ্রন্থ—গাঁট।  
বিবেক বৈরাগ্যের সহিত বই না পড়লে,

পুস্তকপাঠে দাস্তিকতা, অহঙ্কারের গাঁট  
বাড়িয়া যায় মাত্র ।

৪ । পরমহংসদেব কোন এক তार्কিক লোককে  
বলেছিলেন, যদি এক কথায় বুঝতে পার ত  
আমার কাছে এস, আর খুব তর্ক যুক্তি  
কোরে যদি বুঝতে চাও, ত কেশবের  
( কেশবচন্দ্র সেন ) কাছে যেও ।

৫ । যেমন খালি গাড়ীতে জল ভর্তে গেলে,  
ভক্ ভক্ কোরে শব্দ হয়, কিন্তু ভরে গেলে  
আর শব্দ হয় না, তেমনি যার ভগবান্ লাভ  
হয়নি, সেই ভগবান্ সম্বন্ধে নানা গোল করে,  
আর যে তাঁর দর্শনলাভ করেছে, সে স্থির  
হয়ে ঈশ্বরানন্দ উপভোগ করে ।

৬ । বিবেক বৈরাগ্য না থাকলে শাস্ত্র পড়া



মিছে। বিবেক বৈরাগ্য ছাড়া ধর্মলাভও হয় না। এইটী সৎ আর এইটী অসৎ বিচার কোরে সম্বন্ধ গ্রহণ করা, আর দেহ আলাদা আর আত্মা আলাদা এইরূপ বিচার-বুদ্ধির নাম বিবেক; বিষয়ে বিতৃষ্ণার নাম বৈরাগ্য।

৭। পাঁজিতে বিশ আড়া জল লেখা আছে, কিন্তু পাঁজি নেঙড়ালে এক কোঁটাও বেরায় না; তেমনি পুঁথিতে অনেক ধর্মকথা লেখা আছে,—শুধু পড়লে ধর্ম হয় না—সাধন চাই।

৮। এক বাগানে দুজন লোক বেড়াতে গিছলো; তার ভিতর যার বিষয়-বুদ্ধি বেশী, সে বাগানে ঢুকেই কটা আম গাছ, কোন্

গাছে কত আম হয়েছে, বাগানটির কত দাম হ'তে পারে ইত্যাদি নানা রকম বিচার কর্তে লাগলো। আর একজন বাগানের মালীকের সঙ্গে আলাপ ক'রে গাছতলায় ব'সে একটা ক'রে আম পাড়তে লাগলো আর খেতে লাগলো। বল দেখি কে বুদ্ধিমান? আম খাও, পেট ভরবে, কেবল পাতা গুণে অত হিসাব কিতাব ক'রে লাভ কি? যাঁরা জ্ঞান-ভিমানী, তাঁরা শাস্ত্রমীমাংসা তর্কযুক্তি নিয়েই ব্যস্ত থাকেন : বুদ্ধিমান ভক্তেরা ভগবানের রূপা লাভ ক'রে এ সংসারে পরমানন্দ ভোগ করেন।

৯। যেমন হাটের বাহিরে থেকে দাঁড়িয়ে কেবল একটা হো হো শব্দ শুনা যায়, কিন্তু

যতক্ষণ ভিতরে প্রবেশ না করে, সেই হো হো শব্দ স্পর্শরূপে বোঝা যায় না। ভিতরে প্রবেশ ক'রে দেখে, কেউ বা দর দস্তুর কছে, কেউ বা পয়সা দিচ্ছে আর জিনিষ কিনছে ইত্যাদি। তেমনি ধর্মজগতের বাইরে থেকে ধর্মের ভাব কিছু বুঝতে পারে না।

১০। সব জিনিষ উচ্ছিষ্ট হয়েছে, কেবল এক ব্রহ্ম বস্তু আজ পর্য্যন্তও উচ্ছিষ্ট হন নাই। বেদ পুরাণ ইত্যাদি সব মানুষের মুখ দিয়ে বের হয়ে উচ্ছিষ্ট হয়েছে, কিন্তু আজ পর্য্যন্ত ব্রহ্ম যে কি বস্তু, তা কেউ মুখে বলতে পারে নাই।

## সংসার ও সাধন ।

১। লুকোচুরি খেলায় যেমন বুড়ী ছুঁলে চোর হয় না, সেই রকম ভগবানের পাদপদ্ম ছুঁলে আর সংসারে বদ্ধ হয় না। যে বুড়ী ছুঁয়েছে, তাকে আর চোর কর্‌বার যো নাই। সংসারে সেই রকম যিনি ঈশ্বরকে আশ্রয় করেছেন, তাঁকে আর কোন বিষয়ে আবদ্ধ করতে পারে না।

২। পাড়ার্গেয়ে মাছ ধরবার বিলের ধারে এবং মাঠে ঘুনি পাতে। ঘুনির ভিতর চিক চিক ক'রে জল যায় দেখে ছোট ছোট মাছ-গুলি আনন্দে তার ভিতর চলে যায়, তারা আর বার হ'তে পারে না, সেইখানে আটকে

যায়, পরে একেবারে প্রাণে মরে। ছুটো  
 একটা মাছ ঘুনির নিকটে গিয়ে ঐ দেখে  
 একেবারে লাফিয়ে অগ্নি দিকে চলে যায়।  
 সংসারেরও বাহ্য চাকচিক্য দেখে লোক সাধ  
 ক'রে প্রবেশ করে, পরে মায়া মোহে জড়িয়ে  
 ছুঃখ কষ্ট পেয়ে নাশ পায় ; আর যারা এই  
 সব দেখে কামকাঞ্চনে আসক্ত না হ'য়ে  
 ভগবানের পাদপদ্ম আশ্রয় করেন, তাঁরাই  
 যথার্থ সুখ ও আনন্দ পান।

৩। এক ব্যক্তি জিজ্ঞাসা করিলেন, “সংসারে  
 থেকে ঈশ্বর উপাসনা কি সম্ভব ?” পরম-  
 হংসদেব একটু হাসিয়া বলিলেন, “ও দেশে  
 দেখেছি, সব চিঁড়ে কোটে ; একজন স্ত্রীলোক  
 এক হাতে টেকির গাড়ে ভেতর হাত দিয়ে

নাড়ছে, আর এক হাতে ছেলে কোলে নিয়ে  
 মাই খাওয়াচ্ছে, ওর ভেতর আবার খন্দের  
 আসছে, তার সঙ্গে হিসাব করছে, “তোমার  
 কাছে ওদিনের এত পাওনা আছে, আজকের  
 এত দাম হ'লো”। এই রকম সে সব কায  
 কচ্ছে বটে, কিন্তু তার মন সর্ব্বক্ষণ ঢেঁকির  
 , মুঘলের দিকে আছে ; সে জানে যে ঢেঁকিটী  
 হাতে পাড়ে গেলে হাতটী জনমের মত যাবে।  
 সেইরূপ সংসারে থেকে সকল কায কর ;  
 কিন্তু মন রেখো তাঁর প্রতি। তাঁকে  
 ছাড়লে সব অনর্থ ঘটবে।

৪। সংসারের মধ্যে বাস ক'রে যিনি  
 সাধনা করতে পারেন, তিনিই ঠিক বীর  
 সাধক। বীরপুরুষ যেমন মাথায় নোকা

নিয়ে আবার অন্ম দিকে তাকাতে পারে,  
বীর সাধক তেমনি এ সংসারের বোঝা  
ঘাড়ে ক'রে ভগবানের পানে চেয়ে  
থাকে।

৫। বাউল যেমন দুই হাতে ছুরকম বাজনা  
বাজায় ও মুখে গান করে, হে সংসারী জীব !  
তোমরাও হাতে সমস্ত কায কর্ম কর, কিন্তু  
মুখে সর্বদা ঈশ্বরের নাম জপ কর্তে  
ভুলো না।

৬। নষ্ট ত্রীলোক যেমন আত্মীয় স্বজনের  
মধ্যে থেকে সংসারের সব কায করে, কিন্তু  
তার মন পড়ে থাকে উপপতির উপর, সে  
কায কর্তে কর্তে সর্বদা ভাবে যে, কখন  
তার সঙ্গে দেখা হবে ; তোমারও, সংসারের

কায কর্তে কর্তে, মন সর্বদা যেন  
ভগবানের দিকে পড়ে থাকে ।

৭। নির্লিপ্তভাবে সংসার করা কি রকম  
জান ? পাঁকাল মাছের মতন । পাঁকাল মাছ  
যেমন পাঁকের মধ্যে থাকে, কিন্তু তার গায়ে  
পাঁক লাগে না ।

৮। দাঁড়িপাল্লার যে দিক্ ভারি হয়, সেই  
দিক্ ঝুঁকে পড়ে, আর যে দিক্ হাল্কা হয়,  
সেই দিক্ উপরে উঠে যায় । মানুষের মন  
দাঁড়িপাল্লার ঠায়, তার এক দিকে সংসার,  
আর এক দিকে ভগবান্ । যার সংসার, মান  
সম্মম ইত্যাদির ভার বেশী হয়, তার মন  
ভগবান্ থেকে উঠে গিয়ে সংসারের দিকে  
ঝুঁকে পড়ে, আর যার বিবেক বৈরাগ্য ও



ভগবদ্ভক্তির ভার বেশী হয়, তার মন সংসার থেকে উঠে গিয়ে ভগবানের দিকে ঝুঁকে পড়ে।

৯। একজন সমস্ত দিন ধরে আকের ক্ষেতে জল ছেঁচে দিয়ে শেষে ক্ষেতে গিয়ে দেখলে যে, এক ফোঁটা জল ক্ষেতে যায়নি ; দূরে কতকগুলো গর্ভ ছিল, তা দিয়ে সমস্ত জল , অল্প দিকে বেরিয়ে গেছে। সেই রকম যিনি বিষয়বাসনা, সাংসারিক মান সম্ভ্রম ইত্যাদির দিকে মন রেখে সাধনা করেন, তিনি যদি সারাজীবন ঈশ্বর উপাসনা করেন, শেষে দেখতে পাবেন যে, ঐ সকল বাসনারূপ ছেঁদা দিয়ে তাঁর সমুদায় বেরিয়ে গেছে।

১০। বালক যেমন এক হাত দে খোঁটা ধরে বন্ বন্ করে ঘুরতে থাকে, একবারও ভয় করে না, কিন্তু তার মন সেই খোঁটার দিকে সর্বদা পড়ে আছে ; সে মনে জানে যে, খোঁটাটা ছাড়লেই আমি পড়ে যাব ; সংসারেও সেই রকম, ভগবানের দিকে মন রেখে সকল কায কর, কিন্তু মন যেন তাঁর প্রতি সর্বদা থাকে ; তা হ'লে নিরাপদে থাকবে।

১১। সংসারে সুখের লোভে অনেকে ধর্ম কর্ম করে থাকে, একটু দুঃখ কষ্ট পেলে কিম্বা মরবার সময় তারা সব ভুলে যায় ; যেমন টিয়া পাখী এম্মে সমস্ত দিন রাখাক্ষণ বলে, কিন্তু বেড়ালে যখন ধরে, তখন

রাধাকৃষ্ণ ভুলে গিয়ে নিজের বোল কঁয়া কঁয়া করতে থাকে ।

১২। জলে নৌকা থাকে ক্ষতি নাই, কিন্তু নৌকার ভিতর যেন জল না ঢোকে, তা হ'লে ডুবে যাবে । সাধক সংসারে থাকুক ক্ষতি নাই, কিন্তু সাধকের মনের ভিতর যেন সংসারভাব না থাকে ।

১৩। সংসার কেমন ? যেমন আমড়া—শস্ত্রের সঙ্গে খোঁজ নেই, কেবল আঁটি আর চামড়া ; খেলে হয় অশ্লীল ।

১৪। যেমন কাঁঠাল ভাঙ্গতে গেলে আগে বেশ ক'রে হাতে তেল মেখে নেয়, তা হলে আর তার হাতে কাঁঠালের আঠা লাগে না ; তেমনি এই সংসাররূপ কাঁঠালকে যদি জ্ঞান-

রূপ তেল হাতে মেখে সন্তোষ করা যায়,  
তা হলে কামিনীকাঞ্চনরূপ আঠার দাগ তার  
মনে লাগতে পারবে না।

১৫। সাপকে ধরতে গেলে তখনই তাকে  
দংশন করে দিবে, কিন্তু যে ব্যক্তি ধূলোপড়া  
জানে, সে সাতটা সাপকে ধরে গলায়  
জড়িয়ে বেশ খেলা দেখাতে পারে। তেমনি  
বিবেক বৈরাগ্যরূপ ধূলোপড়া শিখে যদি  
সংসার করে, তাকে আর সাংসারিক মায়া  
মমতায় আবদ্ধ করতে পারে না।

১৬। ভিতরে যার যে ভাব থাকে, তার  
কথাবর্ত্তায় তা বেরিয়ে পড়ে; যেমন  
মূলো খেলে, তার টেঁকুরে মূলোর গন্ধ  
বেরোয়। তেমনি সংসারী লোকেরা সাধুসঙ্গ

করতে এসে বিষয়ের কথাই বেশী কয়ে থাকে।

১৭। মনই সব জানবে। জ্ঞানই বল আর অজ্ঞানই বল, সবই মনের অবস্থা। মানুষ মনেই বদ্ধ ও মনেই মুক্ত, মনেই সাধু এবং মনেতেই অসাধু, মনেই পাপী ও মনেই পুণ্যবান। সংসারী জীব মনেতে সর্বদা ভগবান্কে স্মরণ মনন করতে পারলে তাদের আর অণু কোন সাধনের দরকার হয় না।

১৮। জ্ঞান লাভ হলে তারা সংসারে কি রকম ভাবে থাকে জান ? যেমন সার্গির ঘরে বসে থাকলে ভিতরের ও বাহিরের দুইই দেখতে পায়।

১৯। গীতা পড়লে যা হয়, আর দ্বাদশ  
বার ‘গীতা’শব্দ উচ্চারণ করলে তাই  
বুঝায়। যেমন গী তাগী তাগী তাগী। কিনা  
হে জীব, সব ত্যাগ করে ভগবানের পাদপদ্ম  
আশ্রয় কর।

### সাধনের অধিকারী।

১। যেমন আম, পেয়ারা ইত্যাদি আস্ত  
ফল ঠাকুরের সেবায় ও সকল কাষে লাগতে  
পারে, কিন্তু একবার কাকে ঠুক্রে দাগি  
করলে, আর দেবসেবায় সে ফল দেওয়া  
যায় না, ব্রাহ্মণকে দান করা যেতে পারে না,

আপনি খাওয়া উচিত নয় ; সেইরূপ পবিত্র-  
হৃদয় বালক ও যুবাদের ধর্ম-পথে লয়ে  
যাবার চেষ্টা করা উচিত । কেননা, তাদের  
ভিতর বিষয়বুদ্ধি একেবারে প্রবেশ করে  
নাই । একবার বিষয়বুদ্ধি ঢুকলে পরমার্থ  
পথে লয়ে যাওয়া ভার ।

২। আমি ছেলেদের এত ভালবাসি কেন,  
জান ? ছেলেবেলা তাদের মন ষোল আনা  
নিজের কাছে থাকে, ক্রমে ভাগ হয়ে পড়ে ।  
বে হলে আট আনা স্ত্রীর উপর যায় ; ছেলে  
হলে আবার চার আনা তাদের প্রতি যায়,  
বাকি চার আনা মা, বাপ, মান সম্বন্ধ, বেশ  
ভূষা ইত্যাদিতে চলে যায় ; এইজন্য ছেলে-  
বেলায় যারা ঈশ্বর লাভের চেষ্টা করে, তারা

তেমনি জ্ঞানী বা কর্মী সাধক বাঁদরের ছানার  
 ঞায় পুরুষকার দ্বারা ঈশ্বর লাভ করতে চেষ্টা  
 ক'রে থাকে। আর ভক্ত সাধকেরা ঈশ্বরকে  
 সকলের কর্তা জ্ঞান ক'রে তাঁর চরণে  
 বিড়ালছানার ঞায় নির্ভর ক'রে নিশ্চিন্ত  
 হ'য়ে ব'সে থাকে।

২। এক ব্যক্তি যেমন কাহারও পিতা,  
 কাহারও জেঠা, খুড়া, কাহারও মেসো,  
 কাহারও ভগ্নীপতি, কাহারও স্বশুর, ইত্যাদি  
 ইত্যাদি। এস্থলে ব্যক্তি এক হলেও কিন্তু  
 সম্বন্ধভেদে অনেক প্রকার প্রভেদ রয়েছে।  
 'তেমনি সেই এক সচ্চিদানন্দকে ভক্তেরা  
 শান্ত, দাম্ভ, বাৎসল্য, মধুর প্রভৃতি নানাভাবে  
 উপাসনা ক'রে থাকে।



৩। যার যেমন ভাব, তার তেমনি লাভ হয়। অর্থাৎ যে তাঁকেই চায়, সে তাঁকেই পায়। আর যে তাঁর ঐশ্বর্য্য কামনা করে, সে তাই পেয়ে থাকে।

৪। ভক্ত কিংবা জ্ঞানীর ভাব বাহিরে থেকে বোঝা বড় কঠিন হয়ে থাকে। যেমন হাতীর ছু রকম দাঁত দেখা যায়, বাইরের দাঁত, কেবল দেখাবার, তার দ্বারা খাওয়া চলে না। আর এক রকম দাঁত মুখের ভিতরে আছে, তার দ্বারা খেয়ে থাকে। তেমনি অনেক সময় সাধকেরা আপনার ভাব গোপন রেখে অন্ত রকম দেখান।

## সাধনের বিষয় ।

১। যেমন জালার ভিতর কোনখানে একটি ছোট ছিদ্র থাকলে ক্রমে ক্রমে সব জল বেরিয়ে যায়, তেমনি সাধকের ভিতরও একটু সংসারাসক্তি থাকলে সব সাধনা বিফল হয়ে থাকে ।

২। কাঁচা মাটীতে গড়ম হয়, পোড়া মাটীতে আর গড়ন চলে না। যার হৃদয় একেবারে বিষয়বুদ্ধিতে পুড়ে গেছে, তাতে আর পার-মার্থিক ভাব ধরে না।

৩। চিনিতে বালিতে মিশে থাকলে, পিঁপড়ে যেমন বালি ফেলে চিনি খায় ; তেমনি সাধু

ও পরমহংসেরা এ সংসারে সদ্বস্ত্র যে সচ্চিদানন্দ, তাঁকেই গ্রহণ করে, আর অসদ্বস্ত্র যে কাম-কাঞ্চন, সে সমস্ত ত্যাগ করে।

৪। কাগজে তেল লাগলে তাতে আর লেখা চলে না, তেমনি জীবের কাম কাঞ্চনরূপ তেল লাগলে, তাতে আর সাধন চলে না। সে তেলমাখা কাগজ খড়ি দিয়ে ঘসে নিলে, তাতে লেখা যায়; তেমনি জীবের কামকাঞ্চনরূপ তেল লাগলে, ত্যাগরূপ খড়ি দিয়ে ঘসে নিলে তবে সাধন চলে।

৫। যে সকল লোক নিজে কখন ধর্মচর্চা করে না, অন্যকেও ধ্যান পূজা করতে দেখলে ঠাট্টা বিদ্রূপ করে, ধর্ম ও ধার্মিকদের নিন্দা করে, সাধন অবস্থায় কখনও এরূপ লোকদের সঙ্গ

করবে না। তাদের কাছ থেকে একেবারে দূরে থাকবে।

৬। গরুর পালে যদি অন্য কোন জন্তু এসে ঢোকে, তা হ'লে সব গরুগুলো তাকে গুঁতিয়ে তাড়িয়ে দেয়। কিন্তু গরু এলে তার সঙ্গে গা চাটাচাটি করে। সেই রকম যখন ভক্তের সঙ্গে ভক্তের দেখা হয়, তখন তারা উভয়ে ধর্মকথা কহে, বড় আনন্দ করে, আর হঠাৎ সে সঙ্গ ত্যাগ করতে ইচ্ছা করে না। কিন্তু বিজাতীয় লোক এলে তার সঙ্গে মেশামিশি করে না।

৭। যে পুকুরে অল্প জল, তার যেমন জল পান করতে গেলে ওপর থেকে আস্তে আস্তে নেড়ে জল খেতে হয়, বেশী নাড়তে নাই,

নাড়্লে তার ভিতর হ'তে ময়লা উঠে জল  
 ঘোলা হয়ে যায়, তেমনি যদি সচ্চিদানন্দ লাভ  
 করতে চাও, তা হলে তুমি গুরুবাক্য বিশ্বাস  
 ক'রে ধীরে ধীরে সাধন কর। মিছে কেবল  
 শাস্ত্র বিচার তর্ক করোনা, ক্ষুদ্র মন অল্পেতেই  
 গুলিয়ে যায়।

৮। ভূত ছাড়বে কেমন ক'রে বল? যে সরসে  
 দিয়ে ভূত ছাড়াবে, তাহারি মধ্যে ভূত ঢুকে  
 বসে আছে; যে মন দিয়ে সাধন ভজন করবে,  
 তাই যদি বিষয়াসক্ত হয়ে পড়ে, তা হ'লে  
 সাধন ভজন কি করে হবে?

৯। মন মুখ এক করাই হচ্ছে প্রকৃত সাধন।  
 নতুবা মুখে বলছি, হে ভগবান্! তুমি আমার  
 সর্বস্ব ধন এবং মনে বিষয়কেই সর্বস্ব জেনে

বসে রয়েছে। এরূপ লোকের সকল সাধনই  
বিফল হয়।

১০। বাসনার লেশমাত্র থাকতে ভগবান  
লাভ হয় না। যেমন সূতোতে একটু ফেঁসো  
বেরিয়ে থাকতে ছুঁচের ভেতর যায় না।  
মন যখন বাসনারহিত হয়ে শুদ্ধ হয়, তখনই  
সুচ্চিদানন্দ লাভ হয়।

১১। যারা ঈশ্বর লাভের জন্য সাধন  
ভজন করতে চায়, তারা যেন কোন রকমে  
কামিনীকাঞ্ছনে আসক্ত না হ'য়ে পড়ে।  
কামিনীকাঞ্ছনের সংশ্রব থাকলে কোন  
কালেও তাদের সিদ্ধাবস্থা লাভের উপায়  
নাই। যেমন খই ভাজ্বার সময় যে খইটী  
খোলার উপর থেকে ঠিকরে বাইরে পড়ে,

তাতে কোন দাগ লাগে না কিন্তু গরম  
বালির খোলায় থাকলে কোন না কোন  
স্থানে কাল দাগ লাগে ।

১২। বিষয়, ছেলে, কিংবা মান সম্ভ্রমের  
জন্তু কেহ যেন কামনা ক'রে ঈশ্বর সাধনা না  
করে। যে শুধু সচ্চিদানন্দ লাভের জন্তু তাঁর  
নিকট প্রার্থনা করে, তার নিশ্চয়ই ঈশ্বর  
লাভ হয় ।

১৩। যেমন বাতাসে জল নড়লে ঠিক  
প্রতিবিম্ব দেখা যায় না, তেমনি মন স্থির না  
হ'লে তাতে ভগবানের প্রকাশ হয় না ।  
নিঃশ্বাস প্রশ্বাসের সঙ্গে সঙ্গে মন চঞ্চল হয় ।  
এই জন্তু যোগীরা আগে কুস্তক দ্বারা মন  
স্থির ক'রে ভগবানের ধ্যান ধারণা করেন ।

১৪। ভাবের ঘরে যার চুরি না থাকে, তারই সচ্চিদানন্দ লাভ হয়। অর্থাৎ কেবল সরল ভাবে ও বিশ্বাসেতেই তাঁকে পাওয়া যায়।

১৫। যেমন সাপ দেখলে লোকে ব'লে থাকে, “মা মন্সা, মুখটা লুকিয়ে রেখো আর লেজটা দেখিয়ো,” তেমনি যুবতী স্ত্রীলোক দেখলে মা বলে নমস্কার করা উচিত, ও তাদের মুখের দিকে না চেয়ে পায়ের দিকে চাইবে। তা হলে আর প্রলোভনের ও পতনের আশঙ্কা থাকবে না।

১৬। বিদ্যাশক্তিই হউক বা অবিদ্যাশক্তিই হউক, সাধু সন্ন্যাসী ও ভক্ত মাত্রেই সব স্ত্রীলোককে মা আনন্দময়ীর রূপ বলে জানবে।



১৫। খুব জনশূন্য স্থানে যুবতী স্ত্রীলোককে দেখে যে মা বলে চলে যেতে পারে, তাকেই ঠিক ঠিক ত্যাগী বলা যায়, আর যে লোক সভার মাঝখানে ত্যাগী সেজে থাকে, তাকে প্রকৃত ত্যাগী বলা যায় না।

১৬। অভিমানের জড় মরেও মরে না ; যেমন ছাগলটাকে কেটে ফেলে তার ধড় মুণ্ড হ'তে পৃথক্ করলেও কিছুক্ষণ ধ'রে নড়তে থাকে।

১৭। অভিমানশূন্য হওয়া বড় কঠিন। পঁয়াজ রঙুনকে ছেঁচে কোন পাত্রে রেখে তার পর পাত্রটিকে শতবার ধুয়ে ফেললেও তার গন্ধ যেমন কিছুতেই যায় না, সেই প্রকার অভিমানের দেশ কিছু না কিছু থেকে যায়।

:৮। ঠিক ঠিক সন্ন্যাসী বা ত্যাগীর লক্ষণ  
কিরূপ জান? তারা কামিনী কাঞ্চনের  
কোনরূপ সংস্পর্শে থাকবে না। এমন কি,  
স্বপ্নেও যদি কামিনী সহবাস হচ্ছে বলে জ্ঞান  
হয় এবং তদ্বারা রেতঃস্খলন হয়, কিম্বা  
অর্থের উপর আসক্তি জন্মায়, তা হ'লে এত  
দিনের সাধন ভজন সব নষ্ট হয়ে যায়।

১৯। ভগবান্ কল্পতরু। কল্পতরুর নিকট  
ব'সে যে যা কিছু প্রার্থনা করে, তাই  
তার লাভ হয়। এই নিমিত্ত সাধন ভজ-  
নের দ্বারা যখন মন শুদ্ধ হয়, তখন খুব সাব-  
ধানে কামনা ত্যাগ করতে হয়। কেমন  
জান?—

এক ব্যক্তি কোন সময় ভ্রমণ করতে

করতে অতি বিস্তীর্ণ প্রান্তরে গিয়ে উপস্থিত হয়। পথে রৌদ্রের তাপে এবং পথভ্রমণের ক্লেশে অতিশয় ক্লান্ত ও ঘর্মাক্তকলেবর হ'য়ে কোন একটি বৃক্ষের নিম্নে উপবেশন ক'রে শ্রান্তিদূর করতে করতে মনে মনে ভাবলে যে, এই সময়ে যদি একটি উত্তম শয্যা মিলে, তা হলে তাতে অতি সুখে নিদ্রা যাই। পথিক যে কল্পতরুর নিম্নে বসেছিল, তা সে জানত না। মনে মনে যেমন এই বাসনা উঠল, তৎক্ষণাৎ সেইখানে উত্তম শয্যা এসে পড়ল। পথিক অত্যন্ত আশ্চর্য্য হয়ে তাইতেই শয়ন করলে ও মনে মনে ভাবতে লাগল, এই সময় যদি একটি স্ত্রীলোক এসে আমার পদ-সেবা করে, তাহলে অতি সুখে শয়ন করতে

পারি। এই সঙ্কল্প হতে না হতেই তখনই এক যুবতী পথিকের পদতলে এসে উপবেশন পূর্বক তার সেবা করতে লাগল। পথিকের এই দেখে আত্মাদের আর সীমা রইল না। তার পর তার খুব ক্ষুধা পেতে লাগল ও সে মনে করলে, যা ইচ্ছা করেছিলুম তা ত পেলুম, তবে কি কিছু খাবার জিনিস পাব না? বলতে না বলতে তার নিকট অমনি নানাপ্রকার খাদ্যদ্রব্য এসে যুটল। পথিক সে গুলি দিয়ে তখনই উদর পূর্ণ ক'রে সেই শয্যায় শয়ন পূর্বক সে দিনকার সব ঘটনা ভাবছে, এমন সময় তার মনে হল যে, এ সময় যদি হঠাৎ একটা বাঘ এসে পড়ে, তা হলেই বা কি করা যায়! যেমন এইটী মনে হওয়া, অমনি

এক প্রকাণ্ড বাঘ লাফ দিয়ে এসে তাকে ধরলে এবং তার ঘাড় থেকে রক্ত পান করতে লাগল। অবশেষে পথিকের জীবন শেষ হ'ল। এই সংসারে জীবেরও ঠিক এইরূপ দশা ঘটে থাকে। ঈশ্বর সাধন করতে গিয়ে বিষয়, ধন, জন অথবা মান যশ ইত্যাদির কামনা করলে তা কিছু কিছু লাভ হয় বটে, কিন্তু শেষে ব্যাঘ্রেরও ভয় থাকে। অর্থাৎ রোগ, শোক, তাপ, মান, অপমান ও বিষয়-নাশরূপ ব্যাঘ্র স্বাভাবিক ব্যাঘ্র হতেও লক্ষ্য গুণে যন্ত্রণাদায়ক।

২০। এক ব্যক্তির মনে হঠাৎ বৈরাগ্যভাব উদয় হয়ে আত্মীয় ভাইদের নিকট বললে যে, সংসার আমার ভাল লাগছে না। এখন

আমি কোনও নির্জন স্থানে গিয়ে ঈশ্বর  
 আরাধনা করব। তার আত্মীয়েরা এই শুভ  
 সঙ্কল্পে সম্মতি দিল। উক্ত ব্যক্তি বাড়ী হতে  
 বাহির হয়ে ক্রমে এক নির্জন স্থানে উপ-  
 স্থিত হয়ে ঘোরতর তপস্যা করতে আরম্ভ  
 করলে। ক্রমান্বয়ে বার বৎসর কাল তপস্যা  
 ক'রে ও কিছু কিছু সিদ্ধাই লাভ ক'রে পুন-  
 রায় বাড়ীতে ফিরল। তার আত্মীয় স্বজনরা  
 অনেকদিন পরে তাকে দেখে সকলেই আনন্দ  
 প্রকাশ করতে লাগল ও কথাবার্তা প্রসঙ্গে  
 জিজ্ঞাসা করলে, এতদিন তপস্যা ক'রে কি  
 জ্ঞানলাভ করলে? তখন সেই ব্যক্তি ঈশ্ব-  
 র হস্ত ক'রে সম্মুখে একটা হাতী চলে যাচ্ছিল  
 দেখে হাতীর নিকটে গিয়ে ও তার গা

তিনবার স্পর্শ করে যেমন বল্লে, “হাতী, তুই মরে যা” অমনি হাতীটা তার স্পর্শে মৃতবৎ হয়ে গেল ; কিছুক্ষণ পরে আবার গায়ে হাত দিয়ে যেমন বল্লে, “হাতী, তুই বাঁচ্” অমনি হাতী বেঁচে উঠলো।

তার পর বাড়ীর সম্মুখে নদীর ধারে গিয়ে মজ্জবলে এপার হতে পরপারে চলে গেল আবার ঐ ভাবে নদী পার হয়ে এল। তার ভাইয়েরা এই সব দেখে খুব আশ্চর্য্য হ'ল বটে, কিন্তু তপস্বী ভাইকে বলতে লাগলো—  
ভাই, এতদিন কেবল বৃথা তপস্যা করেছ, হাতী ম'ল ও বাঁচ'ল, তাতে তোমার কি লাভ হ'ল ? আর তুমি বার বছর ধরে কঠোর তপস্যা ক'রে নদীর পারাপার যেতে শিখেছ,

আমরা তা এক পয়সা খরচে ক'রে থাকি।  
 অতএব তুমি কেবল বৃথা সময় নষ্ট করেছ।  
 ভাইদের নিকট এইরূপ শ্লেষপূর্ণ কথা শুনে  
 তার যথার্থ হৃৎ হল ও সে বলতে লাগল,  
 যথার্থই আমার নিজের কি হল। এই বলে  
 তৎক্ষণাৎ ভগবানের দর্শন লাভের জন্য  
 পুনরায় ঘোরতর তপস্যা করতে চলে গেল।

২১। নিজেকে বেশী চতুর মনে করা  
 উচিত নয়। যেমন কাক খুব চতুর, কিন্তু  
 বিষ্ঠা খেয়ে মরে, তেমনি এ সংসারক্ষেত্রে  
 যারা বেশী চালাকী করতে যায়, তারাই  
 কেবল ঠকে থাকে।

২২। একদিন গঙ্গার ধারে দাঁড়িয়ে  
 এক হাতে একটা টাকা নিয়ে আর এক হাতে



মাটি নিয়ে মাটিই টাকা, টাকাই মাটি, এইরূপ  
 বিচার ক'রে উভয়কে যখন গঙ্গার জলে  
 ফেলে দিলুম, তখন মনে একটু ভয় ও ভাবনা  
 এল। ভাবলুম—মা লক্ষ্মী যদি রাগ করেন  
 ও তিনি যদি খেতে না দেন। তার পরে  
 মনে এল ও বল্লুম, মা লক্ষ্মী, তুমিই আমার  
 হৃদয়ে থাকো, তোমার ঐশ্বর্য আমি  
 চাই না।

২৩। ঈশ্বর দুইবার হাসেন। যখন  
 ভায়ে ভায়ে দড়ি ধ'রে জমি বক্রা ক'রে নেয়  
 আর বলে, এ দিক্টা আমার ও ঐ দিক্টা  
 তোমার, তখন একবার হাসেন। আর এক-  
 বার হাসেন, যখন লোকের অশ্লথ কঠিন হয়ে  
 পড়েছে, আত্মীয় স্বজনেরা সকলে কান্নাকাটি

কচ্ছে, বৈজ্ঞ এসে বলছে, ভয় কি ?  
আমি ভাল করে দিব। বৈজ্ঞ জানেনা যে,  
ঈশ্বর যদি মারেন, তবে কার সাধ্য তাকে  
রক্ষা করে।

২৪। শ্রীকৃষ্ণ অর্জুনকে বলেছিলেন,  
হে অর্জুন, অষ্ট সিদ্ধির মধ্যে একটী সিদ্ধিও  
থাকলে পরে, আমার যে সেই পরম ভাব  
তা তুমি লাভ করতে পারবে না। অতএব  
যারা ঠিক ঠিক ভক্ত ও জ্ঞানী, তারা যেন  
কোনরূপ সিদ্ধি কামনা না করে।

২৫। লক্ষ্মীনারায়ণ নামক একজন  
মাড়োয়ারী সংসঙ্গী ও ধনাঢ্য ব্যক্তি দক্ষিণে-  
থরে একদিন ঠাকুরকে দর্শন করিতে আসেন।  
ঠাকুরের সঙ্গে অনেকক্ষণ ধরিয়া বেদান্ত

বিষয়ে আলোচনা হয়। ঠাকুরের সহিত  
 ধর্মপ্রসঙ্গ করিয়া ও তাঁহার বেদান্ত সম্বন্ধে  
 আলোচনা শুনিয়া তিনি বড়ই প্রীত হন।  
 পরিশেষে ঠাকুরের নিকট হইতে বিদায়  
 লইবার সময় বলেন, আমি দশ হাজার টাকা  
 আপনার সেবার নিমিত্ত দিতে চাই। ঠাকুর  
 এই কথা শুনিবা মাত্র মাথায় দারুণ আঘাত  
 লাগিলে যেরূপ হয় মূর্ছাগতপ্রায় হইলেন।  
 কিছুক্ষণ পরে মহা বিরক্তি প্রকাশ করিয়া  
 বালকের আয় তাহাকে সম্বোধন করিয়া  
 বলিলেন, “শালা, তুমি হিঁয়াসে আবি উঠ  
 যাও। তুমি হাম্কে। মায়াকা প্রলোভন  
 দেখাতা হয়।” উক্ত মাড়োয়ারি ভক্ত একটু  
 অপ্রতিভ হইয়া ঠাকুরকে বলিলেন যে, “আপ.

আভি খোড়া কাঁচা হয়।” ইহার উত্তরে  
 ঠাকুর জিজ্ঞাসিলেন, “ক্যায়সা হয়?”  
 মাড়োয়ারি ভক্ত বলিলেন, “মহাপুরুষ  
 লোগোনকো খুব উচ্চ অবস্থা হোনেসে ত্যাজ্য  
 গ্রাহ এক সমান বরাবর হো যাতা হয়,  
 কোই কিছু দিয়া অথবা লিয়া উস্মে উন্কা  
 চিন্তমে সন্তোষ বা ক্লোভ কিছু নেহি হোতা।”  
 ঠাকুর ঐ কথা শুনিয়া ঈষৎ হাঁসিয়া উহাকে  
 বুঝাইতে লাগিলেন, “দেখ, আর্শিতে কিছু  
 অপরিষ্কার দাগ থাক্লে যেমন ঠিক্ ঠিক্ মুখ  
 দেখা যায় না, তেমনি যার মন নির্মল  
 হয়েছে, সেই নির্মল মনে কামিনী-কাঞ্চন  
 রূপ দাগ পড়া ঠিক নয়।” ভক্ত মাড়োয়ারি  
 বলিলেন, “বেশ কথা, তবে হৃদয়, যে আপনার

সেবা করে, না হয় তার নামে আপনার সেবার জন্য এই টাকা থাক্।” তত্বতরে ঠাকুর বলিলেন, “না, তাও হবে না। কারণ, তার নিকট থাকলে যদি কোন সময় আমি বলি যে অমুককে কিছু দাও বা অন্য কোন বিষয়ে আমার খরচ করতে ইচ্ছা হয়, তাতে যদি সে দিতে না চায়, তখন মনে সহজেই এই অভিমান আসতে পারে যে, ও টাকা ত তোর নয়, ও আমার জন্য দিয়েছে। ইহাও ভাল নয়।” মাড়োয়ারি ভক্ত ঠাকুরের এই কথা শুনিয়া আশ্চর্য্য হইলেন এবং ঠাকুরের এই অদৃষ্টপূর্ব্ব ত্যাগ ভাব দেখিয়া নিরতিশয় প্রীত হইয়া স্বস্থানে প্রস্থান করিলেন।

## সাধনের সহায় ।

১। প্রথম অবস্থায় একটু নির্জনে বসে  
মন স্থির করতে হয় । তা না হলে অনেক  
দেখে শুনে মন চঞ্চল হয় । যেমন দুধে জলে  
এক সঙ্গে রাখলে মিশে যায়, কিন্তু দুধকে  
মস্কন করে মাখন কত্তে পারে জলের সঙ্গে  
মেশে না, সে জলের উপর ভাসে ; তেমনি  
যাদের মন স্থির হয়েছে, তারা যেখানে  
সেখানে বসে সর্বদা ভগবান্কে চিন্তা করতে  
পারে ।

২। নিষ্ঠা ভক্তি না হ'লে সচ্চিদানন্দ লাভ  
হয় না । যেমন এক পতিতে নিষ্ঠা থাকলে

সতী হয়,—তেমনি আপনার ইচ্ছের প্রতি  
নিষ্ঠা হ'লে ইচ্ছা দর্শন হয়।

৩। ধ্যান করবে মনে, বনে, আর কোণে।

৪। প্রথম অবস্থায় একটু নির্জনে বসে ধ্যান  
অভ্যাস করতে হয়, তার পর ঠিক অভ্যাস  
হয়, তখন যেখানে সেখানে ধ্যান করতে  
পার। যেমন গাছ, যখন ছোট থাকে, তখন  
তাকে যত্ন ক'রে বেড়া দিয়ে রাখতে হয়. তা  
না হ'লে গরু ছাগল খেয়ে নষ্ট ক'রে ফেলে।  
পরে যখন গুঁড়ি মোটা হয়, তাতে দশটা গরু  
ছাগল বাঁধলেও কিছুই করতে পারে না।

৫। সহ্য গুণের চেয়ে আর গুণ নেই। যে  
সয়, সেই রয়। যে না সয়, সে নাশ হয়।  
সকল বর্ণের মধ্যে 'স' তিনটা—শ, ষ, স।

- ৬। সহ্য গুণের চেয়ে আর গুণ নেই। সকলেরই সহ্য গুণ থাকা চাই, যেমন কামার বাড়ীর নাইয়ের উপর কত জোর ক'রে বড় বড় হাতুড়ি পেটে, তথাপি, কিছু মাত্র বিচলিত হয় না। সেইরূপ কূটস্থবৎ বুদ্ধি থাকা চাই, যে যাই বলুক ও যে যাই করুক না
- কেন, সমুদয় সহ্য করে লবে।

৭। মাছ যত দূরে থাক্ না, ভাল ভাল চার ফেল্‌বামাত্র যেমন তারা ছুটে আসে, ভগবান্ হরিও সেইরূপ বিশ্বাসী ভক্তের হৃদয়ে শীঘ্র এসে উদয় হন।

৮। এক রকম বাদ্লে পোকা আছে, তারা আলো দেখলে ছুটে যায়, তারা তাতে প্রাণ দেয়, তবু অন্ধকারে আর যায় না ; তেমনি



যারা ভগবানের ভক্ত, তারা যেখানে সাধু থাকে ও ঈশ্বরীয় কথা হয়, সেখানে ছুটে যায়, সাধন ভজন ছাড়া সংসারের অসার পদার্থে আর বদ্ধ হয় না।

৯। পার্বতী মহাদেবকে জিজ্ঞাসা করলেন, ঈশ্বরলাভের খেই কোথায়? মহাদেব বললেন, বিশ্বাসই এর খেই। গুরুবাক্যে অচল ও অটল বিশ্বাস ব্যতীত সচ্চিদানন্দ লাভ করা যায় না।

১০। এই দুর্লভ মনুষ্যদেহ ধারণ করে যে সচ্চিদানন্দকে লাভ করতে না পারে, তার জন্মধারণ করাই বৃথা।

১১। মন কেমন জান? যেমন স্প্রিংএর গদী। যতক্ষণ গদীর উপরে বসে থাকা

যায়, ততক্ষণই নীচু হয়ে থাকে আর ছেড়ে দিলেই তৎক্ষণাৎ উঠে পড়ে। তেমনি সং ও সাধুসঙ্গে ভগবানের ভাব যা কিছু লাভ করে, আবার সাধুসঙ্গ পরিত্যাগ কর্তামাত্র যে-কে-সেই—আপনার পূর্ব ভাব ধারণ করে।

১২। নামেতে রুচি ও বিশ্বাস করতে পারলে তার আর কোন প্রকার বিচার বা সাধন করতে হয় না। নামের প্রভাবে সব সন্দেহ দূর হয়ে যায়; নামেতেই চিত্ত শুদ্ধ হয় এবং নামেতেই সচ্চিদানন্দ লাভ হয়ে থাকে।

১৩। সাধুসঙ্গ কেমন জান?—যেমন চাল-ধোয়ানি জল। যার অত্যন্ত নেশা হয়েছে, তাকে যদি চালের জল খাওয়ান যায়, তা

হলে তার নেশা কেটে যায়। সেইরূপ এই সংসারমন্ডে যারা মত্ত রয়েছে, তাদের নেশা কাটবার একমাত্র উপায় সাধুসঙ্গ।

১৪। যেমন উকিল দেখলে মামলা ও কাছারির কথা মনে আসে, আর ডাক্তার কবিরাজ দেখলে রোগ ও ঔষধের কথা মনে পড়ে, তেমনি সাধু ও ভক্ত দেখলে ভগবানের ভাব উদ্দীপন হয়।

### সাধনে অব্যবসায়।

১। রত্নাকরে অনেক রত্ন আছে ; তুমি এক ডুবে গেলে না ব'লে রত্নাকরকে রত্নহীন মনে

কোরো না। সেইরূপ একটু সাধন ভজন ক'রে  
ঈশ্বর দর্শন হলো না বলে হতাশ হয়ো না।  
ধৈর্য্য ধ'রে সাধন ক'ন্তে থাক, যথাসময়ে  
ঈশ্বরের কৃপা তোমার উপর হবে।

২। সমুদ্রে এক রকম ঝিনুক আছে, তারা  
সদা সর্বদা হাঁ ক'রে জলের উপর ভাসে; কিন্তু  
স্বাতি নক্ষত্রের এক ফোঁটা জল তাদের মুখে  
পড়লে তারা মুখ বন্ধ ক'রে একেবারে জলের  
নীচে চলে যায়, আর উপরে আসে না। তব্ব-  
পিপাসু বিশ্বাসী সাধকও সেই রকম গুরু-মন্ত্র-  
রূপ এক ফোঁটা জল পেয়ে, সাধনের অগাধ  
জলে একেবারে ডুবে যায়, আর অন্য দিকে  
চেয়ে দেখে না।

৩। যেমন কোন ধনী লোকের কাছে যেতে

হ'লে সেপাই শাস্ত্রীর অনেক খোঁসামোদ করতে হয়; তেমনি ঈশ্বরের কাছে যেতে হ'লে অনেক সাধন ভজন ও সংসঙ্গ আদি নানা উপায়ের দ্বারা যেতে হয়।

৪। এক কাঠুরে বন থেকে কাঠ কেটে এনে কোন রকমে ছুঃখে কষ্টে দিন কাটাত। এক দিন জঙ্গল থেকে সরু সরু কাঠ কেটে মাথায় করে আনছে, হঠাৎ একজন লোক সেই পথ দিয়ে যেতে যেতে তাকে ডেকে বলল, “বাপু, এগিয়ে যাও।” পরদিন কাঠুরে সেই লোকের কথা শুনে কিছুদূর এগিয়ে গিয়ে মোটা মোটা কাঠের জঙ্গল দেখতে পেল; সে দিন যতদূর পাল্লো, কেটে এনে বাজারে বেচে অল্প দিনের মধ্যে অনেক বেশী পয়সা পেলো। পরদিন

আবার সে মনে মনে ভাবতে লাগলো, তিনি  
 আমায় এগিয়ে যেতে বলেছেন ; ভাল, আজ  
 আর একটু এগিয়ে দেখি না কেন। সে এগিয়ে  
 গিয়ে চন্দন কাঠের বন দেখতে পেল। সে  
 সেই চন্দন কাঠ মাথায় ক'রে নিয়ে বাজারে  
 বেচে অনেক বেশী টাকা পেল। পরদিন  
 আবার মনে কল্ল, আমায় এগিয়ে যেতে বলে-  
 ছেন। সে, সেদিন আরও খানিক দূর এগিয়ে  
 গিয়ে এক তামার খনি দেখতে পেল। সে  
 তাতেও না ভুলে দিন দিন আরও যত এগিয়ে  
 যেতে লাগলো, ক্রমে ক্রমে রূপো, সোণা,  
 হীরার খনি পেয়ে মহা ধনী হয়ে পড়ল।  
 ধর্মপথেরও ঐরূপ। কেবল এগিয়ে যাও।  
 একটু আধটু রূপ, জ্যোতি দেখে বা সিদ্ধাই

লাভ ক'রে আছ্লাদে মনে কোরো না যে,  
আমার সব হয়ে গেছে ।

৫ । যে মাছ ধস্তে ভালবাসে, সে যদি শোনে  
যে, অমুক পুকুরে বড় বড় মাছ আছে, সে কি  
করে ? যারা সেই পুকুরে মাছ ধরেছে, সে  
যদি তাদের নিকট গিয়ে জিজ্ঞাসা করে  
বেড়ায়—সত্যি সত্যি সে পুকুরে বড় বড় মাছ  
আছে কি না, যদি থাকে তবে কিসের চার  
ফেলতে হয়, কি টোপ খায়,—এ সব বিষয়  
ভাল ক'রে জেনে নিয়ে যদি তাকে মাছ ধ'রতে  
যেতে হয়, তা হ'লে তার মাছ ত একেবারেই  
ধরা হয় না । সেখানে গিয়ে ছিপ্ ফেলে ধৈর্য্য  
ধ'রে ব'সে থাকতে হয়, তার পর সে মাছের  
খাই ও ফুট দেখতে পায় এবং তার পর সে

মাছ ধ'রতে পারে। ধর্মরাজোও সেইরূপ ; সাধক ও মহাজনদের কথায় বিশ্বাস ক'রে, ভক্তি-চার ছড়িয়ে ধৈর্য্যরূপ ছিপ ফেলে ব'সে থাকতে হয়।

৬। একটী লোক পরমহংসদেবের নিকট এসে বল্লেন, “মহাশয়, অনেক দিন সাধন ভজন করলুম, কিছুই ত বুঝতে শুবতে পারলুম না, আমাদের সাধন ভজন করা মিছে।” পরম-হংসদেব ঈষৎ হাস্য ক'রে বল্লেন, “দেখ, যারা খানদানী চাষা, তারা বার বৎসর অনাবৃষ্টি হ'লেও চাষ দিতে ছাড়ে না ; আর যারা ঠিক চাষা নয়, চাষের কাষে বড় লাভ শুনে কার-বার করতে আসে, তারাই এক বৎসর বৃষ্টি না হ'লেই চাষ ছেড়ে দিয়ে পালায় ; তেমনি



যারা ঠিক্ ঠিক্ ভক্ত ও বিশ্বাসী, তারা সমস্ত  
জীবন তাঁর দর্শন না পেলেও তাঁর নাম-  
গুণানুকীৰ্ত্তন ক'ৰ্ত্তে ছাড়ে না ।

৭। যেমন সাঁতার দিতে হ'লে আগে অনেক  
দিন ধ'রে জলে হাত পা ছুঁড়তে হয়, একে-  
বারেই সাঁতার দেওয়া যায় না ; সেইরূপ  
ব্রহ্মরূপ সমুদ্রে সাঁতার দিতে গেলে অনেক-  
বার উঠতে পড়তে হয়, একবারে হয় না ।

### ব্যাকুলতা।

১। তাঁর প্রতি কিরূপ মন চাই ? যেমন  
সতীর পতিতে, কৃপণের ধনেতে, বিষয়ীর বিষ-

য়েতে—এইরূপ টান যখন ভগবানের প্রতি হয়, তখন ভগবান্ লাভ হয়।

২। মার পাঁচটা ছেলে আছে। তিনি কাকেও খেলনা, কাকেও পুতুল, কাকেও বা খাবার দিয়ে ভুলিয়ে রেখে দিয়েছেন। তার মধ্যে যে ছেলেটা খেলনা ফেলে দিয়ে ‘মা কোথা’ ব’লে কাঁদে, তিনি তৎক্ষণাৎ তাকে কোলে নিয়ে ঠাণ্ডা করেন। হে জীব! তুমি কাম-কাঞ্চন নিয়ে ভুলে আছ। এ সব ফেলে দিয়ে যখন ঈশ্বরের জন্তু কাঁদবে, তখন তিনি এসে তোমায় কোলে ক’রে নেবেন।

৩। বিষয় লাভ হ’লো না, ছেলে হ’লো না ব’লে লোকে কেঁদে ভাসিয়ে দেয়, কিন্তু ভগবান্ লাভ হ’লো না, ভগবানের পাদপদ্মে

ভক্তি হ'লো না ব'লে এক ফোঁটা চোখের  
জল ক'জন লোকে ফেলে ?

৪। জলে ডুবে গেলে যেমন প্রাণ আটুপাটু  
করতে থাকে, সেই রকম ভগবানের জন্ত  
ব্যাकुলতা এসে যখন প্রাণ ঐরূপ করবে,  
তখনই তাঁকে লাভ করা যায়।

৫। ছেলে যেমন পয়সার জন্ত মার কাছে  
আন্ধার করে, কখন কাঁদে, কখন মারে ; সেই-  
রূপ আনন্দময়ী মাকে আপনার হ'তে  
আপনার জেনে তাঁকে দেখবার জন্ত যিনি  
সরল শিশুর স্থায় ব্যাকুল হ'য়ে ক্রন্দন  
করেন, তাঁকে সচ্চিদানন্দময়ী মা দেখা না  
দিয়ে থাকতে পারেন না।

৬। যার তৃষ্ণা পায়, সে কি গঙ্গার জল ঘোলা

ব'লে তখনি একটা পুকুর কেটে জল পান করতে যায় ? তেমনি যার ধর্ম্যতৃষ্ণা পায়নি, সে এ ধর্ম্য ঠিক নয়, ও ধর্ম্য ঠিক নয় এইরূপ ব'লে গোলমাল ক'রে বেড়ায়। তৃষ্ণা থাকলে অত বিচার চলে না।

## ভক্তি ও ভাব।

১। সাদা কাচের উপর কোন বস্তুর দাগ পড়ে না কিন্তু তাতে যদি মসলা মাখানো থাকে তবেই দাগ পড়ে, যেমন ফটোগ্রাফ ; তেমনি শুদ্ধমনে যদি ভক্তি-মসলা লাগান থাকে, তা হ'লে ভগবানের রূপ প্রত্যক্ষ হয়।

কেবলমাত্র শুদ্ধমনে ভক্তি ব্যতীত রূপ দেখা যায় না।

২। আগে ভাব, তার পর প্রেম, শেষে ভাব-সমাধি; যেমন সঙ্কীৰ্ত্তন করতে করতে প্রথমে বলে, “নিতাই আমার মাতা হাতী”—“নিতাই আমার মাতা হাতী”; ক্রমে ভাবে মগ্ন হ’য়ে শুধু বলে, “হাতী, হাতী”। তার পর কেবল হাতী এই কথাটি মুখে থাকে। শেষে কেবল হা বলতে বলতে ভাব-সমাধিতে মগ্ন হ’য়ে যায়। এইরূপে যে ব্যক্তি এতক্ষণ কীৰ্ত্তন করছিল, সে বাহ্যজ্ঞানশূন্য হ’য়ে চূপ হ’য়ে যায়।

৩। যেমন কুঁড়ে ঘরে হাতী প্রবেশ করলে ঘরকে তোলপাড় ক’রে ফেলে, সেই রকম

ভাবরূপ হস্তী দেহ-ঘরে প্রবেশ করলে দেহকে  
তোলপাড় ক'রে ফেলে।

৪। যার ভগবানে ভক্তি লাভ হয়েছে, তার  
কিরূপ ভাব হয় জান ? আমি যন্ত্র, তুমি যন্ত্রী ;  
আমি ঘর, তুমি ঘরণী ; আমি রথ, তুমি রথী ;  
যেমন বলাও তেমনি বলি, যেমন করাও  
তেমনি করি, যেমন চালাও তেমনি চলি।

৫। ভগবানের পাদপদ্মে ভক্তি হ'লেই  
বিষয় কৰ্ম্ম আপনা আপনি ত্যাগ হ'য়ে আসে।  
তার আর বিষয় কৰ্ম্ম ভাল লাগে না। যেমন  
ওলা মিছুরির পানা খেলে চিঠে গুড়ের পানা  
আর কেউ খেতে চায় না।

৬। সন্ধ্যা আহ্নিক ততদিন দরকার, যতদিন  
না তাঁর পাদপদ্মে ভক্তিপ্রেম হয় ও তাঁর

নাম করতে করতে চক্ষে জল পড়ে, আর  
শরীরে রোমাঞ্চ হয় ।

## ধ্যান ।

- ১। সত্ত্বগুণীর ধ্যান কিরূপ জান ? তারা  
রাত্রে মশারি খাটিয়ে তার ভিতর ব'সে ধ্যান  
করে । লোকে মনে করে যে ঘুমুচ্ছে । তাঁদের  
বাহ্যিক লোক-দেখান ভাব একেবারে নাই ।
- ২। (সাধকের) ধ্যানের সময় মধ্যে মধ্যে  
এক প্রকার নিজার মতন আসে, তাকে  
যোগনিদ্রা বলে । সে অবস্থায় অনেক সাধক  
ভগবানের রূপ দর্শন পায় ।

৩। ধ্যান এমন কর্বে যে, তাঁতে একেবারে তন্ময় হয়ে যাবে ; যখন ঠিক ধ্যান হয়, পাখীরা তার গায়ে বসে কিন্তু সে টের পায় না। মা কালীর মন্দিরের নাটমন্দিরে আমি যখন ব'সে ধ্যান করতুম, তখন সেখানকার লোকেরা বলত যে, আপনার গায়ে চড়াই ও শালিক পাখী ব'সে খেলা করে।

### সাধন ও আহান।

১। যে হবিষ্যন্ন ভক্ষণ করে, কিন্তু ঈশ্বর লাভ করতে চায় না, তার হবিষ্যন্ন গোমাংস-তুল্য হয় ; আর যে গোমাংস ভক্ষণ করে,



কিন্তু ভগবান্কে লাভ করবার চেষ্টা করে,  
তার পক্ষে গোমাংস হবিষ্যার তুল্য হয়।

---

### ভগবৎকৃপা।

১। হাজার বছরের অন্ধকার ঘর যেমন  
একবার একটা দেশলাইয়ের কাটি জ্বাললে  
তখনই আলো হয়, তেমনি জীবের জন্মজন্মা-  
ন্তরের পাপও তাঁর একবার কৃপাদৃষ্টিতে দূর  
হয়।

২। মলয়ের হাওয়া লাগলে যে সব গাছের  
সার আছে, সেই সব গাছে চন্দন হয় ; কিন্তু  
অসার—যেমন বাঁশ, কলা ইত্যাদি গাছে  
কিছু হয় না। ভগবৎকৃপা পেলে যাঁদের  
সার আছে, তাঁরাই মুহূর্তের মধ্যে মহা সাধু-

ভাবে পূর্ণ হন, কিন্তু বিষয়াসক্ত অসার  
মানুষের সহজে কিছু হয় না।

৩। কাদা ঘাঁটাই ছেলেদের স্বভাবসিদ্ধ,  
কিন্তু মা বাপ তাদের অপরিষ্কার থাকতে দেন  
না ; সেইরূপ জীব এই মায়ার সংসারে পড়ে  
যতই মলিন হোক না কেন, ভগবান্ তাদের  
শুদ্ধ হবার উপায় ক'রে দেন।

### সিদ্ধ অবস্থা।

১। লোহা যদি একবার স্পর্শমণি ছুঁয়ে  
সোণা হয়, তাকে মাটির ভিতর চাপা রাখ,

আর অঁস্তাকুড়ে ফেলে রাখ, সে সোণা ।  
 যিনি সচ্চিদানন্দ লাভ করেছেন, তাঁর  
 অবস্থাও সেই রকম । তিনি সংসারেই  
 থাকুন, আর বনেই থাকুন, তাতে তাঁর  
 দোষস্পর্শ করে না ।

২। যেমন লোহার তলোয়ার স্পর্শমণি  
 ছোঁয়ালে সোণার তলোয়ার হয়, আকার,  
 প্রকার সেই রকমই থাকে, কিন্তু তাতে আর  
 হিংসার কায চলে না ; সেই রকম ভগবানের  
 পাদপদ্ম স্পর্শ করলে তার দ্বারা আর কোন  
 অশ্রায় কায হয় না ।

৩। কোন ব্যক্তি পরমহংসদেবের নিকট  
 জিজ্ঞাসা করিলেন,—সিদ্ধপুরুষ হ'লে কিরূপ  
 অবস্থা হয় ?

উত্তরে তিনি বলিলেন,—

যেমন আলু বেগুন সিদ্ধ হ'লে নরম হয়,  
তেমনি সিদ্ধ-পুরুষের স্বভাব নরম হয়ে  
থাকে। তাঁর সব অভিমান চলে যায়।

৪। সংসারে অনেক প্রকারে সিদ্ধ  
অবস্থা লাভ হয় ; যেমন,—স্বপ্ন-সিদ্ধ, মন্ত্র-  
সিদ্ধ, হঠাৎ-সিদ্ধ ও নিত্য-সিদ্ধ।

৫। স্বপ্নেতে কেহ কেহ ইচ্ছা মন্ত্র পেয়ে  
তাই জপ ক'রে সিদ্ধ হয়। মন্ত্র-সিদ্ধ ;—  
সদগুরুর নিকট মন্ত্র গ্রহণ ক'রে সাধনার দ্বারা  
সিদ্ধ হয়। হঠাৎ-সিদ্ধ ;—দৈব-যোগে কোন  
মহাপুরুষের কৃপালাভ ক'রে সিদ্ধ হয়,  
তাহাকে হঠাৎ-সিদ্ধ বলে। নিত্য-সিদ্ধ ;—  
তাদের বালককাল থেকেই ধর্মে মতি থাকে।

যেমন লাউ, কুমড়া গাছে আগে ফল হয়,  
পরে ফুল ফোটে।

৬। সাঁকোর নীচে জল সহজে বেরিয়ে  
যায়, জমে না; তেমনি মুক্তপুরুষদিগের  
হাতে যে টাকা পয়সা আসে, তা থাকে না,  
অমনি খরচ হয়ে যায়। তাদের বিষয়-বুদ্ধি  
একেবারেই নাই।

৭। “ধ্যানসিদ্ধ যেই জন, মুক্তি তাঁর ঠাই।”  
ধ্যানসিদ্ধ কাদের বলে জান? যারা ধ্যান  
করতে বসলেই ভগবানের ভাবে বিভোর  
হয়ে যায়।

৮। মুক্তপুরুষ সংসারে কি রকম থাকেন  
জান? যেমন “পান-কৌড়ি” জলে থাকে,  
কিন্তু তাদের গায়ে জল লাগে না; যদিও

গায়ে একটু জল লাগে, তা হ'লে একবার  
গা ঝেড়ে ফেলেই তখনই সব চলে যায় ।

৯। জাহাজ যে দিকে যাক্ না কেন  
কম্পাসের কাঁটা উত্তর দিকেই থাকে, তাই  
জাহাজের দিক্ ভুল হয় না ; মানুষের মন  
যদি ঈশ্বরের দিকে থাকে, তা হ'লে আর তার  
কোন ভয় থাকে না ।

১০। চক্ৰমকি পাথর শত বৎসর জলের  
ভিতর প'ড়ে থাকলেও তার আগুন নষ্ট হয়  
না, তুলে লোহার ঘা মার্বামাত্রই আগুন  
বেরোয়। ঠিক বিশ্বাসী ভক্ত হাজার হাজার  
কুসঙ্গের মধ্যে প'ড়ে থাকলেও তার বিশ্বাস  
ভক্তি কিছুতেই নষ্ট হয় না । ভগবৎ-কথা হ'লে  
তখনি আবার সে ঈশ্বর-প্রেমে উন্মত্ত হয় ।

১১। যে যেরূপ ভাবনা ক'রে থাকে, তার সিদ্ধিও সেই রকমই হয়ে থাকে। যেমন দৃষ্টান্তে বলে, আরসোলা কাঁচপোকাকে ভেবে ভেবে কাঁচপোকা হয়ে যায়, তেমনি যে সচ্চিদানন্দকে ভাবনা করে, সেও আনন্দময় হয়ে যায়।

১২। মাতালেরা যেমন নেশার ঝাঁকে পৌঁদের কাপড় কখনও মাথায় বাঁধে এবং কখনও বগলে নিয়ে বেড়ায়, তেমনি সিদ্ধ মহাপুরুষদেরও বাহ্যিক অবস্থা প্রায় সেই রূপই হয়ে থাকে।

১৩। অহঙ্কার কি রকম জান? যেমন পদ্মের পাপড়ি ও নারকেল সুপারির বালতো, খসে গেলেও সে স্থানে একটা দাগ থাকে ;

তেমনি অহঙ্কার গেলেও তাতে একটু দাগের চিহ্ন থাকেই থাকে। তবে সে অহঙ্কারে কারও কিছু অনিষ্ট করতে পারে না। তা' দ্বারা খাওয়া দাওয়া শোয়া ইত্যাদি ছাড়া অন্য কোন কৰ্ম চলেনা।

১৪। যেমন আম পাকলে বাঁটা থেকে আপনি খ'সে পড়ে, তেমনি জ্ঞান লাভ হ'লে আত্মাভিমান প্রভৃতি আপনি চলে যায়। জোর ক'রে জাতি ত্যাগ করা ঠিক নয়।

১৫। গুণ তিন রকমের—সত্ত্ব, রজঃ ও তমঃ। এই তিন গুণের কেহই তাঁর নিকট পর্য্যন্ত পৌঁছুতে পারে না। যেমন একজন লোক বনের পথ দিয়ে চলে যাচ্ছিল, এমন সময় তিনজন ডাকাত এসে তাকে



ধরলে ও তার যা কিছু ছিল, সর্বস্ব কেড়ে  
 কুড়ে নিলে। তার ভিতর একজন ডাকাত  
 বললে, “এ লোকটাকে রেখে আর কি হবে” ?  
 এই কথা বলেই খাঁড়া উচিয়ে তাকে কাটতে  
 এল। আর একজন ডাকাত এসে বললে, “না  
 হে, একে কেটো না, কেটে কি হবে ? এর  
 হাত পা বেঁধে এখানেই ফেলে রেখে যাও।”  
 পরে সকলে মিলে তার হাত পা বেঁধে  
 সেখানে রেখে চলে গেল। কিছুক্ষণ পরে  
 তাদের মধ্যে একজন ফিরে এসে বললে,  
 “আহা, তোমার কত লেগেছে, এস আমি  
 এখন তোমার বন্ধন খুলে দিই।” ডাকাতটা  
 তখন বন্ধন খুলে দিয়ে বললে, “আমার সঙ্গে  
 সঙ্গে এস, তোমায় রাস্তা দেখিয়ে দিচ্ছি।”

পরে রাস্তার নিকটবর্তী হয়ে বল্লেন, “ঐ রাস্তা ধরে চলে গেলে তুমি বাড়ী পৌঁছবে।” লোকটী তখন তাকে বলতে লাগল, “আপনি আমার প্রাণ দান করলেন, আপনি আমার বাড়ী পর্য্যন্ত আসুন।” ডাকাত তখন বল্লেন, “আমি সেখানে যেতে পারব না, লোকে টের পাবে, আমি কেবল তোমাকে রাস্তা দেখিয়ে চলুম।”

১৬। মুক্ত পুরুষ সংসারে কিরূপ অবস্থায় থাকেন, জান ? যেমন ঝড়ের এঁটো পাতা। নিজের কোন ইচ্ছা বা অভিমান থাকে না। বাতাসে তাকে উড়িয়ে যে দিকে নিয়ে যায়, সেদিকেই যায়। কখন, বা আঁস্তাকুড়ে, কখন বা ভাল জায়গায়।

১৭। যতদিন শুধু ধান থাকে, পুঁতে দিলেই  
গাছ হয়। কিন্তু সেই ধানকে সিদ্ধ ক'রে  
পুঁত্লে আর গাছ হয় না; তেমনি যারা  
সিদ্ধ হয়েছেন, তাঁদের আর এ সংসারে  
জন্ম গ্রহণ করতে হয় না।

১৮। পরমহংস অবস্থা কাকে বলে জান ?  
যেমন হাঁসকে দুধে জলে এক সঙ্গে দিলে  
দুধ খেয়ে জলটি ফেলে রাখে। তাঁরা তেমনি  
সংসারের সার যে সচ্চিদানন্দ, তাঁকে গ্রহণ  
করেন, আর অসার যে সংসার, তাকে ত্যাগ  
করেন।

১৯। প্রথমতঃ অজ্ঞান, তার পরে জ্ঞান।  
পরিশেষে যখন সচ্চিদানন্দ লাভ হয়, তখন  
জ্ঞান ও অজ্ঞানের পারে চলে যায়। যেমন

গায়ে কাঁটা ফুটলে বাইরে থেকে যত্ন করে  
আর একটা কাঁটা এনে সেই কাঁটাটিকে তুলে  
ফেলে, তার পর দুটা কাঁটাই ফেলে দেয়।

২০। যে ব্যক্তি সিদ্ধি লাভ করেছে, অর্থাৎ  
যার ঈশ্বর সাক্ষাৎকার হয়েছে, তার দ্বারা  
আর কোনরূপ অগ্রায় কার্য হতে পারে না;  
যেমন যে নাচতে জানে, তার পা কখনও  
বেতালে পড়ে না।

২১। বৃহস্পতির পুত্র কচের সমাধিভঙ্গের  
পর যখন মন বহির্জগতে নেমে আসছিল,  
তখন ঋষিরা তাঁকে জিজ্ঞাসা করেছিলেন,  
'এখন তোমার কিরূপ অনুভূতি হচ্ছে?'  
তাতে তিনি বলেছিলেন, "সর্বং ব্রহ্মময়ং"—  
তিনি ছাড়া আর কিছুই দেখতে পাচ্ছি না।

## সব্ব-ধর্ম-সমন্বয় ।

১। যেমন গ্যাসের আলো এক স্থান হ'তে এসে সহরের নানা স্থানে নানা ভাবে জ্বলছে, তেমনি নানা দেশের নানা জাতের ধার্মিক লোক সেই এক ভগবান্ হ'তে আসছে ।

২। ছাতের উপর উঠতে হ'লে মই, বাঁশ, সিঁড়ি ইত্যাদি নানা উপায়ে যেমন উঠা যায়, তেমনি এক ঈশ্বরের কাছে যাবার অনেক উপায় আছে । প্রত্যেক ধর্মই এক একটা উপায় ।

৩। ঈশ্বর এক, তাঁর অনন্ত নাম ও অনন্ত ভাব । যার যে নামে ও যে ভাবে ডাক্তে

ভাল লাগে, সেই নামে।ও সেই ভাবে  
ডাক্লে দেখা পায়।

৪। কোন ব্যক্তি যেরূপ ভাবে, যে নামে  
ও যেরূপেই হোক না কেন, সেই এক  
অদ্বিতীয় সচ্চিদানন্দজ্ঞানে যদি সাধন ভজন  
করে, তবে তার ভগবান্ লাভ নিশ্চয়ই  
হবে।

৫। যত মত, তত পথ। যেমন এই কালী-  
বাড়ীতে আস্তে হ'লে কেউ নৌকায়, কেউ  
গাড়ীতে, কেউ বা হেঁটে আসে, সেইরূপ  
ভিন্ন ভিন্ন মতের দ্বারা ভিন্ন ভিন্ন লোকের  
সচ্চিদানন্দ লাভ হয়ে থাকে।

৬। মার ভালবাসা সব ছেলের প্রতি সমান,  
কিন্তু কোন ছেলের জন্ম লুচি, কারো জন্ম

খই বাতাসা প্রভৃতি যার যেমন আবশ্যক  
বুঝেন, সেই রকমই ব্যবস্থা ক'রে থাকেন।  
সেইরূপ ভগবান্ও বিভিন্ন সাধকের শক্তি ও  
অবস্থা অনুযায়ী সাধনের ব্যবস্থা করেন।

৭। মহাত্মা কেশবচন্দ্র সেন ঠাকুরকে  
জিজ্ঞাসা করিলেন, “ভগবান্ এক, তবে  
ধর্মসম্প্রদায়ের মধ্যে পরস্পর এত বাদ  
বিসম্বাদ দেখা যায় কেন?” উত্তরে পরম-  
হংসদেব বলিলেন, “যেমন এই পৃথিবীতে  
এটা আমার জমি ও এই আমার বাড়ী ব'লে  
ঘিরে ব'সে থাকে, কিন্তু উপরে সেই এক  
অনন্ত আকাশ, সেখানে যেমন কেউ ঘিরতে  
পারে না; তেমনি মানুষ অজ্ঞানে আপনার  
আপনার ধর্মকে শ্রেষ্ঠ ব'লে বৃথা গোলমাল

করে । যখন ঠিক ঠিক জ্ঞান লাভ হয়,  
তখন আর পরস্পরের মধ্যে বিবাদ  
থাকে না ।

৮। যাদের সঙ্কীর্ণ ভাব, তারাই অন্নের  
ধর্মকে নিন্দা করে ও আপনার ধর্মকে  
শ্রেষ্ঠ ব'লে দল পাকায়, আর যারা ঈশ্বর-  
অনুরাগী—কেবল সাধন ভজন কর্তে থাকে,  
তাদের ভিতর কোনরূপ দলাদলি থাকে  
না ; যেমন পুষ্করিণী বা গেড়ে ডোবায় দল  
জন্মায়, নদীতে কখনও জন্মায় না ।

৯। ভগবান্ এক, সাধক ও ভক্তেরা ভিন্ন  
ভিন্ন ভাবে ও রুচি অনুসারে তাঁর উপাসনা  
ক'রে থাকে । যেমন গৃহস্থেরা একটা  
বড় মাছ বাড়াতে এলে কেউ ঝোল ক'রে,



কেউ ভেজে, কেউ তেল হলুদে চচ্চড়ি ক'রে,  
কেউ ভাতে দিয়ে, কেউ কেউ বা অম্বল  
ক'রে, খেয়ে থাকে। সেইরূপ যাদের যেমন  
রুচি, তারা সেই রকম ভাবে ভগবানের সাধন  
ভজন ও উপাসনা ক'রে থাকে।

১০। যেমন জল এক পদার্থ, দেশ কাল  
পাত্র ভেদে ভিন্ন ভিন্ন নামান্তর হয়।  
বাঙ্গালা দেশে জল বলে, হিন্দীতে পানি  
বলে, ইংরাজীতে ওয়াটার বা একোয়া বলে।  
পরস্পরের ভাষা না জানা থাকলে কারুর  
কথা কেউ বুঝতে পারে না, কিন্তু জানলে  
আর ভাবের কোনরূপ ব্যতিক্রম হয় না।

১১। ভগবানের নাম ও চিন্তা যে রকম  
করেই কর না কেন, তাতেই কল্যাণ হবে।

যেমন মিছরির রুটি সিধে ক'রে খাও বা  
আড় ক'রেই খাও, খেলে মিষ্টি লাগবেই  
লাগবে।

### কস্মফল।

১। পাপ আর পারা কেউ হজম করতে  
পারে না। যদি কেউ লুকিয়ে পারা খায়,  
তা হ'লে কোন দিন না কোন দিন গায়ে  
ফুটে বেরোবে। পাপ কল্লেও তেমনি ফল  
এক দিন না এক দিন নিশ্চয় ভোগ  
করতে হবে।

২। গুটি পোকা যেমন আপনারই নাালে ঘর

ক'রে আপনি বদ্ধ হয়, তেমনি সংসারী জীব  
আপনার কর্মেই আপনি বদ্ধ হয়। যখন  
প্রজাপতি হয়, তখন ঘর কিস্তি কেটে বেরোয়,  
তেমনি বিবেক বৈরাগ্য হ'লে বদ্ধ জীব মুক্ত  
হয়ে যায়।

### যুগধর্ম ।

১। পরমহংসদেব সর্বদা বলিতেন;—“হাত-  
তালি দিয়ে সকালে ও সন্ধ্যাকালে হরিনাম  
কোরো, তা হলে সব পাপ তাপ চ'লে যাবে।  
যেমন গাছের তলায় দাঁড়িয়ে হাততালি  
দিলে গাছের সব পাখী উড়ে যায়, তেমনি

হাততালি দিয়ে হরিনাম কল্লে দেহ-গাছ  
থেকে সব অবিচাররূপ পাখী উড়ে পালায়।”

২। আগে সাদাসিদে জ্বর হ’ত, সামান্য  
পাঁচন ইত্যাদিতে সেরে যেত ; এখন যেমন  
ম্যালেরিয়া জ্বর, তেমনি ডিঃ গুপ্ত ঔষধ।  
আগে লোকে যোগ যাগ তপস্শা ক’রত ;  
এখন কলির জীব, অন্নগত প্রাণ, দুর্বল মন,  
এক হরিনামই একাগ্র হ’য়ে কল্লে সব সংসার-  
ব্যাধি নাশ পায়।

৩। জাস্তে অজাস্তে বা ভাস্তে যে কোন  
ভাবেই হোক না কেন, তাঁর নাম কল্লেই ফুল  
হবে। কেউ তেল মেখে নাইতে যায়, তারও  
যেমন স্নান হয়, আর যদি কাকেও জলে  
ঠেলে ফেলে দেওয়া যায়, তারও তেমনি স্নান

হয়—আর কেউ ঘরে শুয়ে আছে, তার গায়ে  
জল ঢেলে দিলে তারও স্নানের কায হয়ে  
যায় ।

৪। অমৃতকুণ্ডে যে কোন প্রকারে হ'ক,  
একবার পড়তে পারলেই অমর হওয়া যায় ;  
কেউ যদি স্তবস্ততি ক'রে পড়ে, সেও অমর  
হয়, আর কাকেও যদি কোন রকমে ঠেলে  
সেই অমৃতকুণ্ডে ফেলে দেওয়া যায়, সেও  
অমর হয় ; তেমনি ভগবানের নাম জ্ঞাস্তে,  
অজ্ঞাস্তে বা ভ্রাস্তে যে প্রকারে হ'ক, লইলে  
তার ফল হবেই হবে ।

৫। এই কলি যুগে নারদীয় ভক্তিমতই  
প্রশস্ত । অন্য অন্য যুগে নানা রকমের  
কঠোর সাধনের নিয়ম ছিল, সে সকল

সাধনে এ যুগে সিদ্ধিলাভ করা বড় কঠিন ।  
 একে জীবের অল্প পরমায়ু, তাতে মালো-  
 যারী ( ম্যালেরিয়া ) রোগে কাবু ক'রে  
 ফেলে, কঠোর তপস্যা কেমন ক'রে  
 করবে ?

### বস্ম প্রচার ।

১। সাধু মহাপুরুষদিগের নিকটস্থ আত্মীয়  
 লোকেরা অগ্রাহ্য করে, দূরের লোকদিগের  
 নিকট তাঁদের আদর হয়, ইহার কারণ কি ?  
 —যেমন বাজীকরের বাজী, তাদের কাছে  
 আত্মীয় লোকেরা দেখে না, দূরের লোকেরা  
 দেখে অবাক হয়ে যায় ।

২। বজ্র বাঁটুলের বিচি গাছের তলায় পড়ে না, উড়ে গিয়ে দূরে পড়ে ও সেখানে গাছ হয়। সেই রকম ধর্মপ্রচারকদিগের ভাব দূরেতেই প্রকাশ হয় ও লোকে আদর করে।

৩। লণ্ঠনের নীচে অন্ধকার থাকে, দূরে আলো পড়ে। সেই রকম সাধু মহাপুরুষদের নিকটের লোকেরা বুঝতে পারে না, দূরের লোকেরা তাঁদের ভাবে মুগ্ধ হয়।

৪। আপনাকে মারতে হ'লে একটী নরুন্ দিল্পে হয় ; কিন্তু অপরকে মারতে গেলে ঢাল তরবারের দরকার হয়। তেমনি লোক-শিক্ষা দিতে হ'লে অনেক শাস্ত্র পড়তে হয় ও অনেক তর্ক যুক্তি ক'রে বোঝাতে হয় ;

কিন্তু আপনার ধর্মলাভ কেবল একটী কথায়  
বিশ্বাস কল্লেই হয়।

৫। ও দেশেতে লোকে যখন ধান মাপে,  
একজন মাপতে থাকে আর একজন পিছনে  
দাঁড়িয়ে থাকে; যেই কম পড়ে আসে,  
পিছনে যে গাদা করা থাকে, তা থেকে  
ঠেলে দিয়ে তার সামনে যুগিয়ে দেয়।  
তেমনি যারা ঠিক ঠিক সাধু ভক্ত, ঈশ্বরীয়  
কথা বলা ফুরাতে না ফুরাতে তাদের ভিতর  
থেকে ভাব যুগিয়ে আসে। তাদের ভাব  
আর ফুরায় না।





# সাধক-সহচর ।

---

যোগাচার্য্য

শ্রীশ্রীমদবধূত জ্ঞানানন্দ দেব

কথিত ।

দ্বিতীয় সংস্করণ ।

মহানির্ব্বাণ মঠ ।

১৩২০ ।

*All rights reserved.*

মূল্য ১৬/০ আনা ।

কলিকাতা,

১৩ নং শিবনারায়ণ দাসের লেন, সিদ্ধেশ্বর মেসিন্ প্রেসে  
শ্রীঅবিনাশচন্দ্র মণ্ডল দ্বারা মুদ্রিত।

ও

কালীঘাট—নহানির্কায় মঠ হইতে  
শ্রীরাখালদাস পাল কর্তৃক প্রকাশিত।

---

সন ১৩২০।

## নিবেদন ।

কয়েক বৎসর পূর্বে এই গ্রন্থ ভক্তপ্রবর শ্রীযুক্ত  
নগেন্দ্রনাথ সেন মহাশয় প্রকাশ করেন। অধুনা  
ঐ গ্রন্থই পুনর্মুদ্রিত হইল।

প্রকাশক ।





## সাধক-সহচর ।

### প্রথম ভাগ ।

নানা ভক্ষ্য । ক্ষুধা এক । প্রত্যেক ভক্ষ্য  
দ্বারাই ক্ষুধানিবৃত্তি হইতে পারে । নানা শাস্ত্র ।  
নানা মত । ঈশ্বর এক । প্রত্যেক মতেই  
তঁাহাকে প্রাপ্ত হওয়া যায় । ১ ।

বাহ্যদর্শনে সংসার অতি সুন্দর ও মনোহর ।  
সাংসারিক-বহির্দৃশ্য, অধিক চিন্তাকর্ষণ করিতে  
পারে ; কিন্তু অন্তর, পারে না । ২ ।



বালুকা-চূর্ণ-প্রলেপিত গৃহের চূর্ণ বিধৌত  
ও বালুপ্রলেপ ভগ্ন হইলে, ইষ্টক বহির্গত  
হইয়া তাহার কদাকার প্রকাশিত হয়।  
সংসারও যেন ঐ প্রকার বালুকা-চূর্ণ-প্রলেপিত  
একটি সুশোভিত গৃহ। তাহার শোভা,  
বাহু-শোভা । ৩ ।

বিষ্ঠা-ত্যাগ-স্থানে বিষ্ঠা ত্যাগের পর,  
আর বসিয়া থাকিতে ইচ্ছা হয় না। সমস্ত  
ভোগ ত্যাগের পর, আর সংসারে থাকিতে  
ইচ্ছা হয় না । ৪ ।

পরিষ্কার সূচী বহুকাল বস্ত্রে সংলগ্ন  
থাকিলে তাহাতে অধিক মরিচা ধরে। তাহা  
টানিয়া শীঘ্র উহা হইতে অসংলগ্ন করা যায়  
না। সূচী যতদিন পরিষ্কার থাকে, টানিলে

শীত্র খোলা যায় । সংসারে যাহার মন অধিক কাল সংলগ্ন থাকে, শীত্র তাহা হইতে বিচ্যুত করা যায় না । ৫ ।

বৃক্ষে যতদিন পত্র থাকে, ততদিন সতেজ ও সরস থাকে । বৃক্ষ হইতে চ্যুত হইলেই শুষ্ক ও নীরস হয় । কল বৃক্ষে পর্য্যুসিত হয় না । জীবের মন যতক্ষণ ঈশ্বর-রূপ-বৃক্ষে থাকে, ততক্ষণ তাহা প্রেম-ভক্তি-রসে সরস থাকে । প্রেম-ভক্তি-রসময় মনঃকল ঈশ্বর-বৃক্ষচ্যুত হইয়া সংসারে থাকিলেই পর্য্যুসিত হয় । ৬ ।

সংসার ও তদানুঘটিক যাহা কিছু, সমস্তই পরাধীনতার হেতু । ৭ ।

সংসার হইতে মনের নির্লিপ্ত মুক্তি ।



মনের সংসার-নির্লিপ্তি ব্যতীত, মৃত্যু—মুক্তির কারণ নহে । সংসারলিপ্তাবস্থায় বারম্বার মৃত্যু হইলে, মুক্তি ব্যতীত বারম্বার জন্ম হইবে । ৮ ।

বন্ধ্যায় অনেক নৌকা মগ্ন হয় । সংসার-সমুদ্রের বন্ধ্যায় অনেকেরই মনঃ-তরী মগ্ন হয় ।  
কিচিৎ ভগবৎকৃপায় কোন কোন মনঃ রক্ষা পায় । ৯ ।

অতি নিপুণ সন্তরণকারীর সর্ববাস্ত্বে বৃহৎ বৃহৎ শিলা সকল বাঁধিয়া দিলে, তিনিও জলমগ্ন হন । সাংসারিক-ভার-বিহীন হইয়া ভব-সমুদ্র পার হইবার চেষ্টা কর । অধিক ভারযুক্ত হইলে, তুমি তাহাতে ডুবিবে । ১০ ।

মহাদ্রুতগামী তেজী অশ্বকে শৃঙ্খল দ্বারা বাঁধিয়া রাখিলে, সে আর দৌড়িতে পারে না ।

মায়া-শৃঙ্খলমুক্ত হইলে, তবে ঈশ্বরের দিকে অগ্রসর হইতে পারিবে । ১১ ।

অঙ্গে আল্কাত্রা লাগিলে, জলের দ্বারা ধৌত করিলে উঠে না । কিছুক্ষণ তৈল মর্দন করিলে উঠে । মায়া আল্কাত্রার আয় । উহা মন হইতে ভক্তিরূপ তৈলের দ্বারা তুলিতে হয় । ১২ ।

গায়ে শুঁয়াপোকার কাঁটা লাগিলে, প্রথমতঃ ডুমুর-পাতা ঘষিলে, কতক উঠে' যায় । পরে, সফটক স্থানে চূণের প্রলেপ দিলে কণ্টক যন্ত্রণা-দায়ক হয় না । \*অবিছা-মায়ারূপ শুঁয়াপোকার, ষড়্রিপুরুষ কণ্টক মনে বিদ্ধ রহিয়াছে । প্রথমতঃ, বিবেকরূপ ডুমুরপাতা ঘষিলে, কতক' উঠিবে ; পরে,

সেই স্থানে বৈরাগ্যরূপ চূণের প্রলেপ দিতে হইবে । ঐ প্রলেপপ্রভাবে ষড়রিপুরূপ কণ্টক ক্রমে নিস্তুজ হইবে । ১৩ ।

সর্ষপ, নারিকেল এবং এরণ্ড ফলের শস্ত্র—  
জল ও তৈল উভয়-রসাত্মক । কিছুকাল ঐ  
তিন সামগ্রী সূর্য্য-কিরণে রাখিলে, উহাদের  
মধ্যস্থিত জল শুষ্ক হয় ; কিন্তু তৈল শুষ্ক হয়  
না । জীবের মনও পাপপুণ্যময় । জ্ঞান-সূর্য্যের  
কিরণে জীবের পাপরূপ জল-সকল শুষ্ক হয় ;  
কিন্তু পুণ্যরূপ তৈল-সকল শুষ্ক হয় না । ১৪ ।

সংসারে ও তদানুঘটিক ধনে বিরাগ জন্মিলে,  
অবশ্যস্তাবী দরিদ্রতা হয় ; তাহা শাস্তি-প্রসূতি,  
সুখপ্রদা ও আনন্দদায়িনী । ঐ প্রকার দারিদ্র্য  
আকাঙ্ক্ষণীয় ; উহা স্বাধীনতার জননী । ১৫ ।

যে নারী পিতলের অলঙ্কার পরে, সে সর্নের পাইলে তাহা ত্যাগ করে। হীরকের পাইলে, স্বর্ণালঙ্কার পরে না। সাংসারিক সুখ অপেক্ষা উৎকৃষ্ট সুখ পাইলে, সাংসারিক সুখ তুচ্ছ বোধ হয়। ১৬।

পাণ্ডিত্যের গৃহে কোন গ্রন্থ না থাকিলেও তাঁহার ক্ষতি নাই। তাঁহার পাণ্ডিত্য আছে। মূর্খের গৃহে বহু গ্রন্থ থাকিলেও তাহার পাণ্ডিত্য লাভ হয় না। ভগবানের প্রতি যাহার প্রেমভক্তি আছে, তাঁহার সকলই আছে। যিনি কেবল মৌখিক ধর্ম্ম সম্বন্ধে কতকগুলি কথা বলিতে ও লিখিতে পারেন, প্রকৃত কথায় তাঁহার কিছুই নাই। ১৭।

যত কাল সংসারে পুত্রকলত্র প্রভৃতির ও

ধনের মমতা মন হইতে পরিত্যক্ত না হইবে, তত কাল প্রকৃত সন্ন্যাস নহে । ঐ সমস্ত মমতা-বিশিষ্ট ব্যক্তি ; সর্বদ্যাগী, সন্ন্যাসীর ভেক ( বেশ ) ধারণ-পূর্বক কোন নির্জজন স্থানে অথবা বনে বাস করিলেও, তাঁহাকে সর্বদ্যাগী সন্ন্যাসী বলা যায় না । ঐ প্রকার সাংসারিক মমতায়ুক্ত আচরণে বরঞ্চ মহা অপরাধ এবং পাপ হইতে পারে । ১৮ ।

অধিক জলে অগ্নি তিষ্ঠিতে পারে না । অধিক অগ্নিতেও অল্প জল তিষ্ঠিতে পারে না । কিন্তু বৃহৎ সমুদ্রে বাড়বাগ্নি আছে । সাধারণ লোকের পক্ষে সংসার ও ধর্ম একত্র নির্বিবন্ধে তিষ্ঠিতে পারে না । কিন্তু অদ্বৈত, নিত্যানন্দ, জনক, ব্যাস, বিশিষ্ট, ধ্রুব, প্রহ্লাদ, বলী ও

রায় রামানন্দ প্রভৃতির ন্যায় মহাত্মাগণের  
পক্ষে উভয়ই পারে । ১৯ ।

শিশু ও বালক-বালিকাগণ যে প্রকারে  
নির্লিপ্তভাবে সংসারে থাকে, সিদ্ধ মহাপুরুষ-  
গণও সেই প্রকারে থাকিতে পারেন । ২০ ।

অল্প বয়স্ক বালক-বালিকাগণ কখন  
'কাপড় পরে, কখন উলঙ্গ হইয়া থাকে ।  
উভয় অবস্থাতেই তাহারা মুক্ত । তাহাদের  
ন্যায় সিদ্ধ-পুরুষদিগের আচরণ ও স্বভাব ।  
সিদ্ধ-পুরুষ সর্বাবস্থায় মায়ামুক্ত । ২১ ।

ব্যাস্র এবং বিড়াল, আলোকে ও অন্ধকারে  
উভয়েতেই দেখিতে পায় । নিৰ্ম্মায়িক  
সিদ্ধ-পুরুষগণ অজ্ঞানান্ধকারাচ্ছন্ন মায়াময়  
সংসারেও জ্ঞান-নেত্র দ্বারা সচ্চিদানন্দকে

দর্শন করেন । তাঁহাদের সংসারের সংশ্রব ও  
অসংশ্রব সমতুল্য । সংসার-সংশ্রবেও তাঁহাদের  
কোন ক্ষতি হইতে পারে না । ২২ ।

উত্তম আহাৰ্য্য আহাৰ করিলেও বিষ্ঠা  
হয় । বিষ্ঠা—দুর্গন্ধযুক্ত, কেহ স্পর্শ করিতে  
চাহে না । বিষ্ঠা মাটি হইলে আর তাহাতে  
দুর্গন্ধ থাকে না । তথাচ বিষ্ঠা, মাটি হইয়াছে  
যে জানে, সে তাহা স্পর্শ করিতে চাহে না ।  
বিষ্ঠাতে লোকের এত ঘৃণা ! ভাল লোক মন্দ  
হইয়া পুনরায় ভাল হইলেও, অনেকে তাঁহার  
সংসর্গে থাকিতে ইচ্ছা করেন না ; অনেকে  
তাঁহাকে স্পর্শ পর্য্যন্তও করেন না । ২৩ ।

বহুকলশালীবৃক্ষ নম্র হয় । যে ব্যক্তি নানা  
সদ্বৈদিকরূপ ফলবান্, সেই ব্যক্তিই নম্র । ২৪ ।

পাণা-পুকুরের জল পাণায় আবৃত, পঙ্কিল  
এবং দুর্গন্ধময় । তাহার পৃথ্বিকা ( পাণা )  
সকল অপসৃত করিলেও নিশ্চল জল পাওয়া  
যায় না । কখনও স্বচ্ছ পুষ্করিণী পৃথ্বিতে  
আবৃত হয় না । তাহার জলে পঙ্কের দুর্গন্ধও  
নাই । যাহার অন্তর ভাল, তাহার বাহিরও  
ভাল ! ২৫ ।

যাঁহাকে অধিক লোক মান্ত গণ্য করে,  
অথচ, তাঁহাকে প্রহার করিলে, তিনি প্রহার  
করেন না ; ভৎসনা করিলে, ভৎসনা করেন  
না ; কটু কথা বলিলে, কটু কথা বলেন না,  
তিনি মহৎ এবং মহাপুরুষ । ২৬ ।

দাসকে প্রভু সময়ে সময়ে প্রহার ও  
ভৎসনা করেন । দাস অক্ষমতা-প্রযুক্ত সে



সমস্ত সহ করে। তাহাতে তা'র মহত্ব  
নাই। ২৭।

বিষ্ণুপুরাণে বিষ্ণুকে ব্রহ্ম, শিব সম্বন্ধীয়  
গ্রন্থ সকলে শিবকে ব্রহ্ম, মহাভাগবতে  
শক্তিকে ব্রহ্ম, শ্রীমদ্ভাগবতে ও ব্রহ্মবৈবর্তে  
কৃষ্ণকে ব্রহ্ম এবং অন্যান্য মতের নানা গ্রন্থে  
একই ব্রহ্মের নানা নাম আছে। যাঁহার  
প্রকৃত ব্রহ্মজ্ঞান হইয়াছে, তাঁহার অভেদ-বুদ্ধি  
হইয়াছে। তিনি বিষ্ণুপুরাণের বিষ্ণুকে,  
শৈবগ্রন্থ সকলের শিবকে, মহাভাগবতের  
শক্তিকে, শ্রীমদ্ভাগবতের ও ব্রহ্মবৈবর্তের  
কৃষ্ণকে অভেদ বোধ করেন। ২৮।

সংস্কৃত 'সৎ'-শব্দার্থে উত্তমও হয়। ব্রহ্মকে  
'সৎ' বলা হয়। ইংরাজীতে পরমেশ্বরবাচক

‘গড়’ শব্দ গুড শব্দের অপভ্রংশ। গুড্ অর্থেও উত্তম, সৎ অর্থেও উত্তম ; সুতরাং, গুড্ এবং সৎ অভেদ। গড্ এবং সৎ ব্রহ্মও অভেদ। ২৯।

মনুষ্য বহু। প্রত্যেক মনুষ্যের রুচি স্বতন্ত্র। নানা মনুষ্যের নানা প্রকার খাচ্ছে, নানা প্রকার পরিচ্ছদে, নানা প্রকার কথোপকথনে রুচি এবং আনন্দ। এমন কি, প্রত্যেক বিষয়ে প্রত্যেক মনুষ্যের স্বাতন্ত্র্য পরিলক্ষিত হয়। প্রত্যেকের ধর্ম্যপ্রবৃত্তিও এক প্রকার নহে ; এইজন্য, ধর্ম্য সম্বন্ধে নানা মূনির নানা মতের সৃষ্টি হইয়াছে ; নানা প্রকার শাস্ত্র হইয়াছে। সেইজন্য, ভগবান্ও নানারূপী হন। তাঁহার সাকারত্বে নানাত্ব। নিরাকারত্বে

একত্ব । সিদ্ধাবস্থায় ঈশ্বরীয় বহু সাকার এক বোধ এবং দর্শন হয় । এই প্রকার বোধ এবং দর্শনকে সাকারে অদ্বৈত জ্ঞান বলা যায় । মহাসিদ্ধাবস্থায় সাকার-নিরাকারে অভেদ জ্ঞান হয় । এই প্রকার জ্ঞান অতি দুর্লভ । ৩০ ।

নিজ সম্বন্ধীয় জ্ঞানকে আত্মজ্ঞান বলি । সেই আত্মজ্ঞান-জনিত যে আনন্দ হয়, তাহাকে আত্মজ্ঞানানন্দ বলা যায় । ৩১ ।

জীবাত্মা ও পরমাত্মা দু'টি নাম আছে । বস্তুতঃও দু'টি । ঐ দুইটি বোধ এবং অবস্থাতে যতদিন পৃথক থাকে, ততদিন দ্বৈতজ্ঞান থাকে । অবস্থা এবং বোধে উভয়ের ঐক্য হইলেই অদ্বৈত জ্ঞান বলা যায় । ৩২ ।

বীজ যেন জীবাত্মা । বৃক্ষ পরমাত্মা ।

~~~~~  
বীজ-জীবাত্মা বৃক্ষ-পরমাত্মা হইলে, তাঁহার নাম, রূপ, গুণ, এবং স্বভাবের সম্পূর্ণ পরিবর্তন হইবে ; সুতরাং, তখন তাঁহাকে পরমাত্মা বলিতে হইবে এবং তাঁহার পরমাত্মার গুণ, অবস্থা, এবং স্বভাব প্রভৃতি সমস্তই হইবে । জীবাত্মা-পরমাত্মার ঐক্য ( অভেদত্ব ) এই প্রকারের হয় । বীজ এবং বৃক্ষ অভেদ এবং এক পদার্থ হইলেও যেমন উভয়ের নাম, রূপ, গুণ, অবস্থা এবং স্বভাব প্রভৃতিতে পরস্পর অনেক প্রভেদ আছে, তদ্রূপ জীবাত্মা এবং পরমাত্মা এক পদার্থ এবং অভেদ হইয়াও উভয়ে অনেক প্রভেদ । ৫৩ ।

দৈহিক এবং মানসিক কার্য্য-বিহীনতায় নিষ্ক্রিয়ত্ব ও নিগুণত্ব হয় । দৈহিক ও

মানসিক কোন প্রকার কার্যসঙ্গে নিষ্ক্রিয়ত্ব ও নিঃশূণত্ব হইতে পারে না । ৩৪ ।

বেদ-বেদান্তের মতে ব্রহ্ম নিঃশূণ, নিষ্ক্রিয়, নির্লিপ্ত ও নিরাকার । পানাহার, বাক্যালাপ, দৈহিক কিস্মা মানসিক সমস্ত কার্য্যই গুণের পরিচায়ক । ব্রহ্মত্ব প্রাপ্তি হইলে, ঐ সমস্ত থাকে না । নির্বিবকল্প-সমাধি ব্যতীত নিঃশূণ, নিষ্ক্রিয় এবং নির্লিপ্ত হইতে পারি না । “সোহহং” যিনি বলেন, তিনি তাহা নন । ৩৫ ।

যতক্ষণ কর্ণে নানা শব্দ শুনি, চক্ষে নানা পদার্থ দেখি, মুখে নানা কথা বলি, রসনায় নানা রসাস্বাদন করি, নাসায় নানা গন্ধ আশ্রাণ করি, শরীরে শীত, গ্রীষ্ম, প্রহার ও আঘাত প্রভৃতি বোধ করি, ততক্ষণ আমার

অদ্বৈতজ্ঞান নহে । অদ্বৈতজ্ঞানে দ্বৈত বোধ থাকে না । ৩৬ ।

শোক, দুঃখ, আনন্দ সর্ববিদা বোধ করি না । যতক্ষণ বোধ করি, ততক্ষণই উহাদের অস্তিত্ব বোধ হয় । যখন বোধ করি না, তখন অস্তিত্বও বোধ করি না । নিরাকার-ব্রহ্ম-বোধও ঐ প্রকারে হয় । ৩৭ ।

ভক্তি কামধেনু । প্রেম যেন তাঁহার দুগ্ধ । ৩৮ ।

ভক্তি, দাস্ত-ভাবাত্মক । অন্য কোন ভাবে দাস্তের প্রকাশ ব্যতীত ভক্তির উদ্বেক হইতে পারে না । ৩৯ ।

ভক্তি, নিজের প্রতি হইতে পারে না । অপরের প্রতি হইতে পারে । ৪০ ।

ভক্তের কৃপায় ভক্তি হয় । ভক্তির কৃপায়  
কৃষ্ণপ্রাপ্তি হয় । ৪১ ।

অধিক প্রভুপরায়ণ ভূত্যের, প্রভুর সেবায়  
আনন্দ আছে । প্রকৃত ভগবৎ-সেবাদাসেরও  
ভগবৎ-সেবানন্দ উপভোগ হয় । ৪২ ।

লক্ষ্মণ, ভরত এবং হনুমানের তুল্য  
রামদাস্য কাহারও ছিল না । প্রভুর জন্য  
সর্বব্যাগ, প্রভুর জন্ত প্রাণপণ কেবল ঐ  
তিনেরই ছিল । লক্ষ্মণ রাজভোগ পরিত্যাগ  
করিয়া শ্রীরামের অনুসরণ করিয়াছিলেন ।  
তিনি 'রামকার্যে' শক্তিশেলে মৃতকল্প হইয়া-  
ছিলেন, তিনি রামকার্যে কত জীবন-সকটাপন্ন  
যুদ্ধে যুদ্ধ করিয়াছিলেন । ভরতও বড় সামান্য  
রামদাস ছিলেন না । প্রকৃত প্রভুর স্তখে

সুখানুভব এবং প্রভুর দুঃখে দুঃখানুভব তাঁহার এত অধিক ছিল যে, প্রভু ভোগবিলাস পরিত্যাগপূর্বক যোগিবেশধারী যোগীর আচরণকারী হইলেন ত' তিনিও প্রভুর কার্যের অনুষ্ঠান করিতে লাগিলেন । কেবল প্রভুর গায়ে হাত বুলাইলেই দাস্ত্র হয় না । 'বেতন-ভোগী দাসও ত' ঐ সকল করে । প্রকৃত দাস্ত্রের উজ্জ্বল দৃষ্টান্ত লক্ষ্মণ, ভরত এবং হনুমান ;—যাঁহারা প্রভুর জন্য সর্ববত্যাগে, প্রভুর জন্য নিজ নিজ প্রাণ বিসর্জনে পর্য্যন্ত প্রস্তুত ছিলেন । ৪৩ ।

শ্রীরামচন্দ্র পিতৃসত্য পালনে ভোগ-বিলাস-ত্যাগী, যোগিবেশধারী, বনবাসী ও বনচারী হইয়াছিলেন । কিন্তু শ্রীরামভক্ত ভরতের নিজ



প্রভু শ্রীরামচন্দ্রের প্রতি প্রগাঢ়-দাস্ত্যভাবাত্মিকা  
 প্রেমা-ভক্তি থাকায় তিনি সর্বব্যাগী ও  
 যোগিবেশী হইয়াছিলেন । ৪৪ ।

অশ্রুই প্রেম নহে । শোকে, দুঃখে, কোন  
 প্রকার দৈহিক যন্ত্রণায়, সর্দীতে, চক্ষুতে অধিক  
 পরিমাণে ধূম এবং তৈল লাগিলেও অশ্রু  
 নির্গত হয় । প্রেম একটা মানসিক শক্তি ;—  
 যে শক্তি প্রেমিক-মানুষকে প্রেমাস্পদকে  
 আলিঙ্গন প্রভৃতি প্রেমাস্পদের সেবা-শুশ্রূষা  
 ও তাহার অনেক প্রকার কার্য্য করায়,  
 তাহার প্রতি নানা প্রকার যত্ন করায় । তাহা  
 প্রেমাস্পদের বিরহে প্রেমিককে কাঁদায় । ৪৫ ।  
 প্রেমের উৎপত্তির কারণ প্রেমাস্পদ ।  
 প্রেম মনোজ । প্রেমজ—ভাব, মহাভাব । ৪৬ ।

ভাব-মহাভাবাত্মক প্রেম ! অগ্রে ভাবাত্মক প্রেম, পরে মহাভাবাত্মক প্রেম । ভাব কিম্বা মহাভাব ব্যতীত প্রেম হইতে পারে না । ভাব-মহাভাবময় প্রেম । ৪৭ ।

প্রেমে কাহারো প্রতি দাস্ত, কাহারো প্রতি সখ্য, কাহারো প্রতি বাৎসল্য ও কাহারো প্রতি মধুর ভাব হয় । ৪৮ ।

প্রেমের প্রধান দুই শাখা, বিরহ এবং সন্মিলন । দাস্ত, সখ্য, বাৎসল্য ও মধুর এই চারি ভাবেই বিরহ এবং সন্মিলন আছে । ঐ চারি ভাবের সন্মিলন-সম্মোগেই শাস্তি আছে । শাস্তিময় আনন্দ । ৪৯ ।

সংসার-সম্বন্ধীয় প্রেম মহাবন্ধন । সাংসারিক প্রেমবন্ধন অতি দুঃখজনক । ৫০ ।

ঈশ্বর এবং ঈশ্বরের ভক্তগণের প্রতি যত অধিক প্রেম হইতে থাকে, ততই সংসার সম্বন্ধীয় প্রেমের হ্রাস হইতে থাকে । সংসার সম্বন্ধীয় প্রেম, অনিত্য প্রেম । ভগবান্ এবং ভক্ত সম্বন্ধীয় প্রেম, নিত্য । এই স্থূল জড়-দেহাবলম্বনে আমি সংসারের যাঁহাদের প্রতি প্রেম করি, দেহত্যাগে আর আমার তাঁহাদের সহিত কোন সম্বন্ধই থাকিবে না । কিন্তু ভগবানের সঙ্গে আমার চিরসম্বন্ধ । ৫১ ।

মত্ত পান যে ব্যক্তি করে নাই, তাহার মত্ততা হয় না । ভগবৎ-সম্ভোগ যিনি করেন, তাঁহারই ভাব মহাভাব হয় । ৫২ ।

জীবের জীবনে বড় মমতা, প্রাণে কড়

যত্ন । সে দূরে কোন প্রাণসংহারক জন্তু দেখিলে ভীত হয়, ভাবী বিপদ আশঙ্কায় সেইস্থান পরিত্যাগ করে । বায়ুর অল্প প্রবলতায় তাহার নৌকারোহণে শঙ্কা হয় । আত্ম ও দেহ বিস্মৃত হইলে, আপদ-বিপদে ভয় থাকে না । জীবনে মমতা যতক্ষণ, ততক্ষণ অবিद्या-মায়ার অধিকারভুক্ত থাকিতে হয় । মহাপ্রভু শ্রীগৌরান্দেবের মহাভাবে আত্ম ও দেহ বিস্মৃত হইত । ৫৩ ।

আত্ম-বিস্মৃতি না হইলে, দেহ-বিস্মৃতি হয় না । মহাপ্রভু আত্ম-বিস্মৃতি-দশায় নীলগিরি হইতে সমুদ্রে পতিত হইয়াছিলেন । মহাভগবৎ-প্রেম না থাকিলে, ঐ প্রকার দশা হয় না । স্বীবে ঐ প্রকার দশা অসম্ভব । মহাপ্রভু,

ভগবান্ শ্রীকৃষ্ণের পূর্ণাবতার ছিলেন । জীবে প্রেমভক্তি শিক্ষা ও প্রদানের জন্য মনুষ্যরূপে মর্ত্যে তাঁহার অবতারণা হইয়াছিল । একজন মহাপণ্ডিতের একজন বালককে ‘বর্ণপরিচয়’ পড়াইতে হইলে, যেমন ঐ বালকের ন্যায় তাঁহাকেও বর্ণগুলি উচ্চারণ করিতে হয়, তদ্রূপ কেবল জীব-শিক্ষার্থে মহাপ্রভুর ভাব ও মহাভাবজনিত বিবিধ দশা হইয়াছিল । তাঁহার নবরূপ ধারণের অন্যান্য কারণও নির্দিষ্ট আছে । প্রয়োজন মতে প্রকাশ করা যাইবে । ৫৪ ।

মহাভারত, শ্রীমদ্ভাগবত ও অনন্তসংহিতা প্রভৃতি শাস্ত্রপ্রমাণে মহাপ্রভু শ্রীচৈতন্যদেব শ্রীকৃষ্ণের অবতার । শ্রীকৃষ্ণ কত অবতার

হইবেন, তাহার কোন নির্দিষ্ট সংখ্যা কোন  
আর্য্যশাস্ত্রেই অবধারিত নাই । সাধুগণের  
পরিত্রাণের জন্য, ধর্ম্ম সংস্থাপন ও সংরক্ষণের  
আবশ্যক হইলেই তিনি যুগে যুগে অবতীর্ণ  
হন ; তৎসম্বন্ধে সর্ব্ব-শাস্ত্র-সারাৎসার  
শ্রীমদ্ভগবদগীতোক্ত নিম্নলিখিত ভগবদ্বাক্য  
প্রমাণ করিতেছে ;—

“পরিত্রাণায় সাধুনাং বিনাশায় চ দুষ্কৃতাম্ ।

ধর্ম্মসংস্থাপনার্থায় সন্তুভামি যুগে যুগে ॥” ৫৫ ॥

ক্ষুদ্র আশ্রয় করিয়া বৃহতে যাইতে হয় ।  
রাজ-অট্টালিকা যত বড়, তন্মধ্যে প্রবেশদ্বার  
তত বড় নহে । পরিমিত-দেহ-বিশিষ্ট-শুদ্ধাত্মা-  
গুরু যেন ব্রহ্মরূপ বৃহৎ রাজ-অট্টালিকার  
প্রবেশ-দ্বার । ৫৬ ।

নম্রতা, বিনয়, বিদ্যা, সরলতা, উদারতা, জীবে দয়া, বিবেক, বৈরাগ্য, জ্ঞান, বিজ্ঞান, ভক্তি এবং প্রেম প্রভৃতি সমস্ত মহতী শক্তির বিকাশই শূল, জড় অবলম্বনে হয়। শূল-জড়াশ্রয় ব্যতীত কোন শক্তিরই প্রকাশ হইতে পারে না। যাহা আশ্রয়ে আমরা বিদ্যালাভ করি ; যাহা আশ্রয়ে আমরা প্রেম, ভক্তি প্রাপ্ত হই, তাহা কখন অবজ্ঞেয় এবং তুচ্ছ পদার্থ হইতে পারে না। আমরা ঐ সকল সদগুণাবলী যাহা হইতে প্রাপ্ত হই, তাহা অবশ্যই অসাধারণ ও অসামান্য। সকল আত্মবৃক্ষই আত্মবৃক্ষ ; কিন্তু সকল গুলিই এক শ্রেণীর নহে। যে গাছে টোকো আম ফলে, সে গাছ অপেক্ষা বোম্বেয়ে আমের গাছের

অধিক আদর। যে স্থূলে অসাধারণতা, অসামান্যতা এবং অলৌকিকতা দেখি, সে স্থূল আমাদের বড় আদরের সামগ্রী। ৫৭।

স্থূল জড়দেহই ত' মাতৃ-পিতৃস্নেহ নহে ;  
স্থূল জড় দেহই ত' মাতাপিতা নহেন, তবে  
আমরা অতি ভালবাসার সহিত সেই সকল  
স্থূলের সেবা-শুশ্রূষা এবং পদ-বন্দনা প্রভৃতি  
করি কেন ? ঐ সকল গুরুজনের স্থূল  
জড়দেহের সেবা-শুশ্রূষা এবং বন্দনা করা  
অভিপ্রেত এবং উত্তম কার্য্য হইলে, গুরুর  
সেবা-শুশ্রূষা এবং বন্দনাও বিধেয়। সংসার-  
বন্ধন হইতে যে স্থূলাশ্রয়ে মুক্ত হওয়া যায়,  
সে স্থূলই বা বন্দনীয় এবং সেব্য হইবে না  
কেন ? যে স্থূল হইতে নানা সদগুণ, বিবেক,



বৈরাগ্য, জ্ঞান, বিজ্ঞান, ভগবৎপ্রেম-ভক্তি  
 এবং অসাধারণ দয়া এবং অন্যান্য মহোপকার  
 লাভ করি, সে স্থূল, সে জড় আমাদের  
 সর্বাপেক্ষা অধিক মান্য, অধিক পূজ্য, অধিক  
 সেব্য এবং অধিক বন্দনার যোগ্য অবশ্যই  
 হইবে। সেই স্থূলেই ঈশ্বরের বিশেষ প্রকাশ  
 জানি; সেই স্থূলেই ঈশ্বরের আবির্ভাব  
 বুঝি। ৫৮।

রাজাও মনুষ্য, যে ব্যক্তি মল মূত্র পরিষ্কার  
 করে, সেও মনুষ্য। কিন্তু রাজা, ক্ষমতায়  
 ( শক্তিতে ) মেথর অপেক্ষা মহাশ্রেষ্ঠ।  
 পণ্ডিতও মনুষ্য, মূর্খও মনুষ্য। পাণ্ডিত্যশক্তিতে  
 মূর্খ অপেক্ষা পণ্ডিত শ্রেষ্ঠ। গুণের তারতম্য  
 চিরকালই আছে। কোন মনুষ্য-শরীরে

ভগবানের আবির্ভাব হইলে, অসাধারণ-শক্তির  
বিকাশে জানা যায় । ৫৯ ।

মৃৎপাত্রে মূল্যবান্ সামগ্রী রাখিলেও  
খািকিতে পারে । অত্য়াপি অনেক পল্লীগ্রামে  
চোর এবং দস্যুভয়ে মৃৎপাত্র মধ্যে অধিক  
মূল্যের অলঙ্কার সকল স্থাপন পূর্বক মৃত্তিকা  
নিম্নে রক্ষা করা হয় । কিন্তু সচরাচর মৃৎপাত্র  
সকলে তণ্ডুল, তৈল, ঘৃত, নবনীত, শর্করা  
প্রভৃতি নানা প্রকার আহাৰ্য্য এবং পানীয়  
সকল এবং অন্যান্য দ্রব্য সকলই থাকে ।  
মৎস্ত, কূৰ্ম্ম, বরাহ এবং মনুষ্যের মধ্যে  
সাধারণতঃ অসাধারণ-শক্তি অত্যাশ্চর্য্য নানা  
গুণ এবং অসাধারণ-নানাকার্য্য-সম্পাদনী ক্ষমতা  
দেখিতে পাওয়া যায় না । ঐ সকল অসামান্যতা,

সামান্য প্রাণিগণ মধ্যে দেখিলেই, তাহাদের মধ্যে স্বয়ং ভগবানের আবির্ভাব স্বীকার অবশ্যই করিতে হইবে। মলিন ছিন্ন বস্ত্র অতি দুর্গন্ধযুক্তই হয়। কিন্তু তাহা কোন সুরভিসামগ্রীময় হইলে, তন্ময় সৌরভ কি প্রকারে অস্বীকার করিবে? কোন নর-দেহ, কোন নারীদেহ কিম্বা অন্য কোন প্রাণিদেহ হইতে অসামান্য, অসাধারণ, অত্যাশ্চর্য্য, অলৌকিক এবং অদ্ভুত নানা কার্য্যের, নানা শক্তির, নানা গুণের এবং নানা ভাবের প্রকাশ দেখিলে, সেই দেহে ভগবদাবির্ভাব অস্বীকার কি প্রকারে করিব? ৬০।

রক্তই পুষ্প হয়। বীজই বৃক্ষ হয়।  
স্বেচ্ছায় ঈশ্বরও নানা অবতার হন। ৬১। .

চন্দ্র সূর্য্যের প্রকাশ সর্বদা দেখি না,  
 অবতার রূপে ভগবানের প্রকাশও সর্বদা  
 দেখি না । চন্দ্র সূর্য্যের প্রকাশ যখন দেখি না,  
 তখনও চন্দ্র সূর্য্য থাকেন ; যখন অবতাররূপে  
 পৃথিবীতে ভগবানের প্রকাশ না দেখি,  
 তখনও তিনি থাকেন । ৬২ ।

ভগবান্, মনুষ্য প্রভৃতি রূপে যত অবতার  
 হইয়াছেন, জন্মগ্রহণ ব্যতীত নানা যুগের নানা  
 ভক্তকে যতপ্রকার অপরূপ রূপে দর্শন  
 দিয়াছেন, দিতেছেন ও দিবেন, সে সমস্ত  
 রূপই নিত্য । সে সকলরূপ ভগবানের মধ্যে  
 প্রচ্ছন্ন ভাবে থাকে, কোন মহানিষ্ঠাবান্  
 পরম ভক্তের মনোবাঞ্ছা পূর্ণ করিতে হইলে,  
 প্রয়োজন মতে তাঁহাতে তাহার প্রত্যেকটিরই

প্রকাশ পাইতে পারে এবং হয় । দ্বারিকায় হনুমান্কে, রুশ্লিণী এবং কৃষ্ণই, সীতারামরূপে দর্শন দিয়া কৃতার্থ করিয়াছিলেন । কোন কোন আর্য্যশাস্ত্রে ঐ প্রকার অনেক উদাহরণ প্রাপ্ত হওয়া যায় : ৬৩ ।

কাহারো অভ্রাতসারে অধিক বালুকার সঙ্গে অল্প চিনি মিশ্রিত করিয়া, তাহার সমক্ষে রাখিলে, সে বালুকা ব্যতীত অপর কিছুই দেখিবে না । জানিলেও, বালুকাচয় পৃথক্ করিয়া চিনি গ্রহণ করিয়া আশ্বাদন করিতে সমর্থ হইবে না । মনুষ্যরূপী ভগবান্ চিনি-স্বরূপ । তাঁহার মনুষ্য-দেহ যেন বালুকা । শুদ্ধভক্তরূপ পিপীলিকা ব্যতীত অপর কেহই তাঁহাকে চিনিয়া আশ্বাদন করিতে পারে না । ৬৪ ।

জল এবং তৈল উভয়েই তরল রস । জলে অগ্নি নির্বাপন হয় । তৈল জ্বলে । মনুষ্যরূপী ভগবানে এবং সাধারণ লোকে অনেক প্রভেদ । ৬১ ।

নদীর স্রোত নদীর মধ্য দিয়াই প্রবাহিত হয় । বন্যা নদীর কুল পর্য্যন্ত ভাসায় । বন্যায় নদীতীরের অতি অপকৃষ্ট পদার্থ সকলও ভাসায় । সাধারণ সাধু, নদীর স্বাভাবিক স্রোত,—অবতার, বন্যা । তিনি ভাল মন্দ বিচার করেন না, উত্তম অধম বিচার করেন না, উৎকৃষ্ট নিকৃষ্টের বিচার করেন না, পাপী অপাপীর বিচার করেন না, সমস্তই ভাসান । ৬৬ ।

সূর্য্যের আলোকে জগৎ আলোকিত হয় ।

সূর্য্য এক, বহু নাই। অগ্নি-সম্ভূত আলোক বহু আছে। সেই সকলের কোনটিই জগৎ আলোকিত করিতে পারে না। সূর্য্য যেন ভগবানের অবতার। প্রত্যেক ক্ষুদ্র আলোক যেন এক একটি সাধু। ৬৭।

শাস্ত্রে মৎস্য, কূৰ্ম্ম, বরাহ এবং নৃসিংহদেবের অতি বৃহৎ আকৃতির বিষয় বর্ণিত আছে। তাহা হইলে, ভগবানের সেই সকল মূর্ত্তি, সাধারণ ঐ সকল জন্তুগণের মূর্ত্তির ন্যায় মূর্ত্তি নহে। স্মতরাং, সে সকল মূর্ত্তি অদ্ভুত— আকারে এবং কার্য্যে। যত্বপি ঐ সকল অসাধারণ এবং অদ্ভুত আকারে এবং কার্য্যে হইলেন, তখন তাঁহাদিগকে ভগবান্ ব্যতীত আর কি বলিব ? ৬৮।

চৈতন্য, Spirit বা Holy Ghostও  
 স্মৃষ্ট জড়াকার হইতে পারেন। সে সম্বন্ধে  
 বাইবেলে স্পষ্ট প্রমাণ আছে, যথা ;—  
 and he saw the Spirit of God  
 descending like a dove, \*\*\* ( St.  
 Matthew, III. 16. )—he saw the  
 heavens opened, and the Spirit  
 like a dove descending upon him :  
 ( St. Mark, I. 10. ) And the Holy  
 Ghost descended in a bodily shape  
 like a dove upon him, \*\*\* ( St.  
 Luke, III. 22. )—I saw the Spirit  
 descending from heaven like a  
 dove, \*\*\* (St, John, I. 32.) ৬৯।

দেহ আমরা নই, অথচ, দেহ-সম্বলিত  
 মনুষ্য নামে পরিগণিত। হিল্লোল-কল্লোল-



চঞ্চলতা-বিশিষ্টা দ্রবময়ী জড় নদী ব্যতীত তদভ্যন্তরে চেতনা নদী ও মেদিনীর অভ্যন্তরে চেতনা মেদিনীও আছেন । চেতনা তিনিই, রাবণ প্রভৃতি রাক্ষসগণ কর্তৃক উৎপীড়িতা হইয়া ব্রহ্মার নিকট নিজ মনোদুঃখ জ্ঞাপন করিয়াছিলেন । যেমন সাধারণ লোকেরা আপনাদের আপনারা দেখিতে পায় না, তদ্রূপ সাধারণ লোকে মহাসূক্ষ্মা চেতনা নদী এবং মেদিনীকেও দেখিতে পায় না । ৭০ ।

এক ব্যক্তি অন্ধকার গৃহে অবস্থান করিতেছেন, অপর এক ব্যক্তি তাঁহার সম্পূর্ণ অজ্ঞাতসারে সেই গৃহে প্রবিষ্ট হইয়া অবস্থান করিলে, তিনি যেমন জানিতে পারেন না, তিনি যেমন সে ব্যক্তির শরীর দেখিতে পান

না, তদ্রূপ অজ্ঞান-অন্ধকারের মধ্যে যাঁহারা  
বাস করিতেছেন, নিত্য-শরীরী সগুণ ব্রহ্ম  
তঁাহাদের সম্মুখস্থ হইলেও, তঁাহাকে তঁাহারা  
দেখিতে পান না । ৭১ !

সমুদ্রে নানা জলজন্তু বাস করে ।  
তাহাদিগকে সকল সময়ে দেখিতে পাওয়া  
যায় না । যাহারা জলে ভাসে তাহাদিগকেই  
দেখা যায় । অনেকগুলি ধীবরের জালেও  
পড়ে । ভব-সমুদ্রের মধ্যে ভগবান্ নানা  
অপরূপরূপে বিনাজিত আছেন । শুদ্ধাত্মা  
ধীবর শুদ্ধ প্রেমরূপ সূতার জালে কোন  
কোন মূর্ত্তি ধরিয়া দেখিতে সমর্থ হন । ৭২ ।

# সাধক-সহচর ।

## দ্বিতীয় ভাগ ।

---

পরমেশ্বর এক । সেই একের নানা রূপ,  
গুণ, নাম ও শক্তি আছে । ১ ।

এক পরমেশ্বর—আকারে, রূপে ও নামে  
অসংখ্য । কিন্তু তাঁহার সকল আকার, সকল  
রূপ আর তিনি অভেদ । ফলের শাঁস, খোসা  
ও আঁটা আকারে, রূপে ও নামে এক নয়,  
অথচ, তিনি অভেদ । ২ ।

শাঁস, খোসা ও আঁটার সমষ্টি ফল হইলেও, ঐ তিন আর ফল অভেদ হইলেও, ফলের শাঁস, খোসা ও আঁটা বলি । সর্ব-শক্তিমান্ পরমেশ্বর ও সর্বশক্তি অভেদ হইলেও, সর্বশক্তিমান্ পরমেশ্বরের সর্বশক্তি বলি । ৩ ।

• ঈশ্বর সর্ববজ্র ও সর্বশক্তিমান্ । আমি সর্ববজ্র ও সর্বশক্তিমান্ নই ; কারণ, পর মুহূর্তে আমার জীবনে কি ঘটিবে জানি না, আমার মৃত্যু কখন হইবে জানি না, আমি যাহা ইচ্ছা করি, করিতে পারি না ; সুতরাং, আমি সর্বশক্তিমান্ নই । সর্বশক্তিমান্ নই যখন, তখন ভগবান্ও নই । ৪ ।

• সর্বশক্তিমান্ না হইলে স্বাধীন হওয়া

যায় না । ভগবান্ সর্বশক্তিমান্ । স্বাধীন  
তিনি । ৫ ।

কাঁচা ইট জলে রাখিলে গলে । উত্তম  
রূপে পোড়া ইট জলে রাখিলে গলে না ;  
কাঁচা মন সংসারজলে গলে, তাহাতে মিশিয়া  
যাইতে পারে । কিন্তু পাকা মন যায় না । ৬ ।

দল—কারাগার, দল—পিঞ্জর । কারাগার  
হইতে স্বেচ্ছায় বাহির হইতে পারা যায় না,  
দল থেকেও পারা যায় না । পক্ষী পিঞ্জরে  
বদ্ধ থাকিলে, বেরুতে পারে না । দলরূপ  
পিঞ্জর থেকেও সহজে বেরণ যায় না । ৭ ।

সৃষ্টি অসত্য নয় ; কিন্তু উহা অনিত্য ও  
পরিবর্তনশীল । ৮ ।

বীজ—বৃক্ষ হইলে, তাহার নানা প্রকার

পরিবর্তন দৃষ্ট হয় । তুমি তাহার কোন পরিবর্তিত অবস্থাই অসত্য বলিতে পার না । বীজও সত্য এবং তাহার নানা পরিবর্তিত অবস্থাও সত্য । রক্ত রেতঃ জড়দেহ হইলে, তাহাদের নানা পরিবর্তন হয় । তাহাদের প্রত্যেক পরিবর্তিত অবস্থাই সত্য । সৃষ্টির নানা পরিবর্তন দেখ বলিয়া, সৃষ্টিকে অসত্য বলিতে পার না । এক পদার্থের নানা প্রকার পরিবর্তন দেখা যায় যখন, তখন পঞ্চভূতই নানা প্রকারে পরিবর্তিত হইয়া, নানা প্রকার পদার্থ হইয়াছে, এ কথা অস্বীকার কি প্রকারে করিব ? ৯ ।

অন্ধকার পদার্থ নিচয়কে আবৃত করিয়া থাকে ; কিন্তু পদার্থ নিচয়কে দেখাইতে পারে

না। আলোক পদার্থদিগকে দেখায়। তমোগুণ  
যেন অন্ধকার। সত্ত্বগুণ আলোক। ১০।

এক শক্তি অখণ্ড থাকিয়াও বহু হইতে  
পারেন। দীপালোক যেন শক্তি। সেই এক  
দীপ হইতে বহু দীপ জ্বালিলেও সে দীপ পূর্ণ  
থাকে। ১১।

কাল অর্থে সময়। সেই সময়-অর্থক  
কালের মধ্যে থাকিয়া, সেই কালময়ী হইয়া  
যে শক্তি সমস্ত কার্য্য করিতেছেন, তিনিই  
কালী। সেই কালীশক্তি সৃজন, পালন ও নাশ  
তিনিই করেন। সেই শক্তির সকল ক্ষমতাই  
আছে। তাঁহার অপার মহিমা। ১২।

কাষ্ঠে রুই ধরিতে ধরিতে রুই ভেঙ্গে  
দিয়ে তাতে আলুকাণ্ড লাগাইলে কাষ্ঠ নষ্ট

হয় না । রুই ধরিতে ধরিতে প্রতিকার না করিলে, ক্রমে কাষ্ঠ মাটি হয় । কুসঙ্গীরা রুই-পোকা । উহারা কাষ্ঠরূপ মানুষকে মাটি করে । মাটি করিবার পূর্বে ঐ প্রকার রুইএর বাসা ভেঙ্গে দিয়ে ভক্তিরূপ আল্কাৎরা মাথা'লে আর নষ্ট হইবার সম্ভাবনা থাকে না । ১৩ ।

পরিষ্কার ঘরে ছুঁচো, ইন্দুর, সাপ বাস ক'র্ত্তে পারে না । এঁদো ঘরে ঐ সকলের বাস । পরিষ্কার মনে কুবৃত্তিগণ থাক্তে পারে না । ১৪ ।

হরিতকী, আমলকীর কষ বাহির করিয়া, ঐ সকলকে চিনির রসে পাক করিলে উহাও স্মৃমিষ্ট মোরব্বা হয় । কোন মহাপুরুষ-খোদক



পাপীর পাপরূপ কষ নির্গত ক'রে, তা'কে  
ভক্তিরূপ চিনির রসে পাক করিলে, সেও  
মিঠে হয় । ১৫ ।

স্বর্ণকারের হস্তগত সখাদ স্বর্ণ, স্বর্ণকার  
ইচ্ছা করিলেই নিষ্খাদ করিতে পারে ।  
প্রত্যেক মহাপুরুষই নিজ শরণাপন্ন পাপীকে  
যখন নিষ্পাপ করিতে ইচ্ছা করেন, তখনই  
করিতে পারেন । ১৬ ।

সংসার-বাগানে মনোরূপ তরুর  
আসক্তিরূপ মূল যত কাল সংলগ্ন থাকে,  
তত কাল তা'র ভোগরূপ রস শুকায়  
না । ১৭ ।

অপকু বিষ কঠিন ও বিষাদু । তাহা  
অগ্নিতে দগ্ধ করিলে, কোমল ও সুস্বাদু হয় ।

অপরিপক্ক মন যতই জ্ঞানানলে দগ্ধ হয়, ততই নরম হয় । ১৮ ।

বিষ্ঠা মৃত্তিকা হইলে, তাহাতে আর দুর্গন্ধ থাকে না । মন্দলোক ভাল হইলে, তাহাতেও কোন দোষ দেখা যায় না । ১৯ ।

গোলকধাঁধার মধ্যস্থলে একটি মন্দির থাকে । যে পথ চেনে না, সে মন্দিরের মধ্যে যাইতে পারে না ; যে চেনে, সে অতি সহজেই যেতে পারে । সংসারও গোলকধাঁধা । তন্মধ্যে হরি-মন্দিরে হরি আছেন । যে পথ চেনে, সে সংসারেও হরিকে পায় । যে চেনে না, সে পায় না । ২০ ।

তোমার ক্ষুধা হইলে, অপরে বরঞ্চ তোমার ক্ষুধা নিবৃত্তির সামগ্রী দিতে পারে ; কিন্তু

ক্ষুধা কোরে দিতে পারে না । ভগবানের জ্ঞান  
ব্যাকুলতা তোমারই হইবে । অপরে তাহা  
করিয়া দিতে পারে না । ২১ ।

আমরা মৌখিকে ভগবান্কে পাইবার  
প্রার্থনা ভগবানের নিকট করি । আমাদের  
আন্তরিক প্রার্থনা সাংসারিক নানা সামগ্রী ;  
সুতরাং, সেই সকলই প্রাপ্ত হই । ভগবান্কে  
পাইবার আন্তরিক প্রার্থনা করিলে, অবশ্যই  
তাঁহাকে পাওয়া যায় । ২২ ।

ভগবৎ-তত্ত্ব-গীতের যে রাগিনী, অতি  
অল্লীল সঙ্গীতেরও সেই রাগিনী হইতে পারে ।  
ঐ প্রকার ভগবান্, উত্তম অধম উভয়েতেই  
আছেন । ২৩ ।

বারম্বার চক্ৰমকীর পাথর ঠুকিলেও তাহার

ভিতরকার সমস্ত অগ্নি বহির্গত হয় না । যত অগ্নি বহির্গত হইয়া কার্য্য করে, কেবলমাত্র তত অগ্নিই সগুণ ও সক্রিয় । অবশিষ্ট যত অগ্নি চক্ৰমকীর পাথরের মধ্যে থাকে, তত অগ্নি নিগুণ ও নিষ্ক্রিয় । ঐ প্রকারে এক সময়ে একই চৈতন্য সগুণ ও নিগুণ—সক্রিয় ও নিষ্ক্রিয় । ২৫ ।

কেবল চক্ৰমকীর পাথর দেখিলেই, তা'র ভিতরের আগুন দেখা হয় না । কেবল বিশ্ব দেখিলেই, বিশ্বময় ভগবান্কে দেখা হয় না । ২৫।

চক্ৰমকীর পাথর যেন জড় । তা'র ভিতরের আগুন চৈতন্য । ২৬ ।

অগ্নির উত্তাপে জল উষ্ণ করিলে, জল অগ্নি হয় না ; কিন্তু অগ্নির উষ্ণতাশক্তি

কিয়ৎক্ষণের জন্য তাহাতে প্রকাশিত থাকে ।  
জীবই ব্রহ্ম নহে, কিন্তু ব্রহ্মের শক্তি জীবের  
ঐ প্রকারে প্রকাশিত থাকিতে পারে । ২৭ ।

প্রত্যেক সাধু মহাপুরুষ এক একটি  
প্রদীপ । তাঁহারা জগৎ আলোকিত করিতে  
পারেন না । অল্প স্থানের অল্প লোকদেরই  
আলোক দিতে পারেন । ভগবানের পূর্ণ  
অবতার, গগনের পূর্ণচন্দ্র । তিনি জগতের  
সমস্ত লোককেই আলোক দিতে সক্ষম । ২৮ ।

ছোট জিনিস হ'লেই তা'র অল্প মূল্য  
হয় না । এমন ছোট ছোট হীরক আছে,  
যা'র মূল্য অনেক টাকা । এমন ছোট মুক্তা  
আছে, যার মূল্য অনেক । ছোট গিনির দাম  
দশ টাকা ; সময়ে সময়ে ততোধিকও হয় ।

ক্ষুদ্র পাঞ্চভৌতিক দেহবিশিষ্ট সকল  
মানুষেরই মূল্য অল্প নয় । দেহবিশিষ্ট ভগবান্  
অমূল্য । ২৯ ।

সগুণ সাকার ভগবান্ রূপে, গুণে  
অনুপম ; ভুবনমোহন ও মনোহর । ৩০ ।

পাশ্চাত্য জ্যোতিষ ও ভূগোলের মতে  
পৃথিবী ঘুরিতেছে ; কিন্তু আমরা দেখিতেছি,  
পৃথিবী স্থির হইয়া আছে । আমরা পৃথিবীকে  
স্থির দেখিতেছি বলিয়া, কি বলিতে হইবে  
যে, পৃথিবী ঘুরিতেছে না ? অভক্তেরা  
দেবদেবার প্রতিমূর্ত্তি সকলকে অচেতন  
দেখে ; কিন্তু তাঁহাদের প্রকৃত শুদ্ধ ভক্তগণ  
তাঁহাদিগকে চেতনই দেখেন । ৩১ ।

• বুন্দো নারিকেলের শস্যে ও শুষ্ক সর্ষপের

মধ্যে তৈল আছে ; ঘানিতে পিষিয়া দেখ ।  
 অব্যক্তভাবে নানা দেবদেবীর জড় প্রতিমূর্তির  
 ভিতরে নানা দেবদেবী আছেন ; ভক্তিতে  
 দেখ । ৩২ ।

এমন কথা বলিতে নাই, এমন কার্য্য  
 করিতে নাই, যাহার দ্বারা আমার উপকার,  
 অপরের অপকার হয় । এমন কথা বলা  
 ভাল, এমন কার্য্য করা ভাল, যাহাতে আমার  
 এবং অপরের উপকার হয় । ৩৩ ।

আমি অগ্নের দোষ গ্রহণ করিলে, নিজেও  
 সুখ-শান্তিতে থাকিতে পারি না । যাহার  
 দোষ গ্রহণ করি, তাহারও অসুখ অশান্তির  
 কারণ হই । যে কার্য্যে নিজের ও অগ্নের  
 অসুখ এবং অশান্তি হয়, তাহা করা ভাল নয় ।

আমি অগ্নকে ঘৃণা ক'রেও সুখশান্তি পাই না, আমি অগ্নের প্রতি রাগ হিংসা ক'রেও সুখ-শান্তি পাই না । যাঁহার প্রতি রাগ হিংসা ও ঘৃণা করি, তিনিও সুখী হন না, তিনিও শান্তি পান না ; অতএব, আমার অগ্নের প্রতি রাগ, হিংসা, ঘৃণা পরিহার করা উচিত । ৩৪ ।

গীতের সুরবোধ যাহার নাই, তাহার মুখে গীত ভাল শুনি না । সঙ্গীতের ওস্তাদ গীত গাহিলে, তাহা মধুর শুনি । অভক্তের মুখে শাস্ত্র ভাল শুনি না ; ভক্তের মুখে তা' বড় মধুর শুনি । ৩৫ ।

দুষ্কের সঙ্গে কাহারও অজ্ঞাতসারে বিষ মিশাইয়া দিলেও যেমন তাহার মৃত্যু হয়,



তদ্রূপ কেহ অজান্তে হরিনাম করিলেও  
তাহার মুক্তি হয় । ৩৬ ।

ভব-সমুদ্র পার হইবার, জ্ঞানই একমাত্র  
সেতু । ৩৭ ।

বিদ্বান্‌ মূর্খকে বিদ্বান্‌ করিতে পারে ; কিন্তু  
মূর্খ বিদ্বানকে মূর্খ করিতে পারে না । জ্ঞানী,  
অজ্ঞানীকে জ্ঞানী করিতে পারেন ; কিন্তু  
অজ্ঞানী জ্ঞানীকে অজ্ঞানী করিতে পারে  
না । ভক্ত অভক্তকে ভক্ত করিতে পারেন ;  
কিন্তু অভক্ত ভক্তকে অভক্ত করিতে  
পারে না । ৩৮ ।

মূর্খের কাছে বিদ্বান্‌ থাকিলে মূর্খ হন না ।  
প্রকৃত সাধু অসাধুর নিকট থাকিলে, অসাধু  
হন না । ৩৯ ।

ভক্তি-মার্গে সিদ্ধ হইলেও অপরিবর্তনীয় অবস্থা হইবে; জ্ঞান-মার্গে সিদ্ধ হইলেও অপরিবর্তনীয় অবস্থা হইবে। প্রকৃত সিদ্ধ-পুরুষের সাধু সংসর্গে সাধুর মত স্বভাব ও অসাধু, লম্পট প্রভৃতির সংসর্গে অসাধু, লম্পট প্রভৃতির মত স্বভাব হইতে পারে না। যद्यপি কাহাকে ঐ প্রকার হইতে দেখ, তাহাকে ভণ্ড জানিবে। ৮০।

আমি ইচ্ছা করিলেই চক্ষু মুদিত করিতে পারি; কিন্তু সেই মুদিতকরণই নিদ্রা নহে; অথচ, নিদ্রিতাবস্থায় চক্ষু মুদিত থাকে। ঐ প্রকারে প্রকৃত ভাবে ও অনুকরণ করা ভাবে প্রভেদ আছে। ৮১।

• যাঁর বিশ্বাস আছে, না আহারের আয়োজন

করিতেছেন, ডেকে খাওয়াবেন, তিনি আহারের আয়োজনের জন্ম ব্যস্ত হোয়ে বেড়ান না। জগদম্বা আত্মশক্তিতে বাঁ'র বিশ্বাস ও নির্ভর আছে, তিনি ভক্তি, প্রেম প্রাপ্তির চেষ্টা করেন না। চেষ্টা করিলেও আত্মশক্তির ইচ্ছা ব্যতীত লাভ হয় না। ৪২।

আমি শরীর নই, শরীরী ; আমি আকার নই, সাকার। আমি যতক্ষণ শরীরী, ততক্ষণ সগুণ ও সাকার। আমি অশরীরী হইলে নিগুণ, নিরাকার। ৩৩।

তুমি নিদ্রিত হইলে, তোমার বাহুজ্ঞান থাকে না ; সে সময় তোমার শরীর দক্ষ করিলে, বা অস্ত্রের দ্বারা আঘাত করিলে, তুমি জাগ্রত হোয়ে কষ্টভোগ কর। কিন্তু মৃত্যুতে

দেহ দাহ করিলে, অস্ত্র দ্বারা উহাতে আঘাত করিলে, কোন কষ্টই বোধ হয় না । ইহাতে জানা যায়, দেহ আর দেহী স্বতন্ত্র । আমরা দেহী, আমাদের দেহ । দেহ দেখি, দেহী দেখি না । ৪৪ !

আমিই যতপি ব্রহ্ম হইতাম, তাহা হইলে, নিদ্রিতাবস্থায় আমি অহংজ্ঞান ( আমি বোধ ) শূন্য হইতাম না । আমাকে ঐ অবস্থাপন্ন করিবার কারণ ব্রহ্ম যতপি না থাকিতেন, তাহা হইলে, আমার ঐ প্রকার অসহায় অবস্থাও হইত না । আমার ঐ অবস্থায়, বেশ বোঝা যায়, আমি স্বাধীন নই ; আমি প্রভু নই, কিন্তু দাস । ৪৫ ।

নিদ্রিতাবস্থায় আমি থেকেও, আমি আছি

বোধ করি না বখন, তখন ব্রহ্ম নাই, কি  
প্রকারে বলিব ? ৪৬ ।

একজন অন্ধকার ঘরে রয়েছে । অপর  
কেহ আলোক ব্যতীত তথা প্রবেশ করিলে,  
তন্মধ্যে অপর লোক আছে জানিতে পারে  
না । ঘরের লোক সাড়া দিলে সে জানিতে  
পারে যে, সে ছাড়া আর একজন ঘরে  
আছে । অথচ, আলোক ব্যতীত তাঁকে  
দেখিতে পায় না । এই বৃহৎ বিশ্বগৃহ অজ্ঞান  
অন্ধকারে আবৃত । সেই নিবিড় অন্ধকারের  
মধ্যে অতি গূঢ় রূপে ভগবান্ রয়েছে । তিনি  
যাঁকে সাড়া দেন সেই তাঁ'র অস্তিত্ব বোধ  
করে । কিন্তু অজ্ঞান-অন্ধকার দূর না হোলে  
তাঁকে দেখিবার উপায় নাই । ৪৭ ।

প্রত্যেক ব্যঞ্জন বর্ণের মধ্যেই অব্যক্ত ভাবে অকার আছে । মূর্থ কেবল ব্যঞ্জন বর্ণগুলিই দেখে, সে গুলির মধ্যে অকার আছে, জানিতে পারে না । অজ্ঞান যাঁরা, প্রত্যেক পদার্থের মধ্যে অব্যক্ত ভাবে ভগবান্ থাকিলেও, দেখিতে ও বোধ করিতে পারে না । ৪৮ ।

মন যাঁ'র বশ, মন যাঁ'র দাস, ষড়্‌রিপু যাঁ'র বশ, ষড়্‌রিপু যাঁ'র দাস, তিনিই শিব, তিনিই পুরুষ, তিনিই প্রকৃত বীরাচারী বীর । ৪৯ ।

প্রকৃত পুরুষ যাহা ইচ্ছা করেন, তাহাই করিতে পারেন । প্রকৃত পুরুষ শিব, জীব নহেন । জীব যাহা ইচ্ছা, তাহাই করিতে পারে না । ৫০ ।

আমি ভক্ত বলিলে, আমার অহঙ্কার করা হয় । কৈ, আমি ত ভক্তি করিতে জানি না ? আমি ভগবানকে প্রেম, ভক্তি, শ্রদ্ধা, প্রীতি কিছুই দিতে পারি নাই । সে সকলের বিনিময়ে তিনি আমাকে দয়া করেন না । প্রকৃত প্রেম ( ভালবাসা ) ও দয়া কিছুই বিনিময়ে পাওয়া যায় না । উহাদের তিনি নিষ্কাম ভাবে দেন । জীবের প্রতি তাঁ'র দয়া করা স্বভাব বোলে, দয়া করেন । জীবের প্রতি তাঁ'র ভালবাসা স্বভাব বোলে, ভাল বাসেন । ৫১ ।

কোন জীব জন্তুই একবারে নিঃসঙ্গ থাকিতে পারে না । যিনি পারেন, তিনি জীব জন্তু নন । ৫২ ।

রূপে মুগ্ধ হওয়া অপেক্ষা গুণে মুগ্ধ হওয়া ভাল । গুণে মুগ্ধ হওয়া অপেক্ষা রূপ গুণ উভয়ে মুগ্ধ না হওয়া ভাল । রূপে মোহিত হইলে, সে মোহ অধিক কাল স্থায়ী হয় না । কিন্তু গুণে হইলে দীর্ঘকাল স্থায়ী হয় । সকলের চেয়ে ভগবানের রূপ গুণে মোহিতহওয়াই ভাল । সে মোহ শুভ-জনক । ৫৩ ।

সমস্ত মনোভাবই মায়িক । বিবেক, বৈরাগ্য, আনন্দ, নিরানন্দ, জ্ঞান, অজ্ঞান, সুখ, দুঃখ, সুবুদ্ধি, কুবুদ্ধি প্রভৃতি সমস্তই সেই ভাব সমষ্টির অন্তর্গত । সূতরাং, তাহারাও মায়িক ; নিশ্চায়িক কোন মনোভাবই নয় । নিশ্চায়িক অবস্থা কোন মনোবৃত্তির মধ্যে নয় । তাহা মন



ও তাহার সমস্ত কার্যের অতীতাবস্থা ; সুতরাং, তাহা অনির্বচনীয় । ৫৪ ।

যাহার মন আছে, তাহারই নানা প্রকার ভাব আছে । নাস্তিকের নাস্তিকতা ভাব । আস্তিকের আস্তিকতা ভাব । জ্ঞানীর জ্ঞান ভাব । বিজ্ঞানীর বিজ্ঞান ভাব । ভক্তের ভক্তি ভাব । প্রেমিকের প্রেমভাব । ৫৫ ।

পাথিব কোন বস্তুতে আসক্তিই বন্ধন । সাংসারিক কোন বিষয়ে টানই বন্ধন । ৫৬ ।

সকল প্রকার সম্বন্ধই বন্ধন । ৫৭ ।

দয়া নিৰ্দয়া উভয়েই বন্ধন, দয়া-নিৰ্দয়া-শূণ্যতাই মুক্তি । ৫৮ ।

স্বার্থত্যাগই মুক্তি । ৫৯ ।

সূর্য্যোদয়ে অন্ধকার থাকিতে পারে না ।

জ্ঞান সূর্য্যোদয়েও অজ্ঞান-অন্ধকার থাকিতে পারে না । ৬০ ।

অন্ধ অন্ধকে পথ দেখাইতে পারে না  
মূর্থ মূর্থকে বিদ্যাশিক্ষা করাইতে পারে না ।  
সঙ্গীত ও বাজে ওস্তাদ নিজে না হইলে ঐ  
দু'য়ে অপরকে শিক্ষা দেওয়া যায় না । অজ্ঞান  
অজ্ঞানকে জ্ঞানবান্ করিতে পারে না । ৬১ ।

খোশা সুদ্র কাঁচকলা সিদ্ধ কোরে খোশা  
ছাড়াইলে, খোশায় শাঁস লেগে থাকে না, শীত  
ছাড়ান যায় । মায়া খোষাযুক্ত মন ভক্তিজলে  
সিদ্ধ হোলে মায়াকে শীত মন থেকে নির্লিপ্ত  
করা যায় । ৬২ ।

কেবল কথায় মন্ত্র দিলে, মনের ত্রাণ হয়  
না । সেই কথার সঙ্গে শক্তি সঞ্চার করার

আবশ্যক । সাধারণ মন্ত্রব্যবসায়ী গুরুদেবের, মন্ত্রের সঙ্গে সংসার হইতে উদ্ধার হইবার শক্তিসঞ্চার করিবার ক্ষমতা নাই । সুতরাং, তাঁহাদের শিষ্যদের পশুত্বও ঘোচে না । ৬৩ ।

জগতে আমরা যে সমস্ত সামগ্রী সন্তোষ করি, সে সকলের কোনটিই আমাদের নহে । আমাদের হইলে দেহত্যাগ সময়ে তাহাদের প্রত্যেকটিকে সমভিব্যাহারে লইয়া যাইতে পারিতাম । জগতের সকল সামগ্রীই ভগবানের । ঐ সকল সামগ্রী সন্তোষের বিনিময়ে আমরা তাঁহাকে কিছুই দিই না, এবং আমাদের দেবারও কিছু নাই । সুতরাং, সে সমস্ত তাঁ'র স্নেহেতেই সন্তোষ করি । ৬৪ ।

ভাড়াটে-বাড়ীর মত জগৎ ও দেহ । এক

ভাড়াটে, বাড়ীতে, ভাড়াটে চিরকাল থাকে না। এক জগতে দেহেও মানুষ চিরকাল থাকে না। ভাড়াটে, ভাড়াটে বাড়ীর ভাড়া দেয়। আমরা জগতের ও দেহের ভাড়া ভগবানকে কিছুই দিই না, এবং আমাদের দিবারও কিছু নাই। আমরা বিনা বিনিময়ে বিনামূল্যে তাঁহার দয়ায় ঐ ছ'য়ে বাস করি। ৬৫।

মনুষ্টের শরীর যদি নির্ব্যাধি, নীরোগ ও নিত্য হইত, যতপি তাহার জন্ম-মৃত্যু-জন্মিত নানা কষ্ট না হইত, যতপি সে চিরস্থখী হইত, যতপি তাহার ধন ও পুত্র কলত্র প্রভৃতি আত্মীয়বর্গ চিরদিনের হইত, তাহা হইলে, সমস্ত মনুষ্যই নাস্তিক হইত, কেহই ঈশ্বরের

উপাসনা, ভজনা ও নাম করিত না । ঐ সমস্ত অনিত্য, দুঃখময় ও দুঃখপ্রদ বলিয়া, মানুষ নিত্যসুখ অন্বেষণ করে । সেই নিত্য সুখ ভগবদ্দর্শনে ও সন্তোগে । ৬৬ ।

ভগবানের নিকট কিছু প্রার্থনাও কামনা । ৬৭ ।

গোলোকে নিত্যকাল নিত্য-সুখ-শান্তি আনন্দ সন্তোগের প্রার্থনা অপেক্ষা সংসারীদের বড় কামনা নয় । নিত্য-সুখ শান্তি-আনন্দ সন্তোগের প্রার্থনা অপেক্ষা আরো অধিক বড় কামনা ব্রহ্মে লয় হইবার ইচ্ছা । ঐ কামনার উপর আর কামনা নাই । ৬৮ ।

নিকাম ভক্ত অতি অল্পই আছেন । নিকাম ভক্তের ভগবান্ সম্পূর্ণ নির্ভর । ভগবানের

প্রতি বাঁ'র সম্পূর্ণ নির্ভর ভগবান্ তাঁহাকে  
যে অবস্থায় রাখেন, তিনি তাহাতেই তুষ্ট  
থাকেন । ৬৯ ।

নিষ্কাম ভক্তেরা একেবারে স্বার্থবিহীন । ৭০ ।

যিনি ঈশ্বরের কৃপায় ঈশ্বরকে নিজ জীবন  
উৎসর্গ করিতে পারিয়াছেন, তাঁহার ঈশ্বরকে  
অদেয় কিছুই নাই । ৭১ ।

শুদ্ধভক্তি থেকে শুদ্ধাচারের জন্ম হয় ।  
কিন্তু শুদ্ধাচার থেকে শুদ্ধভক্তির জন্ম নয় ।  
অনেকে অভ্যাসে শুদ্ধাচার করে, কিন্তু ভক্তি  
নাই । শুদ্ধাচার অভ্যাসে হইতে পারে, কিন্তু  
শুদ্ধভক্তি অভ্যাসে হইতে পারে না । ৭২ ।

চন্দ্র সূর্য্য প্রকাশ হইবার সময়েই প্রকাশ  
হন । আমাদের ইচ্ছায় তাঁহারা প্রকাশিত হন

না । তাঁ'রা প্রকাশ হোলে তাঁ'দের আমরাও দেখিতে পাই । ভগবানচন্দ্র প্রকাশিত হইবার সময়ে নিজেই প্রকাশিত হন । আমাদের ইচ্ছায় তিনি প্রকাশিত হন না । তিনি প্রকাশিত হোলে, আমাদের মধ্যে যাঁ'দের দিব্যচক্ষু আছে, তাঁ'রা তাঁ'কে দেখিতেও পান । ৭৩ ।

যাঁহারা দর্শনক্ষম, তাঁহারা আকাশে চন্দ্র সূর্য উদয় হইলে, দেখিতে পান বটে, কিন্তু তাঁহাদের ধরিতে পারেন না । কতকগুলি মহাত্মা ভগবানচন্দ্রকে দর্শন করেন বটে, কিন্তু তাঁহাকে ধরিতে পারেন না । কতকগুলি, আবার ভগবৎ-রূপায় ভগবান্কে দর্শন ও স্পর্শন উভয়ই করিতে সমর্থ । ৭৪ ।

দৃষ্টিহীন ব্যক্তি অন্ধকার না থাকিলেও কোন পদার্থ দেখিতে পায় না । দৃষ্টিহীন ব্যক্তি কুজ্জ্বটিকা না থাকিলেও কিছু দেখিতে পায় না । জ্ঞান-চক্ষু-বিহীনের সম্মুখে ভগবান থাকিলেও দেখিতে পায় না । ৭৫ ।

দৃষ্টি থাকিতে নিবিড় অন্ধকারে কিছুই দেখা যায় না । দৃষ্টি থাকিতে ঘন কুজ্জ্বটিকার মধ্যস্থিত পদার্থ নিচয় ঝাপসা ঝাপসা দেখি । জ্ঞানচক্ষু উন্মীলিত থাকিলেও মহামায়াক্রপ তিমিরাবৃত ভগবানকে দেখা যায় না । জ্ঞান-চক্ষুর দর্শনশক্তি থাকিতেও মহামায়াক্রপ কুজ্জ্বটিকাবৃত ভগবানকে স্পষ্ট দেখা দুষ্কর হয় । ৭৬ ।



কোন প্রকার কন্মই নিকাম হইতে পারে  
না । সকল প্রকার কন্মই স্কাম ৭৭

অহঙ্কার না থাকিলে, রাগও থাকে না ।  
রাগের জনক, অহঙ্কার । ৭৮ ।

কোন রোগী এক সঙ্গে ডাক্তারী,  
কবিরাজী, হাকিমী এবং অবধৌতিক মতে  
চিকিৎসিত হইলে, কোন উপকার হয় না ।  
নানা ধর্মমত এক সঙ্গে আচরিত হইলেও,  
কোন উপকার হয় না । ৭৯ ।

সাধনা, কামনা-মূলক । ৮০ ।

শুদ্ধভক্তি প্রেমে ভগবানের বিষয় শুনে,  
বোলে ও পোড়ে যত সুখ, এত আর  
কামনাময়ী সাধনায়ঐ সকল কোরে সুখ  
হয় না । ৮১ ।

আপিসে লিখিবার সময় অণু কোন বিষয়ে মন থাকিলে, লেখার স্মৃদ্ধিলা থাকে না, ভুল হয় । যখন যে কার্য্য করিবে, তখন তাহাতেই মনোযোগ চাই, স্মৃদ্ধি মালা জপিলে কি হইবে, স্মৃদ্ধি ধ্যান করিলে কি হইবে, যত্বেপি ভগবানে মনোযোগ না থাকে ? ৮২ ।

সাধন-অবস্থায় ভগবদ্দর্শন হয় না, সিদ্ধাবস্থায় হয় । যখনই দর্শন হয়, তখনই সিদ্ধ অবস্থা প্রাপ্তি হয় । ৮৩ ।

অর্থ দিয়ে কেহ কাহারো মন আকর্ষণ ও আয়ত্ত করিতে পারে না ; নানা প্রকার উত্তম সামগ্রী খাওয়াইয়াও পারে না ; পারে, কেবল প্রেমে ও ঈশ্বর-প্রদত্ত অসাধারণ আকর্ষণী-শক্তিতে । ৮৪ ।

প্রাণের টান না থাকিলে, কাহারও বিরহে কেহ কাঁদে না । ভগবানের প্রতি যাঁহার টান আছে, তিনিই তাঁহার বিরহে কাঁদেন । ৮৫ ।

অনুরোধ উপরোধে প্রেমের সঞ্চার হয় না । প্রেম করা কর্তব্য বোধেও প্রেমের সঞ্চার হয় না । প্রেম কর্তব্যের মধ্যে নয় । মনঃপ্রাণের টানে প্রেম স্বভাবতঃ হয় । ৮৬ ।

প্রেম ব্যতীত একজন অপরের জন্ত বিরহ বোধ করিতে পারে না । প্রেম ব্যতীত অপরের সহিত সন্মিলনে এক জনের আনন্দ বোধ হয় না । প্রেমই বিরহের ও সন্মিলনের এবং আনন্দের কারণ । ৮৭ ।        ॥

নিষ্খাদ স্বর্ণ যেন প্রেম । খাদ কাম ।  
নির্ম্মল জল যেন প্রেম । মলা কাম । অবিমিশ্র

স্বত যেন প্রেম । তাহাতে মিশ্রিত পোস্তুর  
তেল, মোএর তেল, নারিকেল তেল, চিনে  
বাদামের তেল ও চর্ব্বি যেন কাম । ৮৮ ।

প্রকৃত দয়া ও প্রেম চির-নিষ্কাম । ৮৯ ।

প্রকৃত প্রেমিক প্রেমের বিনিময়ে প্রেম  
চান না । প্রেমের বিনিময় নাই । ৯০ ।

কাপড়ে বেঁধে অগ্নি ও জল রাখা যায়  
না । দেহরূপ বস্ত্রে প্রেমভক্তিরূপ জল ও  
জ্ঞানরূপ অগ্নি বেঁধে রাখা যায় না । ৯১ ।

স্নেহ, মমতা, ভালবাসা অতি কোমল  
সামগ্রী । উহারা বুদ্ধির কোটিল্যের ভিতরের  
জিনিস নয় । বুদ্ধি তাঁতির মাকু । তদ্বারা  
কৌশলরূপ বস্ত্র প্রস্তুত হোতে পারে । ৯২ ।

∴ স্নেহ, মমতা, ভালবাসা স্বাভাবিক ।

উহাদের কোনটিই অস্বাভাবিক নয় । ৯৩ ।

যত্বপি বলা হয়, ভগবান্ ভক্তের ভক্তি ও প্রেমের অধীন বা বশীভূত, তাহা হইলে স্পর্শই প্রকাশ করা হয় প্রেম-ভক্তি এবং প্রেমিক ও ভক্ত অপেক্ষা ভগবান্ ছোট ও সামান্য । তাহা হইলে স্পর্শই প্রকাশ করা হয়, ভগবান্ ভক্তি-প্রেমের ও ভক্ত-প্রেমিকের অধীন, বশীভূত, দাস ও বদ্ধ । তাঁহা অপেক্ষা প্রেম ভক্তি ও ভক্ত প্রেমিককে শ্রেষ্ঠ বলা হয় । জীবের প্রেমভক্তি সহজে ভগবানের প্রতি হয় না । জীব সহজে ভগবানের প্রতি প্রেম ভক্তি করিতে পারে না । জীবের এমন প্রেম ভক্তি নাই, যাহা দ্বারা ভগবান্ তাহার অধীন, বশীভূত, দাস ও বদ্ধ হইতে পারেন ।

তিনি তাহার প্রতি দয়া ও প্রেমে স্বেচ্ছায় তাহাকে দর্শন দেন, তাহার অধীন ও বশীভূত হন, তিনি স্বেচ্ছায় কখন কখন ভক্তের প্রভু, কখন পুত্র, কখন কন্যা, কখন পিতা, কখন মাতা, কখন বন্ধু ( সখা ), ভৃত্য, গুরু, কখন আচার্য্য, কখন পত্নী ও কখন পতি হন । ৯৪ ।

শ্রীমতীর শ্রীকৃষ্ণের প্রতি শুদ্ধ মধুর-ভাবাত্মক প্রেম ছিল । সে প্রেম যে লৌকিক কাম-গন্ধহীন ছিল, সে বিষয়ে আর সন্দেহ নাই । শ্রীমতীর অল্পমাত্র প্রেমভাব পেয়ে কত লোকের সংসারে বিরাগ ও শ্রীকৃষ্ণে অনুরাগ হ'য়েছে । যাঁ'র কেবলমাত্র অল্পভাব পেয়ে সংসারে একেবারে বিরাগ ও শ্রীকৃষ্ণের জন্যে প্রাণ কাঁদে, কৃষ্ণ ভাল লাগে,

না জানি, তাঁ'র প্রেম কেমন ছিল ! না জানি,  
 তাঁর প্রেম কত মধুর ছিল ! না জানি, তাঁ'র  
 প্রেম কত অলৌকিক ছিল ! না জানি, সে  
 প্রেম কি পবিত্র ছিল ! ৯১ ।

বিচারপতির পত্নী জানেন, তাঁ'র পতি  
 বিচারপতি ; কিন্তু জানিলেও, বিচারপতির  
 প্রতি তাঁহার পতি-ভাব ভিন্ন বিচারপতি ভাব  
 হয় না । ব্রজগোপীরা শ্রীকৃষ্ণকে ঈশ্বর  
 জানিলেও তাঁ'র প্রতি তাঁহাদের পতি-ভাব  
 বাতীত ঈশ্বর-ভাব হইত না । ৯৬ ।

তোমার বাবা তোমার মাতার পতি,  
 জান ; কিন্তু তোমার বাবার প্রতি প্রতিভাব  
 হয় না । ভগবানের প্রতি যাঁর যে প্রকৃত  
 ভাব, তাহাই স্মুরিত হইয়া থাকে । ৯৭ ।

ভগবানে ষাঁহাদের বাৎসল্য, সখ্য ও  
মধুর ভাব, তাঁহারা ভগবানের ভক্ত নন, কিন্তু  
তাঁহারা ভগবৎ-প্রেমিক ; ভগবানদাসেরা  
ভক্ত । ৯৮ ।

সন্তানের প্রতি স্নেহ কখনও যায় না,  
ভগবানের প্রতি ষাঁহার প্রকৃত সন্তানভাব  
হইয়াছে, তাহাও কখনও যায় না । ৯৯ ।

মানুষ শৈশবে অন্নপ্রাশনের সময় যে  
নাম পাইয়াছে তাহা বাল্যাবস্থায়, যৌবনে,  
প্রৌঢ়াবস্থায় এবং বার্দিক্যেও পরিবর্তিত হয়  
না । দরিদ্রতা ও ধনসম্পন্নতায় তাহার কোন  
পরিবর্তন দেখা যায় না । সে শৈশব হইতে  
নানা অবস্থায় পতিত হয় ; কিন্তু তাহার  
শ্রক নামই মৃত্যুকাল পর্য্যন্ত থাকে । গৃহাশ্রম



পরিত্যাগে নাম পরিত্যাগের প্রয়োজন নাই, সন্ন্যাসে গৃহীর স্বভাব পরিত্যাগেরই প্রয়োজন হয় । গৃহীর বেশ পরিত্যাগে কোন ফল নাই, যদি স্বভাবে সন্ন্যাসী না হয় । ১০০ ।

প্রকৃত সন্ন্যাসীর গদীর প্রয়োজন নাই, নঠের প্রয়োজন নাই, মৰ্য্যাদা ও প্রশংসার প্রয়োজন নাই, কোন প্রকার বৃত্তির প্রয়োজন নাই । ১০১ ।

অনেক পার্বতীয় জাতি পর্বত-গহ্বরে বাস করে । তাহাদের অনেক পর্ণকুটিরে বাস করে । অতএব, পর্বত-গহ্বরে ও পর্ণকুটিরে বাসে সাধু হওয়া যায় না । ১০২ ।

সকল জন্তুই উলঙ্গ থাকে । কত উন্মাদ শিশু ও বালক বালিকাগণ ও উলঙ্গ

থাকে । উলঙ্গ থাকিলেও পরমহংস হওয়া যায় না । ১০৩ ।

সন্ন্যাসীর বেশের অনুকরণ করা যায় । স্বভাবের অনুকরণ করা যায় না । ১০৪ ।

বঁড়শীতে টোপ্ না গাঁথিয়া কেবল মাছ ধরা সূতায় টোপ্ গাঁথিয়া যে পুকুরে অনেক বড় বড় মাছ আছে, ফেলিলে মৎস্য টোপ্ খেয়ে পলায়, অথচ, একটিও ধরা যায় না । জীবের মন রূপ ছিপে, বিশ্বাস রূপ সূত্রে, বৈরাগ্যরূপ বঁড়শীতে যত্বেপি ভক্তিরূপ টোপ গাঁথা থাকে, তবে ভবসমুদ্র থেকে ঈশ্বররূপ মীন ধরা যায় । ১০৫ ।

বর্ষাকালে জৌক যেমন উদ্ভানের নানা স্থানে নানা পদার্থে লিঙ্ লিকিয়ে বেড়ায়,

কাহারো অঙ্গে বসিতে পারিলে, আর নড়ে না, সুখে রক্ত পান করে । জীবের মনরূপ জৌক যতক্ষণ না হরিচরণে প্রেমরূপ রক্ত পান করিতে পারে, ততক্ষণ নানা বিষয়ে লিক্ লিকিয়ে বেড়ায় । ১০৬ ।

কে না নীর্ব্যাধি, নীরোগ হ'তে ইচ্ছা করে ? কে না নির্বিঘ্নে, নিরাপদে, নির্ভয়ে, অসঙ্কোচে, সর্বদা আমোদ-আহ্লাদে, নিত্য-সুখ স্বচ্ছন্দে, চির-শান্তি ও নিত্যানন্দে থাকিতে ইচ্ছা করে ? কে না অমর হ'তে ইচ্ছা করে ? নিজ সন্তান সন্ততি অমর হয়, কাহার না ইচ্ছা ? তাহার নীরোগ-নীর্ব্যাধি হয়, তাহার নিত্য-সুখস্বচ্ছন্দে, চির-শান্তি ও নিত্যানন্দে থাকে, সর্বদা আমোদ-আহ্লাদে

থাকে, ইহা কাহার না অভিপ্রেত ? যাহা ইচ্ছা, তাহা করিতে কাহার না অভিলাষ ? কিন্তু যথেষ্টাচার ও স্বেষ্টাচার আমাদের চলে না । যাহা ইচ্ছা, তাহা জীব করিতে পারে না । তাই বলি, জীব যথেষ্টাচারী, স্বেষ্টাচারী, কর্তা, স্বাধীন, সর্ববজ্র, সক্ষম ও সর্ববশক্তিমান নহে । জীব ঐ সকল নয় বলিয়া, স্বভাব (Nature) ঐ সকল নয় বলিয়া, ব্রহ্মের অস্তিত্ব স্বীকার করিতে হয় । কারণ, ব্রহ্মেই কেবল ঐ সকল । ১০৭ ।

যাহারা ব্যায়াম এবং কুস্তী অভ্যাস করে, তাহাদের পক্ষে অধিকবার নারী-সন্তোগ নিষিদ্ধ ; যাহারা লেখাপড়া করে, তাহাদের পক্ষে নিষিদ্ধ ; বিশেষতঃ, যাহারা সন্ন্যাসী

ও যোগী, তাঁহাদের পক্ষে একেবারেই নিষিদ্ধ । ১০৮ ।

সন্ন্যাসীর পক্ষে সকল প্রকার রমণী নিষিদ্ধ । প্রকৃত সন্ন্যাসীর কাম নাই, তাঁহার সেই জন্য রমণে ইচ্ছাও হয় না । যুবতীতে আসক্তিও হয় না । ১০৯ ।

সন্ন্যাসী মুক্ত নিত্যানন্দ । প্রকৃত সন্ন্যাস মুক্তি । কিন্তু সন্ন্যাসীর বেশ ধারণ মুক্তি নয় । ১১০ ।

প্রকৃত সন্ন্যাসীর সন্ন্যাস বিড়ম্বনা বোধ হয় না । সেজে সন্ন্যাসী হইলে, বিড়ম্বনা বোধ হইতে পারে । ১১১ ।

যখনি আমি যথার্থ বোধ করিব, আমার কিছুই নাই, তখনি আমি প্রকৃত বৈরাগী ও

উদাসীন হইব । আমার কিছু আছে বলিয়া  
যতক্ষণ বোধ থাকিবে, ততক্ষণ আমার স্বার্থও  
থাকিবে । ১১২ ।

সন্ন্যাসীর সাজে সাজিলে, সে সন্ন্যাস নয় ।  
সন্ন্যাসীর সাজ পরিয়া গৃহস্থাশ্রমের নাম  
পরিত্যাগে নূতন নাম ধারণ করিলেও সন্ন্যাস  
'নয় । প্রকৃত সন্ন্যাস—স্বভাবে । দেহকে  
সাজায়ে সন্ন্যাসী করিবার প্রয়োজন নাই ।  
মন সন্ন্যাসী হোক । ১১৩ ।

আমার ইচ্ছায় শৈশব, বাল্য, যৌবন,  
প্রৌঢ় ও বৃদ্ধকাল আসে না । আমি শৈশবকে  
যৌবন ও যৌবনকে শৈশব করিতে পারি  
না । শৈশব আসিবার সময় হইলে, শৈশব  
আসে ; যৌবন আসিবার সময় হইলে, যৌবন

আসে ; আমি ব্যতিক্রম করিতে পারি না ।  
 বৈরাগ্য হইবার সময় উপস্থিত হইলে, অবশ্যই  
 বৈরাগ্য হয় ; তাহা কেহই নিবারণ করিতে  
 পারে না । যখন বৈরাগ্য হইবার সময় নয়,  
 তখন কেহই বৈরাগ্য কোরে দিতে পারে  
 না । ১২৪ ।

ভগবানের ইচ্ছায় কোন উৎকট রোগ  
 বশতঃ কাহারো মৃত্যুকাল উপস্থিত হইলে,  
 সেই রোগে সমস্ত ঔষধ প্রয়োগ করিলেও  
 মৃত্যু নিবারিত হয় না । ভগবানের ইচ্ছায়  
 সংসারে বিরাগের কাল উপস্থিত হইলে,  
 অতি রূপবতী, গুণবতী, যুবতী ভাব্যার রূপ-  
 গুণও যৌবন, অতুল ঐশ্বর্য্য এবং প্রচুর মান  
 সম্ভ্রম সে বৈরাগ্যে বাধা দিতে পারেনা । ১১৫ ।

মনকে নিঃসঙ্গ কর । দেহকে নিঃসঙ্গ করিলে, কি হইবে ? মন যখন নিঃসঙ্গ হইবে, দেহ তখন সদসৎ উভয়বিধ সঙ্গেই অটল থাকিবে । দেহকে নিঃসঙ্গ করিলে মন নিঃসঙ্গ হয় না ; কিন্তু মন নিঃসঙ্গ হইলে, দেহ নিঃসঙ্গ হয় । ১:৬ ।







# উদ্দীপনী ।

( ১ম ও ২য় ভাগ একত্র । )

( ধর্ম্য সম্বন্ধীয় )

যোগাচার্য্য

শ্রীশ্রীমৎ অবধূত জ্ঞানানন্দ দেব

কথিত ।

কালীঘাট—মনোহরপুকুর “মহানির্বাণ ঋত” হইতে

শ্রীরাখাল দাস পাল কর্তৃক প্রকাশিত ।

• নিত্যাক্ষ ৬০, সন ১৩২১ ।


মূল্য ৮০ চাই আনা ।

কলিকাতা,

১৩ নং শিবনারায়ণ দাসের লেন, “সিদ্ধেশ্বর মেসিন্ বস্ত্রে”

শ্রীঅবিনাশচন্দ্র মণ্ডল দ্বারা মুদ্রিত ।

সন ১৩২১ ।

A decorative rectangular border with floral and leaf motifs surrounds the text.

ধৰ্ম্মভাব উদ্দীপনী,  
সৰ্ব্বমত সন্মিলনী,  
জ্ঞান ভক্তি প্রদায়িনী,  
শ্রীগুরুৰ ৰূপায় । (শ্রুত)



# উদ্দীপনী ।

প্রথম ভাগ ।



( ধর্ম সম্বন্ধীয় )

ধর্ম সম্বন্ধে সাম্প্রদায়িকতা পরিত্যাগ  
পূর্বক যিনি যে কথা বলেন, তাহাই আমাদের  
শিরোধার্য্য এবং আদরনীয় । ১

নানা জাতীয় আত্ম আছে ; প্রত্যেক  
জাতির আকার এবং আত্মদানের পার্থক্য  
আছে । কোন জাতীয় আত্ম মিষ্ট, কোন

জাতীয় অম্লরস যুক্ত এবং কোন জাতীয় বা উভয় অর্থাৎ মিশ্রিত এবং অম্লতা মিশ্রিত । ঐ প্রকার মনুষ্যও নানা জাতীয় বা নানা প্রকার আছেন । জাতি গুণাত্মক । ২

শাস্ত্রে নানা শ্রেণীর নানা প্রকার লোকের জন্ত নানা প্রকার কর্তব্য আচরণ সকল নির্দিষ্ট আছে । সন্ন্যাসী এবং গৃহস্থের এক প্রকার আচরণ নহে । সন্ন্যাসী আবার নানা প্রকার । প্রত্যেকের পৃথক পৃথক আচরণ । গৃহস্থও নানা শ্রেণীর । প্রত্যেকের আচরণ গুলিও ভিন্ন ভিন্ন । তবে কি প্রকারে এক ব্যক্তির সমস্ত শাস্ত্রীয় কর্তব্য উপদেশ সকল আচরণীয় হইবে ? ৩

নানা শাস্ত্রীয় নানামত আছে । কিন্তু

প্রত্যেক মতই একের সম্বন্ধে। যিনি যে মতে আছেন, যাঁহার যে মতে বিশ্বাস, তাঁহাকে সেই মত দ্বারা ঈশ্বর বোঝান আবশ্যিক। জগতে অনেক ভাষা আছে। প্রত্যেক ভাষার দ্বারাই মনোভাব ব্যক্ত করা যাইতে পারে। অথচ সকল লোকেই সকল ভাষা জানেন না।

\* যিনি যে ভাষা জানেন, তাঁহাকে অপর ভাষার কোন বিষয় বোঝাইতে হইলে সেই ভাষার সাহায্যেই বোঝাইতে হয়। ৪

চিরকাল যে ব্যক্তি অন্নাহার করিয়াছে, তাহাকে রুটী এবং মাংস ভক্ষণ করিতে হইলে কত কষ্ট হয়। বাল্যাবস্থা হইতে যিনি নিরামিষাহার করিতেছেন, তাঁহাকে অন্নরোধ কিন্না বল প্রয়োগে আমিষাশী



করিবার চেষ্টা করিও না। ঈশ্বর সম্বন্ধীয়  
যিনি যে মতে আছেন, তাঁহার সেই মতের  
পরিবর্তন করিবার কোন প্রয়োজন নাই। ৫

সম্পদ এবং বিপদের তারতম্য বোধ  
থাকিলে বিপদে অধীর এবং চঞ্চল হইতে  
হয়, দুঃখোদয়ও হয়। উভয়ে সমবোধ  
থাকিলে ধীরতা এবং অধীরতা, চাঞ্চল্য এবং  
অচাঞ্চল্য, সুখ এবং দুঃখ সমতুল্য হয়। ৬

মনুষ্যের জন্ম মৃত্যু নিবারণ করিবার  
ক্ষমতা নাই। থাকিলে নিজের এবং নিজ  
স্নেহাস্পদ পুত্র কন্যা এবং জায়া প্রভৃতির  
করিতেন। এমন অক্ষম নিঃশক্তি মনুষ্য  
ঈশ্বর অস্বীকার কি প্রকারে করেন। ৭

তোমার যখন ভূ এবং স্বর্গ রৌপ্য প্রভৃতি

নানা প্রকার সম্পত্তি থাকিতে পারে এবং ঐ সকল তোমার থাকিলে তোমাকে যখন ঐশ্বর্য্যবান্ বলা যাইতে পারে, তখন সমস্ত সৃষ্টির কি ঈশ্বর নাই ? তুমি যত্বপি সামান্য ঐশ্বর্য্যের ঈশ্বর হইতে পার, তাহা হইলে সৃষ্টির ঈশ্বরও একজন থাকিতে অবশ্যই পারেন । ৮

এক কারণ । বহু কার্য্য । সেই কারণ ব্রহ্ম । ৯

ঈশ্বরের ঈশ্বর নাই সুতরাং তিনি নিরীশ্বর । ১০

জড় কোন কার্য্যের কারণ হইতে পারে না । চেতনও কোন কার্য্যের কারণ হইতে পারে না । সর্ব্ব কার্য্যের কারণ চৈতন্য । ১১

ব্রহ্ম মূল । সৃষ্টি মৌলিক । ১২

সৃষ্টি প্রকৃতি । পুরুষ অক্ষর । সৃষ্টি  
প্রকৃতি জড় । অক্ষর পুরুষ চৈতন্য । ১৩

স্থূল জড় দেহে এবং উহার মধ্যে অবস্থান  
কর্তা দেহীতে প্রভেদ থাকিলেও যেমন  
অভেদ ; স্থূল জড় দেহ এবং দেহী উভয়  
সমন্বিত আগরা প্রত্যেকেই যেমন এক একটী  
মনুষ্য ; তদ্রূপ জড় স্থূল সূক্ষ্ম এবং কারণময়  
চৈতন্য থাকার জন্য তাঁহার সহিত ঐ সকল  
প্রভেদ হইলেও পরস্পর ময়ত্ব প্রযুক্ত বা  
তাঁহার সর্বব্যাপিত্ব প্রযুক্ত ঐ সকল এবং  
তিনি অভেদ । সুতরাং এই জন্য বেদান্তের  
মতে প্রত্যেক সৃষ্ট পদার্থ, জীব, জন্তু, প্রভৃতিই  
নারায়ণ । ১৪

বীজের যে গুণ যে আশ্বাদন, স্বক এবং

শস্ত্রের সেই গুণ সেই আশ্বাদন নহে। স্বকের গুণ এবং আশ্বাদন শস্ত্র হইতে সম্পূর্ণ বিভিন্ন। বীজ, ত্বক্ (খোসা), এবং শস্ত্রের এক প্রকার আকৃতিও নহে। অথচ তিনই এক সামগ্রীর তিন রূপান্তর। বীজই ক্রমে বৃহৎ বৃক্ষরূপে পরিণত হইলে বীজের গুণ ও আকৃতি বৃক্ষের কোন অংশেই দেখি না এবং আশ্বাদনও প্রাপ্ত হই না। তদ্রূপ এক ব্রহ্মই সমস্ত জড় এবং চৈতন্য হইলেও পরস্পর অনেক প্রভেদ আছে। ১৫

সমস্ত জড় ব্রহ্ম হইলে এক প্রকারে সকলেই, ব্রহ্মের নানা জড়রূপ দর্শন করিতেছেন, কিন্তু সকলেইত তাঁহার চিন্ময়রূপসকল দর্শন করিতেছেন না।

সুমিষ্ট উত্তম ফলের কেবল বহির্ভাগ দেখিলে  
কি হইবে? তাহার স্বগুণোচন পূর্বক  
সুস্বাদু শস্য আশ্বাদন করিতে পারিলেই  
তৃপ্তি হয়। ১৬

শক্তি বিশেষণ। শক্তিমান বিশেষ্য।  
ব্রহ্ম-শক্তিই ব্রহ্মকে বিশেষরূপে জ্ঞাত এবং  
দর্শন করান। ব্রহ্মের শক্তির দ্বারাই আমরা  
ব্রহ্মকে জ্ঞাত হই। ১৭

কোন পদার্থ দর্শন এবং প্রাপ্তি এক নহে।  
প্রথমতঃ ব্রহ্ম দর্শন, পরে ব্রহ্ম প্রাপ্তি। ১৮

প্রত্যেক কার্যালয়ে প্রত্যেক কর্মচারী ৩০  
বা ততোধিক দিবস কার্য্য করিলে তরৈত এক  
মাসের বেতন প্রাপ্ত হন। ৩০ দিনের কার্য্য  
এক দিবসে কেহই নিষ্পন্ন করিতে সক্ষম

নহেন । কার্যালয়ের নিয়মও তাহা নহে ।  
 ঐ প্রকার প্রত্যেক দিন যেন জীবের প্রত্যেক  
 জন্ম । প্রত্যেক জীবকে বহু জন্মগ্রহণ  
 করিতে হয় ; শেষ জন্মে ঈশ্বর প্রাপ্তি তাঁহার  
 বেতন প্রাপ্তি হয় । ১৯

‘ব্রহ্ম’ শব্দে বৃহৎ শব্দ আছে । ক্ষুদ্র এবং  
 বৃহৎ উভয়ই গুণাত্মক শব্দ সুতরাং ব্রহ্মও  
 গুণাত্মক শব্দ । তবে ব্রহ্মকে সগুণ না  
 বলিয়া কেবল মাত্র নিগুণ কি প্রকারে  
 বলিব ? ২০

কেবল মাত্র ব্রহ্মকে নিগুণ বলিলে  
 প্রকারান্তরে তাঁহার শক্তি অস্বীকার কর  
 হয় । গুণকৃত কার্যে তাঁহার শক্তির বিকাশ ।  
 শক্তির বিকাশে তাঁহাকে শক্তিমান্ বলি । ২১

যাঁহার নানা গুণ-শক্তির বিকাশে নানা কার্য্য হয়, তাঁহাকে নিগুণ কি প্রকারে বলি ? ঈশ্বর সত্ত্ব, রজঃ এবং তমঃ এই তিন গুণাবলম্বনে সৃজন, পালন এবং বিনাশ করেন। ঐশ্বরিক ত্রিগুণকৃত ঐ তিন কার্য্য আমরা দেখিতে পাই সুতরাং অস্বীকার করিতে পারি না। ঐ তিনগুণকৃত কার্য্যে তাঁহার শক্তির পরিচয়। ২২

ঈশ্বরকে নিঃশক্তি বলা যায় না। বাস্তবিক তিনি নিঃশক্তিও নহেন। তাঁহাকে সর্ব্বশক্তিমান্ বলা হয় ! সর্ব্বশক্তিমান্ যিনি, তিনি কি প্রকারে নিগুণ হইবেন ? তাঁহার শক্তিতে সমস্ত কার্য্য হইতেছে। শক্তি ব্যতীত কোন কার্য্যই নির্বাহ হয় না, সুতরাং

কি প্রকারেই বা তাঁহাকে নিষ্ক্রিয় বলিব ?  
জড়ত নিষ্ক্রিয় । চেতন সক্রিয় যখন, তখন  
চৈতন্যকে নিষ্ক্রিয় কি প্রকারে বলিব ?  
চৈতন্য শক্তি প্রভাবেই ত চেতন কার্য  
করে । ২৩

অস্তিত্ব যাহার আছে, তাহাই সত্ত্বগুণ । অল্প  
মসি বৃহৎ সমুদ্রে নিক্ষিপ্ত হইলে উহা তাহাতে  
লয় প্রাপ্ত হইয়া অস্তিত্ব বিহীন নিগুণ হয় ।  
জীবাত্তা এবং মন পরমাত্মায় লয় হইলে  
তাহাদের অস্তিত্ব থাকে না । সূত্রাং সেই  
অবস্থায় তাহারা নিগুণ । ২৪

ঐশ্বরিক সর্ব শক্তির অন্তর্গত সত্ত্ব, রজঃ  
এবং তমঃ গুণ । উক্ত ত্রিগুণ ব্যতীত প্রত্যেক  
শক্তিকেও এক একটা গুণ বলা যাইতে



পারে, স্মৃতরাং যত শক্তি তত গুণ, এইজন্য  
নানাগুণ। তবে ঈশ্বর সর্ববশক্তিমান্ হইলে  
তিনি সগুণও বটেন। ২৫

বহু মানসিক বিত্তি বা শক্তিগণের মধ্যে  
ইচ্ছাও একটি - মানসিক বিত্তি বা শক্তি।  
ইচ্ছা-শক্তি ব্যতীত কোন কার্য্যই নির্বাহ  
হইতে পারে না। ইচ্ছা-শক্তির আজ্ঞা-  
প্রতিপালিনী দাসী ক্রিয়া-শক্তি। ২৬

সামান্য কথার দ্বারা কেহ উপকার  
করিলে, যখন তাহার প্রত্যুপকার করা এবং  
তাঁহার প্রতি কৃতজ্ঞ হওয়া উচিত, তখন ঈশ্বর  
মনুষ্যের কত উপকার করিয়াছেন, করিতেছেন  
এবং করিবেন, তাঁহা হইতে আমাদের শরীর,  
মন, প্রাণ, ভক্ষ্য, পানীয়, শয্যা এবং আমরা—

তবে তাঁহার প্রতি আমাদের কত অধিক  
কৃতজ্ঞ হওয়া উচিত এবং কর্তব্য । তাঁহার  
পূজা, অর্চনা এবং ধ্যান করাই তাঁহার প্রতি  
কৃতজ্ঞতা প্রকাশ । মন্ত্র-দীক্ষা গ্রহণ করিলে  
তবুও তাঁহার পূজা অর্চনা প্রভৃতি কৃতজ্ঞতা  
প্রকাশের একটা নিয়ম থাকে । এইজন্য  
মন্ত্র-দীক্ষা গ্রহণ উচিত এবং এইজন্য তাঁহার  
বিধিও হইয়াছে । আমরা প্রায় সমস্ত দিন  
সাংসারিক নানা কার্যে ব্যাপ্ত থাকি, আমরা  
ঈশ্বরের প্রতি কি এক দণ্ডের জ্ঞান—এক  
মুহূর্তের জ্ঞান কৃতজ্ঞতা প্রকাশ করিব না ! ২৭

অর্থীদের আদি শাস্ত্র বেদ । বেদেতে  
নিরাকারব্রহ্মোপাসনার কথা আছে । তাহাতে  
অগ্ন্যাগ্ন দেবদেবীর পূজার ব্যবস্থাও আছে ।

নিজ নিজ অভিরুচি অনুযায়িক যিনি যে প্রকার অর্চনা করিতে সমর্থ হইবেন, তিনি সেই প্রকারই করিবেন। এইজন্য তাহাতে উভয়বিধ পদ্ধতিই প্রচলিত আছে। ২৮

“ এক বীজের যতপি বহু হওয়া সম্ভব হয়, তাহা হইলে সর্ববশক্তিমান একেশ্বরের বহু হওয়া অসম্ভব কি ? ২৯

শ্রুত এবং পঠিত আত্মজ্ঞান নহে।  
আত্মজ্ঞান স্বভাবে, তাহা স্বাভাবিক। ৩০

মায়িক প্রেম স্থূল জড় দেহে। অমায়িক  
প্রেম আত্মাতে। ৩১

ঈশ্বর প্রেমিকই, ঈশ্বর প্রেমাম্পাদ। ৩২

স্বার্থ-পূর্ণ সকাম কর্ম্ম। স্বার্থ-শূন্য নিষ্কাম  
কর্ম্ম। ৩৩

প্রেমই মমতার কারণ। সাংসারিক  
প্রেমাত্মিকা মমতা মহাশোক, দুঃখ এবং  
মোহময়। কিন্তু ভগবতপ্রেমাত্মিকা মমতা  
ঐ সকল শূন্য। ভগবানে ঘাঁহার প্রকৃত  
প্রেমময়ী মমতা আছে, তিনিই প্রকৃত সুখী  
এবং ধন্য। ৩৪

প্রেম চির নিষ্কাম। প্রেমিক নিজ  
প্রেমাস্পদের প্রতি স্বকৃত প্রেমের বিনিময়ে  
প্রতি-প্রেম চাহেন না। প্রেমের বিনিময়ে  
যিনি প্রেম চান, তাঁহার প্রকৃত প্রেম নহে।  
প্রকৃত প্রেম কখন সকাম হইতে পারে  
না। ৩৫

একপোয়া খাটী দুধে, তিনপোয়া জল  
মিশ্রিত করিয়া পান করিবার প্রয়োজন কি ?

দুঃখই পুষ্টিকর। কিন্তু জল নহে। উহা  
বরঞ্চ শ্লেষ্মোৎপাদন করিতে পারে। অতএব  
নির্জল দুঃখই পেয়। নির্মলা ভক্তি সমলা  
অপেক্ষা অধিক উপকার-জনক। ৩৬

শ্রীকৃষ্ণের স্থূল জড় দেহ চিন্ময় বলা  
হয়; শ্রীচৈতন্যের—শ্রীরাধাময়। চিৎশক্তিই  
যোগমায়া কালী। কৃষ্ণের স্থূল জড় দেহ  
চিন্ময় অর্থাৎ যোগমায়া-কালীময়। তবে  
প্রকৃত বৈষ্ণব কালীনিন্দা কি প্রকারে  
করিবেন ?

সচ্চিদানন্দের অন্তর্গত চিৎ হইলে এবং  
সেই চিৎশক্তি কালী হইলে, প্রকৃত বৈষ্ণবের  
পক্ষে কালীনিন্দা অনুচিত এবং অকর্তব্য।

চিন্ময় ধাম, চিন্ময় শ্রাম, চিন্ময় নাম

হইলে সেই চিৎশক্তি যোগমায়া কালী প্রকৃত  
বৈষ্ণবগণের অবশ্যই পরমারাধ্যা হইবেন । ৩৭

সূর্য্যরশ্মিময়ী চন্দ্রমা । উহা নিজে রশ্মি-  
বিহীনা । সেই জন্ত চন্দ্রালোক অপেক্ষা  
সূর্যালোকে প্রত্যেক পদার্থ সুস্পষ্ট  
দৃষ্টিগোচর হয় । চন্দ্রমা তত্ত্ব । সূর্য্য জ্ঞান ।  
জ্ঞানের প্রভারূপ প্রভাব তত্ত্বের দ্বারা  
প্রকাশিত হয় । সুতরাং জ্ঞানপ্রভাময়ী  
তত্ত্ব । ৩৮

সর্পের গাত্র অতি কোমল । কিন্তু তাহা  
বিষধর, জীবন সংহার করে । কুলটানারীর  
কোমলতার মধ্যেও নানা প্রকার কৌশল,  
শঠতা এবং চাতুর্য্যরূপ বিষ সকল  
অ্যুছে । ৩৯

আহার এবং মলমূত্রত্যাগ আর্ঘ্য-শাস্ত্রোক্ত  
ঈশ্বরীয় সকল অবতারই । করিতেন ।  
বাইবেলীয় ঈশ্বরপুত্রভাবাপন্ন ঈশাও  
করিতেন । তবে সাধু ঐ সকল করিবেন না  
কেন ? ঐ সমস্ত কার্য্যত অসাধুতা নহে ।  
সাধুর অসাধুতা দোষণীয় বটে ।

সাধুতার অন্তর্গত ঈশ্বরে বিশ্বাস এবং  
প্রেম, ভক্তি প্রভৃতি । সাধুর ঐ সমস্ত  
সদৃশ্য থাকিলেই হইল । ৪০

সাধু হইলেই সর্ব্বজীবাপেক্ষা অধিক  
ভোজন করিতে হয় না । অন্নুর এবং  
রান্ধসগণ ত অধিক ভোজন করিত । সাধু  
আহার ত্যাগী হন না । জড়ত আহার এবং  
পান করে না । তাহাতে তাহার কি প্রশংসা

এবং গৌরব ? জড়ের ধর্ম জড়ে নিহিত ।  
চেতনের ধর্ম চেতনে । ৪১

সাধুর যত্নপি পানাহার এবং মল-মূত্র  
ত্যাগ অকর্তব্য হয়, তাহা হইলে তাঁহার  
দৈহিক সর্বকার্য্য এবং দেহ পরিত্যাগ্য  
হইবেনা কেন ? ৪২

নানা প্রকার বিদ্যা আছে । প্রত্যেক  
বিদ্যায় পারদর্শী ব্যক্তিই সেই বিদ্যায় অনভিজ্ঞ  
লোকদের শিক্ষক হন । প্রত্যেক বিদ্যা  
শিক্ষাতেই নিজের এবং অপরের উপকার  
হয় । মহাবিবেকবৈরাগ্য এবং প্রেমভক্তি  
সম্পন্ন সুদুপদেষ্টাগণ একেবারে নিঃসঙ্গ হইলে  
ঐ সমস্ত বিষয়ে জীব শিক্ষক কে হইবে ? ঐ  
সমস্ত বিষয়ে পরিপক্বাবস্থায় সংসারের সংশ্রবে



ভয় নাই। অপরিপক্বাবস্থায় আছে। ঐ অবস্থায় ঘোর-সংসারির নিকট সর্বদা সাবধান হইবে। ঐ অবস্থায় একেবারে সংসারের সংস্রব পরিত্যাগ করিবে। ঐ অবস্থায় সংসার এবং সংসারী মহাবিপ্লবজনক। ঐ অবস্থায় নরের পক্ষে নারী এবং নারীর পক্ষে নর কালসর্পাপেক্ষ। ভয়ানক অনিষ্টকর। ৪৩

মায়া চাবি স্বরূপ। চাবি দ্বারা যেমন দ্বার বন্ধ এবং মুক্ত হইতে পারে, তদ্রূপ মায়া দ্বারা উভয়ই হয় ; মায়া জীববন্ধনী এবং জীবমোচনী উভয়ই। ৪৪

সংসাররাজ্যের বহির্ভাগে অবস্থান এবং অধ্যাত্মরাজ্যের অন্তর প্রবেশ শ্রেয়স্কর। ৪৫

ধাত্মক্ষেত্রের অনেক বিবর মধ্যে বিষধর

সর্প সকল বাস করে। বর্ষার জলে ক্ষেত্র পরিপূর্ণ এবং প্লাবিত হইলে সেই সকল বিবরেও জল প্রবিষ্ট হয় এবং হিংস্র সর্প সকল স্থানান্তরিত হয়। জীবের মনরূপ ক্ষেত্র যখন প্রেমরূপ বর্ষায় প্লাবিত হয় তখন সেই ক্ষেত্রের গুপ্ত বিবর সকলে কাম, ক্রোধ প্রভৃতি রিপুগণ আর তিষ্ঠিতে পারে না। ৪৬

আনন্দের উদয় হইলে অসুখ এবং অশান্তি থাকে না। আনন্দেই সুখ এবং শান্তি বিরাজিত আছে। আনন্দ সুখ এবং শান্তিময়। ৪৭

অগ্নির সংস্রবে যে পদার্থ রাখিবে তাহাই উষ্ণ হইবে, তাহাই উদ্ভূত হইবে। শিব-সংস্রবে জীব থাকিলে জীবও শিবত্ব প্রাপ্ত হয়। ৪৮

শুদ্ধ কাষ্ঠ, তৃণ, পলাল, শোণ, পাট, তুলা  
 এবং কাগজ প্রভৃতি বহুকাল মৃত্তিকা মধ্যে  
 প্রোথিত থাকিলে যে প্রকারে মৃত্তিকা হয়,  
 সেই প্রকারে ব্রহ্মে জীবাত্মা এবং মন অবস্থান  
 করিলে তাহারাও ব্রহ্ম হয় । যেমন কাষ্ঠ  
 প্রভৃতি, মৃত্তিকা বা পৃথিবী প্রভৃতি পঞ্চভূতের  
 নানা রূপ, তদ্রূপ জীবাত্মা এবং মনও ব্রহ্মের  
 দ্বিপ্রকার প্রকাশ । ভগবদগীতায় এইজন্য  
 ভগবান শ্রীকৃষ্ণ বলিয়াছেন, তিনিই আত্মা  
 এবং মন । ৪৯

দাহ দাহক সংযোগে ধূমোৎপন্ন হয়,

জন্মিয়া সাকাররূপে নিরাকার হয়,

অনন্ত আকাশে শেষে লয় হয়ে যায় ।    ৫০

দাহ যেন প্রকৃতি মাতা । দাহক পুরুষ  
পিতা । উভয়ের সম্ভান জীবরূপ ধূম  
মহাসিদ্ধাবস্থায় অনন্ত চিদাকাশে লয় হয় ।  
তখন আর তাহার পৃথকত্ব থাকে না । ৫০

# উদ্দীপনী :

— ০ —  
দ্বিতীয় ভাগ ।

~~~~~  
কর্ম ও কর্মফল ।

সৎকার্য্য করিলে তাহার যাহা নির্বন্ধ তাহা ঘটিবে । অসৎকার্য্য করিলে তাহার যাহা নির্বন্ধ তাহাও ঘটিবে । সদসৎ উভয়বিধ কার্য্যতেই বিধাতার নির্বন্ধ আছে । ১

কার্য্যফল মানিতে কাহাকে না হয় ?  
সদসৎ সকল কার্য্যেরই ফলভোগ করিতে হয় । ২

সৎকার্যের যে ফল, তসৎকার্যের সেই ফল হইতে পারে না। ৩

তোমার ক্ষুধা পাইয়াছে, আহাৰ করিলে ক্ষুধা নিবৃত্তি হইবে। তবে তুমি কৰ্ম্মফল মান না, বলিতেছ কেন ? ৪ •

### পাপ ও পুণ্য।

অর্থের দ্বারা পাপ পুণ্য উভয়ই হইতে পারে। সৎকার্যে অর্থব্যয় করিলে পুণ্য হয়। অসৎকার্যে অর্থব্যয় করিলে পাতকই সঞ্চিত হইয়া থাকে। ১

কোন কোন আৰ্য্যশাস্ত্রের মতে পাপের জুগ্ম নানাপ্রকার শারীরিক ব্যাধি ভোগ

করিতে হয়। ঈশার মতেও কুষ্ঠ প্রভৃতি  
ব্যাদি পাপের জন্মই হয়। ২

সৎকার্যের অনুষ্ঠানে পুণ্য হয়। অসৎ  
কার্যের অনুষ্ঠানে পাপ হয়। ৩

শারীরিক পীড়া এবং যন্ত্রণায় কতকগুলি  
পাপের ক্ষয় হয়। পুনঃ পুনঃ গর্ভযন্ত্রণায়  
কতকগুলির ক্ষয় হয়। নরকভোগ দ্বারা  
অবশিষ্ট পাপের অবসান হয়। ৪

এ জন্মের সমস্ত পাপই এ জন্মে ক্ষয় হয়  
না। সমস্ত ক্ষয় হইবার পুণ্য সঞ্চয়ও হইতে  
পারে না। ৫

বেদ ।

ইদানী বেদমতে প্রায় কেহই চলেন না ।  
অথচ অনেকেই বেদের দোহাই দিয়া অনেক  
কার্য্য করেন । ১

যে সময়ে ঙ্গতে চারিপাদ ধর্ম্ম ছিল, সেই  
সময়েরই নাম সত্যযুগ । সেই সময়ের শাস্ত্র  
বেদ । স্মৃতরাং বলিতে হইবে বেদ অপেক্ষা  
আর সম্পূর্ণ শাস্ত্র নাই । ২

বৃক্ষের যেমন অনেক শাখা প্রশাখা আছে,  
তদ্রূপ বেদ-বৃক্ষেরও অনেক শাখা-প্রশাখা  
আছে । জগতের সমস্ত ধর্ম্ম-শাস্ত্রই বেদের  
অন্তর্গত । মহান্ বৈদিক-ধর্ম্ম হইতে সকল  
ধর্ম্মেরই আবির্ভাব হইয়াছে । সেই সকল



ধর্মের মধ্যে কোনটাই সম্পূর্ণ অবিকৃতভাবে  
চলিতেছে না । ৩

### শাস্ত্র ।

সমস্ত শাস্ত্রই ঈশ্বর প্রদত্ত । যেমন মুখ  
দিয়া কত কথা নির্গত হইতেছে, তদ্রূপ নানা  
মহাত্মার ভিতর দিয়া ঈশ্বরীয় নানা শাস্ত্র  
জগৎ পাইয়াছে । ১

একখানি সীমাবিশিষ্ট ধর্ম্য পুস্তকে ঈশ্বর  
সম্বন্ধীয় সমস্ততত্ত্ব নিহিত থাকিতে পারে না ।  
ঈশ্বরের ন্যায় ঈশ্বরীয় তত্ত্বেরও সীমা নাই । ২

শাস্ত্রদের প্রধান গ্রন্থ মহাভাগবত ও  
মহানির্ব্বাণ তন্ত্র । ঐ দুই প্রধান গ্রন্থ ব্যতীত

তঁাহাদের মতপ্রতিপাদক আরো অনেক  
পুরাণ-তন্ত্র আছে । ৩

আর্য্যদিগের কোন কোন ধর্ম্ম সম্বন্ধীয়  
গ্রন্থে যেমন বিশ্বাস, জ্ঞান ও প্রেমের বিষয়  
বর্ণিত আছে, তদ্রূপ বাইবেলেও ঐ সকল  
সম্বন্ধে বর্ণনা আছে । ৪

শিশু ইক্ষু চর্চণ করিয়া তাহার রস  
আস্বাদন করিতে পারে না । শৈশব উত্তীর্ণ  
যিনি হইয়াছেন, তিনি পারেন । শাস্ত্ররূপ  
ইক্ষুর রস আস্বাদন অজ্ঞানরূপ শিশু করিতে  
সক্ষম নয় । তাহা জ্ঞানীর সাধ্য । ৫ .

সকল শাস্ত্রের পরস্পর ঐক্য নাই । অথচ  
সকল শাস্ত্রই ভগবান সম্বন্ধে লিখিত । সে  
গুলির মধ্যে কোন্‌গুলি দিব্যজ্ঞানসম্ভূত এবং

কোনগুলি অজ্ঞান সম্ভূত, তাহা প্রকৃত জ্ঞানী  
ব্যতীত অপর কেহই নির্বাচন করিতে পারে  
না । ৬

### সম্প্রদায় ।

ঐ আলয়ের অনেক দ্বার রহিয়াছে ।  
উহার মধ্যে প্রবেশ করিতে হইলে একটী  
দ্বার দিয়াই প্রবেশ করিতে হইবে । ঈশ্বর-  
পুরীরও অনেক দ্বার । সেই পুরীর এক  
একটী দ্বার যেন এক এক সাম্প্রদায়িক মত ।  
ঈশ্বর-পুরীতে প্রবেশ করিতে হইলে যে কোন  
সম্প্রদায়রূপ দ্বার দ্বারাই তাহাতে প্রবেশ করা  
যায় । ১

কাচের লাঠানের মধ্যে আলোক থাকিলে সেই আলোক ঐ লাঠানের বহির্ভাগে পর্য্যন্ত বিকীর্ণ হইতে থাকে, সেই আলোক ঐ লাঠানের চতুষ্পার্শ্বে পর্য্যন্ত পতিত হয়। যে সম্প্রদায়িকের প্রকৃত ভক্তি আছে, তাঁহার সে ভক্তি বদ্ধ হইয়া কোন এক নির্দিষ্ট সংকীর্ণ স্থানে থাকিবার নহে। তাহা অন্যান্য সম্প্রদায়ের জনগণকে প্রদত্ত হয়। ২

যে সময়ে যে সম্প্রদায়ে উত্তম প্রচারকের সংখ্যা অধিক থাকে, সেই সময়ে সেই সম্প্রদায়ই শ্রেষ্ঠ বলিয়া পরিগণিত হয়। এক সময়ে খৃষ্টীয় সম্প্রদায়ে অনেক উত্তম লোক ছিলেন, সেই সকল লোকের আদর্শ চরিত্র এবং অদ্বুত উপদেশ দিবার ক্ষমতা বলেই

সেই সময়ে খৃষ্টীয় সম্প্রদায়ের বিশেষ প্রাধান্য  
হইয়াছিল। ৩

—  
সাধু।

কেবল ধর্ম সাধন করিয়া যদি কোন  
ব্যক্তি উৎকর্ষতা লাভ করেন, তাহা দ্বারায় কি  
অন্য লোকের উপকার হয় না? তাঁহা দ্বারা  
যত উপকার হয়, বোধ করি, জগতে আর  
কাহারো দ্বারাই তত উপকার হয় না। ১

কোন কোন শিক্ষক বালকগণকে  
বিজ্ঞাত্যাস করান বলিয়া বৃষ্টি গ্রহণ করেন।  
কিন্তু সাধু কিছুই গ্রহণ করেন না, অথচ তিনি  
লোককে ঐশ্বর্যদর্শনের পথ প্রদর্শন করেন।

তঁাহা অপেক্ষা গুরুতর কার্য্য আর কে করে ?

তঁাহা অপেক্ষা জগতের হিতসাধন আর কে করে ? ২

মদ্যপায়ী মদ্যপান করিতেই উপদেশ দিয়া থাকেন । সাধু, সাধু হইতেই বলেন । সাধু কখন কাহাকেও অসাধু হইতে বলেন না । ৩

প্রকৃত সাধু কোন সাধারণ লোকের প্রতি পর্য্যন্ত হিংসা করিতে পারেন না । তঁাহার কাহারো সহিত অসম্ভাব নাই । ৪

শারীরিক ব্যাধির চিকিৎসা চিকিৎসক করিবেন । সে কার্য্যে সাধু ব্যস্ত থাকেন না । মানসিক, চিকিৎসা সম্বন্ধে সাধুর সাহায্যের প্রয়োজন । ৫

# উদ্দীপনী ।

পরিশিষ্ট । \*

গুরু ।

যাঁহার দিব্যজ্ঞান আছে, তিনিই গুরু, তিনিই কোন অদীক্ষিত ব্যক্তিকে দীক্ষিত করিতে সক্ষম । দীক্ষা প্রভাবে সমস্ত পাপ ক্ষয় হয়, দীক্ষা প্রভাবে দিব্যজ্ঞান হয় ।

\* ১৩০৬ সালের ‘সর্বধর্ম’ পত্রিকায় যোগাচার্য্য শ্রীশ্রীমৎ অদ্বৈত জ্ঞানানন্দ দেবের রচনাবলী হইতে উদ্ধৃত ।

“দিব্যজ্ঞানং যতো দদাৎ কুর্যাৎ পাপশ্চ সংক্ষয়ম্  
তস্মাদীক্ষেতু সা প্রোক্তা মুনিভিস্তত্ত্ববেদিভিঃ ॥”

অনেক গৃহস্থই অজ্ঞান, সেই জন্যই  
তঁাহাদের মধ্যে দীক্ষাশক্তি নাই। সেই  
জন্যই তঁাহাদিগের মধ্যে কেহই দীক্ষাগুরু  
হইবার উপযুক্ত নহেন। সেই জন্যই  
নিত্যতন্ত্রে গৃহস্থ-গুরু কর্তৃক দীক্ষিত হইতে  
নিষেধ করা হইয়াছে।

“গৃহী গুরুন্ কর্তব্যো ন তরেষু ন তারয়েৎ ।”

নিত্যতন্ত্রের মতে গুরু স্বয়ং বিষ্ণু, সে  
মতে গুরু পাপনাশক এবং সিদ্ধিদাতা।

“গকারঃ সিদ্ধিদঃ প্রোক্তো রেফঃ পাপশ্চ হারকঃ  
উকারো বিষ্ণুরব্যক্তস্ত্রিতয়াত্মা গুরুঃ পরঃ ॥”

গুরু এবং মন্ত্র পরিত্যাগ করিলে রৌরব



নরকে গমন হয়। সেই জন্মই বিষ্ণুস্বরূপ  
গুরু এবং মন্ত্র অপরিত্যজ্য ।

“গুরুমন্ত্রপরিত্যাগাদ্ রৌরবং যাতি নিশ্চিতম্ ।”

গুরু পরিত্যাগ করিলে হরি পরিত্যাগ  
করা হয়। যে ‘হেতু’ নিত্যতত্ত্বানুসারে হরি  
গুরু অভেদ ।

“যো গুরুঃ স হরিঃ স্বয়ম্ ।”

যুক্তি ।

যুক্তির সহিত দিব্যজ্ঞানের বিশেষ  
সংস্রব । যে শক্তি দ্বারা জ্ঞাতব্য বিষয়  
নিশ্চিতরূপে, অভ্রান্তরূপে প্রমাণ করা যায়,  
তাহাই যুক্তি । যুক্তি বিবেকপ্রসূত ।  
তাহার সহিত ভ্রান্তি, সন্দেহ এবং অবিশ্বাসেয়

সংশ্রব নাই । যুক্তি হইতে প্রমাণ স্ফুরিত  
 হইয়া থাকে । যুক্তি নিশ্চয়ান্বিত । কোন  
 বিষয় সপ্রমাণ করিতে হইলে, যুক্তির  
 প্রয়োজন হইয়া থাকে । ধর্ম্মের সহিত  
 যুক্তির বিশেষ সম্বন্ধ । বর্খন বিবেকবশতঃ  
 আপনাতে যুক্তি স্ফুরিত হয়, তখনই তদ্বারা  
 ধর্ম্মতত্ত্ব নিশ্চিতরূপে অবধারিত হইয়া থাকে ।

### দিব্যজ্ঞান

যে জ্ঞান দ্বারা সচ্চিদানন্দকে জানা যায়,  
 তাহাই দিব্যজ্ঞান । দিব্যজ্ঞান স্ফুরিত হইলে,  
 অবিশ্বাস এবং সন্দেহ থাকে না ।  
 দিব্যজ্ঞানের সহিত অসুখ এবং অশান্তির  
 সংশ্রব নাই । সম্পূর্ণ অজ্ঞানের অভাব

হইলে, সম্পূর্ণ দিব্যজ্ঞান স্ফুরিত হইয়া থাকে। সম্পূর্ণ দিব্যজ্ঞান স্ফুরিত হইলে, আর তাহা প্রচ্ছন্ন হয় না। স্তব্ধরাং তখন অজ্ঞানও আর উদ্ভিত হইতে পারে না।

---

মায়া ও মায়া সম্বন্ধীয় জ্ঞান।

বেদান্ত প্রতিপাদক অনেকগ্রন্থমতেই মায়া অসৎ, অসত্য বা অজ্ঞান। সেই সমস্তগ্রন্থমতে সেই মায়া পরিত্যক্ত না হইলে, ব্রহ্মজ্ঞানলাভের কোন সম্ভাবনা নাই। মায়া কি, তাহা বুঝিতে না পারিলেও মায়া পরিত্যাগ করিবার বাসনা হইতে পারে না। \* কোন অসৎ বস্তুকে, অসৎ বলিয়া বোধ না হইলে, তাহা পরিত্যাগ করিবার বাসনা হইবে কেন ?

সেইজন্য ব্রহ্মজ্ঞানলাভের পূর্বের মায়াসম্বন্ধে  
জ্ঞানের প্রয়োজন । মায়াসম্বন্ধীয় জ্ঞানোদয়  
ইতিবা মাত্র ব্রহ্মজ্ঞান স্ফুরিত হইয়া থাকে ।

বিসর্গ আছে, অথচ তাহা অন্যবর্ণের  
সহিত যুক্ত না হইলে, তাহা উচ্চারিত হয় না ।  
নিগুণ নিষ্ক্রিয় ব্রহ্ম আছেন, কিন্তু তাঁহার  
শক্তির সহিত যোগ না হইলে, তিনি সগুণ  
সক্রিয় হন না, তিনি সর্ববশক্তিমান হন না ।  
সেই জন্মই আমাদের ব্রহ্ম এবং তাঁহার শক্তি  
উভয়েতেই প্রয়োজন হইয়া থাকে । আমাদের  
বিবেচনায় ব্রহ্ম যেমন নিত্য, তদ্রূপ তাঁহার  
শক্তিও নিত্য । যেমন অগ্নিতেই তাহার  
দাহিকা-শক্তি বিद्यমান, তদ্রূপ ব্রহ্মেতেও .

ব্রহ্মের শক্তি বিद्यমান। যেমন অগ্নি থাকিলেই তাহাতে তাহার দাহিকা-শক্তি থাকে, তদ্রূপ ব্রহ্মেতেও ব্রহ্মের শক্তি বিद्यমান আছেন। পূর্বেই ব্রহ্মকে নিত্য এবং তাঁহার শক্তিকে নিত্য বলা হইয়াছে। সেইজন্য ব্রহ্ম যেমন চির-বিद्यমান, তদ্রূপ তাঁহাতে তাঁহার শক্তি চির-বিद्यমান। ব্রহ্মের শক্তি ব্রহ্মময়ী, ব্রহ্মের শক্তি ব্রহ্মেতে ওতপ্রোতরূপে ব্যাপ্ত। যেমন আগ্নেয়ী-শক্তি অগ্নিতে ওতপ্রোতভাবে ব্যাপ্ত, যেমন অগ্নি দ্বারা দন্ধলৌহপিণ্ডে অগ্নি ওতপ্রোতভাবে ব্যাপ্ত, তদ্রূপ ব্রহ্মের শক্তি ব্রহ্মময়ীও ব্রহ্মে ওতপ্রোতভাবে ব্যাপ্ত। ব্রহ্ম যেমন .আদি, তদ্রূপ ব্রহ্মময়ীও আত্মা। ব্রহ্ম যেমন

অনাদি, তদ্রূপ তাঁহার শক্তি অনাত্মা ।  
 মাণ্ডুক্যোপনিষদের মতে ব্রহ্মকেই শিব বলা  
 হইয়াছে । সে মতে শিব অদ্বৈত । সেই  
 অদ্বৈত—শাস্তিপুরের অদ্বৈত । সেই অদ্বৈতের  
 সীতা-নানী . শক্তি মাণ্ডুক্যোপনিষদের  
 গৌরী-শক্তি । সেই গৌরী-শক্তি যাঁহাতে  
 আছেন তিনিই গৌর । নানা তন্ত্র এবং কোন  
 কোন পুরাণের মতে সেই গৌরী-শক্তি শিবের  
 শক্তি । অতএব শিবই গৌর । গায়ত্রী-তন্ত্রের  
 মতে শিব এবং কৃষ্ণ পরস্পর অভেদ ।  
 সেইজন্ত কৃষ্ণও গৌর । সেই কৃষ্ণগৌরই এই  
 শ্রীধাম নবদ্বীপে শ্রীরাধার ভাবকান্তি অবলম্বন  
 করিয়া গৌর-রূপে অবতীর্ণ হইয়াছিলেন ।

### শরণাগতের অবস্থা ।

যিনি শরণ্য, তাঁহারই শরণাগত হইতে হয় । গুরু এবং ইষ্টদেবতাই প্রকৃত শরণ্য । সেইজন্য গুরু এবং ইষ্টদেবতারই শরণাগত হইতে হয় । যিনি গুরু কিম্বা ইষ্টদেবতার শরণাগত, তিনি গুরু কিম্বা ইষ্টদেবতাকে সম্পূর্ণ বিশ্বাস করেন । তাঁহার স্বীয় গুরু এবং ইষ্টদেবতার প্রতি পূর্ণ বিশ্বাস বশতঃ তাঁহার স্বীয় গুরু এবং ইষ্টদেবতার প্রতি পূর্ণ-নির্ভরও আছে । যেহেতু বিশ্বাস বশতঃই নির্ভর হইয়া থাকে ।

## অনুতপ্তের অবস্থা ।

পাপীর যখন আপনাকে পাপীবোধ হইয়া  
 স্রুত পাপসমূহ জন্ম অনুতাপ হইতে থাকে,  
 তখন তাহার প্রত্যেক পাপ কর্মের প্রতি  
 সম্পূর্ণ ঘৃণা এবং অনাস্থা হইয়া থাকে । তখন  
 তাহার কোন পাপীর সংসর্গই প্রীতিজনক বোধ  
 হয় না । তখন তাহার পুণ্যকর্ম সকলেই  
 সম্পূর্ণ শ্রদ্ধা ও অনুরাগ হইয়া থাকে । তখন  
 তাহার পুণ্যাত্মা মহাপুরুষদিগের সংসর্গেই  
 আনন্দ বোধ হইয়া থাকে । তখন তাহার  
 তাঁহাদিগের অমৃতময় উপদেশ সকল শ্রবণ  
 করিতেই বাঞ্ছা হইয়া থাকে । তখন তাহার  
 ঈশ্বর প্রসঙ্গেই অধিকাংশ সময় অতিবাহিত  
 করিতে বাসনা হয় । তখন তাহার ঈশ্বরই



শ্রদ্ধাভক্তি এবং অনুরাগের বস্তু হন । তখন তাহার কোন ব্যক্তির সহিত বিবাদ করিতে, বাক্যবিতণ্ডা করিতে কিম্বা কোন ব্যক্তির প্রতি হিংসা, প্রতিহিংসা কিম্বা রাগ ঘোষাদি করিতে প্রবৃত্তি হয় না । সে অবস্থায় তাহার অহংকার এবং নানাপ্রকার অভিমান নিস্তেজ হইয়া থাকে । অহংকার এবং অভিমান নিস্তেজ হইলে দীনতা স্ফুরিত হইয়া থাকে, সুতরাং তখন সেই দীনতা সম্পন্ন অনুতপ্ত ব্যক্তি ঈশ্বর এবং তৎসম্বন্ধীয় বিষয় সকল ব্যতীত অন্যান্য সমস্ত বিষয়েই উদাসীন রহেন ।

# সাধনা ও নৃত্তি ।

• যোগাচার্য্য

শ্রীশ্রীমৎ অবধূত জ্ঞানানন্দ দেব  
কর্তৃক রচিত ।



২য় সংস্করণ ।

শ্রীমৎপ্রণবানন্দ অবধূত দ্বারা প্রকাশিত ।

মহানির্বাণ মঠ

কলিকাতা—কালীঘাট ।



• *All rights reserved.*

নিত্যাক্ষ ৬০, সন ১৩২১ সাল ।

•

মূল্য ৮/০ আনা ।

**Printed by K. C. Ghose**

AT THE

**Lakshmi Printing Works, 64-1 & 64-2 Sukeas Street.**

## বিজ্ঞাপন ।

‘সাধনা’ নামক গ্রন্থখানি ব্রহ্মর্ষি নারদ বিরচিত  
ভক্তিসম্বন্ধীয় ‘নারদ-সূত্র’ নামক গ্রন্থাবলম্বনে রচিত  
হইয়াছে। ‘মুক্তি’ নামক গ্রন্থখানি অপর কোন  
গ্রন্থাবলম্বনে রচিত হয় নাই, উহা গ্রন্থকারের নিজ-  
মতানুসারেই রচিত হইয়াছে।

প্রকাশক ।





# সাধনা ।

## প্রথম অনুবাক ।

এইবার ভক্তি বর্ণনা করিব । ১ ।

সেই ভক্তি কি প্রকার ? হরিতে পরানুরক্তিই  
ভক্তি । ২ ।

সেই অনুরক্তি বা ভক্তি, সুধাম্বরূপা । ৩ ।

সেই যে সুধাম্বরূপা-ভক্তি, পুরুষ তাহা লাভ  
করিলে সিদ্ধ হন, তৃপ্ত হন ও মৃত্যুঞ্জয় হন । তিনি  
মৃত্যুঞ্জয় হইলে নিত্যানন্দ সম্ভোগ করিতে  
থাকেন । ৪ ।

## সামান্য ।

পুরুষ—ভক্তি লাভ করিলে তাঁহার কোন বাঞ্ছা থাকে না, তাঁহার শোক করিতে হয় না, তাঁহার কাহারও প্রতি দ্বেষ থাকে না, তিনি রমণীতে রমণ করিতে পারেন না অথবা তদ্বিষয়ে উৎসাহী পর্য্যন্ত হইতে পারেন না । ৫ ।

পুরুষ—ভক্তি অবগত হইলে মদ্যপায়ীর ন্যায় মত্ত অথবা উন্মত্ত হন্, কখন স্তম্ভিত হন্, কখন বা আত্মাতে রমণ করত আত্মারাম হন্ । ৬ ।

## দ্বিতীয় অনুবাক্ ।

কামনা-নিরোধকারিণী ভক্তির সহিত কোন প্রকার কামনার সম্পর্ক নাই বলিয়া, ভক্তি কামনা ক্ষুরণ করেন না । ৭ ।

## সাধনা।

সম্পূর্ণরূপে লৌকিকী ও বৈদিকী ক্রিয়াকলাপের  
সহিত নিঃসম্পর্কতাই নিরোধ। ৮।

হরিতে অনন্যতা বা একাগ্রতা এবং সেই  
‘অনন্যতা বা একাগ্রতার বিরুদ্ধ সমুদয় বিষয়ে  
উদাসীনতাও নিরোধ। ৯।

হরির আশ্রয় ব্যতীত অন্যান্য সমস্ত আশ্রয়-  
ত্যাগই অনন্যতা। ১০।

লৌকিক, বৈদিক এবং ঐ উভয়ের অনুকূল  
আচার সকলই সেই অনন্যতার বিরুদ্ধ-  
বিষয়াবলী। ঐ সকলই ঐ অনন্যতা সম্বন্ধে  
উদাসীনতা। ১১।

পুরুষকে হরিতে নিশ্চয়াত্মিক মানসী-দৃঢ়তার  
অভাব পর্য্যন্ত শাস্ত্রীয় বিধি সকল পালন করিতে  
হইবে! ১২।



## সাধনা ।

তাহার অগ্ৰথা করিলে পাতিত্য ঘটবার আশঙ্কা আছে । ১৩ ।

পুরুষের হরিতে নিশ্চয়াত্মিকা মানসী-দৃঢ়তার অভাব পর্য্যন্তই লৌকিকী-ক্রিয়াকলাপের অনুষ্ঠান রহিবে, কিন্তু ভোজনাদি ব্যাপার তাহার শরীর ধারণ পর্য্যন্ত রহিবে । ১৪ ।

## তৃতীয় অনুবাক্ ।

বিবিধ-প্রকার মতভেদক্রমে ভক্তির লক্ষণ সকল বলা যাইতেছে । ১৫ ।

মহর্ষি পরাশরের পুত্র কৃষ্ণদ্বৈপায়ন বেদব্যাসের মতে, হরির পূজা প্রভৃতিতে অনুরাগই ভক্তির লক্ষণ । ১৬ ।

## সালসনা ।

মহর্ষি গর্গাচার্যের মতে, হরি-বিষয়ক কথাদিতে  
অনুরাগই ভক্তির লক্ষণ । ১৭ ।

শাণ্ডিল্যমতে, আত্মরতিই ভক্তির লক্ষণ ।  
তাঁহার মতে সেই আত্মরতির বিরুদ্ধ বিষয়ে  
অরতিকেও ভক্তির লক্ষণ বলা যায় । ১৮ ।

ব্রহ্মর্ষি নারদের মতে, হরিতে সর্ববর্ক্স ও  
সেই সকলের ফলার্পণ এবং হরি-স্মরণে পরম-  
বাবুলতাই ভক্তির লক্ষণ । ১৯ ।

নিশ্চয়ই ঐ সকল ভক্তির লক্ষণ । ২০ ।

ব্রজগোপীগণ ঐ সকল লক্ষণসম্পন্ন । ২১ ।

মহতী-প্রেমা-ভক্তিসম্পন্ন ব্রজগোপীদিগের  
কৃষ্ণমাহাত্ম্য-জ্ঞান ছিল বলিয়াই কৃষ্ণমাহাত্ম্য-  
সম্বন্ধে তাঁহাদের অজ্ঞানজনিত অপবাদ ছিল বলিয়া  
স্বীকার করা যায় না । ২২ ।

## সাধনা।

ব্রজগোপীগণ ঐ কৃষ্ণ-হরিকে যত্নপি পরমেশ্বর বলিয়া না জানিতেন. তাহা হইলে কুলকামিনীর উপপতির সহিত সংশ্রব হইলে যে দোষ হয়, তাঁহাদেরও সেই দোষ হইয়াছিল স্বীকার করা হইত। ২৩।

ঐ গোপিকারা যত্নপি শ্রীকৃষ্ণকে পরমেশ্বর-বোধ না করিয়া, আপনাদিগের মনে জারবোধ করিতেন, তাহা হইলে তাঁহারা কখনই কৃষ্ণ-সুখে সুখবোধ করিতে পারিতেন না। কারণ, স্বার্থত্যাগ ব্যতীত অন্যের সুখে সুখবোধ করা যাইতে পারে না। নারীর নিজ পতির প্রতিই স্বার্থশূন্য প্রেম হয় না, সুতরাং উপপতির প্রতি ঐ প্রকার প্রেম হওয়া অতি অসম্ভব। গোপীরা নিজসুখার্থে লালায়িত হইতেন না, তাঁহারা কৃষ্ণ-

## সাধনা

সুখেরই কামনা করিতেন। সেইজন্যই কৃষ্ণের প্রতি গোপীর যে প্রেম, তাহা অলৌকিক। সেই জন্যই গোপীর প্রেম, দিব্যপ্রেম। ২৪।

### চতুর্থ অনুবাক।

কৃষ্ণের প্রতি ব্রজগোপীগণের যে মহতী-  
প্রেমা-ভক্তি ছিল, তাহা কৰ্মযোগ এবং  
জ্ঞানযোগাপেক্ষা প্রধান। তাহা সর্বোত্তম  
শ্রেষ্ঠযোগ। ২৫।

কৰ্মযোগ, জ্ঞানযোগ এবং অন্যান্য যোগের  
ফল, সেই পরম প্রেমরূপা-ভক্তি। সেইজন্যই  
সেই ভক্তির প্রাধান্য। ২৬।

ঈশ্বরের নিকট অভিমান, অপ্রিয়। তাঁহার  
দৈন্যই প্রিয়। কৰ্মযোগী হইতে, জ্ঞানযোগী

## সাধনা ।

হইতে এবং ভক্তিয়োগ ব্যতীত অন্যান্য যোগী  
হইতেও অভিমান স্কুরিত হইয়া থাকে বলিয়া,  
ঐ সকল যোগীও তাঁহার অপ্রিয়। কেবল  
প্রেমরূপা-ভক্তিসম্পন্ন-ভক্তিতেই দীনতা বা দৈন্যের  
আশ্রয় বলিয়া, তাঁহার দীন-ভক্তই প্রিয়। দীনতা  
ভক্তির এক প্রকার শাখা । ২৭ ।

কেহ কেহ বলেন, জ্ঞান দ্বারা ভক্তিলাভ করা  
যায়। তাঁহাদের মতে ভক্তিলাভের সাধনাই  
জ্ঞান । ২৮ ।

অন্য কাহারও মতে জ্ঞান এবং ভক্তির  
পরস্পর আশ্রয়ত্ব আছে। তাঁহাদের মতে  
জ্ঞানাশ্রয়েও ভক্তি হইতে পারে এবং ভক্তি  
আশ্রয়েও জ্ঞান হইতে পারে । ২৯ ।

ব্রহ্মপুত্র নারদের মতে, স্বয়ং ভক্তিতেই

## সাধনা।

ফলরূপতা আছে। জ্ঞান ও কর্ম প্রভৃতির কোনটাই ফলরূপ নহে বলিয়া ভক্তি ঐ সমস্তের সাধনা নহে, সেইজন্যই ভক্তি ঐ সমস্ত প্রাপ্তির কারণ নহে। ৩০।

যেমন কোন রাজা, রাজগৃহ এবং তন্মধ্যে তাঁহার ভোজনাদি দর্শন করিলে, তদ্বারা সেই রাজার পরিতোষ অথবা সেই রাজার ক্ষুধা, শান্তি বা নিবৃত্তি প্রাপ্ত হয় না; তদ্রূপ হরিসম্বন্ধে জ্ঞানলাভই হরিতে প্রেম নহে। আহারের ন্যায় প্রেম, সন্তোগের সামগ্রী। ৩১।

সেইজন্য মোক্ষাভিলাষীগণের পক্ষে ভক্তির সাধনাই কর্তব্য। ৩২।

ভক্তিই তাঁহাদের গ্রাহ্য। ৩৩।

## পঞ্চম অনুবাক।

ভক্তিসম্বন্ধীয় আচার্য্য মহাশয়েরা সেই ভক্তির  
সাধনাবলী কীর্তন করেন । ৩৪ ।

সর্বসঙ্গ ত্যাগ দ্বারা ও ভক্তির প্রতিকূল  
সর্ববিষয় ত্যাগ দ্বারাও ভক্তি সাধনা করা  
যাইতে পারে । ৩৫ ।

নিয়ত ভজনা দ্বারাও ভক্তি সাধনা করা যাইতে  
পারে । ৩৬ ।

ভক্তিমান্ লোক কর্তৃক ভগবদ্গুণ ও তদ্বিষয়ক  
কীর্তন শ্রবণ দ্বারা এবং আপনা দ্বারা ভগবদ্গুণ  
কীর্তন করাও ভক্তির সাধনা । ৩৭ ।

শ্রীহরির কিঞ্চিৎ কৃপা ও ভক্তিসম্পন্ন 'মহৎ  
ব্যক্তির কৃপাই ভক্তি প্রাপ্তির শ্রেষ্ঠ এবং প্রধান  
অবলম্বন । ৩৮ ।

## সাধনা ।

যে ভক্তিসম্পন্ন মহতের রূপায় ভক্তি লাভ হয়, তাঁহার সংসর্গ দুর্লভ । অনেক দুর্ভাগ্য ব্যক্তি তাঁহার নিকটে যাইতেই পারে না । সুতরাং তাহাদের পক্ষে তাঁহার সংসর্গ অগম্যই বলিতে হয় । তবে কেহ যদি ঐরূপ মহতের সংসর্গ করিতে পারেন, তাহা হইলে সেই সংসর্গজনিত অমোঘফল অবশ্যই পাইয়া থাকেন । ৩৯ ।

শ্রীহরির রূপা দ্বারাই ঐ প্রকার মহৎ সঙ্গ হইয়া থাকে । ৪০ ।

কারণ, সেই শ্রীহরি এবং তাঁহার তত্ত্বমহাজ্ঞান পরস্পর অভেদ । ৪১ ।

সেই ভক্তের সহিত অভিন্ন হরির সাধনা কর—  
সেই ভক্তের সহিত অভিন্ন হরির সাধনা কর । ৪২ ।



## ষষ্ঠ অনুবাক।

ভক্তিলভ করিতে হইলে, সর্বতোভাবে মন্দ-  
সংসর্গ ত্যাজ্য । ৪৩ ।

যেহেতু অসৎসংসর্গবশতই কাম, ক্রোধ, মোহ,  
স্মৃতিভ্রংশ, বুদ্ধিনাশ এবং সর্বনাশ পর্য্যন্ত হইয়া  
থাকে । ৪৪ ।

ঐ সকলের প্রত্যেকটী, পুরুষে স্বভাবতই  
তরঙ্গাকারে রহিয়াছে । পরে অসৎসংসর্গবশত ঐ  
সকলই সমুদ্রাকারে পরিণত হইয়া থাকে । ৪৫ ।

মায়া হইতে কে পরিত্রাণ পায় ?—মায়া হইতে  
কে পরিত্রাণ পায় ? যে সর্ববস্তু পরিহার করে, যে  
ভক্ত-মহানুভবের সেবা করে ও যে নির্মাম হয়,  
সেই মায়া হইতে পরিত্রাণ পায় । ৪৬ ।

যিনি জনশূন্যস্থানবাসী হন, যিনি লোকসম্পর্ক-

## সাধনা।

জনিত বন্ধনসমূহ উন্মূলিত করেন, যিনি মায়া-জনিত গুণত্রয়ের সহিত নির্লিপ্ত থাকিতে সক্ষম, যিনি ভরণপোষণের উপযোগী যোগক্ষেম পর্য্যন্ত বর্জ্জন করেন, তিনিই সেই ছুরতারা গুণময়ী-মায়ার আক্রমণ হইতে পরিত্রাণ পান। ৪৭।

নিশ্চায়াবশত যিনি সমস্ত কৰ্ম্মফল বর্জ্জন করেন, সৰ্ব্বকৰ্ম্ম সন্ন্যাসও করেন, তিনিই সেই সৰ্ব্বকৰ্ম্মফলত্যাগ জন্য নিৰ্দ্ধন্দ্ব হন। ৪৮।

সেই গুণাভীত ভক্তিসম্পন্ন-পুরুষ মায়াবিহীনতা প্রযুক্ত নিৰ্দ্ধন্দ্ব হইলে, তিনি তখন সেই বিধিনিষেধাত্মক চতুৰ্বেদও পরিত্যাগ করেন। তাঁহার সেই বিধিনিষেধাত্মক বেদ সমুদয় পরিত্যাগ হইলে, তিনি তখন কেবল অবিরত স্মুরিত শুদ্ধ-অখণ্ডানুরাগ প্রাপ্ত হন। ৪৯।

## সাধনা।

ঐ প্রকার মহাত্মা অগ্রে নিজে মুক্ত হইয়া  
অন্যান্য সমস্ত লোককে মুক্ত করেন। ৫০।

---

### সপ্তম অনুবাক।

প্রেমের ‘স্বরূপ’ কোন বাক্য দ্বারা প্রকাশ  
করা যায় না। সেইজন্যই প্রেমের ‘স্বরূপ’  
অনির্বচনীয়। ৫১।

কোন ব্যক্তির কথা কহিবার ক্ষমতা না থাকিলে  
—সে কোন সামগ্রী আশ্বাদন করিলে যেমন  
তাহার গুণ বলিতে সক্ষম হয় না, তদ্রূপ প্রেম  
আশ্বাদিত হইলে বা সন্তোগ করিলে যে কি  
সুখ বোধ হয়, তাহাও বাক্য দ্বারা প্রকাশ  
করা যায় না। ৫২।

কিন্তু কোন কোন প্রেমসম্পন্ন পাত্রের, সেই

## সাধনা

প্রেম প্রকাশ হয়। ঐ প্রকার প্রকাশ হইবার কারণ, প্রেমাম্পদ। কারণ, প্রেমাম্পদের বিद्यমানতা না থাকিলে, প্রেম কখনই প্রকাশিত হইতে পারে না। প্রেমিকের অন্তরে প্রেম স্ফুরিত হইলে, তাঁহার দেহরূপ পাত্রে সেই প্রেমের অস্তিত্বজ্ঞাপক অনেকগুলি লক্ষণের প্রকাশ হয়। ৫৩।

সর্বগুণরহিত, কামনারহিত, প্রতিক্ষণে বর্দ্ধনশীল সূক্ষ্মতর অবিচ্ছিন্ন অনুভবই প্রেমের ‘স্বরূপ’। ৫৪।

কেহ প্রেমের ‘স্বরূপ’ প্রাপ্ত এবং অবগত হইলে, তিনি প্রেমই অবলোকন করেন, প্রেমের বিষয়ই শ্রবণ করেন, প্রেমের বিষয়ই বলেন ও প্রেমের ‘স্বরূপ’ই চিন্তা করেন। ৫৫।

## সাধনা।

ত্রিগুণ অথবা আত্মাদি ভেদানুসারে একই প্রেম, ত্রিধা বিভক্ত। ৫৬।

পূর্বমুত্রানুসারে অবগত হওয়া যায়, ত্রিবিধ গুণভেদানুসারে প্রেমও ত্রিবিধ। সত্ত্ব-গুণাত্মক যে প্রেম, তাহা সাদ্বিক প্রেম; রজো-গুণাত্মক যে প্রেম, তাহা রাজস প্রেম এবং তম-গুণাত্মক যে প্রেম, তাহা তামস প্রেম। সর্বোত্তর তামস প্রেমাপেক্ষা তৎপূর্ব রাজস প্রেম শ্রেয়স্কর। সাদ্বিকপ্রেমোত্তর বা সাদ্বিক প্রেমের পরবর্তী যে রাজস প্রেম, তাহা অপেক্ষা তৎপূর্ব সাদ্বিক প্রেমই শ্রেয়স্কর। সেইজন্যই বলা হইয়াছে, উত্তরোত্তর শ্রেণীর প্রেম অপেক্ষা পূর্বপূর্ব শ্রেণীর প্রেম শ্রেয়স্কর। আর আত্মাদি ভেদক্রমে যে তিন প্রকার প্রেম আছে, তাহাদের মধ্যে সর্বোত্তর

## সাধনা।

শ্রেণীর প্রেমাপেক্ষা মধ্যম শ্রেণীর প্রেম মঙ্গল-জনক। তাহাপেক্ষা সর্ব্বশেষশ্রেণীর যে প্রেম, তাহাই সুমঙ্গলজনক। ঐ ত্রিবিধ প্রেমসম্পন্ন-দিগের মধ্যে অর্থার্থী-প্রেমিকই নিকৃষ্ট-প্রেমিক। সেই অর্থার্থী—প্রেমিক অপেক্ষা জিজ্ঞাসু-প্রেমিকই শ্রেষ্ঠ। সেই জিজ্ঞাসু-প্রেমিক অপেক্ষা আর্ন্ত-প্রেমিকই সর্ব্বোৎকৃষ্ট। ৫৭।

## অষ্টম অনুবাক।

জ্ঞান-বিষয়িণী সাধনা সকল অপেক্ষা ভক্তি-বিষয়িণী সাধনা সকল সহজ বলিয়া, ভক্তি অতি সুলভ। ৫৮।

ভক্তি যে সুলভ, সে সম্বন্ধে স্বয়ং ভক্তিই

## সাধনা।

প্রমাণ বলিয়া, সে সম্বন্ধে অপর কোন প্রমাণ  
নিপ্রয়োজন। ৫৯।

ভক্তি শান্তিরূপা, ভক্তি পরমানন্দরূপা।  
সেইজন্য ভক্তির সাধনা সকলও কষ্টসাধ্য নহে।  
কারণ, যাহার সহিত শান্তি এবং পরমানন্দের  
সংস্রব, তাহা লাভ করিবার জন্ম স্বভাবতই প্রবৃত্তি  
হইয়া থাকে; সুতরাং তাহা লাভ করিতে কোন  
ক্লেশবোধ হয় না। সেইজন্য জ্ঞানাপেক্ষা ভক্তি  
অবশ্যই সুলভ। ৬০।

শান্তি এবং পরমানন্দরূপা-ভক্তি-শক্তিসম্পন্ন  
যিনি, তাঁহার স্বভাবতই কোন লোকের অহিত-চিন্তা  
করিবার প্রবৃত্তি হয় না। সেই জন্যই এই সূত্রে  
বলা হইয়াছে, লোকের অপকার-চিন্তা ঐ প্রকার  
ভক্তের কার্য্য নহে। কারণ, লোক-বিধিনিষেধাত্মক-

## সাধনা ।

বেদশীল ঐ প্রকার ভক্তলোক, লৌকিক ব্যাপার-সমূহ, বিধিনিষেধাত্মক-বেদ সকল এবং অবশেষে আপনাকে পর্য্যন্ত ভগবচ্চরণে নিবেদন করিয়াছেন বলিয়া, ঐ সকলের কোনটীতেই তাঁহার অনুরাগ নাই । তিনি সৰ্ব্বত্যাগী বলিয়া তাঁহার কোন লোকের অনিষ্ট-চিন্তাতেও প্রয়োজন নাই, তাহাতে আস্থাও নাই । ৬১ ।

ঐ প্রকারে অদ্বৈত সমস্ত এবং আপনাকে পর্য্যন্ত সম্পূর্ণরূপে ভগবচ্চরণে নিবেদন করিতে না পারিলে, লৌকিক ব্যবহার সকল বর্জনীয় নহে ; কিন্তু সেই সকলের ফলত্যাগ কর্তব্য । তাহাতে অপারক হইলে, তাহা সম্পন্ন করিবার সাধনা করা বিধেয় । ৬২ ।

যে পুরুষ লৌকিকতা, সমস্ত বেদাচার, নিজের



## সাধনা।

সর্বস্ব এবং নিজেকে পর্য্যন্ত ভগবচ্চরণে সমর্পণ করিতে পারেন নাই, তিনি সিদ্ধ-ভক্ত নহেন। তিনি ভক্তির সাধনায় প্রবৃত্ত থাকিলে, সাধক-ভক্তের পক্ষে যে সকল নিষেধ নির্দ্ধারিত আছে, সে সকলের মধ্যে তাঁহার কোন প্রকার স্ত্রী-ধনসম্বন্ধে শ্রবণ নিষিদ্ধ, নাস্তিক চরিত্র শ্রবণ নিষিদ্ধ এবং নিজের বৈরী-চরিত্র শ্রবণ করাও নিষিদ্ধ। ৬৩।

ঐ প্রকার সাধকের পক্ষে অভিমান ও দম্ব বর্জনীয়। ৬৪।

ঐ প্রকার সাধকের পক্ষে সমস্ত আচার হরিতে অর্পণ করিয়া, তাঁহার নিজের কাম-ক্রোধাভিমান প্রভৃতি সেই হরির প্রতিই করণীয়। ৬৫।

কোন শুদ্ধ-ভক্ত যখন অবগত হন—ব্রহ্মা, বিষ্ণু ও মহেশ্বর, এই যে ত্রি-রূপ বা অপর কোন

ত্রি-রূপ, এক পরমেশ্বরেরই—তখন তাঁহার ত্রি-রূপকে অভেদ বা একই বোধ হয়। ঐ প্রকার বোধদ্বারাই সেই পরমেশ্বরীয় ত্রি-রূপ ভঙ্গসম্পন্ন হইয়া থাকে এবং পরমেশ্বর যে অদ্বিতীয়, ইহাই বোধ হইয়া থাকে। তখনই সেই অদ্বিতীয় পরম-প্রেমাম্পদ-পরমেশ্বরের প্রতি শুদ্ধ-প্রেমিক-ভক্তের প্রেম, কার্য্য করিতে থাকে। সেই প্রেম, দাস্ত্যভাবাত্মক লক্ষণ সকল দ্বারা বা মধুর-রসাত্মক-কান্ত্য-ভাবাত্মক লক্ষণ সকল দ্বারা সেই অদ্বিতীয় পরম-প্রেমাম্পদ-পরমেশ্বরের প্রতিই স্ফুরিত হইয়া থাকে। সেইজন্যই এই সূত্রে বলা হইয়াছে—  
“সাধক-ভক্ত যখন সমস্ত আচার হরিতে’ অর্পণ করত তাঁহার নিজের কামক্রোধাভিমান প্রভৃতিও সেই হরিব প্রতিই নিয়োজিত করিতে সক্ষম হন,

## সাধনা ।

তখনই তাঁহাতে শুদ্ধ অদ্বৈতবোধ স্ফুরিত হয় ।  
তখন তিনি পরমেশ্বরীয় ত্রি-রূপ ভঙ্গপূর্বক নিত্য-  
দাস্তাভাব অথবা নিত্য-কান্তাভাবাত্মক প্রেম দ্বারা  
সেই পরম-প্রেমাস্পদ-পরমেশ্বরের ভজনা করিতে  
সমর্থ হন ।” সেইজন্মই বলা হইয়াছে, ঐ প্রকার  
সাধকের পক্ষে পরমেশ্বরীয় ত্রি-রূপ ভঙ্গপূর্বক  
সেই পরম-প্রেমাস্পদ-পরমেশ্বরের নিজে নিত্যদাস  
অথবা নিজে নিত্য-কান্তা বোধ করিয়া শুদ্ধ-  
প্রেমময়ীক্রিয়াযোগ দ্বারা তাঁহার ভজনা করা  
বিধেয় । সেইজন্মই বলা হইয়াছে,—

“ত্রিরূপভঙ্গপূর্বকং নিত্যদাস

নিত্যকান্তা ।

. ভজনাত্মকং বা প্রেমএব কার্য্যং

প্রেমএব কার্য্যম্” ইতি । ৬৬ ।

## নবম অনুবাক।

ঐকান্তিকী-ভক্তিসম্পন্ন ভক্তগণই সকলের  
প্রধান। ৬৭।

একান্ত-ভক্তগণ পরস্পর সম্মিলিত হইলে  
কণ্ঠাবরোধ, রোমাঞ্চ এবং অশ্রুবিন্দু সকল দ্বারা  
তঁাহারা পরস্পর সম্ভাষিত হইয়া প্রেমানন্দ সম্ভোগ  
করিয়া থাকেন। তঁাহাদের প্রত্যেকেই নিজ সাধনী-  
শক্তি দ্বারা নিজকুল এবং ধরণী পবিত্র করিয়া  
থাকেন। ৬৮।

ঐ সকল ভক্তগণ তীর্থ সকলে সমাগত হইয়া,  
সে সকলের প্রত্যেকটীকে পরম-তীর্থ করেন।  
তঁাহাদের কৃত কৰ্ম্ম সকলের প্রত্যেকটীকে সুকৰ্ম্ম-  
রূপে পরিণত করেন। তঁাহারা আপনাদিগের

## সাধনা ।

ইচ্ছানুসারে শাস্ত্র সকলের প্রত্যেক খানিকেই  
সৎ-শাস্ত্র করেন । ৬৯ ।

ঐ সকল ভক্ত হরিময় । সেইজন্য তাঁহারা  
শক্তিসম্পন্ন । তাঁহারা সর্বশক্তিসম্পন্ন বলিয়াই  
তীর্থ সকলে তাঁহাদের আগমন হইলে, তীর্থ সকল  
পরম-তীর্থ হয় । সেইজন্যই তাঁহাদের অনুষ্ঠিত  
কর্ম সকলও সুকর্ম হয় । সেইজন্যই তাঁহাদের  
ইচ্ছা হইলে সর্বশাস্ত্রই সৎ-শাস্ত্র হইতে পারে ।  
তাঁহারা সেই সর্বশক্তিমান্ হরির সহিত অভিন্ন ।  
সেইজন্যই তাঁহাদের 'তন্ময়া' বলা হইয়াছে । ৭০ ।

একান্ত-ভক্তগণ কর্তৃক পিতৃ-পুরুষেরা পুলকিত  
হন, তাঁহাদের দর্শনে ও তাঁহাদের সংস্রবে দেবতার  
নৃত্য করেন এবং এই ভূমণ্ডল নাথসম্পন্ন  
হয় । ৭১ ।

## সাধনা ।

সেই সকল নিরভিমান ভক্তের জাতি, বিজ্ঞা, রূপ, কুল, ধন ও ক্রিয়া প্রভৃতি বিষয়ে পার্থক্য নাই । তাঁহাদের প্রত্যেকেই ঐ সকল সম্বন্ধে অদ্বৈতজ্ঞানী । ৭২ ।

উক্ত শ্লোকানুসারে অবগত হওয়া যায়, নানা-জাতীয় নানা ব্যক্তি ভক্ত হইলে, তাঁহাদের আর জাতি সম্বন্ধে পার্থক্য থাকে না । তখন তাঁহাদের সকলেরই এক জাতি বা বর্ণ হয় । যেহেতু তাঁহারা হরির । ৭৩ ।

---

### দশম অনুবাক্ ।

সাধক-ভক্তের তর্ক অকরণীয় । কারণ, তর্ক করিলে সংশয় ও অবিশ্বাস হয় । তর্ক দ্বারা বৃথা সময় নষ্ট হয় । ৭৪ ।

## সাধনা ।

তর্কে বাহুল্য ও অবকাশ আছে বলিয়া এবং তর্ক অনিয়ত বলিয়াই ভক্ত-সাধকের তর্ক করা অকর্তব্য । কারণ তর্ক করিবার সময় বহু বাক্যব্যয় করিতে হয় বলিয়া, তর্ক সহজে অল্পসময়-মধ্যে মেটে না । অথচ তাহা উভয় পক্ষীয় কোন তর্কিকেরই উপকারজনক হয় না । বরঞ্চ তাহা উভয় পক্ষেরই অনিষ্টকর হয় । সেইজন্য তর্ককে অবকাশ বা শূন্য বলা যায় । সুতরাং সেইজন্য তর্ককে বুখাই বলা যাইতে পারে । তর্ক, নিত্য-হরি নহে । সুতরাং তাহাকে নিয়ত না বলিয়া অনিয়তই বলিতে হয় । যাহা অনিয়ত, তাহাই অনিত্য । সুতরাং সাধক-ভক্তের তাহাতে অনুরাগ হওয়া সম্পূর্ণ নিষিদ্ধ । ৭৫ ।

সাধক-ভক্তগণের পক্ষে ভক্তি-বিষয়ক শাস্ত্র

সকল মনন করা কর্তব্য । তাঁহাদের পক্ষে  
ভক্তি-বুদ্ধিকারক কর্ম সকলও অনুর্ত্তেয় । ৭৬ ।

তাঁহারা সুখ-দুঃখ ইচ্ছা-লাভাদি ত্যাগে  
ভজনোপযোগী ভবিষ্যকালের প্রতীক্ষা না করিয়া,  
বুখা ক্ষণাঙ্গ অতিবাহিত করেন না ; তাঁহারা নিয়তই  
হরি-ভজনা করেন । ৭৭ ।

ঐ প্রকার সাধকের পক্ষে অহিংসা, সত্য,  
শুদ্ধাচার, দয়া এবং আস্তিকতা প্রভৃতি  
পালনীয় । ৭৮ ।

নিশ্চিন্তার সহিত সর্বদা সর্বভাবে দ্বারা ভগবান্  
ভজনীয় । ৭৯ ।

সঙ্কীৰ্ত্তন দ্বারা অর্চিত হইলে ভগবান্ শীঘ্রই  
আবির্ভূত হন এবং নিজ আবির্ভাব—সেই সঙ্কীৰ্ত্তন-  
স্থলের সমস্ত সিদ্ধ ভক্তগণকে অনুভব করান । ৮০ ।



## সাধনা ।

সেইজন্যই ভক্তির মহাগৌরব । ত্রি-সত্য-  
যুগেই ভক্তি গরীয়সী—ত্রি-সত্যযুগেই ভক্তি  
গরীয়সী । সত্য, ত্রেতা এবং দ্বাপর, এই তিন  
যুগই মিথ্যা নহে । সেইজন্য ঐ তিন যুগকেই  
ত্রি-সত্য বলা হইয়াছে । অথবা ত্রি-সত্য শব্দ,  
ত্রি-কালবাচকও বলা যাইতে পারে । বর্তমান,  
ভূত এবং ভবিষ্যৎ, এই ত্রি-কালই সত্য ; এই  
ত্রি-কালেই ভক্তির প্রাধান্য । অথবা ত্রি-সত্য  
শব্দ—ব্রহ্মা-বিষ্ণু-মহেশ্বরবাচকও বলা যাইতে  
পারে । ঐ ত্রি-সত্যে, ভক্তিই গরীয়সী; কারণ, পূর্ব  
সূত্রানুসারে ঐ ত্রি-মূর্তিই অভেদ, সুতরাং ঐ  
ত্রিমূর্তিতে ভক্তিই শ্রেষ্ঠ । ঐ ত্রি-সত্য শব্দের  
অন্যান্য অর্থও করা যাইতে পারে । ৮১ ।

পূর্বেরই বলা হইয়াছে, ভগবানের প্রতি ভক্তির

## সাধনা ।

উদ্বেক হইলে, সেই ভক্তিকে দিব্য-ভক্তি বলা  
যাইতে পারে । সেই দিব্য-ভক্তি দিব্যাসক্তিময়ী ।  
নারদের মতে সেই—একা-দিব্যাসক্তিময়ী ভক্তির  
একাদশ প্রকার বিকাশ । সেই সকলের প্রথম  
বিকাশ গুণমাহাত্ম্যাসক্তি, দ্বিতীয় বিকাশ  
রূপাসক্তি, তৃতীয় বিকাশ পূজাসক্তি, চতুর্থ  
বিকাশ স্মরণাসক্তি, পঞ্চম বিকাশ দাস্যাসক্তি,  
ষষ্ঠ বিকাশ সখ্যাসক্তি, সপ্তম বিকাশ কান্তা-  
সক্তি, অষ্টম বিকাশ বাৎসল্যাসক্তি, নবম বিকাশ  
আত্মনিবেদনাসক্তি, দশম বিকাশ তন্ময়াসক্তি,  
একাদশ বিকাশ পরমবিরহাসক্তি । ৮২ ।

কুমার, ব্যাস, শুকদেব, শাণ্ডিল্য, গর্গ, বিষ্ণু,  
কৌণ্ডিল্য, শৈব, উদ্ধব, বারুণি, বলী, হনুমান,  
বিভীষণ প্রভৃতি ভক্তাচার্য্যাদিগের সহিত সুপ্রসিদ্ধ

## সামান্য।

ভক্তাচার্য্য ব্রহ্মর্ষি নারদের ভক্তিসম্বন্ধে অনৈক্য না থাকায়, তিনি তাঁহাদের প্রতিবাদসূচক বিক্রপকে ভয় না করিয়া, এই ভক্তি-শাস্ত্র দ্বারা ভক্তি-সম্বন্ধে নিজ মত প্রকাশ করিয়াছেন। ৮৩।

যিনি এই ব্রহ্মর্ষি নারদ কথিত ভক্তি বিষয়ক মঙ্গলজনক শিবানুশাসন বিশ্বাসের সহিত শ্রদ্ধা করেন, তিনিই ভক্ত হন। তিনিই নিশ্চিত আপনার প্রেমাম্পদ সেই প্রিয়নাথ-শ্রীহরিকে লাভ করেন। ৮৪।

---

সমাপ্ত।

इति ।



# মুক্তি ।

— — —  
প্রথম ভাগ ।

— \* —  
প্রথম অধ্যায় ।

চিন্তা অপেক্ষা উৎকট ব্যাধি নাই । নিশ্চিন্তা  
অপেক্ষা নির্ব্যাধি নাই । মুক্তি ব্যতীত সম্পূর্ণ  
নিশ্চিন্তায় অধিকার হয় না । সেইজন্যই মুক্তির  
বিশেষ প্রয়োজন । ১ ।

দাস্ত ও প্রভুত্ব, উভয়ই বন্ধন । কিন্তু কৃষ্ণ-  
দাস্ত, সংসার হইতে মুক্ত হইবার হেতু । ২ ।

সামুদ্র্যমুক্তি ব্যতীত বৈষ্ণব, বিষ্ণুত্ব পাইতে

## মুক্তি ।

পারেন না । অনেক বৈষ্ণব সামুজ্যমুক্তি চাহেন না । তাঁহাদের বিমুগ্ধসেবাতেই বিশেষ আনন্দ । ৩ ।

এক দেহ পরিত্যাগ করিলে আবার-অপর দেহ অবলম্বন করিতে হয় । তাহা মুক্তি, শান্তি এবং প্রকৃত সুখের কারণ নহে । আত্মজ্ঞানবশতঃ ত্রিবিধ-দেহত্যাগ হইয়া থাকে । কেবল স্থূল-দেহত্যাগই মুক্তি নহে । ৪ ।

জীবত্বের নাশই পরা-মুক্তি । তাহাই পরমা-শান্তির জননী । তাহাই পরমসুখের কারণ । ৫ ।

অনেকের ধারণা, কাশীক্ষেত্রে মৃত্যু হইলে মুক্তিলাভ হয় ; কিন্তু কাশীখণ্ডের মতে, কেবল কাশীতে মরিলেই মুক্তি হয় না । কাশীখণ্ডের মতে, কাশীতে নিম্পাপভাবে বাস করিয়া মৃত্যু হইলেই মুক্তি হইয়া থাকে । ৬ ।

## দ্বিতীয় অধ্যায় ।

অনেক আর্ঘ্যশাস্ত্রেই মুক্তির উল্লেখ আছে ।  
সকল প্রকার মতের মুক্তির লক্ষণ একপ্রকার  
নহে । ১ ।

অনেক বৈষ্ণবশাস্ত্রেই পঞ্চ-প্রকার মুক্তি স্বীকার  
করা হইয়াছে । সেই পঞ্চ-প্রকার মুক্তির মধ্যে  
প্রথম প্রকার সাষ্টি, দ্বিতীয় প্রকার সালোকা,  
তৃতীয় প্রকার সামীপ্য, চতুর্থ প্রকার সাক্ষ্য ও  
পঞ্চম প্রকার সাযুজ্য । কানীক্ষণ প্রভৃতির মতে  
নির্ব্বাণও এক প্রকার মুক্তি । জীবন্মুক্তি-গীতা  
প্রভৃতির মতে, জীবন্মুক্তিও এক প্রকার মুক্তি ।  
অষ্টাবক্র-সংহিতা প্রভৃতির মতে, বিদেহ-  
কৈবল্যও এক প্রকার মুক্তি । অনেক শাস্ত্রমতে,  
কৈবল্যই চরম-মুক্তি । ঐ সকল ব্যতীত আরও



## মুক্তি ।

কত প্রকার মুক্তি আছে । প্রয়োজনানুসারে  
অন্যান্য সময়ে সে সকল বিষয় প্রকাশ করিবার  
ইচ্ছা রহিল । ২ ।

### তৃতীয় অধ্যায় ।

অনেক শাস্ত্রেই ভক্তির প্রাধান্য সূচিত  
হইয়াছে । অধ্যাত্ম-রামায়ণের যুদ্ধকাণ্ডীয় সপ্তম  
অধ্যায়মতে,—

“ভক্তির্জনিত্রী জ্ঞানশ্রু, ভক্তির্মোক্ষ-

প্রদায়িনী ।

ভক্তিহীনেন যৎ কিঞ্চিৎ কৃতং সর্ব-

মমৎসরম্ ॥”

উক্ত শ্লোকানুসারে ভক্তি-সাহায্যে মোক্ষলাভও  
হইয়া থাকে । যোগবাশিষ্ঠের মতে, মানসা-শান্তিই  
মোক্ষ । উক্ত গ্রন্থে বলা হইয়াছে,—

“মনঃ প্রশমনো রাম ! মোক্ষ  
ইত্যভিধীয়তে ॥”

উক্ত যোগবাশিষ্ঠের তৃতীয় সর্গের অন্তিম শ্লোকে  
বাল্মীকি কহিয়াছেন,—

“অশেষেণ পরিত্যাগো বাসনানাং  
য উত্তমঃ ।  
মোক্ষ ইত্যাচ্যতে ব্রহ্মন্ ! সএব বিমলঃ  
ক্রমঃ ॥”

উক্ত শ্লোকানুসারে অবধারণ করিতে হয়  
বাসনা সকলের সম্পূর্ণ ত্যাগই উত্তম-মোক্ষ ।

## মুক্তি

শ্রীমদ্ভাগবতোক্ত দ্বিতীয় স্কন্ধের দশম অধ্যায়ে  
বলা হইয়াছে,—

“মুক্তির্হি ত্ৰাণ্যথারূপ্যং স্বরূপেণ

ব্যবস্থিতিঃ ॥”

চতুর্থ অধ্যায় ।

বন্ধ-জীবের পুরুষার্থ নাই । মুক্তিলাভ হইলেই  
প্রকৃত পুরুষার্থ লাভ হইয়া থাকে । সুপ্রসিদ্ধ  
সাম্বাদর্শনে ভগবান্ কপিলদেব কহিয়াছেন,—

“ত্রিবিধ-দুঃখাত্যন্তনিবৃত্ত্যন্ত-

পুরুষার্থঃ ॥”

যথার্থই ত্রিবিধ-দুঃখের অভিশয় নিবৃত্তিই পরম-  
পুরুষার্থ । কারণ, ঐ ত্রিবিধ-দুঃখ থাকিতে পরম-

## মুক্তি ।

পুরুষার্থজনিত পূর্ণ-স্বাধীনতা লাভ হওয়া অতি  
অসম্ভব । পূর্ণ-স্বাধীনতা ঘাঁহার আছে, প্রকৃত  
কথায় তিনিই পুরুষ । সেই পুরুষের অধীন  
প্রকৃতি, কিন্তু তিনি প্রকৃতির অধীন নহেন ।  
পুরুষত্ব লাভ হইলে আর জীবত্ব থাকে না ।  
জীবত্বের অভাবে কেবল শিবই হইতে হয় ।  
পরিমিত লবণপিণ্ডের সহিত মহাসমুদ্রের অত্যন্ত  
সংশ্রব হইলে, সেই পরিমিত লবণপিণ্ডের অভাব-  
বশতঃ কেবলমাত্র জলরাশিই বিদ্যমান থাকে ।  
জীবের অভাবে কেবল শিবই বিদ্যমান থাকেন ।

---

পঞ্চম অধ্যায় ।

শরীর, ত্রিবিধ । স্থূল-শরীর বা জড়-শরীর,  
সূক্ষ্ম-শরীর এবং কারণ-শরীর । অগ্নি, মাংস,

## মুক্তি।

শোণিত প্রভৃতির সমষ্টি যে শরীর, তাহাকেই শূল-শরীর বলা হইয়া থাকে। সেই শূল-শরীরের অভ্যন্তরে ষট্চক্র বিद्यমান। সেই ষট্চক্রের সর্বাধচক্রের নাম, মূলাধার-চক্র। সেই চক্রেই ভূলোক অবস্থিত। সেই ভূলোকে বা পৃথিবীতে জীব বা জীবাঙ্গার বাসস্থান। ঐ ভূলোকে বা পৃথিবীতে যতকাল বদ্ধভাবে জীবের অবস্থিতি থাকে, ততকাল সেই জীবকে মুক্ত বলা যায় না; কিন্তু ঐ জীব যখন সেই ভূলোক হইতে সহস্রার স্থিত ব্রহ্মলোকে বা শিবলোকে যাইতে সক্ষম হন, তখনই তাঁহার জৈবভাবের নিরুত্তি হয়। সেই জৈবভাবের নিরুত্তিকেও এক প্রকার মুক্তি বলা যাইতে পারে। ১।

সম্পূর্ণ 'রেচক' অভ্যাস দ্বারা তাহাতে সিদ্ধ

## মুক্তি ।

হইলে, মূলাধার-চক্রস্থ ভূলোক হইতে অয়স্কান্ধমণি-  
কর্তৃক আকৃষ্ট লৌহের ন্যায়, সেই সহস্রারস্থিত  
পরমশিব কর্তৃক জীব আকৃষ্ট হন । সেই আকর্ষণ  
দ্বারা সুষুম্নার মধ্যগত ব্রহ্মনাড়ীর বা জ্ঞাননাড়ীর  
মধ্য দিয়া মুক্ত-জীব পরমশিবে সঙ্গত হন ।  
তখনই উভয়ের ঐক্য বা যোগ হয় । সেই  
যোগজনিত আনন্দ, সেই মুক্ত-জীবই সন্তোগ  
করিয়া থাকেন । সেইজন্য তখন তাঁহাকে যোগানন্দ  
'বলা যাইতে পারে । জীব ঐ প্রকারে যোগানন্দ  
হইলে, অনুলোম-বিলোমক্রমে সর্ববচক্রে ভ্রমণ  
করিলেও তিনি অজ্ঞানে অভিভূত হন না । ২ ।

## দ্বিতীয় ভাগ।

### প্রথম অধ্যায়।

যে নিজে সংসারী, সে অপর একজন সংসারীকে দোষে কেন ? অপর সংসারীকে দুঃখের পূর্বে নিজের সংসার ত্যাগ করা উচিত। ১।

যে ব্যক্তি পথভ্রান্ত হইয়া ঘুরিতেছে, তাহাকে কেবল পথহারা হইয়া ঘুরিতেছ কেন বলিলে, তাহার কি উপকার হইবে ? তাহার গন্তব্যপথ যদি জান, তাহা দেখাইয়া দাও। সংসারী হইয়া থাকা মন্দ বলিয়া, কেবল একজন সংসারীকে 'দুঃখিলে কি হইবে ? তোমার যদি ক্ষমতা থাকে, তাহার সংসার হইতে উদ্ধারের উপায় করিয়া দাও। ২।

## দ্বিতীয় অধ্যায় ।

এরূপ অনেক অসচ্চরিত্র লোক আছেন, যাঁহারা আপনাদিগকে কোন সৎকার্যের অনুষ্ঠান করেন না, অন্য কেহ তাহা করিবার উদ্যম করিলে ক্ষমতানুসারে বাধা দিবার চেষ্টা করেন । তাঁহারা ই মুক্তির মহাপ্রতিবন্ধক । তাঁহাদের কুসঙ্গ, সর্বতোভাবে পরিহার্য্য । ১ ।

নিজের মানসী-কুবৃত্তি সকলও মুক্তিলাভের বিষম-বাধা । সচৈতন্য-গুরু-নির্দেশিত সাধনার দ্বারা ঐ সকল বাধা অপসৃত করিয়া মুক্তিলাভের অধিকারী হইতে হয় । ২ ।

আবদ্ধ-জল মলিন হইলে, তাহাকে নির্মল করা অতি কঠিন । সংসারীলোককে আবদ্ধজলের ন্যায় জানিবে । ৩ ।



## মুক্তি।

যিনি সহজেই কোন জীবের রূপ ও গুণে মুগ্ধ হন, তাঁহার মুক্ত হইবার অনেক বিলম্ব আছে । ৪ ।

অনেক সংসারীজীব ললনার উপাসনায় যত রত, তাঁহারা যদি পরমেশ্বরের উপাসনায় তত রত হইতেন, তাহা হইলে তাঁহাদের মুক্তির অধিকারী হইবার কি আর অবশিষ্ট থাকিত ? ৫ ।

স্বর্গীয় বৃত্তান্ত শুনিবার জন্য—ঈশ্বরীয় কথা শুনিবার জন্য যাঁহার আগ্রহ আছে, তাঁহার মধ্যে সম্ভাবও আছে । তিনি মুমুক্শু । কোন দিন তাঁহার অবশ্যই মুক্ত হইবার সম্ভাবনা আছে । ৬ ।

বাসনা নিবৃত্তি হইলে, আশা নিবৃত্তি হয় । বাসনা থাকিতে আশার নিবৃত্তি হইতে পারে না । ৭ ।

অজ্ঞান নিবৃত্তি হইলে, অভক্তি নিবৃত্তি হয় । অজ্ঞানবশতই অভক্তি স্ফুরিত হয় । ৮ ।

## মুক্তি।

অজ্ঞানবশতই জীবের নানাপ্রকার বন্ধন।  
অজ্ঞানবশতই জীবের অমঙ্গল হইয়া থাকে।  
অজ্ঞান নিরাকৃত হইলে, কোন বন্ধন এবং কোন  
অমঙ্গলই থাকে না। অজ্ঞানই জীবের বিষম-বন্ধন।  
আজ্ঞানই অন্ধকার। ৯।

দিব্যজ্ঞানময়ী ঐশী-জ্যোতিতে যখন মনো-  
মন্দির আলোকিত হয়, তখনই অজ্ঞানান্ধকার  
তিরোহিত হয়। ১০।

অন্ধকার, অলোককে আবৃত করিতে পারে  
না, আলোকই অন্ধকারকে আবৃত করে।  
অজ্ঞানান্ধকার, জ্ঞানালোককে আবৃত করিতে পারে  
না, জ্ঞানালোকই অজ্ঞানান্ধকারকে আবৃত করিতে  
পারে। জ্ঞানালোকেই মহীয়সী-শক্তি। ১১।

নির্ম্মায়া-শক্তিই চিৎ-শক্তি। সেই চিৎ-শক্তিই

## মুক্তি।

কালী। তাঁহারই এক বিকাশের নাম দিব্যজ্ঞান। সেই দিব্যজ্ঞান, গুরুরূপ-পরম-শিবে নিহিত থাকে। বন্ধ-জীব গুরু-কৃপাবলেই সেই দিব্যজ্ঞান লাভ করিয়া দুঃখময় সংসার হইতে অব্যাহতি পাইয়া থাকেন। ১২।

নানা বিষয়ে জ্ঞান হইতে পারে। দিব্যজ্ঞানের সহিত তুলনা করিলে সে সমস্তকেই অজ্ঞান বলিতে হয়। ১৩।

যিনি দিব্যজ্ঞানরূপ সূর্পে ঝাড়িয়া সকল ধর্মের সকল সার গ্রহণ করিতে পারেন, তিনি ধর্ম-জগতে একজন সামান্য লোক নহেন। তাঁহার বেরূপ দিব্যজ্ঞান, সেরূপ দিব্যজ্ঞান সুলভ নহে। ১৪।

দিব্যজ্ঞান লাভ হইলেই সংসার হইতে মুক্তি

## মুক্তি ।

লাভ হইয়া থাকে । সংসার হইতে মুক্তিলাভ  
হইলেই প্রকৃত স্বাধীন হওয়া যায় । সংসার হইতে  
মুক্তিলাভ হইলেই শাস্ত হওয়া যায় । সংসার  
হইতে মুক্তিলাভ হইলেই মহাস্ত হওয়া যায় ।  
প্রকৃত মহাস্ত যিনি, তিনিই প্রকৃত কৃষ্ণ-  
ভক্ত । ১৫ ।

## তৃতীয় ভাগ।

### প্রথম অধ্যায়।

‘আমি-আছি’ বোধ যে শক্তি প্রভাবে হয়,  
তাহাই অহঙ্কার। সেই অহঙ্কার-প্রসূতই  
মমতা। ১।

কাহারও বা অধিক মমতা, আর কাহারও  
বা অল্প মমতা। প্রত্যেক জীবেরই অল্প বা অধিক  
পরিমাণে মমতা আছে। ২।

অহঙ্কার থাকিতে একেবারে মমতাশূন্য হওয়া  
যায় না। ৩।

দয়া অপেক্ষা মমতা অধিক বন্ধন। এক ব্যক্তির  
অভাব, দুঃখ কিম্বা শোক দেখিয়া দয়ার উদ্ভেক

হইলে, সেই অভাবের—সেই দুঃখের কিম্বা শোকের নিবৃত্তি করিতে পারিলে, সে ব্যক্তি সম্বন্ধে দয়ারও নিবৃত্তি হয় ; কিন্তু যাঁহাদের প্রতি মমতা আছে, তাঁহাদের অদর্শনে বরঞ্চ সেই মমতার বৃদ্ধি হইয়া থাকে । তাঁহাদের বিয়োগ হইলেও সেই মোহিনী-মমতার নিবৃত্তি হওয়া দুষ্কর । ৪ ।

• ‘আমি-আছি’ বোধ না থাকিলে, ‘আমার কিছু আছে’ও বোধ থাকে না । ৫ ।

• ‘এক-আছে’ বাহ্যিক বোধ আছে, ‘বহু-আছে’ও তাহার বোধ আছে । ৬ ।

যে জ্ঞান দ্বারা নিজের অস্তিত্ববোধ হয়, সেই জ্ঞান দ্বারা অগ্ন্যন্য সকলেরও অস্তিত্ববোধ হয় । ৭ ।

• ‘আমি-আছি’ বোধ বাতীত অন্য কিছু আছে,

## মুক্তি ।

বোধ হয় না । নিজের অস্তিত্ববোধই সকল বোধের কারণ । ৮ ।

নিজের অস্তিত্ববোধক জ্ঞান অব্যক্ত থাকিলে, ব্রহ্মজ্ঞানও স্মৃতি হইতে পারে না । ৯ ।

## দ্বিতীয় অধ্যায় ।

মমতারই অপর নাম, ‘বন্ধনাত্মক-অনুরাগ’ দেওয়া যায় । মমতা যাঁহার নাই, তাঁহার ঐ প্রকার অনুরাগও নাই । ঐ প্রকার অনুরাগশূন্য যিনি, তিনিই বৈরাগী । ১ ।

যিনি নিরহঙ্কার হইয়াছেন, তাঁহার কোন বস্তুতে মমতাও নাই । মমতা যাঁহার নাই, তাঁহার কিছুতে

‘বন্ধনাত্মক-অনুরাগ’ও নাই। বন্ধনাত্মক-অনুরাগশূন্য ব্যক্তিই প্রকৃত বৈরাগী বৈরাগীই মুক্ত। ২।

মমতার জনক, অহঙ্কার। নিরহঙ্কার হইতে নিৰ্ম্মমতার উৎপত্তি। বৈরাগীই নিরহঙ্কার—অতএব তাঁহার কিছুতেই মমতা নাই। বৈরাগী, সম্পূর্ণ নিৰ্ম্মম। নিৰ্ম্মম যিনি, তাঁহার কৃষ্ণ ব্যতীত কিছুতেই অনুরাগ নাই। যাঁহার কৃষ্ণ ব্যতীত কিছুতেই অনুরাগ নাই, তিনিই মুক্ত। ৩।



## চতুর্থ ভাগ।

### প্রথম অধ্যায়।

যিনি কখনও বদ্ধ হন নাই এবং যাঁহার কখন বদ্ধ হইবার সম্ভাবনাও নাই, তাঁহারই পক্ষে মুক্তি, তুচ্ছ। তুমি মায়া দ্বারা দৃঢ়রূপে বদ্ধ রহিয়াছ— অথচ তুমি মুক্তি চাহ না বলিতেছ; এ তোমার কি প্রকার কথা? তোমার পক্ষে মুক্তি, তুচ্ছ নহে— তোমার পক্ষে মুক্তি, অতি দুর্লভ। ১।

পরমেশ্বর-শ্রীকৃষ্ণ ব্যতীত অন্যান্য সমস্তে বীতরাগই মুক্তি। ২।

পরমেশ্বর-শ্রীকৃষ্ণে সম্পূর্ণ অনুরাগ হইলে; অন্য বস্তুতে আর অনুরাগ থাকে না। ৩।

## মুক্তি।

সংসার হইতে যাঁহার মনের ত্রাণ হইয়াছে, তিনিই মুক্ত। সংসার হইতে মুক্ত হইবার পদ্ধতি শিক্ষার নামই মন্ত্র-শিক্ষা। মন্ত্র-শিক্ষার পরে মন্ত্র-দীক্ষা লাভ হইলে মুক্তি হয়। ৪। •

সিদ্ধ-জ্ঞানীও মুক্ত, সিদ্ধ-ভক্তও মুক্ত। সাংসারিক কোন বিষয়ই তাঁহাদের স্পর্শ করিতে পারে না। ৫।

### দ্বিতীয় অধ্যায়।

। জীব-মুক্তি। পরমাত্মন্দরী যুবতী দেখিলেও যে যুবকের কামভাবের উদ্দীপনা হয় না, তিনিই জীবমুক্তির অধিকারী। ১। •

জীবমুক্ত-পুরুষ যিনি হইয়াছেন, তিনি • জীব নহেন। তিনি জীবের ন্যায় কোন অসৎকার্য্যও করেন না। ২। •

## মুক্তি ।

যিনি জীবিতাবস্থায় মুক্ত হইয়াছেন, তাঁহাকেই  
জীবমুক্ত-পুরুষ বলা যায় । ৩ ।

কাহারও দৈহিক সৌন্দর্য্যে এবং যৌবনে যিনি  
মুগ্ধ না হন, তিনিই জীবমুক্তপুরুষ । ৪ ।

যাঁহার কাহারও সহিত শত্রুতা কিম্বা মিত্রতা  
নাই, তিনিই জীবমুক্ত-পুরুষ । ৫ ।

পিতা-মাতা, ভ্রাতা-ভগিনী, পত্নী ও পুত্র-কন্যা  
প্রভৃতি পরমাত্মীয়গণের প্রতি পর্যান্ত যাঁহার স্নেহ-  
মমতা নাই, তিনিই জীবমুক্ত-পুরুষ । ৬ ।

যাঁহার পক্ষে সুখ্যাতি এবং অখ্যাতি তুল্য,  
তিনিই জীবমুক্ত-পুরুষ । জীবমুক্ত-পুরুষের  
সুখ্যাতিতেও আনন্দ নাই, অখ্যাতিতেও নিরানন্দ  
নাই । যিনি যৌবনে নিষ্কাম হইয়াছেন, তিনিই  
জীবমুক্ত-পুরুষ । ৭ ।

যাঁহার নির্মল স্বভাব, যিনি অতি সরল, বিক্রপ করিলে যাঁহার রাগ হয় না, তিরস্কার করিলে যাঁহার রাগ হয় না, ঘৃণা করিলে যাঁহার রাগ হয় না, উপীড়ন করিলে যাঁহার রাগ হয় না—যাঁহার দুঃখ হয় না, যাঁহার নিন্দা করিলেও রাগের উদয় হয় না—দুঃখের উদয় হয় না, তিনিই জীবমুক্ত-পুরুষ । নিয়ত তাঁহার সংসর্গে থাকিলে অজ্ঞানীও জ্ঞানী হয় । ৮ ।

• বন্ধন—যাঁহার পক্ষে বন্ধন নহে, তিনিই জীবমুক্ত-পুরুষ । তাঁহার কোন প্রতিবন্ধকই নাই । ৯ ।

যে জীবমুক্ত-আত্মজ্ঞানী-পুরুষের আত্মজ্ঞানই অম্বর হইয়াছে, তিনি সকল প্রকার বেশই পরিত্যাগ করিতে পারেন—অথবা তিনি সকল প্রকার বেশই ধারণ করিতে পারেন । তাঁহার

## মুক্তি।

নির্দিষ্ট কোন বেশ নাই, তাঁহার নির্দিষ্ট কোন  
সজ্জা নাই। তিনি যে চিদাম্বর—তিনি যে সান্ন্যাস।  
তিনি সর্ববেশী হইয়াও অবেশী। ১০।

### তৃতীয় অধ্যায়।

তুমি জীবমুক্ত-পুরুষ যাঁহাকে বলিতেছ, তিনিও  
এক সময়ে জীবন্ত দ্বারা বদ্ধ ছিলেন। পরমেশ্বর-  
শ্রীকৃষ্ণের সঙ্গে তাঁহার তুলনা, হইতেই পারে না।  
কারণ, পরমেশ্বরের পক্ষে মুক্তি, অতি তুচ্ছ।  
পরমেশ্বরের মুক্তির প্রয়োজনই হয় না।  
যাঁহার বন্ধনও নাই, তাঁহার মুক্তিও নাই। তিনিই  
পরমেশ্বর, তিনিই শ্রীকৃষ্ণ, তিনিই সচ্চিদানন্দ-  
সদাশিব, তিনিই সগুণ-নিগুণ ব্রহ্ম, তিনিই অবদ্ধ-  
অমুক্ত। ১।

## মুক্তি।

পরমেশ্বরের কখন বন্ধন হয় নাই। সেইজন্য তাঁহাকে চিরমুক্তও বলিতে পার না।

পরমেশ্বরের বন্ধন হয় নাই, সেইজন্য তিনি বন্ধও নন—মুক্তও নন। সুতরাং তিনি মুক্তি সুদূরভও বোধ করেন না। তাঁহার পক্ষে মুক্তি, অতি তুচ্ছ পদার্থ। কারণ, তিনি স্বয়ং মুক্তিনাথ। ২।

### চতুর্থ অধ্যায় :

বিদেহকৈবল্য। বিদেহীর দৈহিক কোন কার্যাই থাকে না। দেহের সঙ্গে তাঁহার কোন সম্বন্ধই থাকে না। ১।

শূল, সূক্ষ্ম এবং কারণ-শরীর হইতে আত্মার স্বতন্ত্রভাবে অবস্থানই বিদেহকৈবল্য। শূল, সূক্ষ্ম এবং কারণ-শরীরের সহিত আত্মার যতক্ষণ

## মুক্তি।

সম্বন্ধ থাকে, তত্তক্ষণ তাহার বিদেহকৈবল্য নহে। মহাত্মা জনক, বিদেহকৈবল্যের অধিকারী হইয়া-  
ছিলেন বলিয়া, অদ্যাপি তাঁহাকে বৈদেহী বলা হয়।  
পরমহংস মুনীশ্বর-শুকদেব গোস্বামীও বিদেহ-  
কৈবল্য লাভ করিয়াছিলেন। অন্যান্য অনেক  
ব্রহ্মর্ষিও বিদেহকৈবল্যের অধিকারী হইয়া-  
ছিলেন। ২।

পঞ্চম অধ্যায়।

নির্ব্বাণ। সমস্ত গুণকর্ম্মের অপ্রকাশকে  
নির্ব্বাণ বলা যায় না। নির্ব্বাণ শব্দের অর্থ, নাশ  
বলিলেও বলা যায়। কারণ, অগ্নি নির্ব্বাণ হইলে,  
তাহা আর থাকে না। ১।

ঐ লৌহ অগ্নি হইয়াছে। লৌহ—অগ্নি ছিল না,

## মুক্তি।

পরেও থাকিবে না। লৌহ, অগ্নি হইয়াছে, অথচ সে লৌহই আছে। শিব, জীব হইয়াছেন। শিব—জীব ছিলেন না, পরেও থাকিবেন না। অগ্নি নির্বাণ হইলেই যে লৌহ, সেই লৌহই থাকিবে—জীবের নির্বাণ হইলে, কেবল শিবই থাকিবেন। ২।

কাশীতে নিষ্পাপভাবে জীবের স্থূল, সূক্ষ্ম ও কারণ নামক দেহত্যাগ হইলে, জীবের ঐ ত্রিবিধ-তনু হইতে ত্রাণ হয়। সেই ত্রাণের নামও কেহ কেহ নির্বাণ বলিয়া থাকেন। ৩।

তুমি নির্বাণ প্রাপ্ত হইবে না। তোমার অহঙ্কার-শক্তি নির্বাণ হইবে। অহঙ্কার-শক্তি নির্বাণ প্রাপ্ত হইলে, তুমি নিরহঙ্কার হইবে—নিগুণ ও নিষ্ক্রিয় হইবে। ৪।

তুমি যতদিন না ঐ প্রকারে নিগুণ-নিষ্ক্রিয়



## মুক্তি।

হইতে পারিতেছ, ততদিন তোমার নির্বাণ  
হইবে না। ৫।

অনিত্যের নির্বাণ হইতে পারে। নিত্যের  
নির্বাণ হয় না। জীব—অনিত্য, তাহার নির্বাণ  
হইতে পারে। আত্মা—নিত্য, তাহার নির্বাণ  
হয় না। ৬।

আত্মার নির্বাণ হয় স্বীকার করিতে হইলে,  
যত দেহ—তত আত্মা স্বীকার করিতে হয়। এক  
আত্মার নির্বাণ হইলে, আরও অবশিষ্ট অনেক  
আত্মা থাকেন মানিতে হয়। ৭।

কাশীখণ্ডানুসারে জানা যায়, জীব—নিত্য নয়।  
কাশীখণ্ডের মতে জীবের কাশীতে দেহত্যাগ হইলে,  
তাহার শিবে নির্বাণ হয়। ৮।

চিরকাল যাহা না থাকে, তাহাই অনিত্য। যে

## মুক্তি।

অগ্নি নির্বাণ হয়, তাহা আর থাকে না ; সেইজন্য তাহা অনিত্য । কোন জীবরূপ অগ্ন্যাগ্নি শিবসাগরে নির্বাণ হইলে, তাহার আর অস্তিত্ব থাকে না । ৯ ।

সবিকল্প ও নির্বিকল্প-সমাধির দ্বারে নির্বাণ ।  
আত্মার জীবদ্দ নির্বাণ হইলে, আত্মার কৈবল্য হয় । নির্বাণ এবং কৈবল্য অভেদ নহে । ১০ ।

নির্বাণের পর কৈবল্য । কৈবল্য, নির্বাণের ফল । ১১ ।

---

## ষষ্ঠ অধ্যায় ।

কৈবল্য । ক্রিয়াযোগের অন্তর্গত অনেক প্রকার সাধনা আছে । ক্রিয়াযোগের সাহায্যে ধ্যান-যোগে অধিকার হয় । ধ্যানযোগে সিদ্ধ হইলে তবে জ্ঞানযোগী হইতে পারা যায় । জ্ঞানযোগে সিদ্ধ

## মুক্তি।

হইতে পারিলে নির্বাণ হয়। নির্বাণের পরে ‘কেবল’ হইতে পারা যায়। যিনি ‘কেবল’ হইয়াছেন, তিনিই প্রকৃত নিৰ্গুণ, নিষ্ক্রিয় ও অযোগী হইয়াছেন। ১।

কবে তুমি নিৰ্গুণ-নিষ্ক্রিয়-নির্লিপ্ত-অযোগী হইবে ? কবে তুমি অসঙ্গ-নিঃসম্বন্ধ হইবে ? কবে তুমি ‘কেবল’ হইবে ? ক্রিয়া-শক্তির সঙ্গে তোমার যোগ আছে ; সেই যোগ থাকার জন্য তুমি সদসৎ নানা কৰ্ম কর—সেই যোগ থাকার জন্য তোমাকে সদসৎ নানা কৰ্মের ফলভোগ করিতে হয়। ২।

সদসৎ উভয়বিধ ফলভোগই বন্ধন। ক্রিয়া-শক্তির সহিত যখন তোমার অযোগ হইবে, তখনই তুমি সদসৎ কৰ্মফলরূপ বিষম-বন্ধন হইতে নিষ্কৃতি পাইবে। ৩।

## বুদ্ধি।

পাতঞ্জলদর্শনানুসারে জ্ঞানই বুদ্ধিস্বরূপ। বুদ্ধিস্বরূপ  
যাহা, তাহা প্রকৃতির অংশ প্রকৃতি। বুদ্ধিস্বরূপ—  
প্রকৃতির অংশ প্রকৃতি হইলে, জ্ঞানও প্রকৃতির  
অংশ প্রকৃতি স্বীকার করিতে হয় ; কাবণ জ্ঞানই  
বুদ্ধিস্বরূপ। আত্মা ‘কৈবল্য’ হইলে বুদ্ধিস্বরূপ-জ্ঞানের  
সঙ্গে তাঁহার আর কোন সংশ্রব থাকে না।  
বুদ্ধিস্বরূপ-জ্ঞান তখন প্রকৃতিতে লয় হইয়া যায়। ৪।

যোগই কৈবল্যের কারণ ;—অথচ কৈবল্য-  
লাভ হইলে, নির্বিকার ও অযোগ্য হইতে হয়।  
যেমন সাধনাই সিদ্ধিপ্রাপ্তির কারণ ;—অথচ  
সিদ্ধিপ্রাপ্তি হইলে আর সাধনার অনুষ্ঠানও  
থাকে না। ৫।

সর্বদর্শার পরবর্তী যাহা, তাহাই কৈবল্য।  
কৈবল্যের অন্তর্গত কোন প্রকার দশাও নাই।

## মুক্তি।

সকল প্রকার সুখ-দুঃখের পরবর্তী কৈবলা—  
কৈবল্যের মধ্যবর্তী কোন প্রকার সুখও নহে,  
কোন প্রকার দুঃখও নহে। জ্ঞানার্জ্ঞানের পরবর্তী  
কৈবলা—কৈবল্যের মধ্যবর্তী জ্ঞানও নহে,  
অজ্ঞানও নহে। সকল প্রকার সদসৎ কর্মের  
পরবর্তী কৈবলা—কৈবল্যের মধ্যবর্তী কোন প্রকার  
সৎকর্মও নহে, কোন প্রকার অসৎকর্মও নহে।  
সকল গুণের পরবর্তী কৈবলা—কৈবলা  
গুণাতীত। কৈবল্যের মধ্যবর্তী কোন প্রকার গুণই  
নহে। ৬।

কৈবল্যালাভে সর্বব্যক্তি হইতে পারে—কেবল  
আত্মত্যাগই হইতে পারে না। আমি, আত্মা—  
আমি আমাকে কি প্রকারে ত্যাগ করিব? আমার  
সঙ্গে যে সকল বস্তুর সম্বন্ধ আছে, সে সকল বস্তু

ত্যাগ করা যায় ; আমার সঙ্গে যে প্রকৃতির, মায়ার, অনাত্মার, অস্মিতার বা অবিদ্যার সম্বন্ধ আছে, কৈবল্যালাভ হইলে তাহাও পরিত্যক্ত হয় । ৭ ।

সন্ন্যাস অর্থে সর্বব্যক্তি । নিজ ইচ্ছানুসারে সন্ন্যাস গ্রহণ করিবার কাহারও ক্ষমতা নাই । আত্মজ্ঞান ব্যতীত কৈবল্য হয় না । কৈবল্যে পরমসন্ন্যাস হয় । ৮ ।

ঐ সূবর্ণই মালিন্য নহে । ঐ সূবর্ণ মলিন হইয়াছে । ঐ সূবর্ণে যখন মালিন্য ছিল না, তখন ঐ সূবর্ণ মলিনও ছিল না । ঐ মালিন্য-বিশিষ্ট সূবর্ণকে মালিন্যবিহীন করিতে পারিলে, আর উহাকে 'মলিন-সূবর্ণ' বলা হইবে না ; তখন উহাকে সূবর্ণই বলা হইবে । জীবন্ত, আত্মার

## মুক্তি ।

মালিন্য । আত্মা জীবহরূপে মালিন্য-বিশিষ্ট হইলে, তাঁহাকে জীবাত্মা বলা হয় । আত্মার জীবহ-মালিন্য না থাকিলে, আত্মা আর জীবাত্মা নহেন । তখন আত্মা—কেবলাত্মা, তখন আত্মা—শুদ্ধাত্মা, তখন আত্মা—পরমহংসও নহেন । তখন আত্মা—পরমহংসের পরবর্তী । তখন আত্মা—গৃহস্থও নহেন, সন্ন্যাসীও নহেন । তখন আত্মা—অণু কোন প্রকার আশ্রমী নহেন । তখন আত্মা—অজ্ঞানীও নহেন, জ্ঞানীও নহেন । তখন আত্মা—অভক্তও নহেন, ভক্তও নহেন । তখন আত্মা—অধার্মিকও নহেন, ধার্মিকও নহেন । তখন আত্মা—পাপীও নহেন, নিষ্পাপীও নহেন । তখন আত্মা—অপণ্ডিতও নহেন, পণ্ডিতও নহেন । তখন আত্মা—অধমও নহেন, উত্তমও নহেন ।

মুক্তি

সেই সৰ্বাবস্থার পরবৰ্দ্ধিনী অনবস্থায় আত্মা,  
সৰ্বগুণ-বিবৰ্জিত নিষ্কিয় ও সম্পূৰ্ণ-সৰ্বোপাধি-  
শূন্য 'কেবল' ইন্ । ৯ ।







# বিজয়-ভেরী ।



উপনিষদ-রহস্য কার্য্যালয়

তইতে

শ্রীদুর্গাদাস বন্দ্যোপাধ্যায়

কর্তৃক প্রকাশিত

১৯২৬

দ্বিতীয় সংস্করণ ।



তারিখ চই আশ্বিন, সোমবার, সন ১৩২৩ সাল ।



মূল্য /১০ আনা ।

## দ্বিতীয় সংস্করণের বিজ্ঞাপন ।

প্রথম সংস্করণে মুদ্রিত পুস্তক সমূহ নিঃশেষিত হওয়ায়, কোনরূপ পরিবর্তন ও পরিবর্জন না করিয়া পুনর্মুদ্রিত করা হইল । মুদ্রাকর প্রমাদ দূর করিতে যথাসাধ্য চেষ্টা করা হইবাছে । কাগজের মূল্যাদিকা বশতঃ পুস্তকের মূল্য বৃদ্ধি করিতে বাধ্য হইলাম ।

১৩২৩, ৮ই আশ্বিন,  
হাওড়া, শ্রীগুরুমন্দির ।

বিনীত—  
প্রকাশক

ইকনমিক প্রেস ।

২৩ নং দর্পনারায়ণ ঠাকুরের ষ্ট্রীট, কলিকাতা ।

শ্রীকালিদাস মণ্ডল কর্তৃক মুদ্রিত ।

# বিজয়-ভেরী ।



[ ১ ]

মরণের রোলে পড়ি, কেন তুমি বীর ?

মাখি হতাশের ছায়া

ব্যাপিয়া সমগ্র কায়া

কেন এত যাতনা-অধীর ?

কেন পাষাণের ভার—

বুকে চাপা অনিবার

কেন এত বিষাদ প্রবীর !

ওই জ্ঞান—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।

[ ২ ]

কেন ক্লান্তি হে স্মৃধক—কেন অবসাদ ?

কেন তুমি নত শির—

ভয়দণ্ড কেন বীর—

কেন মুখ মণ্ডিত-বিষাদ ?

কেন অঁখি দীপ্তিহীন

ওষ্ঠাধর বিমলিন

নিরাশায় হেরিছ প্রমাদ ?

ওই শুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভরী ওম্-ওম্-ওম্ ।

[ ৩ ]

কেন জীব ! কেন ভাব নির্জীব জীবন ?

কেন ভাব মায়া ফাঁস

কুথিয়াছে কণ্ঠস্থাস—

কেন বৃথা করিছ রোদন ?

মায়া ঘোরে অচেতন

কেন ভাব আত্ম-প্রাণ

কেন বৃথা আত্ম-সমর্পণ ?

ওই শুন—ওই বাজে বোম্ বোম্-বোম্ !

আমার আনন্দ-ভেরী ওম্-ওম্-ওম্ ।

[ ৪ ]

কেন ওক আপনারে সংসারের দাস ?

কেনবে শ্রুজাল গাঁলে—

কল্পন ক'রেছ ছলে—

কোথা মায়। ?—কেন হা ততশ ?

করিছ সংসার ধর্ম—

কে বলিল “অপকর্ম—

পুল-পত্নী লৌহময় ফাঁস,—”

ওই শুন—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ । .

[ ৫ ]

মনের বিকার মাত্র জান নাকি মায়া !

মন তব ইন্দ্র জাল—

রচি চিত্র সুবিশাল

দেখাইছে কল্পনার ছায়া !

বল তাহে কিবা দোষ

কেন তাহে অসন্তোষ

কেন তাহে কষ্টকিত-কায়া !

ওই শুন ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।



[ ৬ ]

কে বলিল—“মাতা-পিতা-জায়া পরিবার

বিষ সব সাধনার—

ভেঙ্গে কর চুরমার

চাহ যদি কৃপা বিধাতার—”

একি প্রলাপ বাণী!

তাই কি চকিত প্রাণী—

দিবালোকে হেরিছ আধার ?

ভয় নাই ! ভয় নাই ! তাজ কুস্বপন

ওই শুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভেরী ওম্-ওম্-ওম্ !

## বিষয়-ভেরী।

[ ৭ ]

কে বলিল—“ঘর দ্বার জঞ্জালের রাশি ।  
হওরে অরণ্যবাসী,  
মাথিয়া বিকৃতি রাশি  
গুহামাঝে হওরে প্রবাসী ;  
আঁখি মুদি ভাব শূন্য  
তবে হ'বে আশা পূর্ণ—”  
কে শিখালে হইতে উদাসী ?  
ভয় নাই ! ভয় নাই ! ত্যজ ! কুস্বপন !  
ওই গুন ওই বাজে বোয়াম্ ! বোয়াম্ ! বোয়াম্ !  
আমার আনন্দ-ভেরী ওম্-ওম্-ওম্ ।

[ ৮ ]

গৈরিক বসনে কিহা জটাছুট জালে,  
 দণ্ড কমণ্ডলু মাঝে,  
 কিহা ভিক্ষকের সাজে  
 লুকান কি আমি কোন কালে ?  
 হিমাঙ্গি-তুমার-শৃঙ্গে  
 কল্লিত কনক-ভূজে  
 গুপ্ত আমি—কে তোনে শিগানে ?  
 ভয় নাই ! ভয় নাই ! তাজ কুস্বপন !  
 ওই শুন—ওই বাজে ব্যোম্ ! ব্যোম্ বোম্ !  
 আমার আনন্দ-ভেরী ওম্-ওম্-ওম্ ।

## বিজয়-ভেরী।

[ ৯ ]

হায় বে!—দাসত্ব কি স্বাভিজ্জীবী বলে  
আমি কি ছেড়েছি তোরে।

সংসার সাগর পারে—

নির্বাসিত করিয়াছি ছলে!

“মহাপাপী তুমি তাই

আমি ত তোমাতে নাই!”

বলেছি কি আমি কোন কালে?

ভয় নাই! ভয় নাই! তাজ কুস্বপন!

ওই গুন—ওই বাজে বোম্! বোম্ বোম্।

আমার আনন্দ-ভেরী ওম্-ওম্-ওম্।

[ ১০ ]

হও পাপী, কিম্বা তুমি হও পুণ্যবান্

হও কর্মী হও ত্যাগী,

হও রোগী, কিম্বা ভোগী,

হও হিন্দু, কিম্বা মুসলমান ;

হও নর, কিম্বা নারী,

রাজা—গৃহী কি ভিখারী

সর্বাবস্থে আমি যে সমান !

ভয় নাই ! ভয় নাই ! ত্যজ কুস্বপন !

ওই শুন—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।

[ ১১ ]

“সংসারী”, “সন্ন্যাসী”—সুধু পোষাকের ফের ;  
 প্রকৃতি-পুলিন্দা মাঝে  
 অনেক পোষাক আছে  
 আবশ্যকে হইবে বাহির !  
 পোষাকে কি ভুলি আমি  
 পোষাকে ভুলিছ তুমি—  
 আমি কিরে ধাক্কা পোষাকের ?  
 ভয় নাই ! ভয় নাই ! তাজ কুন্দপন !  
 ওই শুন—ওই বাজে বোম্ ! বোম্ ! বোম্ !  
 আমার আনন্দ-ভেরী ওম্-ওম্-ওম্ ।

[ ১২ ]

গৃহী যদি গৃহে থাকে—সন্ন্যাসী সন্ন্যাসে

চাহিওনা ওই দিকে

ভুলিওনা চাক্চিকে

ডুবিওনা পোষাকের আসে

ও দব (ঙ) শক্তি মোর—

আবশ্যক মত তোর

সাজিছিস কল্লিত-হরসে !

ভয় নাই ! ভয় নাই ! তাজ কুশপন !

ওই গুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভেরী ওম্-ওম্ ওম্

[ ১৩ ]

জান না কি—যাহা ভাব তাহাই সংসার ।

শূন্য ভাব—শূন্য আশা

শূন্যে অবস্থিত তুমি—

গড়ি দিব শূন্যের সংসার !

শূন্যে সমাধিস্থ হ'বে

শূন্যে তুমি লয় পাবে

শূন্যে হের সত্ত্ব আপনার !

ভয় নাই ! ভয় নাই ! ত্যজ কুস্বপন !

ওই শূন—ওই বাজে বোয়াম্ ! বোয়াম্ ! বোয়াম্ !

আমার আনন্দ-ভেরী ওম্-ওম্-ওম্ ।



[ ১৪ ]

ভাব যদি—পূর্ণ কিন্না নির্ঝিকার তুমি :—

হবে পূর্ণ—নির্ঝিকার !

চিন্তামত তদাকার—

আমার বিচিত্র রঙ্গতুমি !!!

যেভাবে ভাবনা তুমি

আমিই ঘুরায়ে আনি

কেন্দ্রে—যথা তুমি হও আমি

ভয় নাই ! ভয় নাই ! তাজ কুস্পন !

ওই গুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভেরী ওম্-ওম্-ওম্ ।

[ ১৫ ]

ভাবের তরঙ্গ কিঙ্ক নিস্তরঙ্গ ভাব,  
 আমারই প্রভাব সব  
 আবশ্যকে অমুভব  
 পুনঃ ত্যাগ—পুনঃ নব ভাব !  
 আমিই কল্পনা-জাল  
 আমি মায়া স্ববিশাল  
 সত্য, মিথ্যা আমিই ত সব !  
 ভয় নাই । ভয় নাই ! তাজ কুস্বপন !  
 ওই গুন—ওই বাজে বোম্ ! বোম্ ! বোম্ !  
 আমার আনন্দ-ভেরী ওম্-ওম্-ওম্ ।

[ ১৬ ]

কে বলিল অন্ধকারে রহিয়াছ তুমি।

সত্য যদি অন্ধকারে—

খোঁজ তবে সে আঁধারে

দেখিবে লুকান আছি আমি!

কোথা কি আলোক মেলে!

ক্ষুদ্র দীপ শিখা জ্বলে

কে খোঁজেরে দীপ্ত-দিনমণি!

ভয় নাই! ভয় নাই! ত্যজ কুস্বপন!

ওই শুন—ওই বাজে ব্যোম্! ব্যোম্! ব্যোম্!

আমার আনন্দ-ভেরী ওম্-ওম্-ওম্।

[ ১৭ ]

পরিচ্ছদে আগে তোর কিবা প্রয়োজন !

সাধু, যোগী, জটাধারী

দণ্ডী কিম্বা ফলাহারী

আগে কেন এত আয়োজন ?

সাধের পোষাক প'রে

যজ্ঞপ্তি না পাও মোরে

অবসাদে করিবে রোদন !

ভয় নাই ! ভয় নাই ! ত্যজ কুস্বপন !

ওই শুন—ওই বাজে বোম্ ! বোম্ ! বোম্ !

আমারে আনন্দ-ভেরী ওম্-ওম্-ওম্ ।

[ ১৮ ]

কিন্তু যদি পাও আগে খুঁজিয়া আমার ;

তখন প্রকৃতি তব

দিবে পরিচ্ছদ নত

সেজ্জ' তুমি যেমন সাজায় :—

মৌনী কিম্বা ব্রহ্মচারী

স্বামীজী কি গিরি, পুরী—

পাবে সাজ আমার ইচ্ছায় !

ভয় নাই ! ভয় নাই ! ত্যজ কুস্বপন !

ওই শুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভেরী ওম্-ওম্-ওম্ ।

[ ১২ ]

কারিতে বলি না কিছু তোমায় এখন ;  
 শুধু রে কাতর প্রাণে  
 থাক মোর অশেষণে  
 শুধু কর আমার চিন্তন ;  
 শুধু বল “কোথা তুমি ?  
 কোথা তুমি ? কোথা তুমি ?  
 কোথা তুমি”—কররে রোদন  
 ভয় নাই ! ভয় নাই ! ত্যজ কুসংসার !  
 ওই গুন—ওই বাজে ব্যোম ! ব্যোম ! ব্যোম !  
 আমার আনন্দ-ভেরী ওম্-ওম্-ওম্ ।

[ ২০ ]

দেখিবে—তোমারই সাজে হইব উদয় !

তোমারই পুলিন্দা খুলি

লইব পোষাক তুলি

প্রাণ তব যেমনটি চায়—

নব বিমোহন সাজে

তোমারই প্রাণের মাঝে

আলো করি হইব উদয় !!!

ভয় নাই ! ভয় নাই ! ত্যজ কুস্বপন !

ওই শুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভেরী ওম্-ওম্-ওম্ ।

[ ২১ ]

(তখন) দেখিবিরে রহিয়াছি আমি সর্বময়—

এই যে তোমাতে আমি !

এই যে আমাতে তুমি !

তুমি আমি ওই নে মিশায় !

কোথা সে সংসার আর—

ভব্যর্গব হৃদয়—

কোথা মায়া ! কোথা অন্ধকার !

ভয় নাই ! ভয় নাই ! তাজ কুস্বপন !

ওই শুন—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।



[ ২২ ]

【 এই যে রে চারিধারে রহিয়াছি তোরা !

এই যে সম্মুখে আমি !

এই যে পশ্চাতে আমি !

আশে পাশে এই যে রে তোরা—

উর্দ্ধে—অধে চারিধারে

এই যে রয়েছে ঘিরে

এই যে রে বুকের ভিতর !

ভয় নাই ! ভয় নাই ! তাজ কুস্বপন !

ওই শুন—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।

[ ২৩ ]

কি দেখিছ—কি শুনিছ—ভাবিছ কি আর !

দেখিছ যা আমি তাই !

শুনিছ যা আমি সেই !

ব্যাপিয়াছি বাহির ভিতর !

তুমি হইয়াছ আমি ।

আমি হইয়াছি তুমি !

তুমি আমি ভেদ নাই আর !

ভয় নাই ! ভয় নাই ! তাজ কুসুম !

ওই শুন ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।

[ ২৪ ]

মাগরে যেখানে লোষ্ট্র করনা ক্ষেপণ ।

যায় উহা তল দেশে ;

স্থান বা অবস্থা দোষে

বৃথা করু না হয় ক্ষেপণ ।

যে ধর্ম্মে যে অবস্থায়

থাক কিবা আসে যায়

পাবে তল কর অহেমন !

ভয় নাই ! ভয় নাই ! ত্যজ কুস্বপন !

ওই শুন—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।

[ ২৫ ]

জ্ঞান না কি মুক্তি অর্থে সাজুয়া-বিজ্ঞান !

পোষাকেতে সিদ্ধি মেলে

বাড়ে জ্ঞান সিদ্ধি পেলে

পোষাকের ছাই বিবর্তন ;

( তাই ) প্রয়োজন মত তোর

কভু সাধু, কভু চোর,

সাজ্জ তুমি করিছ ধারণ

ভয় নাই ! ভয় নাই ! ত্যজ কুস্বপন !

ওই গুন—ওই বাজে ব্যোম্ ! ব্যোম্ ! ব্যোম্ !

আমার আনন্দ-ভেরী ওম্-ওম্-ওম্ ।

[ ২৬ ]

জ্ঞান না কি—কৰ্ম মায়ে সিদ্ধি স্থনির্মল ;

সেথা কৰ্ম সেথা জ্ঞান

সেথা শক্তি সেথা প্রাণ

সেথা আমি আত্মা সুবিমল ।

কৰ্মমাত্র মম যজ্ঞ !

“কু” “সু” কভু নহে ভোগ্য

পথগুলি এ সব কেবল !

ভয় নাই ! ভয় নাই ! ত্যজ কাম্পন ।

ওই তুমি ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।

[ ২৭ ]

চাহিও না নিয়ে তাই বলি হে সাধক--

যেখানেতে তুমি থাক

স্বধু উর্কে দৃষ্টি রাখ

হইওনা আত্ম প্রবঞ্চক !

উর্কে চাও—উর্কে চাও

নিয়ে দৃষ্টি না ফিরাও

( অবস্থার ) পরিচ্ছদ যাক কিম্বা থাক

ভয় নাই ! ভয় নাই ! ত্যজ কুস্পর্শন !

ওই শুন—ওই বাজে বোম্ ! বোম্ ! বোম্ ।

আমার আনন্ড-ভেরী ওম্-ওম্-ওম্ ।

[ ২৮ ]

ভয় নাই ! ভয় নাই ! ত্যজ কুস্বপন ।

বিশিষ্ট ভাবেতে ওম্

তার নাম বোম্ ! বোম্ !

ওম্ নাদে বোমের স্রজন

জল, স্থল, বায়ু, বোম্

ওম্ পূর্ণ বোম্—বোম্

ওম্ বোম্ অ-রূপ মিলন !

ওই ওন—ওই বাজে বোম্ ! বোম্ ! বোম্

আমার আনন্দ-ভেরী ওম্-ওম্-ওম্ ।

[ ২৩ ]

ভয় নাই ! ভয় নাই ! তাজ কুসুপন !

দিবসে তারকাচয়

আছে ব্যোমে স্থানিচ্চয়

কিন্তু কেবা পায় দরশন ?

নিশার আঁধার এলে

ফুটে উঠে দলে দলে

তারাপূর্ণ হেররে গগন !

ওই গুন—ওই বাজে ব্যোম্ ! ব্যোম্ ! ব্যোম্ ।

আমার আনন্দ-ভেরী ওম্-ওম্-ওম্ ।



[ ৩. ]

তেমতি রয়েছি আমি কর দর্শন ,

নেভা তোর জ্ঞান শিখা

ধাব-করা-জ্যোতিঃরেখা

কর হৃদি আধারে মগন ;

বল মুখে ওম্-ওম্

শুনিবিরে বোম্ বোম্

বাজিছে আনন্দ ভেরী ব্যাপিয়। ভুবন !

চন্দ্রে, সূর্য্যে, বৃক্ষে, তৃণে,

ওম্-ওম্ রব শুনে

হও এসে আমাতে মগন !

ওই শুন—ওই বাজে বোম্ ! বোম্ ! বোম্ !

আমার আনন্দ-ভেরী ওম্-ওম্-ওম্ ।





